



सत्यमेव जयते

हायुडारि सोलोंथाइ बिखान्थि 2020

सोलोंथाइ मन्थि बिफान
भारत सोरखार

फारि नं.	आयदाफारि	बिलाइनं.
	सिनायथि	3
सेथि बाहागो (खोन्दो-I): फरायसालि सोलोंथाइ		
1	आगु गथ'सा जोथोन आरो सोलोंथाइ: सोलोंनायनि बिथा	8
2	बिथायारि फरायनो-लिरनो रॉनाय आरो सानगोरों खालामनाय:सोलोंनायनि थाखाय मोनसे गोख्रैनां आरो गोनांथार नांग्रोनाय	11
3	फरायसालि नागारनाय गथ'साफोरनि अनजिमाखौ खम खालामनाय आरो गासै थाखोनि सोलोंथाइखौ बयनिबो थाखाय मोनहोथारनायखौ रोखा खालामनाय	13
4	फरायसालिनि फरायफारि आरो फोरोंथाइ-आदबखान्थि: सोलोंनाया आबुं, खौसेथि, रंजा-बाजा आरो नांथाबनाय जानांगौ	15
5	फोरोंगिरिफोर	27
6	गनायथाव आरो सरजाबदेर सोलोंथाइ: गासैबोनि थाखाय सोलोंनाय	34
7	फरायसालि सोरबेंखन/थुबुरनि गेजेरजों आखा आरो होनाय फुंखा फाखा-खालामनाय सासन गोहोमगोनां	39
8	फरायसालि सोलोंथाइनि थाखाय मान फज'नाय आरो गनायनाय	43
नैथि बाहागो (खोन्दो II): गौजौसिन सोलोंथाइ		
9	गुनगोनां मुलुगसोलोंसालि आरो फरायसालिमाफोर: भारतनि गोजौसिन सोलोंथाइ बिखान्थिनि थाखाय मोनसे गोदान आरोदावगालु नोजोर	46
10	फसंथानआरि दाफिननाय आरोफोगोमनाय/जथाइ खालामनाय	48
11	मोनसे बांसिन आबुं आरो बांआयदायारि सोलोंथाइनि फारसे	51
12	सोलोंनायनि साबसिन आबहावा आरो फरायसानि मदद	54
13	गोसो गुदुं, राफोद आरो हारोंथाइयारि गियान	57
14	गोजौसिन सोलोंथाइयाव गनायथाव खालामनाय आरो सरजाबदेरनाय	59
15	फोरोंगिरि सोलोंथाइ	60
16	हाबायारि सोलोंथाइनि गोदान सानबोलावरि	62
17	गोदान हायुडारि बिजिरसं बिथा/गायसंनायनि गेजेरजों गासै फोथारावनो गुनगोनां सोलोंथाइयारि बिजिरसंखौ गोख्रैहोनाय	64

18	गोजौसिन सोलोंथाइ सामलाइ बिख्रान्थिखौ सोलायहोनाय	67
19	गोजौसिन सोलोंथाइ फसंथानफोरनि थाखाय गोहोमगोनां खुंथाइ आरो गाहाम दैदेनगिरि	70
थामथि बाहागो (खोन्दो-III): गुबुन गुबै नोजोरथिनि आयदाफोर		
20	जिउराहायारि सोलोंथाइ	72
21	बैसोगोरा सोलोंथाइ आरो अराय-जिउ सोलोंनाय	73
22	भारतारि रावफोर, आरिमु आरो हारिमु जौगाखांहोनाय	76
23	बिरोंदामिन बाहायनाय आरो खौसेथि खालामनाय	81
24	अनलाइन आरो डिजिटेल सोलोंथाइ: बिरोंदामिननि गनायथाव बाहायनायखौ रोखा खालामनाय	84
ब्रैथि बाहागो(खोन्दो-VI): मावफुंनायनि आदबखान्थि		
25	सोलोंथाइनि मिरु बोसोन होग्रा बर्डखौ गोख्रों खालामनाय	87
26	राडारि सुंथाथि: साफ्रोमबोनि थाखाय खरसा खालामनो हानाय आरो गुनगोनां सोलोंथाइ	88
27	मावफुंनाय	89
	सुंथाब महर	91

सिनायथि

सोलॉथाइया आबुं सुबुं रोंगौथि गुन मोनहोना मोनसे गनायजाथाव आरो न्यायारि समाज दानो आरो हादरआरि जौगानाय दावगाहोनायनि गुबै बिथा। गुनगोनां सोलॉथाइखौं साफ्रोमनोबो मोनहोनाया भारतनि अराय दावगानाय आरो रांखान्थियारि जौगानाय, समाजआरि न्याय आरो समान मोनथाइ, बैगियानिक जौगानाय, हादरआरि खुंथाइ आरो हारिमुआरि संरैखाथि बिथिडै मुलुगनां थाखोआव गुनगोनां खालामनायनि साबि। मुलुगनां जौगा-गुनगोनां सोलॉथाइया जौनि हादरनि बेसेनगोसा गियानिफोरखौं जौगाहोनाय आरो बांसिन खालामनायनि थाखाय साबसिन राहा-लामा होना सुबुं, समाज, हादर आरो मुलुगखौं मोजांसिन खालामग्रा फुंखाफोर। फैगौ जिथाइयाव भारतआ बुहुमनि बयनिखुइबो बांसिन जौमोन सुबुं थानाय हादर जागोन, आरो जौनि बिसोरनो जौगा-गुनगोनां सोलॉथाइयारि खाबुफोर जगायना होनो हानायानो जौनि हादरनि इयुन थांखिखौं मोनफुंनो हानाय जागोन।

गनायथाव दावगानायनि थाखाय 2030 एजेन्डानि थांखि 4 (SDG4) नि सिडाव थानाय बुहुमनां सोलॉथाइ जौगानाय एजेन्डाया 2015 आव भारतजौं गनायना लाजानायमोन- 2030 जौं “सरजाबदेर आरो गनायथाव गुनगोनां सोलॉथाइखौं रोखा खालामना गासैबोनि थाखाय अराय-जिउ सोलॉनायनि खाबुफोर मोनहोनाय” खौं हास्थायना। बेबादि गेरेमसा थांखिनि थाखाय गासै सोलॉथाइ बिखान्थिखौंनो मदद गोनां आरो थुलुंगाखां सोलॉनायसिम गोदानै दाफामफिननायनि गोनांथि जागोन, जाहाथे जोरथाइ जौगानायनि थाखाय 2030 एजेन्डानि गासै गोनां बिथांखि आरो थांखि (SDGs) फोरखौं मोनफुंनो हानाय जायो।

गियाननि बिथिडाव मुलुगआनो गोख्रै सोलायलानो लागासिनो दं। बायदि बायदि गोसो-नांथाव बिगियानारि आरो बिरोंदामिनआरि जौगानायफोर, जेरै- गेदेर खारिथि दावगाहोनाय मेसिन लारनिं, आरो आर्टिपिचियेल इन्टेलिजेन्सनि गेजेरजौं गोबां बुहुमनां रोंगौथि-गोनां नडै खामानिफोरानो जुन्थिफोरजौं मावजानाय जानो हागौ, जेब्ला बिगियान, समाज बिगियान आरो सुबुं बिगियानफोरनि गुबुन गुबुन आयदायारि गुन गोनांजौं लोब्बा लाखिना थि रोखोमै सानखान्थि, कम्पिउटार बिगियान, आरो खारिथि बिगियाननि लोब्बायारि सासे रोंगौथि-गोनां खामानि मावग्रानि गोनांथिया बांनयनिफ्राय बांसिनै गोनांथि जागोन। बारहावा सोलायनाय जेरै- आबहावा गुबुंले जानाय बांनय, मिथिगायारि फुंखाफोर खम जाबोनाय बादियै बेयाव मोनसे नांगौबादि सोलायनाय लाबोगोन, जेरैबादि जौं मुलुगनि गोहो, दै, आदारखौं मोनो बेबादियाव, आरो देहा रैखाथिनि गोनांथियाव, आरोबाव गोदान रोंगौथि-गोनां सान मुजिरा मावग्रानि थाखाय गोनांथि जानायाव फिथाइ होनाया जर'खायै जिबबिगियान, रासायन बिगियान, देहा-बिगियान, आबाद, बारहावा बिगियान, आरो समाज बिगियानाव। गिलु-बालु सनदेरग्रा बेराम आरो बुहुमनां सनदेरनाय बेरामनि हरखाब बांबोनाया सनदेरग्रा बेराम फाहामनाय आरो टीखा(भेक्सिन)दिहुननायाव लोब्बायारि नायबिजिरसंनयबो लाबोगोन आरो फिथाइ बादियै समाजआरि जेंना बांबोनायफोरनि बांआयदायारि सोलॉनायनि थाखाय गोनांथि लाबोगोन। सुबुं बिगियान आरो आरिमु आयदानि नांगौथिया बांसिन जागोन, भारत हादरआ जौगालु हादर जाबोनो लानायजौं लोगोसे मुलुगआव थानाय मोनथाम देरसिन रांखान्थियारि हादरफोरनि गेजेराव थानाय मोनसे जानो लानाय बादियै।

साखिनि बिथि आरो बुहुमनां सोरबिथि खान्थियाव गोख्रै सोलायनाय फेनायलाय बेयो जोबोर गोनां जानानै फेदोंदि- फरायसाफोरा जायखौं फोरोडो बेखौंथ' फरायखानांगोन बेजौं लोगोसे माब्रै फरायनांगौ बेखौंबो सोलॉनो अराय साग्रां जानांगोन। बेनिखायनो सोलॉथाइखौं खम आयदाफारि गोनां खालामना सोलॉनायनि फारसे बांसिन गोसो होहोसिननाया जागोन माब्रै गोथौ साननो आरो जेंना सुस्रानो, माब्रै सोरजिलु आरो बांआयदायारि गियान गोनां जानो, आरो माब्रै दिहुननो, गावनि खालामना लानो आरो गोदान-गुबै आरो सोलायलानाय फोथाराव थानाय गोदान मुवाफोरखौं मोजाडै बुजिना लानो बेफोरनि सोमोन्दै। फोरोंथाइ-आदबखान्थिया सोलॉथाइखौं बांसिन रोंमोन्थाइ गोनां, गोम्गो गियान गोनां, आंगो-गुदि, आन्जाद नायनाय गुदि, दिहुन्थाइ-सोलो गोनां, सोलॉग्रा-मिरुथि, सावरायनाय-गुदि, गोरलै-गेबें आरो थारैनो खहाबगोनां लाबोनाय जाथारनांगोन। फरायफारिया सोलॉग्राफोरनि गासै हास्थायनायफोर आरो हानाय-गुनफोरखौं मोनफुंनो

थाखाय बिगियान आरो सानखान्थिखौ लाफाना गुदि आरिमु, शिल्प, सुबुंथि, गेलेनायफोर, गेलेमुफोर आरो राफोद लाखिनाय, राव, थुनलाइ, हारिमु आरो बेसेन मोन्दांथिखौ सरजाबफानाय जागोन; आरो सोलोंथाइखौ साबसिनथार गुनगोनां, बाहायथावना खालामना सोलोंग्रानिसिम आबुं गियान होगोन। सोलोंथाइया फरायसाफोरखौ बोसोनारि, बानबुंथाइगिरि, अनसुला आरो जोथोनारि गुनगोनां जानाय आखुथाइ दागोन आरो लोगोसेनो बिसोरखौ आरजिनो हानाय थियारि खालामना साखि मावनो हानाय जाहोथारगोन।

आथिखाल सोलोंनायनि फिथाइनि थाथाइ आरो माखौ गोनांथि जानानै दं बे मोननैनि गेजेराव उन जाना थालांनायखौ आगु गथ'सा जोथोन आरो जौसिन सोलोंथाइनि गेजेरजों सोलोंथाइ होनायनि दारै बिखान्थियाव जौसिन गुन, गनाथाव आरो खौसेथि लाबोनायखौ मैखोम सोदांनायनि गेजेरजों सुफुंनो हायो।

जायखिजाया समाजआरि एबा रांखान्थियारिनि उनफिन-सानफिन बिजिरनाय गैयाजासे गासै फरायसाफोरनि थाखाय जौसिन-गुनगोनां सोलोंथाइनिगिम गनायथाव मोननो हानायजों 2040 माइथायनि गेजेराव भारतनि थाखाय मोनसे रावनिबो उन नडै सोलोंथाइ बिखान्थि मोननायनि थांखि थाथारगोन।

बे हायुडारि सोलोंथाइ बिखान्थि 2020 आ 21थि जौथाइनि सेथि सोलोंथाइ बिखान्थि जायनि थांखिया जौनि हादरनि जौगानायनि थाखाय एंगारजायै गोनांथिफोरखौ सुफुंनो नाजानाय। बे बिखान्थिया सासन खालामनाय आरो खुंथाइखौ लाफानानै सोलोंथाइ दाथाइनि गासै बिथिडाव सोदांनाय आरो दाफामनायनि थांखि दैखांदों, भारतनि दोरों आरो बेसेनथि बिखान्थियाव गायसनजानायब्लाबो बे खान्थिया SDG4 खौ लाफानानै 21थि जौथाइनि सोलोंथाइनि गांनाय-उरखैनाय थांखिफोरजों गोरोबहोना मोनसे गोदान बिखान्थि सोरजिनो थाखाय। हायुडारि सोलोंथाइ खान्थिया साफ्रोम गावारि सुबुंनियाव थानाय सोरजिलु हानाय-गुनखौ जौगाहोनायनि सायाव जर'खायै गोनांथि होदों। बे बिखान्थिया ओरैबादि गुननि सायाव गुदि खालामजानायदि, सोलोंथाइया मोनदांथियारि हानाय-गुनफोर- मोननै गुदि फरायनो-लिरनो रॉनाय आरो अनजिमा सानगोरों खालामनायनि 'बिथायारि हानाय-गुनफोर' आरो 'जौगा थाखो'नि मोन्दांथियारि हानाय-गोहो जेरै- गोब्राब साननाय-हनाय आरो जेंना सुस्रानाय आरिखौल'जौगाखांहोआ नाथाय समाजआरि, बोसोनखान्थि मानिसुला, आबेगारि हानाय-गोहो आरो आखुवारिखौबो जौगाखांहोयो।

बे बिखान्थिनि थाखाय गोजाम रोहो-रोहो दोरों आरो अराय भारतारि गियान आरो सानस्रियानो सोरांनि मोनसे राहा-लामा दिन्थिग्रा। सुबुंनि जौसिन थांखि महरै गियान, बिजिरनो हानाय गोहो आरो सैथोखौ मोननो हास्थायनाया भारतारिनि सानस्रि आरो सानथौ। गोदोनि भारतआव थानाय सोलोंथाइनि थांखिया बे मुलुगआव जिउ दैदेनलांनो थियारि जानायनि थाखाय गियान आरिजनाय एबा फरायखांनायनि उनाव जिउ दानायल' नडामोन नाथाय आबुं सानखांफिननो हानाय आरो गावारि उदांथि मोननायनि थाखायबोमोन। गोदोनि भारतनि ताक्षाशिला, नालान्दा, बिक्रमशिला आरो वल्लभी बादि मुलुग- थाखोनि फसंथानफोरा बांआयदायारि फोरॉनाय आरो बिजिरसंनायनि जौसिन मान थि खालामना होदोंमोन आरो गुबुन गुबुन बिथा आरो हादरनिफ्राय फेनाय फरायसा आरो बिजिरसंगिरिफोरखौ सोलोंथाइ लाहोनो खाबु होदोंमोन। भारतारि सोलोंथाइ बिखान्थिया चरक, सुश्रुत, आर्यभट, वराहमिहिर, भास्कराचार्य, ब्रह्मगुप्त, चाणक्य, चक्रपाणि दत्त, माधव, पाणिनि, पातानजलि, नागार्जुन, गौतम, पिंगला, शंकरदेव, मैत्रेयी, गार्गी आरो थिरुवाल्लुवारमोन बादि गोबां गेदेमा गोरों-गोरा सुबुंफोरखौ सोरजिदोंमोन, बे गेदेमा गोरों-गोरा सुबुंफोरनि गेजेराव थानाय माखासेया मुलुग गियान थाखोनि गुबुन गुबुन फोथार, जेरै- सानखान्थि, जौलारि बिगियान (एस्ट्र'नमि), धातु बिगियान, सावस्रि बिगियान आरो साव-हाखावनाय, सुबुंस्राइ सोरदिं (सिविल इन्जिनियारिं), बुमिनसार, रुंमा खालामनाय आरो रुंमा सालायनाय, य'गा, गुनगोनां आरिमु, चेस गेलेनाय आरियाव मुख'जाथाव बिहोमा होलांदोंमोन। बुहुमाव भारतारि हारिमु आरो सानथौआ मोनसे गोगोम गोहोम खोख्लैबोदोंमोन। बुहुमनि बेसेनगोसा दोरोंनि बेफोर उनमोनथाइखौ जौगाहोनाया जोथोन लानाय आरो इउननि थाखाय संरेखा खालामनायल' नडा अदेबानि जौनि सोलोंथाइ बिखान्थिनि गेजेरजों बेनि सायाव बिजिरसंनाय, फोगोमनाय आरो गोदान गोदान बिथिडाव बाहायनो होनायबो।

सोलोंथाइ बिखान्थियाव फोरोंगिरियानो गुदि सोदांनायनि मिरु जाथारगोन। गोदान सोलोंथाइ खान्थिया गासै बिथिडावनो फोरोंगिरिफोरखौ गोदानै गायसनफिननाय मदद खालामथारगोन जॉनि माहारिनि बांसिन मानगोनां आरो गोनांथार सोद्रोमाफोर महरै, मानोना बिसोरसो जॉनि उनजोलैनि हायुंसाफोरखौ थार ओंथियाव महर होयो। फोरोंगिरिफोरा जाफुंसार महरै हानायमानि गाव-गावनि बिबानखौ मावफुंनायाव बिसोरखौ मदद खालामनो आरो मोनथाइ गोहो होनो थाखाय बे खान्थिया गासैखौबो मावथारगोन। गोदान सोलोंथाइ खान्थिया गासै बिथिडाव फोरोंगिरि जिउराहायाव हाबनायनि बेलायाव बयनिखुइबो साबसिन आरो हामसिनथार सुबुंखौसो थिसननायाव मदद खालामथारगोन, जेब्ला बिखान्थियाव थानाय गुन सामलाइनाय आरो थि बिबान लालांनायनि गुदि आदबखौ होदोंब्लाबो बिथांमोननि जिउखाराहा, मान, सनमान आरो जारखुंथाइखौ रोखा खालामनायजों।

गोदान सोलोंथाइ खान्थिया गासै फरायसाफोरनि थाखाय बिसोरनि थाग्रा खुलिनि सोमोन्दै नेवसियालासे गुनगोनां सोलोंथाइ बिखान्थिखौ जगायथारगोन, जारिमिनारि रुगुडारि माहारिनि सुबुं, गोग्लैसोनाय माहारि आरो गुबुन थान्दैगैयै माहारिफोरनि सायाव थि नोजोर होनायजों। सोलोंथाइया रंखान्थियारि आरो सामाजारि सोलायनाय, समाजआव सोसनफानाय आरो समान मोन्थाइ मोनफुंनो हानायनि थाखाय मोनसे गेदेर गुनगोनां आरो साबसिनथार बिजों। बिबान लानाया ओरैबादि रोखा खालामथारनायदि बैबादि गोग्लैसोनाय माहारिनि गासै फरायसाफोरनो थासारिनि रोजा जेंना थासेयावबो सोलोंथाइ बिखान्थियाव हाबनो आरो साबसिनथार जानो हानायनि हानायमानि गुदि राहा होनाय।

बेफोर गासै थादेरसाफोरा ओनसोलनि आरो हादरनि बुहुमनां गोनांथिफोरखौ थि खालामना सोफादेरजानाय जाथारगोन आरो बेयो भारतनि बेसेनगोसा बायदि रंगिना-संगिना महर आरो हारिमुनि फारसे मान आरो सनमान लाखिनायजों। भारतनि जौमोनफोरनो भारत हादरनि गियान आरो बेनि बायदि समाजआरि, हारिमुआरि आरो बिरोंदामिनआरि गोनांथिफोरजों लोगोसे रावजोंबो रुजुजायै आरिमु, राव आरो गोखों दोरोंनि सोमोन्दै गियान होनाया हायुडारि गोग्गा, गाव-फोथाइथि, गाव-गियान, गावजों-गाव मदद होलायनाय आरो खौसेथिनि फारसे बांसिन गोसो होसिननाय।

सिगांनि बिखान्थिफोर

सोलोंथाइनि सायाव सिगांनि बिखान्थिफोरनि मावफुंनाया सोलोंथाइ मोननाय आरो गनायथाव होनाय आयदाफोरनि सायाव बांसिनै गोसो होसिननाय। बे बिखान्थिनि गेजेरजों 1986 माइथायनि हायुडारि सोलोंथाइ खान्थिनि मावफुंजोबै हाबाफारि (एजेन्डा), जायखौ 1992 माइथायाव (NPE1986/92) सोदांनाय जादोंमोन बेफोरखौ आरजाथावै थि खालामनायमोन। 1986/92 माइथायनि थानाय बिखान्थिनि उनाव मोनसे गुदि जौगानाया जादों बेसेननाडै आरो लाथारनोगोनां सोलोंथाइ बिखान्थि 2009 आ गथ'साफोरनि मोनथाइ जाय बयनिबो थाखाय गुदि सोलोंथाइ मोनफुंनायनि आयेनारि बिथा गायसनदोंमोन।

बे बिखान्थिनि बोसोनखान्थिफोर

सोलोंथाइ बिखान्थिनि थांखिया गुनगोनां बोसोनखान्थि थानाय आरो बेसेनथि गुनजों मालायनि फारसे अनखानाय आरो समान मोन्दांथि थानाय, साहस आरो जेंना बोस्रानो हानाय, गोनोखोआरि सानस्रि आरो सोरजिलु सानबोलावरि गोहो होना बानगोनां साननो-हनो आरो मावनो गोरों जानो हानाय मोजां सुबुं जौगाहोनायनि थाखाय। बेनि थांखिफोरा जॉनि संबिजिराव होखानाय बादियै गनायथाव, सरजाबदेर आरो बांमाहारि दानो नांथाबनाय, दिहुनथाइ आरो अबदान होग्रा हायुंसा सोरजिनायनि थाखाय।

गंसे मोजां सोलोंथाइ फसंथानआ मोनसे ओरैबादि फसंथान जेराव साफ्रोम फरायसाफोरा बरायनाय आरो जोथोन लानायखौ मोन्दाडो, जेराव सोलोंनायनि मोनसे रैखाथि आरो फोजाखांनाय आबहावा थायो, जेराव सोलोंनायनि बायदि रोखोम रोंमोन्थाइफोरखौ होनाय जायो आरो जेराव गासै फरायसाफोरनि थाखाय मोजां देहायारि दाथाइ आरो सोलोंनायनि थाखाय गोनां आरजाथाव फुंखाफोर मोननो हानाया दं। बेफोर गुनफोरखौ मोनफुंहोनो नाजानाया मोनफ्रोमबो सोलोंथाइ

फसंथानफोरनि थांखि जाथारगोन। अदेबानि, बेजों लोगोसेनो बेयाव गुबुन गुबुन फसंथान नाडै खौसेथि आरो सोलोंथाइनि फसंथानफोराव आरो गासै थाखोफोराव सोमोन्दो थालायनायबो जाथारगोन।

बांसिनै सोलोंथाइ बिखान्थि आरो गावारि सोलोंथाइ फसंथानफोर मोननै बेनि सिडाव थानाय राहा-लामा दिन्थिनायनि गुदि बोसोनखान्थिफोरा जादों फारियै:

- साप्रोम फरायसानि जर'खा हानाय-गोहोखौ गनायथि होनाय, सिनायथि होनाय आरो जोथोन लानाय-सोलोंथाइयारि आरो सोलोंथाइयारि-नडै बिथिफोर मोननैयाव साप्रोम फरायसानि गोगो रोंगौथि गुन जौगाहोनो थाखाय फोरोंगिरिजों लोगोसे बिमा-बिफाफोरखौ सांग्रां खालामनायजों;
- थाखो 3 सिमाव गासै फरायसाफोरखौ बिथायारि फरायनो-लिरनो रॅनाय आरो अनजिमा सानगोरों खालामनायाव बांसिन गोनांथि होनाय;
- फरायसाफोरहा गावसोरनि सोलोंनाय दावगालांनायनि लामा आरो हाबाफारिखौ सायख'ना लानो हानायनि गोहो आरो बेनि गेजेरजोंनो गावनि रॅनाय-थानाय आरो गोसो-जानाय बादियै जिउआव गाव गावनि असे लामाखौ सायख'ना लानो हानायनि गुरुंथि थागोन;
- खहागोनां गोजौ-गाहाय थाखो राननाय मानफारिफोर आरो सोलोंनायनि गुबुन गबुन आयदाफोरनि गेजेराव थानाय फारागथिखौ जानगार जाहोनायनि थाखाय आरिमु आरो बिगियाननि गेजेराव, फरायफारि आरो उफ्रा-फरायफारि मावफारिफोरनि गेजेराव, हाबाफारि आरो सोलोंथाइयारि बोहैथि दाहारनि गेजेराव मोनबो रोखा बोखावनाय थानाडा,
- गासै गियाननि खौसे आरो आंगोथिखौ रोखा खालामनायनि बिथिडाव मोनसे बांआयदायारि बुहुमनि थाखाय बिगियान, समाज बिगियान, आरिमु, सुबुं बिगियान आरो गेलेमुआव मोनसे बांआयदायारि आरो मोनसे आबुं सोलोंथाइ होगोन;
- आन्जादनि थाखाय रट सोलोंनाय एबा ओरैनो गोसोआव लानाय आरो फरायनायनि सोलाय सानदांथाइयारि बुजिनायनि सायाव बांसिन गोसो होनाय;
- गोदानारि सानखांथि बाहायनाय थिरांथा लानाय आरो दिहुननायखौ थुलुंगा होनो थाखाय सोरजिलु आरो बिजिरलु सानसि होनाय;
- बोसोन बिद्धा, सुबुडारि आरो संबिजिरारि बेसेनथि जेरै- समान मोन्दांथि, गुबुननो मान होनाय, साखोन-सिखोन, सोद्रोम आखु, सुबुंखान्थि जिउमा, मावमिननि जिउमा, सरकारि सम्पथिनि फारसे मान होनाय, गोनोखोआरि साननाय-हनाय, उदांसि, बिबान, महरबांखान्थि, समान-मोन्थाइ आरो न्याय;
- फोरॅनाय आरो सोलोंनायाव बांरावारि आरो रावनि गोहोखौ थुलुंगा होनाय;
- जिउ सोलोफोर जेरै- सुंजाबलायनाय, मदद होलायनाय, हानजायारि हाबा-हुखा आरो जॅना बोस्रानो हानाय;
- आथिखालनि 'सम खानाय फोरॅनाय (कचिं) हारिमु'खौ थुलुंगा होग्रा फरायखां सुथाइनि सोलाय फरायफुनाय समावनो साजायारि सुथाइनि सायाव गोसो होनाय;
- फोरॅ-सोलों हाबाफारियाव हानायमानि बिरॅंदामिन बाहायनायनि सायाव गोनांथि होनाया रावनि जॅनाखौ गैथै खालामनो, दिव्यांग (बेंगुरा-बेंगुरि) फरायसाफोरनि थाखाय गोरलैथै सोलोंथाइ मोननो हानायखौ बांसिन खालामनो, आरो सोलोंथाइयारि थांखि खानो आरो सामलाइनो;
- गासै फरायफारि, फोरॅंथाइ-आदबखान्थि आरो बिखान्थियाव थानाय फारागथि आरो ओनसोलारि आबहावाखौ

मोनसे मान होनायाव जेब्लाबो गोसोआव लाखिनांगोनदि सोलोंथाइया मोनसे जथाइ आजावफारि आयदानि;


- सोलोंथाइनि गासै थांखि लानायफोरनि बिथा महरै आबुं गनायथि आरो सरजाबदेरनाया ओरैबादि रोखा खालामनायदि जाहाथे फरायसाफोरा सोलोंथाइ बिखान्थियाव जाफुंसारनो हायो;
- आगु गथ'सा जोथोन सोलोंथाइनिफ्राय लानानै फरायसालि सोलोंथाइ आरो जौसिन सोलोंथाइसिमनि सोलोंथाइनि गासै थाखोफोराव थानाय फरायफारिफोरनि गेजेराव मोनसे सोमोन्दो थागोन;
- फोरोंगिरि आरो फसंथानखौ सोलोंनाय फारिखान्थिनि मिरु होनना गनायनांगोन- बिथांमोननि थिसननाय आरो सोलिफु जिउराहाआरि दावगानाय, मोजां खामानि मावग्रा आबहावा आरो मावमिननि थासारि होनना;
- बिथायारि गथ'सा जोथोन सोलोंथाइनिफ्राय लानानै फरायसालि सोलोंथाइ आरो गोजौसिन सोलोंथाइसिम गासै थाखोफोरनि फरायफारिफोरनि गेजेराव मोनसे गोरोबलायनाय थानांगौ।
- उदां-खुंथाइ, मोजां खुंथाइ, आरो मोनथाइ-गोहो होनायनि गेजरजों गोदानारि सोरजि आरो मोजांफोरनि मादाव साबसिन बुंथिखौ थुलुंगा होनाय दंब्ला हिसाब होनाय आरो सुबुं मिथिसारहोनायनि गेजेरजों सोलोंथाइ बिखान्थिनि खौसेथि, नुसारनाय आरो फुंखा गुनगोनांखौ रोखा खालामनो थाखाय मोनसे 'गोरलै नाथाय गोख्रों नेमखान्थि खाथाम' थागोन;
- साबसिनथार गुनगोनां सोलोंथाइ आरो दावगानायनि थाखाय मोनसे लेडाइ-गोनांथि बादियै साबसिन-हामसिन थाखोमाननि बिजिरसंनाय थागोन;
- सोलोंथाइयारि रोंग'साफोरनि गेजेरजों गनायथाव बिजिरसंनाय आरो सुथाइनि सायाव सोनारनानै जौगानायनि सोलिफु नायफामनाय एबा नायफिननाय थागोन;
- भारतआव मोनसे रोदा-सुहाबनाय आरो गोगाथि, आरो बेनि धोनि, बायदि रोखोमथि, गोजाम-गोदान हारिमु आरो गियान बिखान्थि आरो दोरोंफोर।
- सोलोंथाइया मोनसे सुबुं मावमिन;गुनगोनां सोलोंथाइ मोननो हानायखौ साफ्रोम गथ'साफोरनि मोनसे गुदि मोनथाइ होनाय जाथारनांगोन;
- मोनसे गोगोम, गोसो थुलुंगाखांथि सुबुं सोलोंथाइ बिखान्थियाव थोजासे रां-खाथाइनाय- लो गोसेनो थार सुबुं अनसायारि गावारि आरो समाजआरि बाहागो लानायखौ थुलुंगा आरो मान होनाय।

बे बिखान्थिनि नोजोर

बे हायुडारि सोलोंथाइ बिखान्थिनि नोजोरा भारतारि थिरांथाइनिफ्राय (तत्व) रज'खांबोनाय मोनसे सोलोंथाइ बिखान्थि जाय भारतखौ मोनसे समान मोन्दांथिगोनां आरो गोसो थुलुंगाखांथि गियानारि माहारियाव थि खालामनायै सोलायनो थाखाय थोजोडै अब'दान होयो साफ्रोमनोबो जौगा-गुनगोनां गोमो सोलोंथाइ मोनहोनायै आरो बेजों लो गोसेनो भारतखौ मोनसे बुहुमनां गियाननि रासिन-गोहो गोनां सोरजिनो नाजानाय। बे बिखान्थियाव सानथांखि लानाय जादोंदि जौनि फसंथानफोरनि फरायफारि आरो फोरोंथाइ-आदाबखान्थिया फरायसाफोरनि गोसोआव गुदि बिबानफोर आरो संबिजिरारि बेसेनथिनि मोनसे गोथौ मान मोनदांथि होगोन गावनि हादरजों नांथाबना थाहोना आरो मोनसे सोलायस्लु मुलुगआव हायुंसानि बिफाव आरो बिबानफोरखौ लानायव थि सांग्रांथि खालामना। बे बिखान्थिनि नोजोरा फरायसाफोरनि गोसोआव भारतारि जानायै मोनसे थि गोगानाय मोनदांथि लाबोनो नाजानाय, बेयो साननायावल' नडा नाथाय जिउमा, बुद्धि आरो हाबा-हुखा मावनायनि फारसेबो, बेजों लो गोसेनो गियान, सोलो, बेसेनथि बांहोनायनि थाखाय आरो आखुथाइफोर लाहोनाया ओरैबादिदि सुबुं मोनथाइ, गनायथाव दावगानाय आरो जिउखांनाय मावनां बिबान रुजुननो हानाय जाहोना बुहुमनाडारि गोजोन थांना थाहोनाय जाहाथे थार ओंथियाव बुहुमनां हायुंसा जानो हायो।

सेथि बाहागो (खोन्दो-1): फरायसालि सोलोंथाइ

बे बिखान्थिया आथिखालनि 10+2 दाथाइयारि फरायसालि सोलोंथाइखौ 5+3+3+4 नि मोनसे गोदान फोरोंथाइ-आदबखान्थियारि आरो फरायफारियारि दाफिननाय 3 बोसोर बैसोनिफ्राय 18 बोसोर बैसोसिमनिखौ गाहायनि महर दाथाइयाव होनायबादि महरजों सोदांनाय जागोन आरो बेनि सोमोन्दै आयदा 4 आव गुवारै सावरायनाय जादों।



आथिखालाव 3 बोसोर बैसोनिफ्राय 6 बोसोर बैसोनि गथ'साफोरा 10+2 आरि दाथाइ गैया मानोना 6 बोसोर बैसोनि गथ'साफोरखौ थाखो 1 आव हाबनो होनाय जायो। गोदान 5+3+3+4 दाथाइयाव 3 बोसोर बैसोनिफ्राय आगु गथ'सा जोथोन आरो सोलोंथाइ (ECCE) नि मोनसे गोगोम बिथाखौ सोदेरफानाय जादों जायनि थांखिया गथ'साफोरनि सोलोंनाय, दावगानायखौ साबसिन जाहोना अराय मोजां जाहोनाय।

1. आगु गथ'सा जोथोन आरो सोलोंथाइ: सोलोंनायनि बिथा

1.1. 85 जौखोन्दोनिबो बांसिन गथ'साफोरनि मोनसे बांनाय मेलेम दावगानाया 6 बोसोर बैसोनि सिगांनो जागयो आरो बेनो दिन्थिना होयोदि गोगो मेलेम दावगानाय आरो जौगानायखौ रोखा खालामनो थाखाय गिबि बोसोर बैसोआवनो मेलेमनि गोनांथार आरजाथाव जोथोन आरो फोजाखानाय नांगौ। आथिखालाव जर'खायै समाजआरि-रांखान्थियारि बिथिडाव गोगलैसोना थानाय कौटि गथ'साफोरनि थाखाय गुनगोनां आगु गथ'सा जोथोन आरो सोलोंथाइ (ECCE) गैया। आगु गथ'सा जोथोन आरो सोलोंथाइ (ECCE) आव गोगोम रां-खाथायनायानो बेबादि सोलोंथाइखौ गासै जौमोन गथ'साफोरनो मोनहोना हानायनि गोहो लागोन जाय बिब्दि मोननो हाहोनायानो सोलोंथाइ बिखान्थियाव बिसोरखौ गासै

जिउआव बाहागो लानो आरो गेवलांसारनो हाहोनाय खालामनाय। मुलुगनां राहा थानाय गुनगोनां आगु गथ'सा दावगानाय, जोथोन आरो सोलॉथाइखौ हानायमानि गोख्रै मोनफुंहोथारगोन आरो 2030 माइथायनि सिगांनो बेखौ रोखा खालामगोनदि थाखो 1 आव हाबनो गोनां गासै गथ'साफोरा फरायसालियाव थांनो थाखाय थियारि जाखानाय।

1.2. आगु गथ'सा जोथोन आरो सोलॉथाइ (ECCE) आव आदर्श महरै दं गुरुंथि, बांमहरारि, बांथाखोआरि, गेलेनायारि, मावफारियारि आरो संदानारि सोलॉनाय आरो बेफोरनि सिडावनो दं, जेरै- हांखो, राव, अनजिमा, साननायफारि, गाब, महर, इसिनि एबा बायजोनि गेलेनाय, जेथोगोनां आरो जुक्टियारि साननाय-हनाय, जेंना-सुस्रानाय, सावगारि बोनाय, महर एरखानाय आरो गुबुन नुथाइयारि आरिमु, दामिन, फावथाइ, मुसुखा दिन्थिनाय, देंखो आरो मोसानाय। बेबो दंदेरबावो समाजआरि हानाय-गोहो, सुबुडारि मोनदांथि, मोजां आखु, माहि, बोसोनखान्थि, गावारि आरो सुबुडारि साखोन-सिखोन, हानजायारि हाबा आरो मदद होलायनायखौ दावगाहोनायनि सायाव नोजोर होनाय। आगु गथ'सा जोथोन आरो सोलॉथाइ (ECCE) नि जथाइ थांखिया गथ'साफोरनि देहा-मोदोमारि दावगानाय, मोन्दांथियारि दावगानाय, समाजआरि-आबेगारि-बोसोनखान्थि दावगानाय, हारिमुआरि/आरिमुआरि दावगानाय, सुंजाबनाय (रायलायनाय) आरो गिबि राव, फरायनो-लिरनो रॉनाय, अनजिमा सानगोरों जानाय दावगानायनि बिथिडाव बांसिन फिथाइ लाबोनो हास्थायनाय।

1.3. 8 बोसोर बैसोसिमनि गथ'साफोरनि थाखाय आगु गथ'सा जोथोन सोलॉथाइनि थाखाय मोनसे हायुडारि फरायफारि आरो फोरोंथाइ-आदबखान्थियारि खाथाम (NCPFECCE) आ NCERT जों मोननै बाहागोआव जौगाखांहोजागोन, जेरै-0-3 बोसोर बैसोसिमनि गथ'साफोरनि थाखाय गांसे दालाइ-खाथाम आरो 3-8 बोसोर बैसोसिमनि गथ'साफोरनि थाखाय गुबुन गांसे दालाइ-खाथामै, गोजौआव मुख'नाय दिन्थि राहानि बादियेनो, ECCEनि सायाव गोदानसिन नायबिजिरसं खालामना हायुडारि आरो हायुंगेजेरारियै साबसिन-हाबसिन खालामना होनायै। जर'खायै भारतनि गोबां धोनि ओनसोलारि दोरोंफोरखौ जौथाइनि समाव जेरै- आरिमु, सल', खन्थाइ, गेलेनाय, मेथाइ आरो गोबांखौ लोब्बा लाखिना आगु गथ'सा जोथोन आरो सोलॉथाइ (ECCE) नि सिडाव सोसननायाबो गनायथावै सोसनफाजानाय जागोन। सोलॉथाइनि बे खाथामआ बिमा-बिफार्जों लोगोसे आगु गथ'सा जोथोन सोलॉथाइनि फसंथानफोर मोननैनोबो लामा दिन्थिना होगोन।

1.4. गोनांथारसिन थांखिया जागोन मोनसे आखुथाइ खोन्दो फारियै हादरनाडै बयनिबो थाखाय जौगा-गुनगोनां आगु गथ'सा जोथोन आरो सोलॉथाइ (ECCE) मोननो हानायखौ रोखा खालामनाय। समाजआरि-रांखान्थियारि बिथिडाव गोग्लैसोना थानाय जिल्ला आरो ओनसोलफोरखौ जर'खा नोजोर आरो आगुथि (सिगांग्रो जायगा) होनाय जागोन। आगु गथ'सा जोथोन आरो सोलॉथाइ (ECCE) खौ आगु-गथ'सा जोथोन सोलॉथाइ फसंथानफोरनि मुख'जाथावै फेदेरनाय आरो फोगोमनाय एबा गोख्रोंसिन बिखान्थिनि गेजेरजों मोनहोनाय जागोन, बेफोर फसंथानफोरा जादों- (क) आलादायै सोलिनाय अंगनावादि मिरु (ख) गुदि फरायसालिफोरजों थाफानाय अंगनावादि मिरु (ग) गुदि फरायसालिजों लोगोसे थानाय 5-6 बोसोर बैसोसोआव फोलोमग्रा गिबि-गुदि फरायसालिफोर/खोन्दोसाफोर (घ) हारसिडै सोलिनाय गिबि फरायसालिफोर- बेफोर गासै फरायसालिफोरा आगु गथ'सा जोथोन आरो सोलॉथाइ (ECCE) नि फरायफारि आरो फोरोंथाइ-आदबखान्थियाव जरखायै फोरोंथाइ मोननाय मावग्रा/फोरोंगिरिफोरखौ थिसनगोन।

1.5. बयनिबो थाखाय आगु गथ'सा जोथोन आरो सोलॉथाइखौ (ECCE) मोननो हानाय खालामनो अंगनावादि मिरुफोरखौ जौगा-गुनगोनां इसिंदाथाइ, गेलेनायनि मुवा-आगजु आरो मोजां फोरोंथाइ मोननाय अंगनाबादीयाव मावग्रा/फोरोंगिरिफोर आरिजों फोगोमनाय/गोख्रोंसिन खालामनाय जागोन। मोनफ्रोमबो अंगनावादि मिरुफोरा सोलॉनायनि मोनसे मोजां आबहावाजों लोगोसे मोनसे खोलो-खोलो बार-नांनाय खालामनाय, मोजां-बुमिनगोनां, गथ'सा बानजायारि आरो मोजाडै लुनाय दालान(बिल्डिं) गोनां जागोन। अंगनावादि मिरुफोरनि गथ'साफोरा आबुं मावफारि गोनां दावबायनायाव थांगोन आरो गावसोरनि ओनसोलनि गुदि फरायसालिफोराव फोरोंगिरि आरो फरायसाफोरखौ लोगो हमहैगोन जाहाथे अंगनावादि मिरुफोरनिफ्राय बिसोर गुदि फरायसालियाव मोजाडै बारस्लायलानो हायो। अंगनावादिफोरखौ फरायसालिनि सोरबेंखन/थुबुर(क्लाष्टर) बाहागोफोरजों आबुडै खौसेथियाव लाबोनाय जागोन, आरो

अंगनावादिफोरनि फरायसा, बिमा-बिफा आरो फोरॅंगिरिफोरखौ फरायसालि/फरायसालि आवथा बाहागोनि हाबाफारिफोराव नुजाफैना बाहागो लानो हांख्रायनाय जागोन आरो बेबादिनो फरायसालिफोरनिखौ अंगनाबादी मिरुफोराव नुजाफैना बाहागो लानो हांख्रायनाय जागोन।

1.6. बेखौ सानथांखि खालामनाय जादोंदि 5 बोसोर बैसोनि सिगांनो साफ्रोमबो गथ'साफोरखौ मोनसे “थियारि थाखो” एबा बालवातिका (थाखो-1 नि सिगांनि) जाय ECCE नि आबु रॅंगैथि-गोनां फोरॅंगिरि गोनाडाव हरनाय जागोन। थियारि थाखोआव सोलॅंनाया मोन्दांथि, गोसोआरि आरो सावस्त्रियारि हानाय गोहो आरो फरायनो-लिरनो आरो अनजिमा साननो रॅंनाय जौगानायनि सायाव गोसो होनायजों गुबैयै गेलेनाय-गुदि सोलॅंनायनि सायाव गुदि खालामजानाय जागोन। सानजौफुनि आदार जानायखौ गुदि फरायसालिनि सिडाव थानाय थियारि थाखोनि गथ'साफोरनोबो जगायनाय जागोन। अंगनावादि बिखान्थियाव थानाय सावस्त्रि आन्जाद-नायनाय आरो जौगानाय नायनायखौ अंगनावादि लोकोसे गुदि फरायसालिनि थियारि थाखोनि फरायसाफोरनोबो होनाय जागोन।

1.7. अंगनावादियाव **जौगा-गुनगोनां** ECCE फोरॅंगिरिफोरनि जुरिनाय केदारखौ थियारि खालामनो थाखाय आथिखालनि अंगनावादियाव मावग्रा/फोरॅंगिरिफोरा NCERT आ जथाइनाय फरायफारि/फोरॅंथाइ-आदबखान्थिनि खाथाम बादियै मोनसे थि खान्थिजों फोरॅंथाइ होजानाय जागोन। 10+2 एबा बेनिखुइ बांसिन सोलॅंथाइ थानाय अंगनावादि मावग्रा/फोरॅंगिरिफोरा ECCE नि मोनसे 6 दानआरि फोरमानलाइ हाबाफारिखौ लाहोजानाय जागोन; आरो बैनिखुइ खम सोलॅंथाइ थानाय अंगनावादि मावग्रा/फोरॅंगिरिफोरा गुदि फरायनो-लिरनो रॅंनाय, अनजिमा सानगोरों खालामनाय आरो ECCE नि गुबुन गुबुन सोमोन्दो थानाय आयदाफारिफोरखौ फोलोमनाय थानाय 1 बोसोरारि डिप्ल'मा हाबाफारिखौ लाहोजानाय जागोन। बेफोर हाबाफारिफोरखौ DTH चेनेलफोर लोकोसे स्मार्ट फनफोर बाहायना डिजिटेल/जाननु बिजोंनि गेजेरजों होनाय जागोन जाहाथे फोरॅंगिरिफोरा गावसोरनि आथिखालनि हाबायाव एसेल' जॅना सैनानैनो ECCE नि रॅंगैथिखौ लानो हानाय जायो। अंगनावादि मावग्रा/फोरॅंगिरिफोरनि ECCE फोरॅंथाइया फरायसालि सोलॅंथाइ बिफाननि थुबुर(क्लाष्टर) फुंखा मिरुफोरजों सुबुरुन होनाय दैदेनजानाय जागोन आरो सोलिफु सुथाइखौ रोखा खालामनो खमैब्लाबो मोनसे दानसेयारि जगाजग थाखो फोरॅंनायबो लागोन। गोलाव समनि थाखाय, हादरसा सोरखारा आगु गथ'सा जोथोन आरो सोलॅंथाइनि जिउराहायारि रॅंगैथि-गोनां सोलॅंथाइ-होग्रा केदारखौ थियारि खालामगोन थि-थाखोआरि जिउराहायारि फोरॅंथाइ, सुबुरुन होनाय बिखान्थि आरो जिउराहा मेफिं खालामनायनि गेजेरजों। बिसोर सोलॅंथाइ-होग्राफोरनि जुरिजेननाय जिउराहायारि थियारि जानाय आरो बिसोरनि अराय (सोलिफु) जिउराहायारि दावगानायनि (CPD) थाखाय गोनां मुवा एबा खाबुफोरखौबो सोरजिना होनाय जागोन।

1.8. ECCE खौ ट्राइबेल सुबुं मैखोम ओनसोलनि आस्रमसालाफोरावबो जागायनाय जागोन आरो मोनसे आखुथाइ खोन्दो फारियै उफ्रा फरायसालिनि गासै महरखान्थियाव होनाय जागोन। आस्रमसाला आरो उफ्रा फरायसालिफोरखौ खौसे खालामनाय आरो ECCE खौ मावफुंनायनि फारिखान्थिया गोजौआव फोरमायथिनाय बादिनो जागोन।

1.9. ECCE फरायफारि आरो फोरॅंथाइ-आदबखान्थिनि बिबाना MHRD जों सोनारना थगोन जाहाथे गुदि फरायसालिनि गेजेरजों गिबि-गुदि फरायसालिसिम बेनि सोलिफुखौ रोखा खालामनो हायो आरो सोलॅंथाइनि बिथायारि बिथिफोराव नांगौबादि नोजोर होनो हायो। आगु गथ'सा जोथोन आरो सोलॅंथाइ फरायफारिनि सानथांखि आरो मावफुंनाया सुबुं फुंखा जौगाथाइ मन्थि-बिफान (MHRD), आइजो आरो गथ'सा जौगाथाइ (WCD), सावस्त्रि आरो नखर अनसाय (HFW) आरो ट्राइबेल अनसाय बिफान जथाइयै खालामजानाय जागोन। फरायसालि सोलॅंथाइयाव आगु गथ'सा जोथोन आरो सोलॅंथाइखौ मोजाडै खौसेथि खालामनायनि अराय सम लामा लाहोलांनयनि थाखाय मोनसे जुनिया जथाइ हाबा फाइखिबो दानाय जागोन।

2. बिथायारि फरायनो-लिरनो रॉनाय आरो सानगोरॉं खालामनाय: सोलॉंनायनि थाखाय मोनसे गोख्रैनां आरो गोनांथार नांग्रोनाय

2.1. फरायनो-लिरनो हानाय आरो अनजिमाखौ लानानै गोरलै सानखान्थि खालामनो हानाया इयुन फरायसालि सोलॉंथाइ आरो अराय जिउआव सोलॉंलांबाय थानायनि थाखाय मोनसे गोनांथार बिथा आरो एंगारथावै नांग्रोनाय। अदेबानि गुबुन गुबुन सरकारि आरो सरकारि नडै नायसंनाया दिन्थियोदि आथिखालाव जॉं सोलॉंनायनि मोनसे गोब्राब जेंनाजॉं मोगा-मोगि जानांदों। आथिखालाव गुदि फरायसालियाव गोबां अनजिमानि फरायासाफोर, जायनि हमना लानाय अनजिमाया 5 कौटिनिबो बारा-बिसोर फरायनो-लिरनो हानाय आरो सानगोरॉं जानायनि बिथायारि सोलॉंथाइखौ मोननो हायाखै, थामहिनबा बेबादि फरायसाफोरा गोरलै फराखौबो फरायनो, बुजिनो आरो भारतारि अनजिमाजॉं थानाय गोरलै सानखान्थि दाजाब-दानख'खौबो खालामनो हाया।

2.2. गासै गथ'साफोरनि थाखाय बिथायारि फरायनो-लिरनो रॉनाय आरो सानगोरॉं खालामनाया बेखायनो मोनसे गोनांथार हायुडारि मिसन जागोन जायनि गेजेरजॉं माखासे बिथिडाव लानो गोनां गासै राहाफोर आरो रोखा थांखिजॉं सुंद' समनि गेजेराव मोननाय जागोन (जेराव साफ्रोमबो फरायसायानो थाखो 3 सिमाव बिथायारि फरायनो-लिरनो रॉनाय आरो सानगोरॉं जानायखौ लाफानै)। सोलॉंथाइ बिखान्थिनि बांसिन गोनांथि होसिननाया जागोन 2025 माइथायसिमाव गुदि फरायसालियाव बयनिबो थाखाय मुलुगनां बिथायारि फरायनो-लिरनो रॉनाय आरो सानगोरॉं जानायखौ मोनफुंहोनाय। सोलॉंनायनि गुदि गोनांथिफोरखौ सुफुंनो हाब्लासो (थामहिनबा बिथायारि थाखोआव फरायनाय, लिरनाय आरो गोरलै सानखान्थि खालामनो हानाय जाब्लासो) जॉनि फरायसाफोरनि थाखाय आद्रा बिखान्थिफोरा खाबजानाय (ऑंथिगोनां) जागोन। बेनि थाखाय, सुबुं फुंखा जौगाथाइ मन्थि-बिफान (MHRD) आ गोनांथि होसिननायनि सायाव नोजोर होनानै बिथायारि फरायनो-लिरनो आरो सानगोरॉं खालामनायनि सायाव मोनसे हायुडारि मिसन गायसनगोन। बेबादिनो गासै गुदि फरायसालिफोराव बयनिबो थाखाय मुलुगनां बिथायारि फरायनो-लिरनो आरो सानगोरॉं जानायखौ मोनफुंनो थाखाय गासै हादरसा एबा जथाइ हायुं आवथा सोरखारफोरा 2025 माइथायसिमाव मोनफुंनो हानाय रंगौथि-थाखो मोनथांखि आरो थांखिफोरखौ सिनायथिनानै आरो बेनि दावगानायखौ नोजोर होनानै आरो बिजिरनानै गोख्रैनो मोनसे मावफुंनायनि सानथांखि जथायगोन।

2.3. गिबियावनो फोरॉंगिरिफोरनि लांदां मासिफोरा हानायमानि गोख्रै आरो समसिमागोनां खान्थिजॉं सुफुंजागोन- जर'खायै गोग्लैसोनाय ओनसोलफोर आरो ओनसोलफोर जेराव फोरॉंगिरिफोरनि रुजुज'खायाव फरायसाफोरा बांद्राइथार एबा फरायनो-लिरनो रॉनाय आरो सानगोरॉं जानायनि हारा खम बैफोराव। बेबादि ओनसोलफोराव जायगानि फोरॉंगिरि एबा ओनसोलारि राव रॉनाय फोरॉंगिरिफोरखौ थिसननायाव जुनियायै गोनांथि होनाय जागोन। बेखौ रोखा खालामनाय जागोनदि गंफ्रोमबो फरायसालियाव फरायसानिफ्राय फोरॉंगिरिफोरनिसिमनि रुजुज'खा (PTR) आ 30:1 निख्रुइ खम जायो; समाजआरि-रांखान्थियारि बिथिडाव गोग्लैसोनाय बांसिन फरायसा थानाय ओनसोलफोरा फरायसालिफोराव फरायसा- फोरॉंगिरिनि रुजुज'खा (PTR) आ 25:1 निख्रुइबो खम जानायनि थाखाय थांखि लागोन। फरायसाफोरखौ बिथायारि फरायनो-लिरनो रॉनाय आरो सानगोरॉं खालामनो थाखाय फोरॉंगिरिफोरखौ सोलिफु जिउराहायारि दावगानाय गोनां फोरॉंथाइ, थुलुंगा आरो मदद होनाय जागोन।

2.4. फरायफारियाव बिथायारि फरायनो-लिरनो आरो अनजिमा सानगोरॉं जानायनि सायाव बांसिनै नोजोर होनाय जागोन, सरासनसायै लाथारनो गोनां आरो बेबादियैनो गावारि गोसो जाहोना साफ्रोम फरायसानि सोलॉंनायखौ रोखा खालामनो थाखाय मोनसे गोगोम सोलिफु सोरजिलु आरो खाबजानो हानाय थि खालामनाय बिखान्थि गोनां गासै थियारि बिथानिफ्राय गेजेरारि फरायसालि फरायफारियाव थानायै फरायनाय, लिरनाय, बुंनाय, साननाय, गोरलै सानखान्थि आरो सानखान्थियारि साननायनि सायाव। बेफोर आयदाफोरनिनो लोब्बा गोनां आखुथाइफोरनि सायाव- बोसोरनि सायाव सानफ्रोमबोनि उफ्रा थि घन्टाफोर होनाय आरो अराय जाबाय थाग्रा हाबाफारिफोरा फरायसाफोरखौ थुलुंगा आरो गोसो

गुदुं खालामनो होजानाय जागोन। बिथायारि फरायनो-लिरनो आरो सानगोरों जानायनि सायाव गोदानै गोसो/जर होनायनि थाखाय फोरोंगिरिनि सोलोंथाइ आरो गिबि थाखो (ग्रेड) फरायफारिखौ गोदानै दाफिनगोन।

2.5. आधिखालाव ECCE आ बयनिबो थाखाय मोननाय जानो हायैनि थाखाय गथ'साफोरनि गोबाडानो थाखोसेयाव हाबनायनि माखासे सप्तानि उनावनो गावनि फरायसा लोगोफोरजों उनफिनना थानांगौ जायो। बेखायनो गासै गथ'साफोरा फरायसालियाव थांनो थियारिखासै, बे बाश्राखौ रोखा खालामनो थाखाय NCERT आरो SCERT नि जथाइ बानजायनायाव थाखो-1 नि फरायसाफोरनि थाखाय मोनसे खुंथ'नाय 3 दानारि गेलेमु बिथा 'फरायसालि थियारि मड्युल' थागोन, बेयावनो दं आखुथाइफोर आरो हांखो सोलोंनायनि आखाइबिजाब, रिसार, सोदोब, गाब, महर, अनजिमा आरि आरो बे मड्युलखौ मावफुंनो थाखाय फरायसा लोगोफोर आरो बिमा-बिफाफोरनिबो मदद लानाय जागोन।

2.6. बिथायारि फरायनो-लिरनो हानाय आरो सानगोरों खालामनायनि सायाव मोनसे जौगा-गुनगोनां फुंखाफोरनि मोनसे हायुडारि बाख्रिखौ मोननो हानाय जागोन गियान होलाय-लालाय खालामनायनि थाखाय डिजिटेल दाथाइ-राहा (DIKSHA) याव। बिरोंदामिनआरि बाहायथिखौ फोरोंगिरिफोरनो मदद महरै होनाय जागोन आरो बेनि गेजेरजों फोरोंगिरि आरो फरायसाफोरनि गेजेराव नुजानाय रावारि जेंनाखौबो सुसांनो आन्जाद नायनाय आरो मावफुंनाय जागोन।

2.7. आधिखालनि सोलोंनाय जेंनानि जखा-माननि थाखाय बयनिबो थाखाय मुलुगनां बिथायारि लिरनो-फरायनो हानाय आरो सानगोरों खालामनाय मोनफुंनायनि थांखियाव फोरोंगिरिफोरखौ मदद होनो गासै मावफुंनो हाथाव आदबफोरखौ सं दाननाय जागोन। बुहुमनाडै फरायसंनायनिफ्राय रोखा जायोदि, फरायसालिनि साफा-साफा गथ'साफोरनि थाखाय लोगो फोरोंदेरनाया (पियार टिउटरिं) सोलोंग्रानि थाखायल' सोलोंनायनि जोबोर गोहोमगोनां जाया नाथाय फोरोंदेरना (टिउटर) नि थाखायबो मुलामफा गोनां जायो। बेखायनो फोरोंथाइ मोननाय फोरोंगिरिफोरनि दैदेननायाव आरो रैखाथि बिथिंखौ नोजोर लाखिनानै सोद्रोमा (फेल') फरायसाफोरनि थाखाय लोगो फोरोंदेरनाया मोनसे गावमावसोम आरो रंजा-बाजा मावफारि महराव लाजानाय जानो हायो। बेनि अनगायैबो, ओनसोलनि एबा गुबुन जायगानि फोरोंथाइ मोननाय गावमावसोम हानजाखौ बे गेदेर थांखियाव बाहागो लाहोनो हानायनि जोबोर गोरलै राहाबो खालामनाय जागोन। जेब्ला माहारिनि साफ्रोमबो लेखा गोरों सुबुडा सासे फरायसा एबा सुबुंखौ फरायनो फोरोंनो आवगायबोयो अब्ला बे हादरनि हानुथाइयानो गोख्रै सोलायगोन। हादरसाफोराबो बेबादिनो बिथायारि फरायनो-लिरनो आरो सानगोरों खालामनाय दावगाहोनायनि बे हायुडारि थांखियाव सोलोंग्राफोरखौ मदद होनो थाखाय लोगो फोरोंदेरनाय (पियार-टिउटरिं) आरो गावमावसोम हानजानि मावफारिफोरखौ थुलुंगा होनो लोगोसे गुबुन हाबाफारिबो फोसावनो गोदान सोरजिलु मडेल गायसननो सानना नायजायो।

2.8. मोनफ्रोमबो थाखोनि फरायसाफोरनि थाखाय गासै ओनसोलारि आरो भारतारि रावफोराव रंजाथावना आरो थुलुंगा होनो हानाय बिजाब लोगोसे जौगा-गुनगोनां रावसोलायनाय बिजाबखौ लाफानानै (गोनां जायोब्ला बिरोंदामिननि मददजों) जौगाहोनाय जागोन, आरो फरायसालि आरो ओनसोलारि बिजाब बाख्रिफोर मोननैयावबो गोबां बिबांनि बिजाब मोनहोनायनि राहा लानाय जागोन। हादरनाडै फरायनायनि मोनसे हारिमु सोरजिनो थाखाय सुबुडारि (ओनसोलारि) आरो फरायसालिनि बिजाब बाख्रिफोरखौ गोनांथारै फेदेरनाय जागोन। डिजिटेल बिजाब बाख्रिबो गायसननाय जागोन। फरायसालिनि बिजाब बाख्रिफोरखौ थि बादियै गामियाव गायसन्नानै माहारिनि सुबुंफोरखौ फरायसालि-गैयै समाव खाबु लानो होनाय जागोन, बुक क्लाबनि सोद्रोमाफोरा बे सुबुडारि (ओनसोलारि) एबा फरायसालि बिजाब बाख्रिफोराव लोगो हमलायनो हागोन, जाहाथे फरायनायनि हारिमुखौ बांसिन अरसिनलांहोनो हायो। मोनसे हायुडारि बिजाब जौगाखांहोनाय बिखान्थिबो दानाय जागोन आरो बेनि थांखिया जोबनो गैयै, गोरलैयै मोननो हानाय, गुनगोनां, आरो भुमखौराडारि, रावफोर, थाखोफोर आरो आरिमु आरियाव थानाय बिजाबफोरनि फरायगिरिफोरनो फरायनो मोननाय रोखा खालामनायनि थाखाय लाजानाय जागोन।

2.9. जेब्ला गथ'साफोरा थोजासे आदार मोनजाया-मोनलोडा एबा सावस्त्रिया मोजां नडा जायो अब्ला बिसोर मोजाडै सोलोंनो हाया जायो। बेनिखायनो सावगोनाय आदार आरो मोजाडै फोरोंथाइ मोननाय समाजनि मावग्रा, सुबुरुन होग्रा आरो

फरायसालि सोलोंथाइ बिखान्थियाव समाजनि सुबुंफोरा बाहागो लानायनि गेजेरजों गथ'साफोरनि सावगोनाय आदार (निउट्टिसन) आरो सावसिनि (गोसोबिथिडारि सावसिखौ लाफानानै) सायाव नोजोर लाखिनाय जागोन। आरोबाव गोबां बिजिरसंनायाव बे रोखा जादोंदि, सावगोनाय फुंनि आदार जाखांनाय(जारेंगा जाखांनाय)नि उननि फुंनि माखासे घन्टाफोराव गोबां गोब्राब आयदाखौबो गोरलैयैनो सोलोंनो हानाय जायो आरो बेनिखायनो बेफोर घन्टाफोरा सानजौफुनि जानाय आदारनिसिम लोब्बा लाखिनायाव मोनसे सरासनस्रा नाथाय गोहो लाबोग्रा फुंनि जरेंगा जानाय जगायनायजों मुलाम्फा मोनहोनाय जाथारनांगोन। जाय जायगायाव संनाय गुदुं आदार जाहोनायनि राहा गैया बेयाव सरासनस्रा नाथाय सावगोनाय उफेरा खाजा जेरै- गुर मेथाइजों बानायनाय बादाम एबा गुर चाना नडाब्ला ओनसोलाव मोननाय थाजिम फिथाइ-सामथाइबो होनो हायो। साफ्रोम फरायसालिनि गथ'साफोरा बानजायनाय थि सावसि आन्जाद-लानाय बादायव अराय सम बाहागो लानांगोन जर'खायै फरायसालिफोराव 100% टीका थुनायनि थाखाय आरो सावसि आन्जाद-लानाय नायनायनि थाखाय गथ'साफोरनो सावसि कार्ड होनाय जागोन।

3. फरायसालि नागारनाय गथ'साफोरनि अनजिमाखौ खम खालामनाय आरो गासै थाखोनि सोलोंथाइखौ बयनिबो थाखाय मोनहोथारनायखौ रोखा खालामनाय

3.1. फरायसालि सोलोंथाइ बिखान्थिनि मोनसे गुदि थांखिया बेखौ रोखा खालामनायदि गथ'साफोरा फरायसालियाव मुं थिसननाय आरो जेब्लाबो फरायसालियाव नुजाथिनाय लाबोनाय। सर्ब शिक्षा अभियान (आथिखालाव समग्र शिक्षा) आरो सोलोंथाइनि मोनथाइ आयेनआरि मावजेन हाबाफारिनि गेजेरजों भारतआ बावैसो बोसोर सिगां गुदि सोलोंथाइयाव बयनिबो थाखाय मुं थिसननो हाफ्रामजोबनायनि मुख'जाथाव अब'दान होलांबाय। अदेबानि उननि थाखोफोरनि खारिया गथ'साफोरनि फरायसालि बिखान्थियाव थावरिनायनि सोमोन्दै माखासे गोब्राब सावरायनां-आयदानि फारसे इसारा होयो। थाखो द'निफ्राय थाखो दाइननि गासै मुं थिसननाय रुजुज'खा (GER) आ 90.9 जौखोन्दो, ओरैहाय थाखो 9-10 आरो 11-12 नि थाखायब्ला बेयो फारियै 79.3 आरो 56.5 जौखोन्दोल', बे खारिया बेखौनो दिन्थियोदि माबोरै थाखो 5 आरो जुनियायै थाखो 8 नि उनाव मुं थिसनखानाय फरायसाफोरनि मोनसे मुख'जाथाव रुजुज'खाया सोलोंथाइ बिखान्थिनिफ्राय ओंखारलाडो। 2017-18 बोसोरनि हायुडारि नमुना जरिब मावख' (NSSO) नि 75थि गिदिंखन नखर जरिब (75th round household survey) नि बादिब्ला 6 निफ्राय 17 बोसोर बैसोनि गेजेराव थानाय फरायसालि नागारनाय गथ'साफोरनि अनजिमाया 3.22 कौटि। बिसोर गथ'साफोरखौ हानायमानि फिन फरायसालि बिखान्थियाव गोख्रै लाबोफिननो नाजानायानो हादरनि गुदिसिन थांखि जागोन जाहाथे 2030 माइथायसिमाव गिबि-फरायसालिनिफ्राय गोजौ फरायसालि थाखोसिम 100% गासै मुं-थिसननाय रुजुज'खा मोनफुंनायनि थांखिजों फरायसालि नागारनाय फरायसाफोरनि अनजिमाखौ गैया खालामनो हायो। गिबि-फरायसालिनिफ्राय 12 थाखोसिमनि गुनगोनां हाबायारि सोलोंथाइखौ लाफानानै गुनगोनां आबुं सोलोंथाइखौ हादरनि गासै फरायसाफोरनो मोनहोथारनाय आरो खाबु होनो हानायखौ रोखा खालामनो थाखाय जथायै हायुडारि नाजानाय जागोन।

3.2. फरायसालि नागारनाय गथ'साफोरखौ फरायसालियाव लाबोफिननाय आरोबाव फरायसालि नागारनायनिफ्राय फरायसाफोरखौ होबथानो थाखाय मोननै जथाइ मावजेनराहाखौ लानाय जागोन। गिबि लानो गोनां राहाया जादों-गोहोमगोनां आरो थोजासे इसिंदाथाइ होनाय जाहाथे गिबि-फरायसालिनिफ्राय लाना थाखो 12 सिम गासै थाखोनि गासै फरायसाफोरनो रैखाथि आरो फरायसालि सोलोंथाइयाव नांथाबना थानो हानायखौ मोननो हायो। बेनि अनगायैबो मोनफ्रोमबो थाखोआवनो अरायथा फोरोंथाइ मोननाय फोरोंगिरि जगायनायजों लोगोसे बेखौबो जुनियायै नोजोर होनाय जागोनदि मोनबो फरायसालियानो इसिंदाथाइ मददनि थाखाय आंखाल जानाडा। थाखानाय सरकारि फरायसालिनि फोथाइथिखौ गायसनफिननाय जागोन आरो बेखौ फरायसालिफोर जाय जोरनानै दंखायो बेखौ जौगाहोनाय आरो फेदेरनायै मावफुंनो मोनफुंनो हानाय जागोन, जेरैबादि ओनसोलनिनो फरायसालिफोर जेराव बैफोरनि राहाया गैया बेयाव

उफ्रा गुनगोनां फरायसालिफोर गायसंना होनायै, आरो रैखाथि आरो बाहायारि हुदा खालामनो हाथाव जगायना नडाब्ला जरखायै हिनजावसा फरायसाफोरनि थाखाय ह्देलफोर लुना होनायै जाहाथे साफ्रोम फरायसाफोरा गुनगोनां फरायसिलियाव नुजाहैनो हानाय खाबु आरो आरजाथावै सोलोंनो हानायखौ मोननो हायो। गुबुननिफ्राय फैनाय मावग्राफोरनि गथ'साफोर आरो गुबुन गथ'साफोर जाय गुबुन गुबुन थासारिनि थाखाय फरायसालि नागारनांनयफोरखौ गुबै दाहारनि सोलोंथाइयाव लाबोफिननो थाखाय सुबुंसाइ(सिविल) समाजनि मददजों उफेरा आरो गोदान सोलोंथाइ मिरु गायसननाय जागोन।

3.3. नैथिया जादों बिसोर (क) फरायसालियाव मुं थिसननाय आरो नुजाथिगासिनो थानाय आरो (ख) फरायसालियाव उनफिनना थालांनय आरो फरायसालि नागारना दंब्लाबो बिसोरनो समान रॉफिनो आरो फरायसालियाव हाबफिननो हानायनि थोजासे खाबु होनायखौ रोखा खालामनायनि बिथिडाव फरायसाफोरखौ जोथोनै सौहैहोनाय (ट्रेकिं) जों लोगोसे बिसोरनि सोलोंनाय थाखोफोरखौ नायनानै फरायसालियाव बयनिबो बाहागो लानायखौ मोनफुंहोनायनि थाखाय। 18 बोसोर बैसोसिमनि साफ्रोमबो गथ'साफोरनो बिथायारि खलबनिफ्राय लानानै 12 थाखोसिम गनायथाव आरो गुनगोनां सोलोंथाइ जगायना होनायनि थाखाय फरायसालि सोलोंथाइनि गेजेरजों गनायथाव बिखान्थिनि राहा होनो लानाय जागोन। फरायसालिफोर एबा फरायसालिनि सोरबिथिडाव लोब्बा थानाय सुबुरुनगिरि एबा फोरोंथाइ मोननाय समाजनि मावग्राफोर आरो फोरोंगिरिफोरा अरायसम फरायसा आरो बिसोरनि बिमा-बिफाफोरजों लोगोसेयै हाबा मावगोन आरो बेनि गेजेरजोंनो माहारिनि सुबुंफोरनिसिम हानथिलांना आरो माहारिनि सुबुंफोरजों नांथाबना थागोन फरायसालियाव थांनो बैसो जानाय गथ'साफोरा फरायसालियाव नुजाथिनाय आरो सोलोंगासिनो थानायखौ रोखा खालामनायनि थाखाय। हादरसा आरो जिह्ला खलबाव थानाय देहायारि नोरजिया गोनां सुबुंफोरनो मोनथाइ होनायाव नांथाबनानै थानाय समाजआरि न्याय आरो मोनथाइ होग्रा बिफाननि सुबुंसाइ समाज आफाद/बिफाननिफ्राय थानाय फोरोंथाइ मोननाय आरो रंगौथि गोनां समाजआरि खामानि मावग्रा आरो सरकारि बिबानगिरिफोरा हादरसा/जथाइ हायुं आवथा सोरखारजों गनायजानाय बायदि बायदि गोदान सोलोवारि जुन्थिफोरनि गेजेरजों फरायसालिफोराव लोब्बा लाखिहोजानाय जागोन बे गोनांथार हाबाखौ मावफुंनायाव मदद होनायनि थाखाय।

3.4. फरायसालिनि इसिंदाथाइ आरो बाहागो लानायखौ मोनोब्ला फरायसानि गोसोखां गोहोआव गुनखौ थियै लाखिनांगोन जाहाथे फरायसाफोरा (जुनियायै गुबुन समाजआरि-रांखान्थियारि बिथिडाव गोग्लैसोना थानाय फरायसुलिफोर आरो फरायसाफोर) फरायसालियाव नुजाथिनो थाखाय गोसो बाया। बेनि थाखाय फरायसालि नागारनाय बांसिन फरायसाफोर थानाय ओनसोलाव ओनसोलारि राव रॉनाय फोरोंगिरिफोर थिसननायनि मोनसे थुलुंगा होनाय बिखान्थिनि गोनां जागोन लोगोसे बांसिन नांथाबनाय आरो बाहायजानाय खालामनो फरायफारिखौ सोदांनंगोन।

3.5. समाजआरि-रांखान्थियारि बिथिडाव गोग्लैसोनाय हानजाफोरखौ (SEDGs) जर'खा गोनांथि होनायै गासै फरायसाफोरनि थाखाय सोलोंनायनि खाबु होनो थाखाय फरायसालि सोलोंथाइनि खाबुवारि आवथाखौ फुवारसिननांगोन जाहाथे फसंथानआरि आरो फसंथानआरि-नडै सोलोंथाइनि सिडाव सोलोंनो थाखाय गुबुन गुबुन राहालामा ओंखारो। हायुडारि उदां फरायसालिफसंथान (NIOS) आरो हादरसा उदां फरायसालिफोरा खाबु होनाय उदां आरो जान्थाइ सोलोंनाय (ODL) हाबाफारिखौ फेहेरनाय आरो गोख्रोंसिन खालामनाय जागोन जाहाथे भारतनि गुबै फरायसालिनि सोलोंथाइ लानो हायै जौमोनफोरनि सोलोंनायनि गोनांथिखौ सुफुंनो हायो। हायुडारि उदां फरायसालिफसंथान (NIOS) आरो हादरसा उदां फरायसालिफोरा आथिखालनि हाबाफारिफोरनि अनगायैबो गाहायाव होनाय हाबाफारिखौबो खाबु होगोन: A, B आरो C थाखोफोरनि सोलोंथाइया फसंथानआरि सोलोंथाइनि थाखो 3, 5 आरो 8 नि समान; गोजौ फरायसालि (सेकेण्डारि) सोलोंथाइ हाबाफारिया थाखो 10 आरो 12नि समान; हाबायारि सोलोंथाइ कर्स/हाबाफारि; आरो बैसोगोरा फरायनो-लिरनो रॉनाय आरो जिउ फोजोंखांनय हाबाफारि। हादरसाया बेफोर खाबु होनाय हाबाफारिफोरखौ ओनसोलारि रावआव मोनहोनो थुलुंगा होजानाय जागोन थाखानाय हादरसायारि उदां फरायसालिफसंथान (SIOS) खौ गोदानै/गोख्रोंसिन खालामनाय गायसननायजों।

3.6. मोननैबो सरकारि लोगोसे सरकारि-नडै अनसाय-बानजायारि आफादफोरनि थाखाय फरायसालिफोर गायसननायखौ गोरलै खालामनो थाखाय, हारिमुआरि, बुहुमखौरां आरो सुबुंसानारिनि सायाव सोनारनानै ओनसोलारि फारागथिखौ थुलुंगा होनो थाखाय आरो सोलोंथाइनि उफेरा मडेलखौ गनायथि होनो थाखाय फरायसालि गायसननायनि नेम-खान्थिखौ गोरलै खालामनाय जागोन। बेनि गोसो होनाया इनपुटआव खम जर होनाय आरो इयुनगोजौ हास्थायनाय सोलोंथाइनि फिथाइजौ लोब्बा लाखिना फिथाइ (आउडफुट) गोहोनि सायाव बांसिन जर होनाय जागोन। इनपुटनि सायाव थानाय सामलाइखान्थिया आयदा 8 आव रोखायै सावरायनाय बादियै माखासे थि बिथिफोराव सिमागोनां जागोन। फरायसालिनि गुबुन मडेलफोराबो सामलाइजागोन, जेराव सुबुं अनसाय-बानजायनायनि बाहागोदारिबो दं।

3.7. सोलोंनायखौ बांहोनो थाखाय गावमावसोम नाजानायवाव सुबुं माहारि आरो बारग' फरायसाफोरखौ लोब्बा खालामनो नाजानाय जागोन फरायसालिफोराव फरायसालिनि साफा-साफा गथ'साफोरनि थाखाय फोरेंदेरनाय (टिउटरिं) होनाय, फरायनो-लिरनो आरो सानगोरौं खालामनायनि फोरेंनाय आरो गुबुन-मददनि थाखाय आलादा क्लास लानाय, फोरोंगिरिफोरनि थाखाय फोरेंनाय मदद होनाय आरो लामा दिन्थिनाय होनाय, फरायसाफोरनो जिउ-दानायनि सोमोन्दै लामा दिन्थिनाय आरो बोसोन होनाय बायदि बायदि जगायनायजौं। बे बिथिखौ नोजोर-बोनानै, सांघ्रां आरो गोख्रौं गागि नोगोरारिफोर, फरायसालिनि बारग' फरायसाफोर आरो ओनसोलनि समाजआरि सुबुंफोरनि मददफोरखौबो गनायथावै बुथुमनाय जागोन। बे थांखिखौ जाफुंहोनो थाखाय लेखागोरौं गावमावसोम, आजिरा मोननाय बिगियानगिरि/सरकारि/खाव-सरकारि साखिआवलाफोर, बारग' फरायसाफोर आरो सोलोंथाइगिरिफोरनि मोनसे खारि बिथा(डाटाबेस) खालामनाय जागोन।

4. फरायसालिनि फरायफारि आरो फोरेंथाइ-आदबखान्थि: सोलोंनाया आबुं, खौसेथि, रंजा-बाजा आरो नांथाबनाय जानांगौ

मोनसे गोदान 5+3+3+4 महर (बुमिन) आव फरायसालिनि फरायफारि आरो फोरेंथाइ-आदबखान्थिखौ दाफिननाय

4.1. फरायसालि सोलोंथाइनि फरायफारि आरो फोरेंथाइ-आदबखान्थिनि दाथाइखौ दाफिननाय जागोन थि बादियै 3-8, 8-11, 11-14 आरो 14-18 बोसोर बैसोनि फरायसाफोरनि दावगानायनि आलादा-आलादा थासारि बादियै बिसोरनि जौगानायारि गोनांथि आरो गोसो जानायनि सायाव बिबान गोनां आरो नांगौबादि बानायनो थाखाय। बेनिखायनो फरायसालि सोलोंथाइनि थाखाय फरायफारि आरो फोरेंथाइ-आदबखान्थि दाथाइ आरो फरायफारिनि खाथामआ 5+3+3+4 जौनो लामादिन्थिना होजानाय जागोन, जायनि गेजेरजौंनो दंफायो फारियै बिथायारि खलब (मोननै बाहागोआव थामहिनबा अंगनावादि/गिबि-फरायसालिनि 3 बोसोर + गुदि फरायसालि थाखो 1-2 आव 2 बोसोर, 3 बोसोरनिफ्राय 8 बोसोर बैसोनि गथ'खौ लाफानानै), थियारि खलब (थाखो 3-5, 8 बोसोरनिफ्राय 11 बोसोर बैसोनि गथ'फोरखौ लाफानानै), गेजेर फरायसालि खलब (थाखो 6-8, 11 बोसोरनिफ्राय 14 बोसोर बैसोनि गथ'साफोरखौ लाफानानै) आरो गोजौ फरायसालि खलब (थाखो 9-12, मोननै खोन्दोआव जेरै- गिबिया थाखो 9-10 आरो गुबुना 11-12, 14 बोसोर बैसोनिफ्राय 18 बोसोर बैसोनि गथ'साफोरखौ लाफानानै) नि सायाव।

4.2. बिथायारि खलबआ बा बोसोरारि गुरुंथि, बांथाखोआरि, गेलेनाय/मावफारि-बिथा सोलोंनाय गोनां जागोन आरो ECCE नि फरायफारि आरो फोरेंथाइ-आदबखान्थिया फेराग्राफ 1.2 आव मुख'नाय बादियै जागोन। थियारि खलबआ थाम बोसोरनि जागोन। बेयाव बिथायारि खलबनि फरायफारि आरो फोरेंथाइ-आदबखान्थि आदबखौ गुदि खालामना गेलेनाय, दिहुननाय आरो मावफारिजौं सोलोंथाइ होनाय जागोन आरो गोरलै-गोरलै फराय-बिजाबफोर सोलोंनायखौबो जागायनाय जागोन लोगोसे बांसिन खान्थिगोनांखौ लाखिनाय थानाय नाथाय फसंथानआरि सोलोंथाइनि थाखो खथायाव गावजौं गाव बाहागो-लालायनाय (सावरायज्जलायनाय) बो थागोन फरायनाय, लिरनाय, बुंनाय, सावस्रियारि सोलोंथाइ,

आरिमु, राव, बिगियान आरो सानखान्थिखौ लाफाना गासै आयदाफोरावनो मोनसे थि मावनो होनायनि बिथिडाव। गेजेर फरायसालि खलबआ थाम बोसोरनि सोलॉंथाइ होनाय जागोन। बेयाव थियारि खलबनि फोरॉंथाइ-आदबखान्थि आरो फरायफारि आदबनि सायाव फोरॉंथाय थागोन नाथाय आयदा फोरॉंगिरिफोरा सोलॉंथायनि थाखाय सिनायथि होनाय आरो मोनफ्रोम आयदानि सिडाव बांसिन गुबै गुमुरनि सावरायनायजॉं फरायसाफोरा बिगियान, सानखान्थि, आरिमु, गेलेनाय, समाज बिगियान आरो सुबुं बिगियान आयदाफोराव सांग्रां जागोन। मोनफ्रोमबो आयदायाव बाहायथाइयारि सोलॉंथाय आरो गुबुन गुबुन आयदाफोराव थानाय सोमोन्दोफोरखौ संनाया बांसिन जर'खाथि आयदाफोरनि गुबै गुमुर होनाय आरो आयदा फोरॉंगिरिफोरनि फोरॉंथाय दंभ्लाबो थुलुंगा होजानाय आरो गोसो होसिनजानाय जागोन। गोजौ फरायसालि खलबआ ब्रै बोसोरनि बांआयदायारि फरायसंनाय, बेयाव गेजेर फरायसालि खलबनि फरायफारि आरो फोरॉंथाइ-आदबखान्थिखौनो फोरॉंथाय जायोब्लाबो नाथाय गोथौसिन, बांसिन गोब्राब साननाय, जिउनि हाबिलाफोरनि सायाव बांसिन नोजोर होनाय, आरो गुरुंथिसिन आरो फरायसाफोरा आयदाफोरखौ सायख'ना लानो हानायै। माखासे थि फरायसाफोरनि थाखाय 10 थाखोनि उनाव ओखारलानाय आरो उननि थाखोआव हाबफिननायनि खाबु दं गंसे बांसिन जर'खाथि फरायसालिखौ लाफाना फरायसालि एबा फसंथानफोराव 11-12 थाखोनि सिडाव हाबायारि एबा गुबुन कर्स लालानो हानायनि थाखाय, जुदि गोसो जायो।

4.3. गोजौआव मुख'बोनाय फोरमायथिफोरा गुबैयै फरायफारि आरो फोरॉंथाइ-आदबखान्थियारि, जायखौ ओरैबादि महर होनाय जादोंदि जाहाथे गथ'साफोरा मोन्दांथियारि गियान जौगानायनि सायाव साबसिन-हामसिनै सोलॉंनो हायो; बेफोरो मोनफ्रोमबो थाखोआव थानाय हायुडारि आरो हादरसायारि फरायफारि आरो फोरॉं-सोलॉं गोहोथाइनि जौगानायखौ दिन्थिगोन नाथाय सावस्रियारि इसिंदाथाइनि थाखाय बिब्दि सरासनस्रा सोलायनाय एबा दाफिननायफोरा गोनांथि जानाय नडा।

फरायसाफोरनि (सोलॉंगिरिफोरनि) आबुं गियान दावगानाय

4.4. फरायफारि आरो फोरॉंथाइ-आदबखान्थिनि गासै फोथायथि साबिखौ गासै थाखोआव सोलायनाया सोलॉंथाइ बिखान्थिखौ गोरलैयै गुबै बुजिनो हानायनि फारसे आरो माब्रै सोलॉंनो सोलॉंथाय आरो ओरैनो मखस्ट' लानाय सोलॉंथाय आथिखालाव गोबाडै दंखौ गैया खालामनायनि फारसे लानायनि थाखाय जानांगोन। सोलॉंथाइनि थांखिया मोन्दांथियारि गियानखौल' जौगाखांहोनाय जानाय नडा नाथाय आखु दानाय आरो गोमो गियान दानाय आरो गावारि आबुं गियान-गोनां जाना 21थि जौथाइनि गाहाइ सोलोजॉं मोगा-मोगि जानो हानायबो जागोन। थारैनो गियाना मोनसे गौथौ-सिडारि थाखुमानाय बेसेनगोसा गुन आरो सोलॉंथाइया आबुं-रॉखानाय जाय सासे सुबुंनियव दंखायो बेबादियै बेखौ मोनहोनायाव मदद खालामो। फरायफारि आरो फोरॉंथाइ-आदबखान्थिनि गासै बिथिफोरा बेफोर गोनांथार थांखिफोरखौ मोनफुंहेनो थाखायनो दाफामनाय आरो जौगाहोजानाय जागोन। गुबुन गुबुन आयदायाव (फोथाराव) थानाय सोलो आरो बेसेनथिफोरखौ जुनिया थि खालामनायफोरा सिगां फरायसालिनिफ्राय जौसिन सोलॉंथाइसिम सोलॉंथायनि मोनफ्रोम थाखोआव खौसेथि लाबोनाय आरो सोसनफानायनि थाखाय सिनायथि होजानाय जागोन। फरायफारिनि खाथाम आरो दैथायलायग्रा जुन्थिफोरा जौगाहोजानाय जागोन फोरॉंथाय आरो सोलॉंथाय फारिखान्थियाव नांथाबना थानायनि गेजेरजॉं बेफोर सोलो आरो बेसेनथिफोरखौ मोनहोनायखौ रोखा खालामनायनि थाखाय। NCERT आ बेफोर गोनांथि जानाय सोलो थि खालामनायफोरखौ सिनायथिगोन आरो आगु गथ'सा जोथोन आरो फरायसालि सोलॉंथाइनि थाखाय हायुडारि फरायफारि खाथामआव गावसोरनि दैथायलायनायनि थाखाय जुन्थिफोरखौ सोफादेरगोन।

गोनांथार सोलॉंथाय आरो सोरजिलु (गोब्राब) साननायखौ बांहोनो थाखाय फरायफारिनि आयदाखौ खम खालामनाय

4.5. सोरजिलु साननाय आरो बांसिन आबुं (गोमो) गियान, नायगिर-बिथा, दिहुननाय-बिथा, सावरायनाय-बिथा, बिजिरनाय-बिथा सोलॉंथायनि थाखाय जायगा होनो फरायफारिनि आयदाखौ मोनफ्रोम आयदायावनो खम खालामना

होनाय जागोन बेनि जोबोर गोनांथारखौ मिरु खालामनायै। बिथोन मोननाय आयदाफोरा गुबैयै गुमुर, सोलो, बाहायथि आरो जेंना-सुस्रानाय आरियाव नोजोर होगोन। फोरोंनाय आरो सोलोंनाया बांसिन गावजोंगाव सावरायज्जलायनायजों दैदैनजागोन; सॉलु सॉनायखौ थुलुंगा होनाय जागोन आरो थाखो-खथानि क्लास लानाय (सेसन) आ अराय सम बांसिन रंजा-बाजा, सोरजिलु, हेफाजाब-होलायनाय आरो संजिरनाय गोनां आखुथाइफोर गोनां जागोन जाहाथे फरायसाफोरा गौथौ आरो बांसिन बाहायथाइयारि सोलोंनाय मोननो हायो।

बाहायथाइयारि सोलोंनाय

4.6. गासै खोन्दोआवनो बाहायथाइयारि सोलोंनायखौ आजावनाय जागोन बायदि मुवाफोरजों गावनो मावना सोलोंनायखौ लाफाना आरिमु आरो गेलेनायखौ खौसेथि खालामनाय सोलोंथाइ, सल'-खिनथानाय-गुदि फोरोंथाइ-आदबखान्थि, गुबुन गुबुननि गेजेराव मोनफ्रोमबो आयदानि सिडाव मोनसे जौगामाननि फोरोंथाइ-आदबखान्थि बादियै आरो गुबुन गुबुन आयदाफोरनि गेजेराव सोमोन्दो नागिरनायजों। सोलोंनायनि फिथाइ मोनफुंनाय उन जालांनायखौ सुफुंनो थाखाय थाखो खथानि लेनदेन (होलाय-लालाय खालामनाय) खौ बादिनांनाय-गुदि सोलोंनाय आरो सोलोंथाइनि फारसे बोस्लायगोन। थि खालामनाय आगजुफोरा (सॉलोंनायनि "बादियै", "नि", आरो "थाखाय" थि खालामनायखौ लाफाना) होनाय थाखोआव थानाय मोनफ्रोम आयदानि थि खालामखानाय बादियै सोलोंनायनि फिथाइ, हानाय-गोहो, आरो आखुथि बादियै सरजाबफाजानाय जागोन।

4.7. आरिमु-खौसेथि खालामनाया मोनसे गलाइ-फरायफारि फोरोंथाइ-आदबखान्थियारि नोजोर जेराव गुबुन गुबुन आयदाफोराव थानाय गुमुरनि सोलोंनायनि बिथा बादियै आरिमु आरो हारिमुनि बायदि बिथिंफोर आरो महरफोर बाहायनाय दं। बाहायथाइयारि सोलोंनाय फोथाइथिनि मोनसे बाहागो महरै, आरिमु खौसेथि खालामनाय सोलोंथाइखौ थाखो ख'थानि लेनदेन (होलाय-लालाय खालामनाय) आव जायगा होनाय जागोन जायनि गेजेरजों थाखो खथायाल' रंजा-बाजा जानायनि अनगाबो मोनफ्रोम थाखोआव फोरोंनाय आरो सोलोंनाय फारिखान्थियाव भारतारि आरिमु आरो हारिमुनि खौसे खालामनायनि गेजेरजों भारतारि मोन्दांथि (थांखि) खौ गथ'साफोरा मिथिनोबो हागोन। आरिमु-खौसेथि खालामनाय नोजोरनि गेजेरजों सोलोंथाइ आरो हारिमुनि गेजेराव थानाय गावजोंगावनि सोमोन्दोआबो गोख्रोंसिन जागोन।

4.8. गेलेनाय-खौसेथि खालामनाया गुबुन मोनसे गलाइ-फरायफारि फोरोंथाइ-आदबखान्थियारि नोजोर जेराव जेरै-गावजोंगाव हेफाजाब होलायनाय, गावनो-दैदेननाय, गावनो-बिथोन होना मावनाय, गावारि-आब्रुथि, हानजायारि हाबा, बिबान लानाय, हायुंसायारि बायदि बायदिनि रेंगौथि जौगाहोनायाव मदद होनो फोरोंथाइ-आदबखान्थियारि हुदा (आदब) याव ओनसोलारि गेलेनायखौ लाफाना गुबुन गुबुन सावस्त्रियारि आखुथाइफोर बाहायनाय दं। गेलेनाय-खौसेथि खालामनाय सोलोंनाया थाखो ख'थानि लेनदेन (होलाय-लालाय) आव लाजानाय जागोन जाहाथे फरायसाफोरा अराय जिउ आखुथाइ बादियै गोमोथि (गोख्रोंथि) देहा मोननो हानायाव मदद होयो आरो फिट इन्डिया मुवमेन्टआव सानथांखि लानाय बादियै गोमोथि देहानि थाखोजों लोब्बा गोनां जिउ सोलो मोननो हायो। सोलोंथाइयाव गेलेनायखौ खौसेथि खालामनायनि गोनांथि जानाया मोजाडै थिसनजाबाय बेयो गथ'साफोरनि सावस्त्रियारि आरो गोसोबिथिडारि मोजां थानाय दावगाहोनाय लोगोसे मोन्दांथियारि गोहोखौबो बांहोनायजों गोमो गियान जौगानायखौ बांहोयो बादियै।

कर्स सायख'नायफोरनि बेलायाव गुरुंथि खालामना फरायसाफोरनो मोनथाइ होनाय

4.9. फरायासाफोरनो फरायसंनायनि थाखाय बांसिन गुरुंथि आरो आयदाफोरखौ सायख'नो होनाय जागोन, जुनियायै सावस्त्रियारि सोलोंथाइ, आरिमु आरो दामिन आरो हाबायारि सोलो आयदाफोरखौ लाफानानै गोजौ फरायसालियाव जाहाथे बिसोर गावसोरनि फरायसंनायनि लामा आरो जिउनि सानथांखिखौ गाव गावनो दाना लानो हायो। बोसोरलायै बोसोर आबुं गियान जौगानाय आरो बयजोंबो मोजां मोनजासिननाय आरो कर्सआ गोजौ फरायसालि सोलोंथाइनि मोनसे गोदान जर'खा आखुथाइ जागोन। बेयाव 'फरायफारि', 'उफ्रा फरायफारि', एबा 'लोगो फरायफारि' फोरनि मादाव,

‘आरिमु’, ‘सुबुंथि’, आरो ‘बिगियान’ बिजोंफोरनि मादाव एबा ‘हाबायारि’ एबा ‘सोलंथाइयारि’ (एकाडेमिक) बिजोंफोरनि गेजेराव मोनबो गोरा आलादा खालामनाय जानाय नडा। बिगियान, सुबुंथि आरो सानखान्थिनि अनगायैबो सावस्रियारि सोलंथाइ, आरिमु आरो दामिन आरो हाबायारि सोलो बादि आयदाफोरखौ मोनफ्रोम बैसोआव माया गोसो गोजोनथावनासिन आरो रैखाथिसिन बेखौ नोजोर होनानै गासै फरायसालि फरायफारिनाडै सोसनफानाय जागोन।

4.10. बांसिन आयदाफोरनिसिम फोरमायथिनायखौ मोनहोनो आरो बांसिनथार गुरुंथि होनायनि थाखाय गुबुन गुबुन ओनसोलफोराव माया जानो हाथावगौ बेबादियै फरायसालि सोलंथाइनि मोनब्रै खलबनि मोनफ्रोम आयदाया बोसोरखावआरि (सेमिष्टार) एबा जायखिजाया गुबुन बिखान्थि जाय सुंद’ मडयुल सरजाबनाय गोनां, एबा कर्सफोर जाय सानसेनि उनाव सानसे फोरोंनाय थानायनि फारसे सोसनजानाय जानो हागौ। आरिमु, बिगियान, सुबुंथि, राव, गेलेनाय आरो हाबायारि आयदाफोरखौ लाफाना बांसिन आयदाफोरनि बांसिनथार गुरुंथि आरो फोरमायथिनाय आरो रंजाथावनानि बेफोर गेदेमा थांखिफोरखौ मोनफुंनो हादरसाया गोदान-सोरजिलु खान्थियाव नोजोर लाखिगोन।

बांरावारि आरो रावनि गोहो

4.11. बेखौ रोखा मिथिखागौदि उन्दै गथ’साफोरा नखरनि राव/बिमानि रावजों गोरलै सानदांथिफोरखौ गोख्रैसिनै सोलोंनो आरो बुजिनो हायो। नखरनि रावखौ सरासनस्रायै बिमानि राव एबा जायगानि सुबुं रायज्जलायग्रा राव बुंजायो। अदेबानि मोनसे समावनो बांरावारि नखरफोराव नखरनि गुबुन सोद्रोमाफोरा रायज्जलायनाय नखरनि राव थानो हागौ जाय माब्लाबा बिमा राव एबा जायगानि रावनिबो आलादा जानो हागौ। हानायमानि फरायनायनि बिजोंखौ खमैब्लाबो 5 थाखोसिम नाथाय जाथावगौ बादियै 8 थाखोसिम आरो बेनि उनावबो नखरनि राव/बिमानि राव/जायगानि राव/ ओनसोलारि रावजों खालामनो लानाय जागोन। बेनि उनाव जेराव हानाय जायो बेयाव नखर/जायगानि रावखौ मोनसे राव महरै फोरोंलानाय जागोन। बेयो सरकारि आरो गावारि फरायसालि मोननैजोंबो फालिलांजानाय जागोन। नखरनि राव/बिमानि रावआव बिगियान आयदाखौ लाफानानै जौगा-गुनगोनां फरायबिजाब मोननो हानाय जागोन। गथ’साफोरा रायज्जलायनाय राव आरो फोरोंनायनि बिजोंनि गेजेराव माबाफोर फारागथि दंब्ला बेखौ जेसे हायो एसे थाबनो सुस्रानो हानायमानि नाजानाय जागोन। नखरनि राव/बिमानि रावाव जेराव फराय बिजाब गैया अब्लाबो बेयाव फोरोंगिरि आरो फरायसाफोरनि गेजेराव लोब्बा लाखिलायनाय (लेनदेन) खालामलायनायखौ जेराव जाथावगौ बेयाव नखरनि राव/बिमा रावआव बाहायलायगोन। जाय फरायसाफोरनि नखरनि रावआ फरायबिजोंजों आलादा बिसोरनि बेलायाव नैरावआरि फोरों-सोलों मुवाखौ लाफानानै नैरावआरि नोजोर खालामग्रा (फोरोंग्रा) फोरोंगिरिफोरखौ थुलुंगा होनाय जागोन। गासै फरायसाफोरनोनो गासै रावआवनो जौगा गुनगोनां फोरोंनाय जागोन बेनिखायनो मोजाडै फोरोंनो आरो सोलोंनो थाखाय मोनसे रावआ फरायनायनि बिजों जालायनायनि गोनांथि गैया।

4.12. बिजिरसडा रोखा दिन्थिना होदोंदि 2 बोसोर आरो 8 बोसोर बैसोनि गेजेराव थानाय गथ’साफोरा जोबोर गोख्रैयै राव सोलोंनो हायो आरो जौमोन फरायसाफोरनि थाखाय बांरावआरिहा गेदेर मोन्दांथियारि मुलामफा दं। बिथायारि खोन्दोनि जागायनायनिफ्रायनो गथ’साफोरनो गुबुन गुबुन रावआव थाबैनो (नाथाय बिमा रावनि सायाव बांसिन गोनांथि होनानै) उदाडै फोरमायनो होनाय जागोन। थोजासे रायदाव-होनदाव सावरायनायजों गासै रावआवनो मोनसे रंजाथावना आरो रायदाव-होनदाव महराव फोरोंनाय जागोन आरो बोसोरनि जागायजेननायावनो बिमा रावआव गिबियै फरायनो आरो बेनि उनाव लिरनो फोरोंनायजों लोगोसे थाखो 3 आरो बेनि उनाव गुबुन रावआव फरायनो आरो लिरनो थाखाय सोलो जौगाहोनाय जागोन। मिरु आरो हादरसा मोननैबो सोरखारनि फारसेनिफ्राय हादरनाडै गासै ओनसोलारि रावफोराव जर’खायै भारत संबिजिरनि दाइनथि फारियाव सोसनजानाय रावफोरनि थाखाय गोबां बिबांनि राव फोरोंगिरिखौ थिसननो गोगोम नाजानाय जागोन। गावसोरनि हादरसायाव थानाय थाम-रावारि फरमुलाखौ जाफुंसारहोनो थाखाय आरो हायुंनोडै भारतारि राव सोलोंनायखौ थुलुंगा होनो थाखायबो हादरसाफोर जर’खायै भारतनि गुबुन गुबुन ओनसोलनि हादरसाफोरा गावजोंगाव गोबां बिबांनि फोरोंगिरि लांलाय-लाबोलाय खालामनो नै हानजायारि रादाय खालामगोन। गुबुन गुबुन रावखौ फोरोंनो-सोलोंनो आरो राव सोलोंनायखौ सुबुं अनसायजानाय खालामनो थाखाय थोजासे बिबांनि बिरोंदामिन बाहायनाय जागोन।

4.13. संबिजिरारि राहाफोर, सुबुं, ओनसोल आरो आफाद/गौथुमफोरनि लुबैनाय-हास्थायनाय आरो बांरावारि दावगाहोनायजों लोगोसे हायुडारि खौसेथिखौ दावगाहोनायनि गोनांथिखौ नोजोर लाखिनानै थाम रावारि फरमुलाखौ बाहायलांबाय थानाय जागोन। अदेबानि बेखौ बाहायनायनि बेलायाव बांसिन गुरुंथि खालामनाय जागोन आरो मोनबो हादरसायावनो मोनसेबो रावखौ जाबसिनना होनाय जानाय नडा। मोनथाम रावनि खमैब्लाबो मोननैया भारतनि राव जायोब्ला गथ'साफोरा सोलोंनाय मोनथाम रावा हादरसा, ओनसोल आरो थारैनो गथ'साफोरा गावसोरनो सायख'ना लानाय जागोन। जर'खायै थाखो 6 आरो थाखो 7 नि उनाव सोरबा फरायसाफोरा मोनथाम रावनि बबेबा मोनसे रावखौ एबा बेनिखुइबो बांसिन रावखौ गोसो जायोब्ला सोलायनो हागोन, नाथाय गोजौ फरायसालि जोबनायजों मोनथाम रावाव गुदि गियान रंंनाय (बेनिनो मोनसेयाव थुनलाइ थाखोआव फरायनायखौ लाफानानै) दिन्थिनो हानांगोन।

4.14. बिगियान आरो सानखान्थिनि थाखाय जौगा-गुनगोनां नैरावआरि फरायबिजाब आरो फोरों-सोलों मुवा/आगजुफोर थियारि खालामनो थाखाय गासै रोखोमनि नाजानाय थागोन जाहाथे फरायसाफोरा बे मोननै आयदानि सोमोन्दै नखरनि राव/बिमनि राव आरो इंराजी मोननैबो रावजों साननो-हनो आरो बुंनो हानाय जायो।

4.15. गावनि राव, हारिमु आरो दोरोंआ माब्लाबाबो मोजां सोलोंथाइ लानायनि लामायाव खहागोनां जानो हाया, अदेबानि सोलोंथाइयारि, समाजआरि, आरो बिरोंदामिनआरि जौगानाय/दावगानायाव जोबोर मुलामफा गोनां होनना बुहुमनाडै थानाय गोबां जौगानाय हायुं/हादरफोरा थोजासे दिन्थिफुंबाय। बुहुमनि मादाव भारतनि रावफोरा दोहोनिस्सिन, बिगियानारिस्सिन, समायनासिन आरो फोरमायसारसिन। बेफोर रावफोराव लिस्नाय रोजा रोजा गोजाम एबा गोदान थुनलाइ (राइथाइ आरो खन्थाइ मोननैबो), सावथुन, देंखोआरिया भारतनि हायुडारि सिनायथि आरो दोहोन। हारिमु जौगानाय आरो हायुडारि खौसेथिनि थांखिफोरनि थाखाय गासै जौमोन भारतारिफोरा गावसोरनि हादरनि धोनि आरो फैलाव रोखोमनि रावफोर आरो बेसेनगोसा मुवाफोर जाय बिसोरहा थानाय आरो गावसोरनि थुनलाइफोरनि फारसे सांग्रां जानांगोन।

4.16. बेनिखायनो हादरनि साफ्रोमबो फरायसाफोरा 'भारतनि रावफोरनि' सायाव मोनसे रंजाथाव मावथांखि/मावफारियाव बाहागो लागोन, माब्लाबा थाखो 6-8नि फरायसाफोरा 'मोनसे भारत साबसिन भारत' मावजेन हाबाफारियाव बाहागो लागोन। बे मावथांखि/मावफारियाव, फरायसाफोरा भारतारि गाहाय रावफोरनि फ्राय मुख'जाथाव खौसेथि महरखौ सोलोंनो हागोन जेरै- बिसोरनि गोरलै (सरसनस्रा) रिसारथि आरो बिगियानारि साजायनाय हांखो-हाला आरो लिस्नाय हांखोजों जागायना बिसोरनि गोरलै रावखान्थियारि दाथाइ, बिसोरनि गुबै रावफोर आरो संस्कृत आरो गुबुन क्वाचिकेल रावफोरनिफ्राय थानाय सोदोबबाख्रिनि फुंखाफोरजों लोगोसे बिसोरनि बेसेनगोसा गावजोंगाव गोहोम थालायनाय आरो फारागथिफोरखौ। बिसोर बबे बुहुमखौराडारि ओनसोलाव बबे रावखौ रायज्जायो आरो ट्राइबेल रावफोरनि आखुथाइ आरो दाथाइनि सोमोन्दै मिथिनो हागोन आरो भारतनि मोनफ्रोम गाहाय रावफोरनि सरसनस्रायै रायज्जायग्रा बाश्रा-खोन्दोब आरो बाश्रा बुंनो सोलोंगोन लोगोसेनो बे मोनफ्रोमबो रावफोरनि धोनि/गेवलांनाय थुनलाइनि सोमोन्दै मिथिनो हागोन (गोनां बादियै रावसोलायनायनि गेजेरजों)। बेबादि मावफारिया बिसोरनो भारतारि खौसेथि आरो समायना हारिमुआरि दोरों आरो फारागथि मोननैनिबो मोन्दांथि होगोन आरो भारतनि दाब-दाब ओनसोलनि सुबुंफोरखौ बिसोर लोगो हमलायहैनायनि खाबु मोननायलाय गासै जिउआव मोनसे गोमोथाव सिनायलायनाय लाबोना होफैगोन। बे मावथांखि/मावफारिया मोनसे रंजाथाव मावफारि जागोन आरो बेयाव जेबो सुथाइ महर थानाय नडा।

4.17. भारतनि क्वाचिकेल राव आरो थुनलाइफोरनि गोनांथि, समजों गोरबनाय आरो समायनाथिखौबो नेवसिगारनो हाया। संस्कृत रावा भारत संबिजिरनि दाइन्थि फारियाव थिसनजानाय मोनसे गोनांथार गोदान भारतारि रावबो आरो गुबुन फारसे जाय लेटिन आरो ग्रीक मोननैखौबो ज' खालामनायनिखुइबो बांसिन बेसेन गोनां क्वाचिकेल थुनलाइ थानाय मोनसे गोजाम रावबो। संस्कृत गियाननि बिखान्थि मुडै मिथिजानाय बे फैलाव बाख्रियाव दं बेसेनगोसा रनसायनायफोर जेरै- सानखान्थि,

सानथौ-बिगियान, रावखान्थि, देंखो, राजखान्थि, मुलि, बुमिनसार, ज'खा सुनाय, फावथाइ, खन्थाइ आरो सल' खिन्थानाय आरो गोबां। बे थुनलाइफोरखौ दोहोरोमारि, दोहोरोमारि-नडै सुबुंफोर आरो रोजा बोसोरनि सायाव थानाय गासै समाजआरि-रांखान्थियारि बिथिनि आरो गासै बिथिडारि जिउनि सुबुंफोरा रनसायलांदोंमोन। संस्कृत रावखौ बेनिखायनो फरायसालिनि गासै थाखोआवनो आरो गोजौ सोलोथाइयावबो फरायफारिनि थाखाय थाम रावारि फरमुलानि मोनसे लानो हानाय राव महरै लाफाना फरायसाफोरनि थाखाय मोनसे गोनांथार, फोजोंखांहानाय सायख'जानाय राव महरै लानो होनाय जागोन। बेखौ फोरोंनो थाखाय गोसो बोनो हानाय आरो बाहायथाइयारिजों लोगोसे आथिखालनि समजों खाबजानाय संस्कृत गियान बिखान्थि आरो जर'खायै रिसारथि आरो रिसार खालामनाय आदब बाहायना फोरोंनाय जागोन। बिथायारि आरो गेजेर थाखोनि संस्कृत फरायबिजाबखौ गोरलै मानथाखोनि संस्कृतजों (SSS) लिरनाय जागोन संस्कृतनि गेजेरजों संस्कृत (STS) फोरोंनो आरो बेनि फरायसंनायखौ रंजा-बाजा खालामनो थाखाय।

4.18. भारतआ गुबुन क्वाचिकेल रावफोराव जोबोर धोनि क्वाचिकेल थुनलाइ दंबावो बेवनो दं तामिल, तेलेगु, कानाडा, मालायालम आरो अडिया। बेफोरनि अनगायैबो पाली, पार्चीयान, प्राकृतक्वाचिकेल रावफोर दं; आरो बिसोरनि थुनलाइयारि हाबाफोरखौ धोनि खालामनो, इउन जोलैफोरनि थाखाय गोजोननाय होनो आरो फेहेरनो थाखाय सरैखा खालामनाय जागोन। जेब्ला भारतआ आबुं दावगानाय हादर जागोन अब्ला उननि आथाला बेफोरखौ लानो गोसो जागोन आरो भारतनि फैलाव आरो समायना क्वाचिकेल थुनलाइया जौगाखांहोजागोन। संस्कृत आरो भारतनि गुबुन क्वाचिकेल राव आरो थुनलाइफोर जेरै- तामिल, तेलेगु, कानाडा, मालायालम, अडिया आरिनि अनगायैबो पाली, पार्चीयान आरो प्राकृत रावखौबो फरायसाफोरनि थाखाय गुवारै फरायसालियाव सायख'ना लानो हानाय आयदा होनाय जागोन। बेफोर राव आरो थुनलाइफोरखौ गोथाडै लाखिनो आरो सांग्रां जिउनां खालामनो थाखाय हानायमानि अनलाइन मड्युल बादियै बाहायथाइयारि आरो गोदान आदबनि गेजेरजों राहा लानाय जागोन। बेबादिनो धोनि खुगा थुनलाइ आरो लिरनाय थुनलाइ, हारिमु, दोरों आरो गियान थानाय गासै भारतारि रावफोरनि थाखायबो बेबादि राहा लानो नाजानाय जागोन।

4.19. गथ'साफोरनि दावगानाय आरो बेफोर धोनि राव आरो बिसोरनि आरिमुआरि बाख्रिफोरखौ सरैखा खालामनायनि थाखाय गासै सरकारि आरो गावारि फरायसालिफोराव थानाय गासै गथ'साफोरा थाखो 6-12 आव थानाय बिरोंदामिन खौसेथि खालामनायखौ लाफानानै बाहायथाइयारि आरो गोदान सोरजिलु नोजोरनि गेजेरजों खमैब्लाबो बोसोरनै भारतारि क्वाचिकेल राव आरो सोमोन्दो गोनां थुनलाइफोर सोलोनो हानायनि खाबु थागोन। बे खाबुआ गेजेर थाखोनिफ्राय सोलिलांनानै गोजौ थाखो एबा बेनि उनावबो सोलिगोन।

4.20. इंराजी आरो भारतारि रावफोराव जौसिन गुनगोनां कर्स लानो हानायनि अनगाबो फरायसाफोरा बुहुमनि हारिमुनि सोमोन्दै सोलोनो आरो गावसोरनि गोसो जानायबादि गावसोरनि बुहुमनां गियान आरो सोलायनायखौ साबखांहोनो थाखाय करियान, जापानीस, थाइ, फ्रान्स, जार्मान, स्पेनिस, पुर्तुगिस आरो रासियान बादि गुबुन हायुडारि रावफोरखौबो गोजौ थाखोआव फरायनो हानाय जागोन।

4.21. गासै रावफोरनि फोरोंनायखौ गेलेमुजों आरो एप्प बाहायनायखौ लाफानानै गोदानारि सोरजिलु आरो बाहायथाइयारि आदबजों जौगाहोनाय जागोन, बिदिन्थि बायदियै रावफोरनि हारिमुआरि बिथिफोर जेरै- सावथुन, थियेटार, सल' खिन्थानाय, खन्थाइ आरो देंखोनि दारै आरो मोग्थां-जिउनि रंगौथिफोरजों आरो खाबजानाय आयदाफोरजों सोमोन्दो सुंजाबनानै फोरोंनाय जागोन। बेखायनो राव फोरोंनायाबो बाहायथाइयारि-सोलोनाय फोरोंथाइ-आदबखान्थि बिथा जागोन।

4.22. भारतारि इसारा रावखौ (ISL) हादरनाडैनो जौगा माननि खालामनाय जागोन आरो खोमाजों खोनायै फरायसाफोरनि थाखाय हायुडारि आरो हादरसायारि फरायफारि मुवाफोर जौगाहोनाय जागोन। जेराव हानाय जायो आरो आरजाथाव जायो बेयाव ओनसोलारि इसारा रावखौबो मान होनायजों लोगोसे फोरोंनायबो जागोन।

गोनांथार आयदा, सोलो आरो हानाय-गोहोफोरनि फरायफारि खौसेथि खालामनाय

4.23. आथिखालनि गोख्रै सोलायस्तु मुलुगआव फरायसाफोरा मोजां, जाफुंसार, गोदानारि सोरजिलु, आज्ञावनो हानाय आरो दिहुनथाइयारि सुबुं जानो थाखाय फरायसाफोरा गावसोरनि फरायफारिनि थि आयदा, सोलो आरो हानाय-गोहोखौ सायख'ना लानो हानायनि गोबां गुरुंथि थागोन। रावफोरनि सायाव सोलोगोरों जानायनि अनगायैबो बेफोर सोलोफोरा दंफायो- बिगियानारि सानदांथि आरो फोरमान-बिथा साननाय, सोरजिलु आरो गोदानारि सानखांग्रा, समायना मोनदांथि आरो आरिमु, बुंनाय आरो लिरनाय सुंजाबनाय, सावस्रि आरो सावगोनाय आदार, देहायारि सोलॉथाइ, देहायारि गोख्रोंथि, गोगो आरो गेलेमु, जथाइ बानजायनाय आरो हानजायारि हाबा, जेना सुस्रानाय आरो जुक्टियारि बिजिरगोहो, हाबायारि फोरमायनाय आरो सोलोफोर, डिजिटेल रॉनाय, थख' खालामनाय (कडिं) आरो सानखान्थि साननाय, बोसोनखान्थियारि आरो आखल-आखुआरि बिजिरगोहो, गियान आरो सुबुंनि बाहायथि, संबिजिरारि बेसेनथि, आथोनारि मोनदांथि, गुदि मावनांथाइ (बिबान), हायुंसायारि सोलो आरो बेसेनथिफोर, भारतनि गियान आरो दै आरो फुंखाफोरनि संरैखा, साखोन-सिखोन लाखिनाय आरो साखोन-सिखोन, आरो ओनसोल, हादरसा, हादर आरो मुलुगनि सोलिफु सोमोन्दो आरो गियान आरिखौ लोब्बा लाखिना आबहावा सांग्रांथि।

4.24. लोब्बा गोनां थाखोआव थानाय आथिखाल समनि आयदाफोरनि सिनायथिनाय एबा जागायजेननाय जेरै-आर्टिपिचियेल इन्टेलिजेन्स, बुमिन (महरारि) साननाय, गोगो सावस्रि, अर्गेनिक जिउखांनाय, आबहावायारि सोलॉथाइ, बुहुमनां हायुंसायारि सोलॉथाइ (GCED) आरिखौ लाफानानै थांखिगोनां फरायफारि आरो फोरोंथाइ-आदबखान्थि मावजेनफारि लानाय जागोन गासै थाखोआव थानाय फरायसाफोरनियारि बेफोर बायदि बायदि गोनांथार सोलोखौ जौगाहोनो थाखाय।

4.25. गोबां बिबांनि फैनो लानाय फोथार आरो जिउराहाफोर जाय बैयो आर्टिपिचियेल इन्टेलिजेन्स, मेसिन लारनिं, खारि बिगियान आरिजों लोब्बा गोनां बेयाव भारतनि इयुन आरो दैदेनगिरि बिफावनि आखुथाइ लानायनि थाखाय सानखान्थि आरो सानखान्थियारि साननाया जोबोर गोनांथार जागोन होनना सिनायथिनाय जादों। बेनिखायनो सानखान्थि आरो सानखान्थियारि (कम्पिउटेसनेल) साननाय-हानायखौ गासै फरायसालिनि सोलॉथाइनि बोसोरनाडैनो बांसिन गोनांथि होनाय जागोन, जेथोगोनां (पाजोल) गेलेनायफोर जाय गोबां रंजाथाव आरो नांथाबहोनाय सानखान्थियारि साननाय लाबोयोखौ लाफाना बायदि रोखोमनि गोदान सोरजिलु आदबनि गेजेरजों बिथायारि थाखोर्जों जागायजेनना। गेजेर थाखोआव थख' खालामनाय (कडिं) लोब्बायारि मावफारि (आखुथाइ) फोरखौ जागायनाय जागोन।

4.26. हादरसा आरो जायगानि समाजआ थिरांथा लानाय आरो जायगानि थाखाय गोनांथि थानाय सोलोफोरनि सायाव महर (मेप) थिखाना होनायै थाखो 6 आरो थाखो 8 सिमनि गेजेराव साप्रोमबो फरायसाफोरा मोनसे रंजा-बाजा कर्स खालामनांगोन, बेयावनो दं जायगानि गोनांथार हाबायारि दामिनफोर जेरै- मिस्त्रि हाबा, मोब्लिबारि हाबा, धातु हाबा, बिबार बागान खालामनाय, दो-दोख्ला दानाय आरिफोरनि सायाव नायसंनाय आरो आखाइजों मावना बाहायथाइयारि रंगौथि मोननाय। जेब्ला 2020-21 माइथायनि NCFSE खौ थियारिखालामनाय जायो अब्ला थाखो 6-8 नि थाखाय बाहायथाइयारि-बिथा फरायफारिया NCERT जों थिरोखोमै महर होजानाय जागोन। थाखो 6-8 नि गेजेराव थानाय गासै फरायसाफोरा 10 साननि थाखाय फराय-आगजु लायाजासे जायगानि हाबायारि रंगौथि-गोनां जेरै- मिस्त्रि, बिबार-बागान खालामना, दो-दोख्ला दाग्रा, आरिमुगिरिफोरनिफ्राय सोलॉस्लिनाय हाबाफारियाव बाहागो लानो हागोन। बे हाबायारि आयदा सोलॉस्लिनायखौ बन्द' समफोरखौ लाफानानै फरायसाफोरा थाखो 6-12 थाखोसिमनि गेजेराव लानो हागोन। अनलाइन बिजोनि गेजेरजोबो हाबायारि कर्सखौ मोननो हानाय जागोन। फराय-आगजु गैयै समखौ आरिमु, सोंजाब, गेलेमु आरो हाबायारि दामिन बादिनि बायदि रोखोमनि जौगालु मावफारिफोरनि थाखाय बोसोरनाडै थुलुंगा होनाय जागोन। गथ'साफोरनो फरायसालिनि बायजोआव सोलॉहोनो थाखाय बिसोरनि गामि/ जौगाखां खोन्दो/ जिब्ला/ हादरसानि सिडव थानाय ओंथिगोनां जारिमिनारि जायगाय/ लंथाइखुलि, हारिमुआरिजायगा आरो दावबायथावनिफोराव जायगानि

आरिमुगिरि आरो दामिनगिरिखौ लोगो हमनो दावबायहैनाय आरो जौसिन सोलोंथाइयारि फसंथानफोराव दावबायहैनायनि सम होनाय जागोन।

4.27. गोजाम भारतनि गियान आरो गोदान भारतआव बेनि अब'दान, जाफुंसारनाय आरो मोगा-मोगि जानो हानाय, आरो सोलोंथाइ, सावस्रि, आबहावा आरियाव भारतनि इयुन लुबैनाय आरो हास्थायनायनि मोनसे रोखा मोन्दांथिखौ लाफानानैना जागोन 'भारतनि गियान'। जेराव आरजाथाव जायो बेयाव बेफोर थादेरसाफोरखौ फरायसालिनि फरायफारिनाडै गेबेडे आरो बिगियानारि आदबजों सोसनफानाय जागोन, जर'खायै ट्राइबेल गियान आरो जायगानि आरो दोरोडारि सोलोंनायनि लामाखौ लाफानानै भारतारि गियान बिखान्थिया आबुं खालामजानाय जागोन आरो सानखान्थि, जौलारि-बिगियान, सानथौ-बिगियान, य'गा, बुमिनसार, मुलि, आबाद, सोरदिडारि (इन्जिनियारिं), राव-बिगियान, थुनलाइ, गेलेमु, गेलेनाय लोगोसे सासन खालामनाय, राजखान्थि, सरंखाथि आरियाव सरजाबदेरफानाय जागोन। ट्राइबेल बोसोनथि-मुलियारि बाहायथाइयारि, हाग्रामा सामलाइनाय, दोरोडारि (अर्गेनिक) आबाद मावनाय, मिथिंगायारि आबाद मावनाय आरियाव जर'खा कर्सफोरबो मोननो हानाय जागोन। गोजौ (सेकेण्डारि) फरायसालियाव मोनसे इलेकटिभ आयदा महरै भारतारि गियान बिखान्थिनि सायाव मोनसे नांथाबना थानाय कर्सखौ फरायसाफोरनो लानो हानाय खालामनाय जागोन। रंजानाय आरो जायगानि गेलेनायनि गेजेरजों माखासे सावरायनां आयदा (टपिक्स) आरो आयदाफोरखौ सोलोंनो थाखाय फरायसालिफोरा बादायलायनाय खुंफुंनो हायो। फरायसालि फरायफारिनाडै बिगियान आरो गुबुन आयदायावबो गोजाम-गोदान भारतनि थुलुंगाखांहोग्रा गेदेमा सुबुंफोरनि खारि सावथुन मोनसे आरजाथाव बिन्दोआव दिन्थिनाय जागोन। हारिमुआरि सोलाय-सोल' हाबाफारिनि बाहागो महरै फरायसाफोरखौ गुबुन गुबुन हादरसा दावबायनो थुलुंगा होनाय जागोन।

4.28. फरायसाफोरखौ जौमोन बैसोआवनो 'माया गेबें बेखौ मावनायनि' गोनांथिखौ फोरोंगोन आरो बोसोनखान्थियारि थांखि लानो थाखाय जुक्टियारि खाथाम होनाय जागोन। उननि बोसोरफोराव, बैफोरजों लोगोसे गाव गावनि जिउ खुंनायाव आखुआरि/बोसोनखान्थियारि बेसेनथिखौ गोबानानै दैदेनलानो गथ'साफोरखौ हाहोनायनि थांखिजों गुबुन आयदाफोर जेरै- थगायनाय, हिंसा, गुबुननि नकल खालामनाय, जानला-मोनला दाखोर गारनाय, सहायनाय, समानथि, समान मोन्दांथि आरिनि सोमोन्दैबो फोरोंलानायखौ बांहोनाय जागोन गोबां बिथिनिफ्राय मोनसे बोसोनखान्थियारि आयदानि सोमोन्दै थाथाइ/बाथा बान होनायखौ दाना लाहोनो आरो गासै हाबा-हुखायाव बोसोनखान्थियारि बाहायथाइखौ बाहायहोनो। बेबादि बोसोनखान्थियारि बिजिरगोहोनि बिजाउनआव दोरोडारि भारतारि बेसेनथि आरो गुदि सुबुं आरो संबिजिरारि बेसेनथिफोरखौ (जेरै- मावसिन (सेवा), अहिंसा, साखोन-सिखोन, सैथो, निष्काम-कर्म, सान्ति, बावसोमनाय, सहायनाय, बायदि महर, बांमहरबाद, सैथोजों सोलिग्रा, आथोनारि मोनदांथि, गेदेरफोरनो मान होनाय, गासै सुबुंखौ मान होनाय आरो उनफिन-सानफिन बिजिरालासे बिसोरनि जोनोमारि हानाय गोहो, आबहावानि फारसे सिबिनाय, मदद होग्रा, माहि-आखु, धर्य, निमाहा होनाय, समान मोन्दांथि, अनखानाय, हादर सिबिसुला, सुबुंखान्थियारि नोजोर, खौसेथि, बिबान रुजुननाय, न्याय, उदांसि, समानथि, बिदा-फंबाय सानलायनाय आरि) गासै फरायसाफोरनियाव जौगाखांहोनाय जागोन। फरायसाफोरा भारतारि दोरोंनि गुबै सल'फोर जेरै- पन्चतन्त्र, जातक, हित'पदेश आरो गुबुन रंजाथाव आरो थुलुंगाखांहोग्रा सल'फोरखौ फरायनायजों लोगोसे सोलोंनो खाबु मोनगोन आरो बुहुमनां थुनलाइयाव बे सल'फोरनि गोहोमनि सोमोन्दै सोलोंनो हागोन। भारतारि संबिजिरनि सुंद' लिरथाइफोराबो गासै फरायसाफोरनि थाखाय फरायनो गोनां होनना सानना लाहोजानाय जागोन। फेग्रा मुवा, थांखु आरो गुबुन ड्रागसफोरनि हेंथागोनां आरो खहागोनां गोहोमनि बिगियानारि फोरमायथिजों लोगोसे सावस्रि लाखिनाय, गोसोआरि सावस्रि, मोजां सावगोनाय आदार, गावारि आरो सुबुडारि साखोन-सिखोन, अलखद फिनथाइ आरो गिबि-फाहाम राहा आरिखौ लाफानानै सावस्रियारि फोरोंथाइखौ फरायफारियाव सोसननाय जागोन।

4.29. जौनि फरायसाफोरनि थाखाय सोलोंथाइया बांसिनै सोमोन्दो लाबोथाव, आरजाथाव, गोसो जाहोनाय आरो

गोहोमगोनां बेखौ रोखा खालामनायनि बिथिडाव बिथायारि थाखोनि उननिफ्राय गासै फरायफारि आरो फोरोंथाइ-आदबखान्थिखौ हारिमु, दोरों, आजौमु (गोजाम हारिमु दोरों), आसारखान्थि, राव, सानथौ, बुहुमखौरां, गोजाम आरो आथिखाल समनि गियान, समाजआरि सोमोन्दो आरो बिगियानारि गोनांथि, जायगानि आरो दोरोडारि सोलोंनायनि राहा आरिनि फारसेनिफ्राय गोगोमै रोदासुनाय भारतारि आरो जायगानि आगु आयदा आरो सानथौनि सायाव बिथा खालामनानै गोदानै महर होनाय जागोन। सल'फोर, आरिमु, गेलेनाय, गेलेमु, बिदिन्थियारिफोर, जेंनाफोर बायदि बायदिया भारतारिनाव रोदासुनाय आरो जायगानि बुहुमखौराडारि आगु आयदा जानायनि थाखाय हानायमानि थाबै सायख'जानाय जागोन। जेब्ला सोलोंनाया बिब्दि रोदा सुनाय जायो अब्ला सोलोफोर, गुबै(सार बाहागो) आरो सोरजिलु गोहोआ थारैनो साबसिन दावगागोन।

फरायसालि सोलोंथाइनि थाखाय हायुडारि फरायफारि खाथाम (NCFSE)

4.30. मोनसे गोदान आरो साग्लोबसार (आबुं) फरायसालि सोलोंथाइनि थाखाय हायुडारि फरायफारि खाथाम (NCFSE) 2020-21 नि महर होनाया हायुडारि सोलोंथाइ बिखान्थि 2020 नि खान्थिफोर, सिगांसारिनि फरायफारि गोनांथिफोरनि सायाव आरो हादरसा सोरखार, मन्थि-बिफानआरि आरो मिरु सोरखारनि सोमोन्दो गोनां बिफान आरो गुबुन रोंग'सा आफादखौ लाफानानै गासै बाहागोदारफोरजों सावरायनायनि उनाव गुदि खालामनानै NCERT जों लाजानाय (थि खालामजानाय) जागोन आरो बेखौ गासै ओनसोलारि रावफोराव मोनहोनाय जागोन। सिगांसारिनि फरायफारिखौ नोजोर लाखिनानै NCFSE खारिखौ मोनफ्रोमबो 5-10 बोसोरनि गेजेराव खेबसे सोदांनाय आरो जौगाहोनाय जागोन।

जायगानि आयदा आरो बिदैजों (थावनायजों) हायुडारि फरायबिजाबफोर

4.31. फरायसालि फरायफारिनि आयदाखौ खम खालामनाय आरो गुरुंथिखौ बांहोनाय आरो ओरैनो मख'स्थ लाना सोलोंनाय (आन्जादनि थाखायल' सोलोंनाय) नि सोलाय सोरजिलु सोलोंनायाव गोनांथि होनायजों समान-समानै (स्रें-स्रेंयै) फरायसालिनि फरायबिजाबफोरखौ सोलायनाय जाथारगोन। गासै फरायबिजाबफोरानो गोनांथार मिरु मुवा (सावरायनाय, बिजिरनाय, बिदिन्थि, बाहायथि (एप्लिकेसन्स) गोनां जयै) हायुडारि थाखोआव गोनांथार होनना सानजानाय थानाय नाथाय मोनसे समावनो जायगानि आगु आयदा आरो गोनांथि बादियै जायखिजाया लुबैजानाय एसेल' फारागथि गोनां मुवाफोर आरो सुफुंग्रा (उफ्रा) मुवा थानायनि थाखाय थांखि गोनां जाथारगोन। जेराव जाथावना जायो बेयाव फरायसा आरो फोरोंगिरिफोराबो थि खालामना दोननाय बिजाबफोर जाय हायुडारि आरो जायगानि मुवा गोनांथि जानाय थानायनिफ्राय गावसोर बाहायनाय फरायबिजाबफोरखौ सायख'ना लानो हानाय जागोन जाहाथे गावसोरनि गुबै फोरोंथाइ-आदबखान्थि राहाजों गोरोंबसिननाय आखुथाइयाव लोगोसे गावसोरनि फरायसा आरो माहारिनि सुबुंफोरनि गोनांथिफोरनिसिम फोरोंनो हायो।

4.32. सोलोंथाइ बिखान्थि आरो फरायसाफोरनि सायाव फरायबिजाबनि बांद्राय बेसेननि बजायखौ रेजें खालामनो थाखाय गुनगोनां फरायबिजाबखौ हानायमानि खम खरसायाव एबा सेबखानायाव जानाय खरसायावनो होनायनि थांखि लानाय जागोन। बेजों लोगोसे NCERT आरो SCERT नि जथाइ बानजायनायाव जौगाखानाय जौगा-गुनगोनां फरायबिजाब मुवाफोर आरो उफ्रा फरायबिजाब मुवाफोर जाय सुबुं-बानजाय लोगोनांनयफोर आरो क्राउट सरसिं (जेराव लिरगिरिफोरा साफायनायनि खरसा बेसेनावनो जौगा-गुनगोनां बिजाब लिरनो थुंलुंगा मोनो) जों फुनजि होजानाय जानो हागौ बेखौबो मोननो हानाय जागोन। हादरसायारि बिदै आरो गोनांथि मुवाफोर सोसन्नानै हादरसाफोरा गावबा-गावनि असे फरायफारि (हानायमानि NCERT आ दिहुननाय NCFSE नि सायाव बिथा खालामनानै) आरो फरायबिजाबफोर (हानायमानि NCERT नि फरायबिजाब मुवाफोरनि सायाव बिथा खालामनानै) खौ थियारि खालामगोन। बेबादि मावनो थानायाव बेखौ गोसोआव लानांगोनदि हायुडारि आजवजानाय नेमखान्थि महरै NCERTनि फरायफारिखौ लानाय जागोन। गासै ओनसोलारि रावफोराव थानाय बेबादि फरायबिजाबफोरखौ मोननो हानाया जौसिन आगुथि होजानाय जागोन जाहाथे गासै

फरायसाफोरा जौगा-गुनगोनां सोलोंनो मोननो हानाय जायो। फरायसालिफोराव थि समावनो फरायबिजाब मोनहोनो गासै रोखोमनि नाजानाय थागोन। आबहावा संरैखा खालामनो आरो रोगानाय/दोनथुमनायनि खरसानि बजायखौ खम खालामनो थाखाय गासै फरायबिजाबफोरखौ हादरसा/जथाइ हायुं आवथा सोरखारफोरा आरो NCERTआ डाउनलड खालामनो हानाय आरो सेबखांनो हानाय महराव मोनहोगोन।

4.33. फरायसालिनि जलंगा (बेग) आरो फरायबिजाबफोरनि अजनखौ मुख'जाथावै खम खालामनो थाखाय फरायफारि आरो फोरोंथाइ-आदबखान्थियाव आरजाथाव सोलायनाय लाबोनायनि गेजेरजो NCERT, SCERT, फरायसालि आरो फोरोंगिरिफोरा जथाइयै नाजागोन।

फरायसा दावगानायनि थाखाय महरसोलायनाय थि खालामनाय

4.34. जौनि फरायसालि बिखान्थिनि हारिमुआव थि खालामनायनि थांखिया मोनसे जाय आयदा जोबनायनि उनाव आन्जाद लानाय (सामेटिभ एबा सोलोंनायनि फिथाइयाव) आरो गाहायै आन्जादनि थाखाय मख'स्थ लानाय सोलोफोरखौ सोलायनाय गुबुन मोनसे जाय बांसिन अरायसम जाबाय थाग्रा आरो सोरजिलुवारि जाय बांसिन रौनाय (जुजिनाय) बिथा, जौनि फरायसाफोरनि थाखाय सोलोंनाय आरो दावगाहोनाय जौगाहोनाय आरो फरायसाफोरनि जौसिन-थाखोनि सोलोफोर जेरै- बिजिरनाय, गोथौवै साननाय-हनाय, सान्दांथाइयारि रोखाथि आन्जाद लानायाव लांनाय। थि खालामनायनि गुदि थांखिया थारैनो सोलोंनायनि थाखाय, बेयो फोरोंगिरि आरो फरायसाफोर आरो गासै फरायसालि बिखान्थिखौ मदद खालामगोन। गासै फरायसाफोरनि थाखाय नांगौबादि सोलोंनाय आरो दावगानाय लाबोनो सोलों-फोरों फारिखान्थिखौ नायफिनलांबाय थागोन। सोलोंथाइनि गासै थाखोआव बेनो थि खालामनायनि थाखाय थानाय खान्थि जागोन।

4.35. फरायसालिया बिमा-बिफाखौ सुंजाबहोग्रा फरायसालि-बिथा थि खालामनायनि थाखाय गासै फरायसाफोरनि दावगानाय कार्डआ जानोगोनां हायुडारि थि खालामग्रा मिरु, NCERT आरो SCERTनि दैदेनजानाय हादरसा आरो जथाइ हायुं आवथाफोरजो आबुडै गोदान महर (बुमिन) होजानाय जागोन। दावगानाय कार्डआ फरायसानि गासै दावगानाय दिन्थिग्रा जागोन, 360 डिग्रि बांमोखाडारि फोरमायथि जाय जौगानायनि सोमोन्दै लोगोसेनो साफ्रोमबोनि सोलोंग्राफोरनि जर'खा मोन्दांथियारि, गोसोआरि आरो मेलेमारि जौगानायखौ बेरखांहोयो। बेयाव गावनोगाव थि खालामनाय, गुबुन बिजिरनाय थि खालामनाय आरो फोरोंगिरिनि थि खालामनायजो लोगोसे मावथांखि बिथा आरो संनाय बिथा सोलोंनाय, सोंजाबफोर, बिफाव लानाय, हानजा खामानि मावनाय, बिबानफोर आरियाव गथ'साफोरनि दावगानायबो थागोन। फरायसानि गासै दावगानाय दिन्थिग्रा दावगानाय कार्डआ फरायसालि आरो नखरनि गेजेराव मोनसे सोमोन्दो सोरजिगोन आरो बेजो लोगोसे गावसोरनि गथ'साफोरनि आबुं सोलोंथाइ आरो दावगानायाव बिमा-बिफाया सांग्राडै बाहागो लानो थाखाय फोरोंगिरि आरो बिमा-बिफानि मेलबो थागोन। थाखो खथानि सिडाव आरो बायजोआव साफ्रोमबो फरायसाफोरखौ फोरोंगिरि आरो बिमा-बिफाफोरा माबोरै मदद खालामनो हायो दावगानाय कार्डआ बेनिबो खारि होगोन। फरायसाफोर बिसोरनि गोख्रोंथि, गोसो जानाय फोथार, नोजोर होनो गोनां फोथारनि सायाव बेसेनगोसा फोरमायथि गोनां आरो बेजोनों बिसोरखौ साबसिन जिउराहा सायख'ना लानो हानायखौ जगायनायनि थाखाय बिसोरनि फरायसालि बोसोर बिथा सोलोंनायनि खारिथि आरो फरायसा, फोरोंगिरि आरो बिमा-बिफानि थाखाय बाहागो लालायनाय सोंथि बिलाइफोरनि गेजेरजो गावसोरनि जौगानाय ट्रेक खालामनाय एबा मोननायखौ मदद लानायनि थाखाय ए-आइ-बिथा सप्टवेरआ फरायसाफोरजो जौगाहोजानाय आरो बाहायजानाय जानो हायो।

4.36. बर्ड आन्जाद आरो इन्ट्रेन्स आन्जाद (हाबनायनि आन्जाद-नायनाय आन्जाद) खौ लाफानानै आथिखालनि गोजौ (सेकेण्डारि) फरायासालिनि आन्जादफोर आरो आथिखालनि कसिं एबा फोरोंदेर लानाय हारिमुआ ज'रखायै गोजौ फरायसालि थाखोनि थाखाय जोबोर खहा लाबोदों गोबांथार आन्जादनि कसिं आरो थियारि जानाय गोनां थार

सोलोंनायनि बेसेनगोसा समखौ बाहायगारना। इयुननि सोलोंथाइ बिखान्थियाव जोबोर गोनां जाहैगोनबादि गुरुंथि आरो सायख'ना लानो हानायनि सोलाय बेफोर आन्जादफोरा फरायसाफोरखौ मोनसेल' फराय-बिजोडाव गुसेबथार मुवाफोरखौल' सोलोंनो गोनांबो (बाध्य') खालामो।

4.37. थाखो 10 आरो थाखो 12 नि बर्ड आन्जादआ थागोन नाथाय आथिखालनि बर्ड आरो इनट्रेन्स आन्जादआ बिखान्थिनि थाखाय कसिं एबा फोरोंदेर लानायखौ फोजोबनो थाखाय सोदांनाय जागोन। आथिखालनि थि खालामनाय बिखान्थियाव बेफोर खहा-गोनां गोहोमफोरखौ सोलायहोनो बर्डनि आन्जादफोरा आबुं दावगानायखौ थुलुंगा होनो थाखाय गोदानै दाफिनजानाय जागोन। गावसोरनि गोसो जानायनि सायाव सोनारनानै फरायसाफोरा मा मा आयदायाव आन्जाद होगोन बेखौ गोबां आयदाफोरनिफ्राय सायख'ना लानो हागोन। बर्डनि आन्जादफोरखौ गुबैयै गोबां दान फोरोंदेर लानाय आरो मख'स्थ लाना होनायनि सोलाय फरायसाफोरनि गुदि हानाय/रोंनायनि सायाव लानाय जागोन बे बिथिनिफ्राय आन्जादफोरखौ गोरलैसिन खालामना होनायबो जागोन। जायफोर फरायसाफोरा थाखोआव क्लास लाबाय थायो आरो एसे गोसो होयो बिसोर बर्डनि आन्जादआव बांद्राय उफ्रा नाजायाजासे गोरलैयैनो मोजाडै उथिनो हागोन। आरोबाव बर्ड आन्जादफोरनि 'गोजौ खुन्थिया'खौ बोखारनो थाखाय गोसो जायोब्ला गासै फरायसाफोरा फरायसालि बोसोरनि जायखिजाया समाव खेबनै बर्ड आन्जाद होनो हागोन, मोनसेया गुबै आन्जाद आरो गुबुना जौगानायनि आन्जाद।

4.38. बांसिन गुरुंथि होनाय, फरायसाफोरा सायख'नो हानाय, खेबनैयाव साबसिन नाजानो हानाय आरि जगायनायनि अनगायैबो थि खालामनाय (सुथाइ) जाय गुदि हानाय एबा रोंनायनि सायाव आन्जाद लानाया गासै बर्डनि आन्जादफोरनि थाखायनो गोख्रैनो गुबै सोदांजानाय एबा महर होजानाय जाथागोन। गोलाव समनि उनाव बर्डआ फरायसाफोरनि सायाव बर्ड आन्जादफोर जाय नारसिनथाइ आरो कसिं (फोरोंदेर लानाय) हारिमुखौ बाडाइ (खम) खालामनायनि जाथावना मडेलबो जौगाखांहोगोन। माखासे जाथावना बिखान्थिफोरनि गेजेराव दं: फरायसालिनि कर्स जोबखांनाय लोगो-लोगो आन्जाद लानाय बोसोरारि/खाव-बोसोरारि(सेमिष्टार)/मडुलार बर्ड आन्जाद आरिनि मोनसे बिखान्थि जौगाखांहोनाय जागोन जाय मोनफ्रोम आन्जादआनो जोबोर बाडाइ आयदानि सायाव जागोन जाहाथे आन्जादनि नारसिनथाइया गासै गोजौ थाखोआव साबसिन बाहागो राननाय, खम नारसिनथाइ (थांखि) गोनां, आरो खम गोजौ माननि जायो; सानखान्थिजौ जागायनाय गासै आयदाफोर आरो सोमोन्दो गोनांथिखालामनायखौ फरायसाफोर जाय गावसोरनि माखासे आयदाफोराव जौगा मान दिन्थिनो हानाय आरो माखासे जौसिन मान दिन्थिनो हानाय मोननै थाखोआव होनो हायो; आरो माखासे थि आयदाफोराव बर्डनि आन्जाद लानायखौ दाफिन्नानै मोननै बाहागो खालामनो हायो- मोनसेया सायख'ना फिननो हानाय अबजेकटिब रोखोमनि आरो गुबुन मोनसेया गुवारै बेखेवना लिरनाय।

4.39. गोजौआव मुख'नाय गासैबोनि थाखाय दिन्थिलामाया गासै गाहाइ बाहागोदारफोर जेरै- SCERT, थि खालामग्रा (सुथाइ) बर्ड (BoAs), थांखिजानाय गोदान हायुडारि थि खालामग्रा (सुथाइ) मिरु आरिजों सावरायलायनायनि लोब्बायाव NCERT जों थियारि खालामजानाय जागोन आरो 2020-21 माइथायनि NCFSE नि लोब्बायाव 2022-23 सोलोंथाइयारि सेसनजों थि खालामनाय (सुथाइ) बिखान्थियाव मोनसे महरसोलायनायनि थाखाय फोरोंगिरिफोर थियारि खालामनाय जागोन।

4.40. फरायसालिनि बोसोरनाडैनो दावगानायखौ ट्रेक खालामनो (मोननो) आरो थाखो 10 आरो 12 नि जोबनायवल' नडाब्लानो थामहिनबा फरायसा, बिमा-बिफा, फोरोंगिरि आरो गोरायुंफोरनि मुलामफानि थाखाय आरो फरायसालि आरो फोरों-सोलों फारिखान्थिसिम दावगानायनि थांखियाव थानाय गासै फरायसालि बिखान्थिनि थाखाय गासै फरायसाफोरा आरजाथाव खुंथाइ गोहोजों खुंजानाय थाखो 3, थाखो 5 आरो थाखो 8 नि फरायसालि आन्जादखौ होनांगोन। बेफोर आन्जादफोरा बुहुमखौराडारि लानांनायनि सोलाय लोब्बागोनां जौगा थाखोनि सोलोफोर आरो मोगथां-जिउनि थासारियाव गियानखौ बाहायनायजों लोगोसे हायुडारि आरो हादरसायारि फरायफारिनि गुबै मोन्दांथि (गुमुर) आरो गियाननि सायाव

सुथाइ लानायनि गेजेरजों सोलॉनायनि फिथाइखौ मोनफुंनाय आन्जाद खालामगोन। थाखो 3नि आन्जादआ जर'खायै फरायनो-लिरनो रॉनाय आरो अनजिमा सानगोरों जानाय आरो गुबुन बिथायारि सोलोफोरनि सायाव आन्जाद खालामगोन। फरायसालि आन्जादफोरनि फिथाइखौ फरायसालि सोलॉथाइ बिखान्थिनि दावगानाय थांखिनि थाखायल' बाहायनाय जागोन, जेराव फरायसालिफोरा गावसोरनि गासै फरायसाफोरनि सोलॉनायनि फिथाइखौ (रावबो फरायसानि मुं लायाजासे) बयनोबो मिथिहोनाय आरो फरायसालि बिखान्थिखौ नोजोर होलांबाय थानाय आरो जौगाहोनायबो दंफायो।

4.41. सुबुं फुंखा जौगाथाइ मन्थ्रि-बिफान (MHRD) नि सिडाव मोनसे जौगामान खानाहोग्रा आफाद महरै हायुडारि थि खालामग्रा (सुथाइ) मिरु, PARAKH (आबुं दावगानायनि थाखाय गियाननि दिन्थिफुंनाय थि खालामनाय (सुथाइ), नायफिननाय, बिजिरनाय) गायसननो सानथांखि होनाय जादों। बेनि गेजेरजों भारतनि गासै गनायथि मोननाय फरायसालि बर्डफोरनि थाखाय फरायसाफोरनि सुथाइ आरो सुमोनथाइनि नर्मस, मानदान्दा आरो दिन्थिलामा होनाय आरिनि माखासे गुदि थांखिफोरखौ सुफुंगोन। लोगोसे हादरसायारि मोनफुंनाय जरिब (SAS) खौ लामा दिन्थिगोन आरो हायुडारि मोनफुंनाय जरिब (NAS) खौ दैदेनगोन। बेनि अनगायैबो हादरआव सोलॉनाय फिथाइ मोनफुंनायखौ नोजोर लाखिनाय, बे सोलॉथाइ बिखान्थिनि जागायनायाव फोरमायनाय थांखिफोरजों राजि जानायाव 21थि जौथाइनि गोनां जानाय सोलोफोरखौ सुफुंनायनि फारसे गावसोरनि सुथाइ महरखौ सोलायनो थाखाय फरायसालि बर्डफोरनो थुलुंगा आरो मदद होनायाबो बेनि थांखि जागोन। बे मिरुआ गोदान सुथाइ महर आरो गोदानसिन बिजिरसंफोरनि सोमोन्दै फरायसालि बर्डफोरनो बोसोन होगोन आरो फरायसालि बर्डफोरनि गेजेराव मदद होलायनायखौ बांहोगोन। बेयो गासै फरायासालि बर्डफोरनि गेजेराव साबसिन बाहायथाइखौ मोनलायहोनायनि थाखाय आरो गासै फरायसालि बर्डनाडैनो फरायसाफोरनि गेजेराव सोलॉथाइयारि माननि समानथिखौ रोखा खालामग्रा मोनसे आग्जुबो जागोन।

4.42. मुलुगसोलॉसालिफोरनि इनट्रेन्स आन्जाद होनायनि खान्थिफोराबो रोखोमसेयानो जागोन। हायुडारि आन्जाद लाग्रा एजेन्सि (NTA) आ जौगा गुनगोनां सरासनस्रा सोलॉनायनि आन्जाद लोगोसेनो बिगियान, सुबुंथि, राव, आरिमु आरो हाबायारि आयदाफोराव जुनिया सरासनस्रा आयदा आन्जाद खमैब्लाबो बोसोराव खेबनै खुंनो थाखाय हाबा मावगोन। 3बेफोर आन्जादफोराव सानदांथाइयारि बुजिनाय आरो गियानखौ बाहायनो रॉनाय गोहोनि आन्जाद लागोन आरो बेफोर आन्जादफोरनि थाखाय कसिं एबा फोरोंदेरनाय लानांगौनि गोनांथिखौ फोजोबनो नाजानाय जागोन। फरायसाफोरा आन्जाद होनो गोसो जानाय आयदाफोरखौ सायख'नो हागोन आरो मोनफ्रोमबो मुलुगसोलॉसालिया साफ्रोम फरायसाफोरनि गावारि आयदानि सोलॉनाय रॉंगौथिखौ (पर्टपलिअ) नायनो हागोन आरो फरायसाफोरखौ गावारि गोसो जानाय आरो हानाय गुननि सायाव सोनारनानै गावसोरनि हाबाफारियाव मुं थिसननो हागोन। हायुडारि आन्जाद लाग्रा एजेन्सि (NTA) आ जौसिन सोलॉथाइ फसंथानफोराव सिं-रॉंगालिया (आन्दारग्रेजुयेट), रॉंगालिया (ग्रेजुयेट) नि मुं थिसननायफोर आरो फराय-अनसुंथाइ (फेल'सिप) नि थाखाय इनट्रेन्स आन्जाद खुंफुंनायाव मोनसे गाहाइ, रॉंग'सा, उदां-खुंथाइ आन्जाद लाग्रा आफाद महरै हाबा मावगोन। NTA नि आन्जाद लानाय मावमिनफोरनि जौसिन गुन, थाखो, आरो गुरुंथियानो जौ मुलुगसोलॉसालिफोरा गावसोरनि गावबा-गावनि आलादा आलादा इनट्रेन्स आन्जाद मोनफ्रोम थियारि खालामनायनि सोलाय बांसिन मुलुगसोलॉसालिफोरनो बेफोर सरासनस्रा इनट्रेन्स आन्जादखौ बाहायनो हाहोगोन। बेनि गेजेरजों गासै सोलॉथाइ बिखान्थि आरो फरायसालिमा (कलेज) आरो मुलुगसोलॉसालिफोरनि बजायखौ सोमोनांथावै रेजें खालामनो हागोन। NTA नि सुथाइखौ गावसोरनि मुं थिसननायाव बाहायगोन ना बाहाया बेखौ फरायासालिमा आरो मुलुगसोलॉसालिफोरनो हगारना होनाय जागोन।

जर'खा गुनाखिगोनां मोननाय फरायसाफोर/गुनाखिगोनां फरायसाफोरनि थाखाय मदद

4.43. साफ्रोम फरायसाफोरनियाव जोनोमारि गुनाखि थायो, बेखौ नागिरना दिहुनना, फेदेरना, थुलुंगा होना दावगाहोथारगोन। बेफोर गुनाखि एबा रॉंग'साफोरा गुबुन गुबुन गोसो जानाय, आखल-आखु आरो हानाय-गोहोनि महराव गावसोरखौनो दिन्थिनो हानाय जागोन। जाय मोनसे होनाय आयदाफारियाव थिरोखोमै गोख्रों गोसो जानाय आरो हानाय

गोहो दिन्धिग्रा बै फरायसाफोरा सरासनस्रा फरायसालि फरायफारिनि अनगायै बै होनाय आयदाफारियाव फरायसनो थाखाय थुलुंगा होजानाय जागोन। फोरोंगिरि सोलंथाइयाव बेफोरबादि फरायसानि गुनाखि आरो गोसो जानायखौ सिनायथिनाय आरो थुलुंगा होनायनि थाखाय आदबबो थाफागोन। NCERT आरो NCTE आ बोर मोननाय (आलादा गोरों) गथ'साफोरनि सोलंथाइनि थाखाय दिन्थिलामाबो जौगाखांहोगोन। B.Ed. हाबाफारिफोराव जर'खा गुनाखिगोनं (आलादा गोरों) गथ'साफोरनि सोलंथाइयाव जर'खा आयदा लानो गनायथि होनायबो जागोन।

4.44. फोरोंगिरिफोरा मोनसेल' गोसो जानाय एबा गुनाखिगोनं फरायसाफोरखौ थुलुंगा होनो थांखि थागोन बिसोरनो उफ्रा दावगाहोनाय मुवा आरो दिन्थिलामा आरो थुलुंगा होनायजों। आयदा (टफिक)-मिरु आरो मावथांखि-बिथा क्लाब आरो आफाद (सार्कोल) फोरा फरायसालि आरो फरायसालि आवथा, जिल्ला आरो गुबुनफोरनि थाखोआव थुलुंगा आरो मदद होजानाय जागोन। बिदिन्थि बादियै दंफायो बिगियान आफाद (सार्कोल), सानखान्थि आफाद (सार्कोल), देंखो आरो मोसानाय दिन्थिफुंनाय आफाद(सार्कोल), चेस आफाद (सार्कोल), खन्थाइ आफाद(सार्कोल), राव आफाद (सार्कोल), फावथाइ आफाद (सार्कोल), बाथ्रा दान्थेलायनाय आफाद (सार्कोल), गेलेमु आफाद (सार्कोल), आबहावा-क्लाब, देहा आरो मोजां-देहा क्लाब/यगा क्लाब आरो बायदि बायदि। बेफोरजों लोगोसेनो गुबुन गुबुन आयदाफोराव थानाय गोजौ फरायसालि फरायसाफोरनि थाखाय जौगा-गुनगोनं हायुडारि थाग्रा गोलोम-बोथोरारि हाबाफारिफोरखौबो थुलुंगा होनाय जागोन समाज-रांखान्थियारि गोग्लैसोनाय ओनसोलनिफ्राय थानायखौ लाफानानै हादरनि गासै ओनसोलनिफ्राय थानाय साबसिनथार फरायसा आरो फोरोंगिरिफोरखौ हायना नांहोनायसिम मोनसे थि गुन-बिथा नाथाय गनायथाव मुं थिसननाय फारिखान्थिजों।

4.45. गुबुन गुबुन आयदाफोराव अलिमपियाड आरो बादायलायनाया फरायसालिनिफ्राय लानानै ओनसोल, हादरसा आरो हायुडारि थाखोसिम रोखा सोमोन्दो लाखिनाय आरो दावगानायजों हादरनाडै खुंफुंजानाय जागोन गासै फरायसाफोरखौ गासै थाखोआव बिसोर जेराव उश्रिदों एबा रोंसार जादों बेयाव बाहागो लानायखौ रोखा खालामनो थाखाय। गोबां बिबांनि बाहागो लानायखौ रोखा खालामनो थाखाय गामियारि आनसोल आरो ओनसोलारि रावफोराव बेफोरखौ खुंनो नाजानाय जागोन। IIT आरो NIT बादि गाहाइ फसंथानफोरखौ लाफानानै सरकारि आरो गावारि मुलुगसोलोंसालिफोरा गावसोरनि सिं-रोंगाजालिया हाबाफारिफोराव मुं थिसननो थाखाय गोनांथि जानाय मोनसे बाहागो महरै हायुडारि आरो हायुंगेजेरारि अलिमपियाडनि गोरों बिथा फिथाइफोर आरो गुबुन सोमोन्दो गोनां हायुडारि हाबाफारिफोरनि फिथाइखौ बाहायनो थुलुंगा होजागोन।

4.46. गासै नखर एबा फरायसालिफोराव जेब्ला इन्टारनेट थानाय स्मार्ट फ'न एबा टेबलेटफोरा दं अब्ला सोंजाब, बादायलानाय, सुथाइ, बांहोनाय मुवा गोनां अनलाइन एप्प आरो गोसो जानायखौ होलाय-लालाय खालामनायनि थाखाय अनलाइन आफादआरिफोर (सुबुं गौमा) आ जौगाखांहोजानाय जागोन आरो गासै गोजौआव मुख'बोनाय हाबाफारिफोरखौ दावगाहोनो हाबा मावगोन बिमा-बिफा आरो फोरोंगिरिफोरनि आरजाथाव दिथा नोजोरजों फारायसाफोरनि थाखाय हानजा मावफारि एबा आखुथाइ बादियै। अनलाइन फुंखाफोर आरो जथाइ बानजायनायाव फोरों-सोलों फारिखान्थिखौ डिजिटेल फोरोंथाइ-आदबखान्थि बाहायनानै जौगाहोनो थाखाय फरायसालिफोरा मोनसे खोन्दोफारियै स्मार्ट थाखो खथा खालामगोन।

5. फोरोंगिरिफोर

5.1. फोरोंगिरिफोरा थारेंनो जौनि गथ'साफोरनि इयुनखौ महर होयो आरो बेनिखायनो हायुंनि इयुनखौबो दायो। बे गेदेमा बिफावनि जाहोना जादों- मानोना भारतआव फोरोंगिरिफोरा बयनिखुइबो बांसिन मान होजानाय समाजनि सोद्रोमामोन। बयनिखुइबो साबसिन आरो गोरोंसिन सुबुडाल'सो फोरोंगिरि जानो हायोमोन। फरायसाफोरनो हानायमानि गियान, सोलो

आरो बोसोनखान्थिफोर फोरोंनायनि थाखाय समाजआ फोरोंगिरि एबा गुरुफोरनो बिथांमोननि गोनां जानाय गासै नांगौथिखौनो होयोमोन। फोरोंगिरिफोरनि फोरोंगिरि सोलंथाइनि गुन, थिसननाय, मासि होनाय, मावमिन थासारि आरो मोनथाइ होनाया जेराव थानांगौ बेयाव थायैनो आरो बेबादियैनो फोरोंगिरिफोरनि गुन आरो थुलुंगा होनाया हास्थायनाय थाखो मानसिम मोनफुंहेनो हायैनो। फोरोंगिरि जिउराहायाव मोजांसिन सुबुंफोरखौ हाबनो थुलुंगा होनो थाखाय फोरोंगिरिफोरनि फारसे अनसायनाय आरो जौगा मान होनाय आरो फोरोंगिरिफोरनो गौजौ मासि होनायखौ बोखांफिननाय जाथारगोन। जौनि गथ'साफोर आरो हायुंनि थाखाय मोननो हाथाव साबसिन इयुनखौ रोखा खालामनो थाखाय फोरोंगिरिफोरनो थुलुंगा आरो मोनथाइ होनायनि गोनांथि दं।

थिसननाय आरो मासियाव सोनाय

5.2. गुनगोनां 4 बोसोरारि खौसेथि B.Ed. हाबाफारि फरायनायनि थाखाय हादरनाडै गोबां बिबांनि गोरों-बिथा स्क'लारसिप होनायै फोरोंगिरि जिउराहायाव रोंसारनाय (साबसिन) फरायसाफोरखौ हाबहोनो जर'खायै गामि ओनसोलनिफ्राय हाबनायखौ रोखा खालामनाय जागोन। गामियारि ओनसोलफोराव, जर'खा गोरों-बिथा फरायबान्था (स्क'लारसिप) मोनहोनानै थिसननायबो जागोन बेजों लोगोसेनो बिसोरनि 4 बोसोरारि B.Ed. हाबाफारिखौ जाफुंसार फोजोबनायनि उनाव बिसोरनि ओनसोलनि जायगायावनो आगुथि थिसनथाइ होनायबो थागोन। बे रोखोमनि स्क'लारसिपआ जायगानि फरायसाफोरनो जर'खायै फरायसुलिफोरनो जायगानि हाबा (साक्रि) होनायनि खाबु होगोन जाहाथे बिसोर फरायसाफोराजायगानि बिफाव मडेल महरै आरो ओनसोलारि राव रायज्जलायग्रा जौगा-रोंगौथि गोनां फोरोंगिरि महरै मावनो हायो। गामियारि ओनसोलफोराव जर'खायै आथिखालाव गुनगोनां फोरोंगिरिनि आंखाल ओनसोलफोराव फोरोंगिरि हाबा मावनायनि थाखाय फोरोंगिरिफोरनो अनथोब थुलुंगा होनाय जागोन। गामियारि फरायसालिफोराव फोरोंनायनि मोनसे गाहाइ अनथोब थुलुंगाया जागोन फरायसालि साखाथियाव एबा फरायसालिनि आवथाआव न' लुना होनाय एबा न' भारानि थाखाय होनाय मावबान्थानि बिबांखौ बांहोनाय।

5.3. फरायसाफोर गावसोरनि बिफाव मडेल आरो सोलंथाइयारि आबहावायाव फोरोंलांबाय थानो हानायनि थाखाय बांद्राय फोरोंगिरिफोरखौ बोस्लायनायनि खहागोनां बाहायथाइखौ दोनथ'नाय जागोन। हादरसा/जथाइ हायुं आवथा सोरखारफोरा जाथावगौ बादियै थि खालामना होनाय राहानि गेजेरजोंसो जोबोर गोनां एबा जर'खा थासारियावसो बोस्लायनो होनाय जागोन। आरोबाव सा-सा नुसारनायखौ रोखा खालामनो थाखाय मोनसे कम्पिउटाराइस अनलाइन बिखान्थिजोंसो बोस्लायनायखौ मावफुंनाय जागोन।

5.4. फोरोंगिरि उदायथि आन्जाद (TET) खौ आयदा मुवा आरो फोरोंथाइ-आदबखान्थि मोननैबो बिथिडाव साबसिन आन्जाद मुवाफोरजों बुंफबहोनो थाखाय खोख्रोंसिन खालामनाय जागोन। फरायसालि सोलंथाइनि गासै थाखोनाडै (बिथायारि, गुदि (थियारि), गेजेर आरो गोजौ) फोरोंगिरिफोरखौ मोनहोनो थाखाय फोरोंगिरि उदायथि आन्जादखौ लानाय जागोन। आयदा फोरोंगिरिफोर थिसननायनि बेलायावबो बेजों सोमोन्दो गोनां आयदायाव मोननाय फोरोंगिरि उदायथि आन्जाद (TET) एबा हायुडारि आन्जाद लाग्रा एजेन्सि (NTA) नि आन्जाद (टेष्ट) नि नाम्बारखौबो नायनाय जागोन। फोरोंनायनि फारसे थानाय गोसो जानाय आरो थुलुंगाखौ नोजोर होनो थाखाय मोगा-मोगि लानाय एबा थाखो खथायाव फोरोंना दिन्थिफुंनाया फरायसालि आरो फरायसालि आवथायाव फोरोंगिरि थिसननाय एबा लानायनि मोनसे गोनांथार बाहागो जागोन। बेफोर मोगा-मोगिखौ जायगानि रावजों गोरलैयै आरो सोलोगोनाडै फोरोंनो हानायखौ नायनो थाखायबो बाहायनाय जागोन जाहाथे ग्रंफोमबो फरायसालि/फरायासालि सोरबेंखनाव साफा-सानैब्लाबो फरायसाफोरनि जायगानि राव/नखरनि बाहायनाय रावजों राज्जलायनो हानाय फोरोंगिरि मोननो हायो। गावारि फरायसालिफोरनि फोरोंगिरिफोराबो फोरोंगिरि उदायथि आन्जाद, मोगा-मोगि एबा थाखो खथायाव फोरोंना दिन्थिफुंनाय आरो जायगानि रावफोरनि सायाव गियान थानाय आरिनि गेजेरजों उश्रिनाय जाथारनांगोन।

5.5. गासै आयदाफोर जर'खायै आरिमु, सावस्त्रियारि/देहायारि सोलंथाइ, हाबायारि सोलंथाइ आरो रावफोर बादियाव

थोजासे बिबांनि फोरोंगिरि थानायखौ रोखा खालामनो थाखाय फोरोंगिरिफोरखौ गंसे फरायसालि एबा फरायसालि सोरबेंखनाव थिसननो हागोन आरो फोरोंगिरिफोरखौ फरायसालिनाडै रानना लालायनाया हादरसा/जथाइ हायुं आवथानि सोरखारजों आजावजानाय फरायसालिफोरनि हानजा राननाय (Group of schooling) बादियै जागोन।

5.6. फरायसालिफोर/फरायसालि सोरबेंखनफोरा फरायसाफोरनो मुलामफा होनो आरो जायगानि गियान आरो जिउराहायारिफोरखौ संरैखा आरो जौगाहोनायाव मदद खालामनो थाखाय गुबुन गुबुन आयदाफोर जेरै- दोरोडारि जायगानि आरिमु, हाबायारि दामिन, गोहो मावसंथान (इन्ट्रेप्रेनियरसिप), आबाद आरो जायगानि फालांगि थानाय गुबुन जायखिजाया आयदाफोराव जायगानि मुंदांखा सुबुं एबा रोंग'साफोरखौ 'दिन्थि फोरोंग्रा' महरै लाखिनो थाखाय थुलुंगा होजानाय जागोन।

5.7. फेंगौ नै जिथाइयाव आसाथिनाय आयदा लायै आयदा फोरोंगिरिफोरनि गोनां जानाय लांदां मासिफोरखौ थि खालामनो थाखाय मोनफ्रोमबो हादरसाजों मोनसे बिरोंदामिनआरि-बिथा आबुं फोरोंगिरि-गोनांथिनि सानथांखि सानना लानाय इयुन दिन्थि खुंफुंजानाय जागोन। थिसननाय आरो मासियाव सोनायनि गोजौआव मुख'नाय गासै गोदान मावजेनफारिफोरखौ समजों लोगोसे गोनांथि बादियै दावगाहोनाय जागोन गासै लांदां मासिफोराव जायगानि फोरोंगिरिफोरखौ लाफाना उथ्रिनाय एबा रोंगौथि-गोनां फोरोंगिरिफोरखौ गाहायाव फोरमायनाय जिउखां(केरियार) सामलाइनाय आरो दावगानायनि थाखाय नांगौबादि थुलुंगा होनायै आबुं खालामनो थाखाय। मिजिथिनाय लांदां मासिफोरजों फोरोंगिरि सोलॉथाइ हाबाफारिफोर आरो खाबु होनायनिबो लोब्बा थागोन।

मावमिन आबहावा आरो हारिमु

5.8. फोरोंगिरिफोरा गावसोरनि हाबाखौ गोहोम गोनांसिनै मावनो हानाय-गोहोखौ बांहोसिननायानो जागोन फरायसालिफोरनि मावमिन आबहावा आरो हारिमुआव मुख'जाथाव सोलायनाय लाबोनायनि गुदि थांखि आरो बेजों लोगोसेनो बिसोरखौ अराय सांग्रां मावथि, जोथोन लाग्रा, आरो फोरोंगिरि, फरायसा, बिमा-बिफा, गोरायुं आरो गुबुन मदद होग्रा साक्रिआवलाफोरा मोनसे जथाइ समाजनि बाहागो बेखौ रोखा खालामनायनि थाखाय। बिसोर साफ्रोमहाबो मोनसे सरासनन्ना थांखि दं- जॉनि गथ'साफोरा सोलॉदों बेखौ रोखा खालामनायनि थाखाय।

5.9. फरायसालियाव सोद्रोम आरो सुखु गोजोन थासारि रोखा खालामनाया बे बिथिनि गिबि गोनांथि जागोन। फरायसालिनि फोरोंगिरि आरो गासै आथोननि गथ'साफोर आरो नोरजिया (बेंगुरा-बेंगुरि) गोनां गथ'साफोरखौ लाफानानै फरायसाफोरा गावसोरनि फरायसालियाव मोनसे रैखाथि, सरजाबदेर आरो गोहोमगोनां सोलॉनाय आबहावा मोनो आरो फरायसालियाव फोरोंनो आरो सोलॉनो थाखाय खाबुगोनां आरो थुलुंगानाय मोननायखौ रोखा खालामनो थाखाय गासै फरायसालियाव बाहायजानाय बाज'/खिखरसालि, गोगो लॉनाय दै, साखोन-सिखोन, गोसो बोनो हानाय लांदां जायगा, मोब्लिब, कम्पिउटिं डिवाइसफोर, इन्टारनेट, बिजाबबाखि आरो गेलेनाय रंजानायनि फुंखाफोरखौ लाफानानै थोजासे आरो रैखाथि इंसिंदाथाइ जगायनाय जागोन। मावमिन समारि फोरोंथाइयाव फरायसालि हाबा मावखुलियाव रैखाथि, सावस्रि आरो आबहावानि सायाव इनपुट थागोन, जाहाथे बेफोर गोनांथिफोरनि फारसे फोरोंगिरिफोरा गोसोआव नांनाय मोनो।

5.10. गोहोमगोनां फरायसालि सासन खालामनाय, फुंखा बाहागो राननाय (सेयार खालामनाय) आरो समाज दानायनि थाखाय हादरसा/जथाइ हायुं आवथा सोरखारफोरा फरायसालि सोरबेंखन, फरायसालिफोरखौ बानगोनां खालामनाय, फरायसालि फरायनो मोननायखौ एसेबो बाडाइ खालामै गोदानारि सोरजिलु फरमेट आजावनो हायो। फरायसालि सोरबेंखन गायसननाया मोनसे गोखों-थुलुंगाथि फोरोंगिरि समाज दानायनि फारसे हान्थिनो गोनां दोंसे गोलाव लामा। फरायसालि सोरबेंखनआव फोरोंगिरि सोलाव-थिसननाया फरायसालि सोरबेंखननाडै फरायसालिफोरनि गेजेराव गावनोगाव सोमोन्दो सोरजियो। बेयो मोनसे बांसिन गोखों-थुलुंगाथि फोरोंगिरिफोरनि गियाननि बिथा सोरजिनानै आयदा बादियै फोरोंगिरिफोरखौ साबसिनै रानसारनायखौबो रोखा खालामगोन। गोबां फिसा फरायसालिफोराव फोरोंगिरिफोरा दा

एखुथा थानांनाय नंलिया आरो गेदेर फरायसालि सोरबेंखननि बाहागो महरै लोगोसे हाबा मावनो हागोन साबसिन-हामसिन बाहायथाइफोरखौ गावजोंगाव सेयार खालामना आरो गासै फरायसाफोरा सोलोंदें बोखौ रोखा खालामनो थाखाय जथाइ बानजायनायै मावना। फोरोंगिरिफोरखौ सिगां फारसे दावगालांनायाव मदद होनो आरो गोहोमगोनां आबहावा सोरजिनायाव मदद होनो थाखाय फरायसालि सोरबेंखनफोरा सुबुरुनगिरि, फोरोंथाइ मोननाय समाजनि मावग्रा, आरोदायारि आरो सामलाइनाय मावफारिया आरिफोरजोंबो सेयार खालामलायनो एबा सुंजाबलायनो हायो।

5.11. बिमा-बिफा आरो गुबुन गाहाइ जायगानि बाहागोदारफोरजों जथाइ बानजायनानै फोरोंगिरिफोरखौबो फरायसालि/फरायसालि-सोरबेंखन सासन खालामनायाव बांसिन नांथाबहोनाय जागोन लोगोसे फरायसालि सामलाइ आफाद/फरायसालि सोरबेंखन सामलाइ आफादनि सोद्रोमा महरै लाफानायै।

5.12. आथिखालाव फोरोंगिरिफोरा बांसिन समखौ फोरोंनाय नडै मावफारि/आखुथाइयाव बाहायगारनांनायखौ होबथानो थाखाय फोरोंगिरिफोरखौ सोलोंथाइजों थोंजों सोमोन्दो गैयै मोनबो हाबायाव नांथाबहोना मोननाय नडा; जर'खायै गोब्राब खुंथाइयारि हाबा आरो सानजौफुनि जानाय आदारनि बानगोनां खम समनिखुइ बांसिन सम गोनां लोब्बायारि खामानिफोराव फोरोंगिरिफोरखौ लोब्बा जाहोना मोननाय नडा जाहाथे बिसोर गावसोरनि फोरोंनाय-सोलोंनाय बिबानाव आबुडै गोसो होथाबना मावनो हायो।

5.13. फरायसालियाव सोलोंनायनि सोरजिलु आबहावा थानायखौ रोखा खालामनो थाखाय गोरायुं आरो फोरोंगिरिफोरनि मिजिंथिनाय बिफावा रोखा/स्रा स्रा जाथारगोन फरायसालियाव गोहोमगोनां सोलोंनाय आरो गासै बाहागोदारफोरनि मुलामफानि थाखाय गावसोरनि फरायसालियाव मोनसे जोथोन लानाय आरो हारिमु सरजाबदेरनायखौ लाफाना।

5.14. गावसोरनि थाखो खथायाव फरायसाफोरनि थाखाय बांसिन गोहोमगोनां मोननाय राहाजों फोरोंनो हानायनि थाखाय फोरोंगिरिफोरनो फोरोंथाइ-आदबखान्थिनि बिथिंखौ सायख'नायनि बेलायाव बांसिन उदां-खुंथाइ होनाय जागोन। फोरोंगिरिफोरा जायखिजाया फरायसाफोरनि आबुं गियान दावगानायनि मोनसे गोनां बिथिं समाजआरि-आबेगारि सोलोंनायनि सायावबो नोजोर होनांगोन। फोरोंगिरिफोरा ओरैबादि फोरोंनायनि मुख'जाथाव नोजोर सिनायथिनांगोन जायनि गेजेरजों थाखो खथायाव फरायसाफोरनि सोलोंथाइनि फिथाइखौ बांहोना हायो।

अराय (सोलिफु) जिउराहायारि दावगानाय (CPD)

5.15. फोरोंगिरिफोरनो गावखौ जौगाहोना (साबखांहोना) थाखाय आरो गावसोरनि जिउराहायाव गोदानसिन गोदानारि सानखांथि आरो जौगासारनायखौ सोलोंनो थाखाय अराय (सोलिफु) खाबु होनाय जागोन। बेफोरखौ जायगानि, ओनसोलारि, हादरसायारि, हायुडारि आरो हायुंगेजेरारि दाफुंसालि (वार्कसप) आव बाहागो लाहोनाय लोगोसे अनलाइन फोरोंगिरि दावगानाय मडुयुलखौ लाफानानै गोबां बिसायख' राहानि गेजेरजों होनाय जागोन। फोरोंगिरिफोरनो साननाय-हनाय आरो साबसिन बाहायथाइफोरखौ सेयार खालामलायनो (सुंजाबलायनो) थाखाय मोनसे फ्लेटफर्म (जर'खायै अनलाइन फ्लेटफर्म) जौगाखांहोनाय जागोन। बोसोरफ्रोमबो गावारि जिउराहा दावगानायनि थाखाय साफ्रोम फोरोंगिरिया CPD नि खाबु लानो बाडाइब्लाबो 50 घन्टा सम बाहागो लानायखौ मिजिंथिनो हानाय जागोन आरो बेयो गावसोरनि गोसो जानाय बादियै जागोन। CPD नि खाबुफोरा जरखायाव गोदानसिन फोरोंथाइ-आदबखान्थि बिथिंफोर जेरै- बिथायारि फरायनो-लिनो हानाय आरो सानगोरों खालामनाय, सोलोंनाय फिथाइनि सोरजिलु आरो आजावारि सुथाइ, रॉनाय बादायारि-बिथा सोलोंनाय आरो सोमोन्दो गोनां फोरोंथाइ-आदबखान्थि जेरै- बाहायथाइयारि सोलोंनाय, आरिमु-खौसेथि, गेलेनाय-खौसेथि, सल' खिन्थानाय-बिथा नोजोरआरिजों बिखान्थियारि बादियै खुंफुंनाय जागोन।

5.16. फरायसालिनि गोरायुं आरो फरायसालि सोरबेंखननि दैदेनगिरिफोरनि थाखाय गावसोरनि दैदेनगिरि/सामलाइनाय सोलोफोरखौ अराय बांहोलांनो थाखाय रोखोमसे मडुलार दैदेनगिरि/सामलाइनाय दाफुंसालि (वार्कसप), अनलाइन जौगाखांहोनाय खाबु आरो प्लेटफर्म थागोन जाहाथे बिसोरो साबसिन बाहायथाइखौ गावजोंगाव सेयार खालामलायनो हायो।

बिब्दि दैदेनगिरिफोरा बेखौबो मिजिं लाहोजानाय जागोनदि बिथांमोनहा 50 घन्टा आरो बेनिबो बांसिन समारि CPD हाबाफारियाव बोसोरफ्रोमबो बाहागो लानो हागोन बेयाव दैदेनगिरि आरो सामलाइनाय लोगोसेनो रॉनाय बादायारि-बिथा सोलोंथाइनि सायाव बिथा खालामनानै फोरोंथाइ-आदबखान्थियारि थांखि थियारि खालामनाय आरो गायसंनायनि सायाव नोजोर लाखिनाय गोनां आयदामुवा आरो फोरोंथाइ-आदबखान्थियारि फोलोमनाय जागोन।

जिउखांथाइ सामलाइनाय आरो दावगानाय (CMP)

5.17. गासै फोरोंगिरिफोरखौ गावसोरनि साबसिन हाबा मावनो थुलुंगा होनो थाखाय साबसिन-हामसिन हाबा मावना दिन्थिफुंनाय फोरोंगिरिफोरखौ सिनायथिनानै मासि जौगाखांहोनाय आरो मावबान्थाखौबो बांहोनाय जागोन। बेनिखायनो साबसिन-हामसिन फोरोंगिरिफोरखौ थुलुंगा आरो सिनायथि होनो थाखाय फोरोंगिरिफोरनि मोनफ्रोमबो खलबखौ बांथाखोआरि खालामनानै मावसमनि मोनसे गोखौं गोरों-बिथा दाथाइ, मासि जौगाहोनाय, मावबान्थानि दाथाइखौं जौगाहोनाय जागोन। बै एखे थांखिनि थाखायनो फोरोंगिरिफोरनि थि मावदिन्थिखौं थि खालामनो थाखाय हादरसा/जथाइ हायुं आवथा सोरखारफोरजों मोनसे गोबां बिसायख' थाथाइसुम (पारामिटरस) बिखान्थि जौगाखांहोनाय जागोन, बे बिखान्थिखौं रॉंग'साया फारि-फारियै बिजिरनाय, नुजाथिनाय, बाध्रा होनाय, CPDनि घन्टा आरो फरायासालि आरो समाजनि गुबुन गुबुन मावमिन महर एबा पेरा 5.20 होनाय NPST नि सायाव बिथा खालामनाय जागोन। बे बिखान्थियाव जिउखांथाइनि बिथिडाव जेब्ला मावसम ट्रेकआ सिगां मावसम मावसोलोंथ'नाय समखौं फोरमायो अब्ला 'मावसम'आ मावदिन्थिनाय आरो अबदानखौं मोजाडै थि खालामनायनि उनाव अरायथा थिसननाय एबा साक्रि गोजोर खालामनायनि थाखाय रोखा खालामनायखौं फोरमायो।

5.18. बेनि अनगायैबो मोनसेल' फरायसालि थाखोआव (जेरै- बिथायारि, गुदि (थियारि), गेजेर एबा गोजौ/सेकेण्डारि थाखोआव) नो फोरोंगिरिफोरा जिउखां जौगानाय(मावसम बिथिडाव मासि जौगानाय, मावबान्था बांनाय) खौ मोननो हागोन आरो फोरोंगिरि महरै सिगांनि थाखोनिफ्राय उननि थाखोसिम बारस्लायलांनायनि एबा उननिफ्राय सिगां फारसे फैनायनि मोनबो थुलुंगा थानाय नडा (अदेबानि फोरोंगिरिफोरा बेबादि आगान सुरनो गोसो जानाय आरो रॉंगौथि थायोब्ला थाखोनाडै बेबादि जिउखां दावगालांनायनि गनायथि थागोन)। थारथियाव गासै थाखोनि फरायसालि सोलोंथाइयाव साबसिन गुनगोनां फोरोंगिरिफोरनि गोनां जानाय आरो मोनबो थाखोआनो गुबुननि रुजुनायाव बारा गोनांथि होनना साननाय जानाय नडै बेखौं मदद खालामनाय थागोन।

5.19. गोरोंनि सायाव बिथा खालामनाय फोरोंगिरिफोरनि थोंगोर सोलायनायखौं गोनांथार नोजोर होनानै दैदेनगिरि दिन्थिनो हानाय आरो सामलाइनाय सोलोफोर गोनां जौसिन आरो बयनिखुइबो साबसिन फोरोंगिरिफोरखौं समाव फोरोंथाइ होनानै फरायसालि, फरायसालि सोरबेखन, BRC, CRC, BITE, DIET आरिजों लोगोसे लोब्बा गोनां सरकारि बिफानफोराव सोलोंथाइयारि दैदेनगिरि थाखोआव बिबान लाहोनाय जागोन।

फोरोंगिरिफोरनि थाखाय जिउराहायारि मानथाखो

5.20. सरासनस्रा सोलोंथाइ आफादनि (GEC) सिडाव थानाय हायुडारि फोरोंगिरि सोलोंथाइ आफाद (NCTE) बेनिनो गोदानै दाफामनाय महर जिउराहायारि मानथाखो खाना होग्रा आफाद(PSSB)आ NCERT, SCERT, गासै थाखो आरो ओनसोलनि फोरोंगिरिफोर, फोरोंगिरि थियारि खालामग्रा आरो जौगाहोग्रा रॉंग'सा आफादफोर, हाबायारि सोलोंथाइयाव रॉंग'सा आफादफोर आरो गोजौसिन सोलोंथाइ फसंथानफोरजों सावरायलायनानै मोनसे सरासनस्रा दिन्थिलामा साजायनाय महरै 2020 माइथायाव फोरोंगिरिफोरनि थाखाय हायुडारि जिउराहायारि मानथाखो (NPST) जौगाहोनाय जागोन। मानथाखोआ गुबुन गुबुन थाखोआव आखाफाखा गियान/थाखोनि आरो बे थाखोनि थाखाय हारोंथाइ गोनांथि जानाय फोरोंगिरिफोरनि मिजिंथिनाय बिफावखौं आबुं खालामगोन। बेयाव मोनफ्रोमबो थाखोआव मावदिन्थिफुंनाय बेसेन थि खालामनायनि मानथाखोबो थागोन, बेखौं सम सम खालामनाय जागोन। NPST आ गिबि-मावमिन फोरोंगिरि

सोलॅंथाइ हाबाफारिनि बुमिनखौबो मिथिहोगोन। बेनि उनाव बेयो हादरसाफोरजों आजावजावना मावसम, जिउराहायारि दावगानो नाजानाय, मावबान्था बांहोनाय, मासि जौगाहोनाय आरो गुबुन सिनायथिखौ लाफानानै फोरोंगिरि जिउखां सामलाइनायनि गासै बिथिखौ थिरांथा लानाय जागोन। बेबादि बेसेन थि खालामनायवल'सो फोरोंगिरिफोरनि मासि जौगानाय आरो मावबान्था बांनाया जागोन, मावमिन मावसम लावथाइ आरो गिबिथिनि सायाव नडा। 2030 माइथायाव जिउराहायारि मानथाखोखौ नायबिजिरनाय आरो सोदांनाय जागोन आरो बेनि उनाव जि बोसोरनि उन उन थि रोंमोन्थाइयारि फोरमानजों बिखान्थिनि फिथाइगोनां महरखौ बिजिरनाय जागोन।

जर'खा फोरोंगिरि

5.21. फरायसालि सोलॅंथाइनि माखासे फोथाराव उफ्रा जर'खा फोरोंगिरिफोरनि जोबोर गोनांथि दं। बेबादि जर'खा गोनांथिफोरनि माखासे बिदिन्थिफोरनि गेजेराव दं- जर'खा सोलॅंनाय गोब्राब जानाय (लारनिं डिसएबिलिटि) नि थाखाय फोरोंनायखौ लाफाना गेजेर आरो गोजौ (सेकेण्डारि) फरायसालि थाखोआव नोरजिया गथ'साफोर/दिव्यांग गथ'साफोरनि थाखाय आयदा फोरोंनाय। बेबादि फोरोंगिरिफोरा आयदाखौ फोरोंनायनि गियान थानाय आरो सोलॅंथाइनि थांखिजों लोब्बा गोनां आयदाखौल' बुजिनाय जानाडा, नाथाय गथ'साफोरनि जर'खा गोनांथिफोरखौबो बुजिनायनिबो आरजाथाव सोलोफोरनि गोनांथि दं। बेनिखायनो बेफोर फोथाराव आयदा फोरोंगिरिफोरखौ एबा सरासनस्रा फोरोंगिरिफोरखौबो बिसोरनि सिगां-मावमिन फोरोंगिरि थियारि जानायनि सम एबा उनाव लोगो जर'खा आयदा महरै एबा गोजौ (सेकेण्डारि) जरखाथि बादियै जौगाखांहोनो हायो। बेनि थाखाय फोरोंगिरिफोरनो सिगां-मावमिन सम आरो मावमिन सम मडआव आबुं सम एबा खोन्दो सम एबा गलाइ सम कर्स महरै फोरमानलाइ कर्स होनाय जागोन- आरोबाव गोनांथि बादियै बांआयदायारि फरायासालिमा आरो मुलुगसोलॅंसालिफोरावबो। आयदा फोरोंनाय सामलाइनो हानाय रोंगौथिगोनां जर'खा फोरोंगिरिफोरखौ थोजासे बिबानि मोननायखौ रोखा खालामनो थाखाय NCTE आरो RCI नि कर्स फरायफारिनि गेजेराव गोख्रों सोमोन्दो फोनांजाबनाय जागोन।

फोरोंगिरि सोलॅंथाइ नोजोर

5.22. फोरोंगिरिफोरा जौगा-गुनगोनां आयदा मुवाजों लोगोसे फोरोंथाइ-आदबखान्थियाव फोरोंथाइ लानांगोनखौ सिनायथिनानै 2030 माइथायसिमाव फोरोंगिरि सोलॅंथाइखौ लासै लासै बांआयदायारि फरायसालिमा आरो मुलुगसोलॅंसालियाव दावखोहोनाय जागोन। गासै फरायसालिमा आरो मुलुगसोलॅंसालिफोरा बांआयदायारि जानायनि फारसे दावगानाय बादियै बिसोरनि थांखिया सोलॅंथाइयाव B.Ed., M.Ed. आरो Ph.D. डिग्रि होग्रा जोबोर मोजां सोलॅंथाइ बिफान गायसननो लानाय जागोन।

5.23. 2030 माइथायसिमाव फोरोंनायनि थाखाय बाडाइथा डिग्रि रोंगौथि (कुवालिकेसन) आ जागोन 4 बोसोरारि खौसेथि B.Ed.। बे B.Ed. डिग्रियाव थागोन गुवारै गियान आयदायाव आरो फोरोंथाइ-आदबखान्थियाव फोरोंनाय लोगोसेनो जायगानि फरायसालियाव आयदा-फोरोंनायनि महराव बाहायफुंनाय गोख्रों सोलॅं-फोरोंनाय। 4 बोसोरारि खौसेथि B.Ed. डिग्रि होग्रा रोखोमसे बांआयदायारि फसंथानफोरानो 2 बोसोरारि B.Ed. डिग्रिबो (हाबाफारि) होगोन, अदेबानि बेखौ गुबुन जर'खा आयदा महरै लानानै रोंगाजालिया (बेचेलर) डिग्रि मोनखानाय सुबुंफोरनोल' होनाय जागोन। बे B.Ed. हाबाफारिखौ 1 बोसोरारि हाबाफारिनि महरावबो आरजाथावै आजावनो हानाय जागोन, अदेबानि बेखौ 4 बोसोरारि बांआयदायारि रोंगाजालिया(बेचेलर) डिग्रि लाखांनाय सुबुं एबा जायहा जरखा आयदायाव रोंगोरा (माष्टर) डिग्रि मोनखानाय आरो बै जर'खा आयदायाव सासे आयदा फोरोंगिरि जानो गोसो जानायाल'नो लानो हागोन। बेबादि गासै B.Ed. डिग्रिखौ 4 बोसोरारि खौसेथि B.Ed. हाबाफारि होग्रा गनायथिगोनां बांआयदायारि गोजौसिन सोलॅंथाइ फसंथानफोराल' होनो हागोन। थाखोआव 4 बोसोरारि खौसेथि B.Ed. हाबाफारि लाहोग्रा बांआयदायारि गोजौसिन सोलॅंथाइ फसंथान आरो उदां आरो जानथाइ सोलॅंनायनि (ODL) थाखाय गनायथि फसंथानफोराबो गोजान एबा

थांस'हायै गोग्लैसोनाय ओनसोलनि फरायसाफोरनो आरो गावसोरनि रोंगैथिखौ बांहोनो थांखि लानाय मावमिन समनि फोरोंगिरिफोरनोबो जौगा-गुनगोनां B.Ed. हाबाफारि ODL एबा गलाइ मडजों होनो हागोन। बेनि थाखाय हाबाफारिनि बोसोन होनायनि थाखाय आरो बाहायथाइयारि फोरोंथाइ आरो फरायसा-फोरोंनाय थादेरसाफोरनि थाखाय आरजाथाव गोख्रों राहा खालामनाय जागोन।

5.24. गासै B.Ed. हाबाफारिफोरखौ फोरोंथाइ-आदबखान्थियाव फोरमान मोननाय लोगोसे बावैसोनि गोदानसिन आदबाव फोरोंथाइ होनाय जागोन। बेफोरनि गेजेराव बिथायारि फरायनो-लिरनो हानाय आरो सानगोरों जानायजों लोब्बा गोनां फोरोंथाइ-आदबखान्थि, बांथाखोआरि फोरोंनाय आरो सुमोनाथाइ लानाय, नोरजिया(बेंगुरा-बेंगुरि) गथ'साफोरखौ फोरोंनाय, जर'खा गोसो जानाय एबा गुनाखि थानाय गथ'साफोरखौ फोरोंनाय, सोलॉथाइयारि बिरोंदामिन बाहायनाय आरो सोलॉगिरि मिरुआरि आरो ज' बानजायलायनाय सोलॉनायबो दंफायो। गासै B.Ed. हाबाफारियाव जायगानि फरायसालियाव थांनानै फोरोंहैनायखौ गोख्रों बाहायथाइयारि फोरोंथाइ महरै सोफागोन। गासै B.Ed. हाबाफारियाव जेब्ला जायखिजाया आयदा फोरोंनाय एबा माबा मोनसे मावफारि खालामनाय जायो अब्ला भारतारि संबिजिरनि गुदि बिबान (फारि नं 51A) आरो गुबुन संबिजिरारि राहाफोरखौ फालिनायनि सायाव गोनांथि होनाय जागोन। आबहावा सोलॉथाइखौ फरायसालि फरायफारिनि मोनसे एंगारहायै बाहागो खालामनो थाखाय आबहावानि फारसे सांग्रांथि आरो बेनि संरैखा आरो गनायथाव जौगानायनि फारसे सानदांथि(गोसो नानाय)खौ आरजाथावै खौसेथि खालामनायबो जागोन।

5.25. जुनिया सुंद' समारि जायगानि फोरोंगिरि सोलॉथाइ हाबाफारिफोरखौ BITE, DIET एबा फरायसालि/फरायसालि सोरबेंखनआव मोननो हागोन। बे हाबाफारियाव जायगानि जिउराहायारि, गियान आरो सोलोफोर जेरै- जायागानि आरिमु, देंखो, आबाद, फालांगि, गेलेमु, मिस्त्रि आरो गुबुन हाबायारि दामिनफोरखौ जौगाहोनायनि थांखिजों जायगानि मुंदांखा सुबुंफोरखौ फरायसालि एबा फरायसालि सोरबेंखनआव फोरोंगिरि बिथोनग्रा महरै फोरोंनो थाखाय थिसननाय जागोन।

5.26. बांआयदायारि फरायसालिमा आरो मुलुगसोलोंसालिफोराव सुंद' समारि B.Ed.-उन (बारग') फोरमानलाइ कर्सखौबो गुवारै मोननो हानाय जागोन। बे हाबाफारिनि गेजेरजों फोरोंनायनि जुनिया फोथार फारसे दावगालांनो गोसो गुदुं फोरोंगिरिफोरा जेरै- नोरजिया (बेंगुरा-बेंगुरि) फरायसाफोरखौ फोरोंनाय एबा फरायसालि बिखान्थियाव दैदेनगिरि जानाय आरो सामलाइनाय, एबा बिथायारि, गुदि (थियारि), गेजेर आरो गोजौ (सेकेण्डारि) थाखोफोरनि गेजेराव मोनसे थाखोनिफ्राय गुबुनाव बारलांनाय आरिखौ मोनफुंनो हागोन।

5.27. बेखौ मोनथिखागौदि मोनसे थि आयदाखौ फोरोंनो थाखाय हायुंगेजेरारि थाखोआव गोबां फोरोंथाइ-आदबखान्थियारि नोजोर थानो हागौ। NCERT आ गुबुन गुबुन आयदाफोरनि हायुंगेजेरारि फोरोंनायनि फोरोंथाइ-आदबखान्थियारि नोजोरफोरखौ फरायसंना, बिजिरसंना, खारि लिरथुमना आरो सुजुना बेफोरनिफ्राय मा सोलॉनो हायो आरो बाहायजाथाव जायो बेफोरखौ नोजोर होना भारतआव बाहायजाथाव फोरोंथाइ-आदबखान्थियारि नोजोरफोरनि सोमोन्दै गनायथि एबा बिथोन होगोन।

5.28. बे हायुडारि सोलॉथाइ बिखान्थि 2020 नि खान्थिफोरनि सायाव बिथा खालामनानै NCTE आ NCERT जों सावरायलायनानै 2021 माइथायसिमाव मोनसे गोदान साग्लोबसार (आबुं) फोरोंगिरि सोलॉथाइनि थाखाय हायुडारि फरायफारि खाथाम (NCFTE) 2021 थियारि खालामनाय जागोन। बे खाथामखौ हादरसा सोरखार, मिरु सोरखारनि लोब्बा गोनां मन्थि-बिफान/बिफानआरि आरो गुबुन गुबुन रोंग'सा आफादफोरजों लोगोसे गासै बाहागोदारफोरजों सावरायनायनि उनाव थियारि खालामनाय जागोन आरो गासै ओनसोलारि रावफोराव मोनहोनाय जागोन। NCFTE 2021 आ हाबायारि सोलॉथाइनि थाखाय फोरोंगिरि सोलॉथाइ फरायफारिनि गोनांथिफोरखौबो नोजोर लाखिगोन। बेनि उनाव नायफिननाय NCF आव सोलायनाय बेरखानायजों लोगोसे फोरोंगिरि सोलॉथाइनि थाखाय नानाय गोनांथिफोरखौ नोजोर होनानै NCFTE खौ मोनफ्रोमबो 5-10 बोसोरनि गेजेराव नायफिननाय जागोन।

5.29. जोबथारनायाव फोरोंगिरि सोलॉथाइ बिखान्थिनि खौसेथिखौ आबुडै बोखांफिननो थाखाय हादरआव सोलिगासिनो

थानाय हारसिं-हारसिं सोलिनाय मानथाखो गैबाडै फोरोंगिरि सोलोंथाइ फसंथानफोरनि बेरेखायै गोख्रों राहा लानाय जागोन, गोनां जायोब्ला बन्द' खालामना होनाय जागोन।

6. गनायथाव आरो सरजाबदेर सोलोंथाइ: गासैबोनि थाखाय सोलोंनाय

6.1. गनायथाव आरो समाजआरि न्याय मोननो थाखाय देरसिन मोनसेल' आगजुआ जादों सोलोंथाइ। गुबुन फारसे गनायथाव आरो सरजाबदेर सोलोंथाइया गावनो थारैनो मोनसे गोनांथार थांखिल' नडा अदेबानि सरजाबदेर आरो गनायथाव समाज दानायनि थाखायबो एंगारहायै आगान। जेराव साप्रोमबो हायुंसाफोरा सिमां नुनो, दावगानो आरो हायुंनि थाखाय अब'दान होनो हायो। सोलोंथाइ बिखान्थिया भारतनि गथ'साफोरनो मुलामफा होनायनि थांखि थाथारगोन जाहाथे रावबो गथ'साफोरा गावनि जोनोम एबा थासारि(गुदि-बिथा)नि जाहोननि थाखाय खाबुखौ खोमाना लानो गोनां जाया। बे सोलोंथाइ पलिसाया बे बाथ्राखौ दाथिनानै बुंफिनोदि फरायसालि सोलोंथाइ मोनहोनाय, बाहागो लाहोनाय आरो सोलोंनायनि फिथाइयाव समाजआरि थाखोनि फारागथिखौ जानगारहोनाया गासै सोलोंथाइ फोथार जौगानाय हाबाफारिनि मोनसे गाहाय थांखि जागोन। बे आयदा खोन्दोखौ आयदा 14 जों दाजाबदेरनानै फरायनाय जागोन जेराव गोजौसिन सोलोंथाइयाव गनायथाव आरो सरजाबदेरनि रोखोमसे आयदाफोरनि सोमोन्दै सावरायनाय जादों।

6.2. भारतनि सोलोंथाइ बिखान्थि आरो सोरखारफोरनि फारियै लाबोनाय बिखान्थिफोरा फरायसालि सोलोंथाइनि गासै थाखोआव आथोनारि आरो समाजआरि थाखोनि फारागथिखौ खम (बाडाइ) खालामनायनि बिथिडाव लासै लासै दावगाबोदों, नाथाय जरखायै गोजौ (सेकेण्डारि) थाखोआव, थि बादियै सामाजारि-रांखान्थियारि बिथिडाव उनफिनना थानाय सुबुंफोरा सोलोंथाइयाव गोदोनिफ्रायनो थान्दै जाबोनो मोनै एबा नुजानो हायै जानायखौ दिनैसिमबो नुनो मोनो। समाजआरि-रांखान्थियारि बिथिडाव गोम्लैसोनाय हानजानि (SEDG) सुबुंफोरखौ गुवारै आथोनारि सिनायथि (जुनियायै आइजो आरो हिजिरा एबा थामथि आथोन), समाजआरि-हारिमुआरि सिनायथि (जेरै-बोनजानाय हारि (SC), बोनजानाय हारिसा (ST), OBC आरो राव, दोहोरोमारि एसेल' अनजिमानि सुबुंफोर), बुहुमखौरांनि सिनायथिफोर(जेरै- गामि, फिसा सहर, आरो हास्थायनाय जिल्लानिफ्राय थानाय फरायसाफोर), जर'खा गोनांथि गोनां एबा बेंगुरा-बेंगुरि फरायसा(जेरै- सोलोंनायाव जेंना गोनां सुबुंफोरखौ लाफाना) आरो समाजआरि-रांखान्थियारि थासारि (जेरै- गुबुननिफ्राय फेनाय माहारि, बाडाइ आयनि नखर, लोरबां थासारियाव थानाय गथ'साफोर, लांखारजानायाव बोलि जानाय एबा बोलि जानायनि गथ'साफोर, नोगोर ओनसोलनि बिबायारि गथ'साफोरखौ लाफाना मावरियाफोर आरो नोगोरनि निखावरिफोर) बिथानि सायाव बाहागो खालामनो हायो। गुबुन फारसे गासै फरायसालियाव थाखो 1 निफ्राय थाखो 12 सिमाव मुं थिसननायनि अनजिमाया खम जाबोदों। बे खम जाबोनाया समाजआरि-रांखान्थियारि बिथिडाव गोम्लैसोनाय हानजायाव (SEDGआव) बांसिन, जर'खायै बेफोर SEDG नि मोनफ्रोमबोनि फरायसुलिफोरनि बेलायाव बांसिनबाव आरो गोजौसिन सोलोंथाइनि फोथाराव बे मोनफ्रोमबो SEDG फोरनि मुं थिसननायाव जोबोर खमसिनथार। समाजआरि-हारिमुआरि सिनायथिफोरनि सिडाव फेनाय SEDG नि मोनसे सुंद' थामान(गुन) सरासनस्रा बिजिरिथिखौ गाहायनि दालाइ खोन्दोआव होनाय जादों।

6.2.1. सोलोंथाइनि थाखाय रोखोमसे जिल्ला खारि बिखान्थि (U-DISE) 2016-17 माइथायनि खारि बादिब्ला गुदि फरायसालि थाखोआव 19.6% सो फरायसाफोरा बोनजानाय हारि (SC) नाथाय गोजौसिन फरायसालि (हायार सेकेण्डारि) थाखोआव बे जौखोन्दोआ खम जानानै 17.3% जाहैदों। बेफोर मुं थिसननायनि खम जानाया बोनजानाय हारिसा (ST) फरायसाफोर (10.6 % निफ्राय 6.8%) आरो जर'खा गोनांथि जानाय गथ'साफोर (1.1% निफ्राय 0.25%)नि बेलायाव गाज्रिथार, बेफोर थाखोनि मोनफ्रोमबो बाहागोआवनो फरायसुलिफोरनिबेलायाव बे मुं थिसननाया जोबोर खमसिनबाव। गोजौसिन सोलोंथाइयाव मुं थिसननायाव बाडाइ जानाया बांसिनथारबाव।

6.2.2. बोनजानाय हारिफोरनि (SC) गेजेराव मुं थिसननाय आरो फरायनायखौ लाखिनायनि हारआव खहा गोनां गोहोम खोख्लैनाय जाहोनफोरनि गेजेराव मोजां फरायसालिफोराव गोमो गुनगोनां सोलोंथाइ मोननो हायै, निखाउरि, समाजआरि-

आसारन्थि आरो रावारिखौ लाफानानै गोबां दं। बोनजानाय हारिनि गथ'साफोरनो फरायनो मोनहोनाय, बाहागो लाहोनाय, सोलॉनायनि फिथाइफोराव उन एबा खम जालानायखौ गैया खालामनायानो मोनसे गाहाय थांखि जाना थागोन। गुबुन फारसे गुबुन गोल्सोनाय हारिफोराबो आगुनिफ्रायनो समाजआरि आरो सोलॉथाइयारि बिथिडाव गोल्सोनाय होनना मिथिजायो। बिसोरनोबो जर'खा नोजोर होनायनि गोनांथि दं।

6.2.3. गुबुन गुबुन जारिमिनारि आरो बुहुमखौराडारि जाहोनफोरनि थाखायनो ट्राइबेल माहारि आरो बोनजानाय हारिसा(ST)फोरनि गथ'साफोराबो गोबां बिथिडाव जेंना-जेंगोनाजों मोगा-मोगि जानाडो। ट्राइबेल माहारिनि गथ'साफोरा सम सम गावसोरनि फरायसालि सोलॉथाइखौ गावसोरनि जिउनि हारिमुआरि आरो सोलॉथाइयारि बिथिडावनो खाबजायै आरो गुबुनारि बादि मोनो। अदेबानि आथिखालाव ट्राइबेल माहारिनि गथ'साफोरखौ जौगाखांहोनो थाखाय गोबां आखाइ होनाय हाबाफारि लानाय जादों आरो इयुनावबो लानाय जागोन। बेफोर आखाइ होनायनिफ्राय ट्राइबेल माहारिनि गथ'साफोरा मुलामफा मोननाय रोखा खालामनो थाखाय मोनसे जर'खा जुनथि आदब खालामनायनि गोनांथि दं।

6.2.4. फरायसालि आरो गोजौसिन सोलॉथाइयाव अनजिमायारियै खम सुबुंफोराबो (माइन'रिटि) थान्दै(गुनगोनां सोलॉथाइ लानो) मोननायाव उनफिनना थानाडो। बे सोलॉथाइ बिखान्थिया गासै अनजिमायाव बाडाइ सुबुंफोर जर'खायै बैसोर सुबुंफोरा सोलॉथाइयाव थान्दै महरै बाडाइ जानाय गथ'साफोरनि सोलॉथाइखौ बांहोनो थाखाय आखाइ होनांगोनि गोनांथिखौ गनायो।

6.2.5. बे सोलॉथाइ बिखान्थिया जर'खा गोनां जानाय गथ'साफोर (CWSN) एबा दिब्याग गथ'साफोरनो गुबुन गथ'साफोर बादि गुनगोनां सोलॉथाइ मोननायनि खाबु मोनहोनो हानाय जुनथि आदब सोरजिनायनि गोनांथिखौ सिनायथियो।

6.2.6. फरायसालि सोलॉथाइयाव समाजआरि थाखो बाहागो राननायखौ बाडाइ खालामनायनि सायाव नोजोर होनो थाखाय गाहायनि दालाइ खोन्दोआव होनाय बादि आलादा सोलोखान्थि महर होनाय जागोन।

6.3. आयदा 1-3 आव सावरायबोनाय ECCE, बिथायारि फरायनो-लिरनो रॉनाय आरो सानगोरों खालामनाय, फरायसालियाव फरायनो मोनहोनाय, मुं थिसननाय आरो नुजाथिनाय सोमोन्दै गोब्राब जेंना आरो गनायसंनायफोरा जर'खायै थान्दै गैजायै आरो गोल्सोनाय हानजाफोरनि थाखाय खाबजानाय आरो गोनांथार। बेनिखायनो, SEDG नि थाखाय आयदा 1-3नि राहाफोरखौ गोख्रोडै मावफुंनाय जागोन।

6.4. बेनि अनगायैबो, थि ओनसोलफोराव फरायसालि बिखान्थिनि माखासे बिथिडाव SEDGनि बाहागो लानायखौ बांहोनो थाखाय गुबुन गुबुन जाफुंसार बिखान्थि आरो मावबिथांखिफोर जेरै- थांखि-खानाय फरायसाफोरनि फरायबान्था(स्क'लारसिप), बिमा-बिफाखौ गावनि गथ'साफोरखौ फरायसालियाव थिनहरनायाव थुलुंगा अनथोब होनो थाखाय रादायगोनां रां हरनाय, हान्था-मेलानि थाखाय साइकेल होनाय आरि थोजासे मदद होनाय थागोन। बेफोर जाफुंसार बिखान्थि आरो मावबिथांखिफोरखौ हादरनाडैनो आरजाथावै गोख्रों खालामनाय (फोगोमनाय) जाथारगोन।

6.5. बे बिजिरसंखौ गोसोआव लानाया गोनांदि खायसे SEDG नि थाखाय मा मा राहाफोरा गोहोम गोनां बेखौ थि खालामनो। बिदिन्थि महरै फरायसालियाव थानो थाखाय साइकेल होनाय आरो साइकेलजों हान्थिनाय आरो थाबायना हान्थिनाय हानजा दाना होनाया फरायसुलिफोरनि बाहागो लानायखौ बांहोनायाव जरखायै गोख्रों राहा महरै जाखांबोदों, बाडाइ जानथाइनि बेलायावबो रैखाथिनि मुलामफा मोननायखौ लाना बिसोरो बिमा-बिफानो आराम मोननाय जगायनायनि थाखाय। नोरजिया (बेंगुरा-बेंगुरि) गथ'साफोरनि फरायनो मोननायखौ रोखा खालामनायनि नोजोरजों साफा गथ'सानो सासे फोरोंगिरि आरो फोरोंदेरगिरि (टिउटर), बिजिरनाय फोरोंदेरनाय, उदां फरायसालियाव फरायनाय, आरजाथाव इंसिंदाथाइ आरो खाबजानाय बिरोंदामिनआरि आखाइ होनाया जर'खायै गोहोम गोनां जानो हागौ। रांखान्थियारि उनफिनना थानाय नखरफोरनिफ्राय फैनाय गथ'साफोरनि थाखाय गुनगोनां ECCE सोलॉथाइ होग्रा फरायसालिफोरा

बांसिन मुलामफा गोनां। नोगोरनि निखाउरि ओनसोलनि गथ'साफोरनि थाखाय नुजाथिनाय आरो सोलंथाइनि फिथाइखौ बांहोनो थाखाय सुबुरुनगिरि (काउन्चेलर) आरो मोजाडै फोरंथाइ मोननाय समाजनि मावग्राफोर जाय बिथांमोनहा फरायसा, बिमा-बिफा, फरायसालि आरो फोरंगिरिजों सोमोन्दो गोनां बिसोरखौ हाबायाव लाखिनाया जर'खायै गोहोमगोनां।

6.6. SEDG नि बांसिन बिबानि रुजुज'खा थानाय माखासे बुहुमखौराडारि ओनसोलखौ खारिनिफ्राय मिथिनो मोनो। बुहुमखौराडारि जायगाफोर जाय हास्थायनाय जिल्ला महरै सिनायथिजानायबो दं जायनि थाखाय जर'खा आखाइ होनो गोनां दं बिसोरनि सोलंथाइयारि दावगानायखौ जौगाहोनायनि थाखाय। हादरनि रांखान्थियारि बिथिडाव गोम्लैसोनाय SEDG सुबुं मैखोम ओनसोलफोरखौ जर'खा सोलंथाइ ज'न (SEZ) फोसावनो गनायसंनाय होनाय जादों। बेफोर ओनसोलाव बिसोरनि सोलंथाइयारि बिथिं(हानुथाइ)खौ थारै सोलायहोनो थाखाय गासै मावथांखि आरो बिखान्थिफोरखौ बांसिनाव उफ्रा गोख्रों नाजानायनि गेजेरजों मावफुंनाय जागोन।

6.7. गासै SEDG नाडै थान्दै गैजायै गासै माहारिनि खावसे बाहागोआनो आइजो बेखौ सिनायथिथारनांगोन। दुखुनाथावै SEDG फोरा मोगा-मोगि जानांनाय जाय नासयजानाय आरो गादबजानाय एबा समानथाइ गैयि जेंनाफोरखौ बे माहारिनि आइजोफोरानो बांसिन सैनांगौ जादों। बे बिखान्थिया समाजआव आरो बेनि आसारखान्थि दानायाव आइजोफोरा जर'खा आरो एंगारहायै एबा गोब्राब बिफाव लायो होनना उफ्रायै सिनायथिदों बेनिखायनो आथिखालनि थाखायल' नडा इयुननि थाखायबो बेफोर SEDG माहारिनि सोलंथाइनि थाखोखौ बांहोनो थाखाय फरायसुलिफोरनो गुनगोनां सोलंथाइ होनायानो साबसिन राहा। बे बिखान्थिया ओरैबादि गनायसंनाय होदोंदि SEDGनिफ्राय थानाय फरायसाफोरखौ लाफानायसिम बिखान्थि आरो मावथांखिफोर महर होनाया बे हानजानि हिनजावसाफोरनि फारसे जर'खायै थांखिना लानाय जानांगौ होनना।

6.8. बेनि अनगायैबो, भारत सोरखारा गासै हिनजावसा आरो थामथि आथोननि (हिजिराफोरनि) सुबुंफोरनो गनायथाव गुनगोनां सोलंथाइ होनो थाखाय हायुंनि हानाय गोहो दानो थाखाय "आथोन सरजाबदेर फुनजि" दानानै होगोन। आइजो आरो थामथि आथोननि गथ'साफोरा सोलंथाइ लानायाव मुलामफा मोननो हानाय (जेरै- सावस्रि राहा आरो खिखरसालि, साइकेल एबा रादायगोनां नोगोद रां दैथायहरनाय आरि राहाफोर) मदद होनो थाखाय गोनांथार मिरु सोरखारा थि खालामनाय आगुथि (खाबु मोनहोसिननाय) मावफुंनो थाखाय हादरसाफोरनो बे फुनजिखौ मोनहोनाय जागोन। आइजो आरो थामथि आथोननि गथ'साफोरा सोलंथाइ लानायाव सहैनो हानाय आरो बाहागो लानायनि जर'खा हेंथा जायगानि बिथिखौ मदद खालामनो आरो गोहोमगोनां माहारि-बिथा आखाइ होनायनि थाखायबो हादरसाफोरखौ बे फुनजिया हाहोगोन। गुबुन SEDGनि सोलंथाइ लानो मोननायजों लोब्बा गोनां जेंनाफोरखौ सुस्रानो थाखायबो बे रोखोमनि 'सरजाबदेर फुनजि' जौगाहोनाय जागोन। सुंद'यै बे सोलंथाइ बिखान्थिनि थांखिया जायखिजाया आथोन एबा गुबुन समाज-रांखान्थियारि गोम्लैसोनाय हानजाफोरनिफ्राय थानाय गथ'साफोरनि थाखाय सोलंथाइ (हाबायारि सोलंथाइखौ लाफानानै) मोनहोनायाव आद्रा थाबावनाय फारागथिफोरखौ फोजोबनो नाजानाय।

6.9. साफ्रोमबो फरायसाफोरनि रैखाथिखौ नोजोर लाखिनानै जर'खायै फरायसुलिफोरखौ नोजोर लाखिनानै गोजान लामा हान्थिना फरायसालियाव फैनानाय जेंनाखौ सुस्रानो आरो जरखायै समाजआरि-रांखान्थियारि उनफिनना थानाय थासारिनि फरायसाफोरनि थाखाय फरायसालि जायगानि सिडाव जवाहार नब'दया बिद्वालय मानथाखोनि बादि बेसेन लायै हस्टेल लुना होनाय जागोन। समाजआरि-रांखान्थियारि बिथिडाव गोम्लैसोनाय फरायसुलिफोरनि गुनगोनां फरायसालि (थाखो 12 सिम) याव बाहागो लानायखौ बांहोनो थाखाय कस्तुर्बा गान्धी बालिका बिद्वालयफोरखौ गोख्रोंसिन खालामनाय आरो फेहेरनाय जागोन। जौगा-गुनगोनां सोलंथाइयारि खाबुफोरखौ बांहोनो थाखाय जर'खायै हास्थायनाय जिल्लाफोराव जर'खा सोलंथाइ ज'न आरो खाबु-गैयै ओनसोलफोराव हादरनाडै उफ्रा जवाहार नब'दया बिद्वालय आरो केन्द्रीय बिद्वालय गायसननाय जागोन। बाडाइयैब्लाबो से बोसोरनि आगु गथ'सा जोथोन आरो सोलंथाइ फोलोमनाय

आगु-फरायसालि बाहागोखौ केन्द्रीय बिद्वालय आरो हादरनि गुबुन गुदि फरायसालिफोराव सरजाबदेरफानाय जागोन, जर'खायै उनफिनना थानाय ओनसोलफोराव।

6.10. आगु गथ'सा जोथोन आरो सोलॉथाइ (ECCE) आव नोरजिया (बेंगुरा-बेंगुरि) गथ'साफोरखौ सरजाबदेरनाय आरो बिसोरनो समान बाहागो लाहोनाय आरो फरायासालि बिखान्थिखौ रोखा खालामनाया बांसिन आगुथि होजानायबो जागोन। बिथायारि थाखोनिफ्राय गोजौसिन सोलॉथाइसिम नोरजिया (बेंगुरा-बेंगुरि) गथ'साफोरखौ सरासनस्रा फरायसालि फारिखान्थियाव आबुडै बाहागो लानो हानाय खालामनाय जागोन। नोरजिया गथ'सानि मोनथाइ (RPWD) आयेन 2016 आ सरजाबदेर सोलॉथाइखौ 'सरासनस्रा फरायसा आरो नोरजिया फरायसाफोरा लोगोसे सोलॉनो हानाय मोनसे बिखान्थि आरो फोरॉनाय आरो सोलॉनायनि गुबुन मोनसे बिखान्थि बेयो गुबुन गुबुन रोखोमनि नोरजिया फरायसाफोरनि सोलॉनायनि गोनांथिफोरखौ सुफुंनो थाखाय आरजाथावै थि खालामनाय' होनना मख'दों। बे सोलॉथाइ बिखान्थिया RPWD आयेन 2016 नि गासै राहाफोरखौ आबुडै मदद खालामो आरो फरायसालि सोलॉथाइनि सोमोन्दै बेनि गनायसनाय होनाय गासैखौबो गनायथि होयो। हायुडारि फरायफारि खाथाम थियारि खालामनाय समाव NCERT आ रोंग'सा आफादफोर जेरै- नोरजिया गथ'सा मोन्थाइ बिफान (DEPwD) नि हायुडारि फसंथानफोरजों सावरायलायनाय जानायखौ रोखा खालामगोन।

6.11. बे थांखिनि जोबनाय फारसे, फरायसालिफोर/फरायसालि सोरबेंखनफोराव नोरजिया गथ'साफोरनि खौसेथिनि थाखाय फुंखाफोर जगायनाय जागोन, नोरजिया गथ'सानि सरासनस्रा गियान (क्रस-दिसएबिलिटि) फोरॉथाइ मोननाय फोरॉगिरि थिसननाय आरो फुंखा मिरु गायसननायनि थाखाय जेराव गोनांथि दं बेयाव फुंखा मिरुबो गायसननाय जागोन जरखायै गोब्राब एबा मोनसेनि बांसिन जेंना गोनां गथ'साफोरनि थाखाय। नोरजिया गथ'सानि मोनथाइ (RPWD) आयेननि बादियै गासै नोरजिया गथ'साफोरनो हेंथा गैयै सोलॉथाइ मोनहोनाय जागोन। गुबुन गुबुन थाखोनि नोरजिया गथ'साफोरनि गुबुन गुबुन गोनांथिफोरनि सायाव लोब्बा लाखिनानै फरायसालिफोर आरो फरायसालि सोरबेंखनफोरा हाबा मावगोन आरो बेबादि गथ'साफोरखौ थाखो खथायाव सरजाबदेरनाय आरो आबुं बाहागो लानायखौ रोखा खालामनो थाखाय बिसोरनि गोनांथि सुफुंनो, थानाय-जानाय आरिनि मदद मोनहोनो हस्टेल लुना होनाय आरो मददआरि जुनथि आदब जौगाहोनायनि थाखाय मदद होजानाय जागोन। थाखो खथायाव नोरजिया गथ'साफोरखौ गोरलैयैनो खौसे खालामना फोरॉगिरि आरो थाखोनि गुबुन लोगोफोरजों नांथाबहोनाय एबा सुंजाबलायहोनाय मदद होनो थाखाय माखासे मदद दिवाइस आरो आरजाथाव बिरोंदामिन बिथा टुल्स लोगोसे आबुं आरो रावजों खाबजानाय फोरॉ-सोलों मुवाफोर (जेरै-गेदेर हांखोजों सेबखानाय आरो ब्रेइल आदबाव मोननो हानाय फरायबिजाबफोर) थोजासे बिबानि मोनहोनाय जागोन। बेफोरखौ आरिमु, गेलेमु आरो हाबायारि सोलॉथाइखौ लाफानानै गासै फरायसालिनि मावफारिफोराव बाहायनाय जागोन। NIOS आ भारतारि इसारा फोरॉनो आरो भारतारि इसारा राव बाहायनानै गुबुन गुदि आयदाफोरखौ फोरॉनो जौगा-गुनगोनां आखाइनि बिजाबसा एबा मडुयुल जौगाखांहोगोन। नोरजिया गथ'साफोरनि रैखाथाइ आरो रैखाथि लाखिलांनायनि थाखाय नांगौबादि नोजोर होनाय जागोन।

6.12. नोरजिया गथ'सानि मोनथाइ (RPWD) आयेन 2016 नि बादियै गुबै नोरजिया गथ'साफोरा सरसनस्रा एबा जुनिया फरायसालि सोलॉथाइ लानायनि सायख'नो हायो। जर'खा फोरॉगिरिफोरनि गेजेरजों फुंखा मिरुफोरा गोब्राब एबा मोनसेनिखुइ बांसिन नोरजिया गथ'साफोरनि गायसनफिननाय आरो सोलॉथाइयारि गोनांथिफोरखौ मदद खालामगोन आरो लोगोसेनो जौगा-गुनगोनां सोलॉथाइखौ न'आवनो फरायहोनाय (हम स्कुलिं) आरो सोलोफोर जौगाहोना थाखाय बिमा-बिफा एबा दिथागिरिफोरखौ मदद खालामगोन। फरायसालियाव थानो हायै गोब्राब आरो गोगोम नोरजिया गथ'साफोरनि थाखाय नखर बिथा सोलॉथाइखौ सायख'नो हानाय जागोन। नखर-बिथा सोलॉथाइ लानाय गथ'साफोरा सरसनस्रा बिखान्थिनि गुबुन गथ'साफोर बादिनो सानजानाय जागोन। नखर-बिथा सोलॉथाइनि हानाय गोहो आरो गोहोम गोनांखौ बिजिरना नायनो थाखाय गनायथाव आरो खाबुनि समानथि खान्थि बाहायनानै सानजाद (अडिट) लानाय जागोन। नखर बिथा फरायसालिनि थाखाय नोरजिया गथ'सानि मोनथाइ (RPWD) आयेन 2016 नि बिथिडाव बे

सानजादनि सायाव सोनारनानै दिन्थिलामा आरो मानथाखोखौ जौगाहोनाय जागोन। अदेबानि बे रोखादि नोरजिया गासै गथ'साफोरनि सोलॉंथाइनि बिबाना हादरसा सोरखारनि, बिरोंदामिन बिथा सुस्रांथाइ राहाया गोबां बिबांनि सोलॉंनाय मुवाफोर होनायजों लोगोसे बिमा-बिफा/जोथोन लाग्राफोरनि रेंसोदांनाय होनायनि थाखाय बाहायजानाय जागोन बिमा-बिफा/जोथोन लाग्राफोरखौ गावसोरनि गथ'साफोरनि सोलॉंनायनि गोनांथिफोरखौ साग्राडै मदद खालामनो हाहोनायनि थाखाय बेखौ आगुथि होनाय जागोन।

6.13. बांसिन थाखो ख'थाफोराव जेब्लाबो मददनि गोनां जानाय जर'खा सोलॉंनाय जेंना गोनां (सोलॉंनो हायै) गथ'साफोर थायो। बिजिरसडाव बे रोखा जादोंदि बेफोरबादि मददखौ जेसेनो सिगां होनो हायो एसेनो साबसिन दावगालांनायनि खाबु थायो। फोरोंगिरिफोरा बेफोरबादि सोलॉंनायाव जर'खा जेंना गोनां गथ'साफोरखौ सिगांनो सिनायनायाव मदद खालामथारनांगोन आरो बेफोरखौ सोखानायनि थाखाय जुनिया सानथांखि लानांगोन। जुनिया मावफारिफोरनि गेजेराव दं आरजाथाव बिरोंदामिन बाहायनानै गथ'साफोरखौ गावसोरनि गोखैथि/हानाय गुनआव मावनो होनाय आरो हाहोनाय, साफ्रोम गथ'साफोरनि गोखोंथि गोहोबादि फरायनो गुरुंथि फरायफारि मोनहोनाय आरो आरजाथाव थि खालामनाय आरो फोरमानलाइ होनायनि थाखाय मोनसे आबहावा बिखान्थि (इक'सिस्तेम) खालामना होनायजों। गासै सोलॉंनायाव नोरजिया फरायसाफोरनि थाखाय समान मोननो हानाय आरो खाबुफोरखौ रोखा खालामनो PARAKH मुंनि गायसनजानो गोनां गोदान हायुडारि मिरुखौ लाफानानै थि खालामग्रा आरो फोरमानलाइ होग्रा एजेन्सिफोरा दिन्थिलामा होगोन आरो बिथायारि थाखोनिफ्राय लानानै गोजौसिन सोलॉंथाइसिम (इनट्रेन्स आन्जादखौ लाफानानै) बेबादि थि खालामनाय खुंफुंनो थाखाय आरजाथाव आगजु होनो गनायसंनाय (थांखिनाय) होगोन।

6.14. जर'खा नोरजिया गथ'साफोरखौ (सोलॉंनो हायैफोरखौ लाफानानै) माबोरें फोरोंनांगौ बेनि सांग्रांथि आरो गियाना गासै फोरोंगिरि सोलॉंथाइ हाबाफारिनि मोनसे एंगारनो हायै बाहागो जागोन बेजों लोगोसेनो आथोनारि गोसो नांनाय आरो गासै बाडाइ थान्दै गोनां एबा थान्दै मोनबाडै हानजाफोरनि फारसे गोसो नांफानाय जौगाहोनाय जागोन जाहाथे बिसोरनि बाहागो लानायखौ साबसिन खालामनो हानाय जायो।

6.15. लेडाइ महर फरायसालिफोरा थुलुंगा होजानाय जागोन गावसोरनि दोरों एबा लेडाइ फोरोंथाइ-आदबखान्थियारि आदबफोरखौ संरेंखा खालामनो थाखाय। मोनसे समावनो बेफोरो NCFSE जों थि खालामजानाय आयदाफोर आरो सोलॉंनायनि फोथारखौ गावसोरनि फरायफारि खाथामआव खौसेथि खालामनो मदद होजानाय जागोन गोजौसिन सोलॉंथाइयाव बेफोर फरायसालिफोरनिफ्राय गथ'साफोरखौ थान्दै दैथायहरनो हायैखौ खम खालामनो आरो लासैनो फोजोबनो थाखाय। बेफोर फरायसालिफोरा हास्थायोब्ला जर'खायै बिगियान, सानखान्थि, समाज बिगियान, हिन्दी, इंराजी, हादरसायारि रावफोर एबा फरायफारियाव थानाय गुबुन सोमोन्दो गोनां आयदाफोरखौ गायसननो एबा जागायनो राडारि मदद होनाय जागोन। बेनो बेफोर फरायसालिफोराव फरायनाय गथ'साफोरनो थाखो 1 निफ्राय थाखो 12 सिमनि थाखाय होनाय सोलॉंनायनि फिथाइखौ मोनफुंहोनो हानाय खालामगोन। आरोबाव बेबादि फरायसालिफोरनि फरायसाफोरा NTA जों हादरसा एबा गुबुन बर्ड आन्जादफोराव नुजानो आरो थि खालामनायफोराव बाहागो लानो थाखाय थुलुंगा होजानाय जागोन आरो बेनि गेजेरजोंनो बिसोर गोजौसिन सोलॉंथाइ फसंथानफोराव मुं थिसननो हागोन। गोदान फोरोंथाइ-आदबखान्थियारि बाहायथाइफोराव रेंसोदांनाय हानायजों लोगोसे बिगियान, सानखान्थि, राव आरो समाज बिगियान फोरोंनायाव फोरोंगिरिफोरनि हानाय-गोहोखौबो जौगाहोनाय जागोन। बिजाबबाखि आरो बाहायसालि/फोरमानख'फोरखौ गोखोंसिन खालामनाय जागोन आरो थोजासे फरायमुवाफोर- जेरै बिजाबफोर, लाइसिफोर बायदि बायदि आरो गुबुन फोरों-सोलों मुवाफोरखौ मोननो हानाय खालामनाय जागोन।

6.16. SEDG नि सिडाव थानाय आरो गोजौआव फोरमायबोनाय बिखान्थियारि नोजोर-बिन्दो/बिथिंफोरखौ लोब्बा लाखिनायै बोनजानाय हारि (SC) आरो बोनजानाय हारिसाफोरनि (ST) सोलॉंथाइ दावगानायनि फारागथिफोरखौ बाडाइ खालामनो थाखाय जर'खा नोजोर होनाय जागोन। फरायसालि सोलॉंथाइयाव बाहागो लानायखौ बांहोनो नाजानायनि

मोनसे बाहागो महरै गासै SEDGनि गुनाखिगोनां आरो गोरों फरायसाफोरनि थाखाय गोबां बिबाडाव हास्थायनाय/गोसो होनाय ओनसोलफोराव जर'खा हस्टेल, मुलुगसोलोंसालि-थियारि (ब्रिड्ज) कर्स आरो फिस रेहाय आरो फरायबान्था (स्क'लारसिप) होनायनि गेजेरजों राडारि मददनि खाबु-राहा होनाय जागोन जर'खायै सोलॉथाइनि गोजौ थाखोआव बिसोरनि जौसिन सोलॉथाइयाव हाबनो हानाय खाबु खालामना होनायनि थाखाय।

6.17. रैखाथि (दिफेन्स) मन्थि-बिफाननि बानजायनायाव हादरसा सोरखारफोरा ट्राइबेल सुबुं मैखोम थानाय ओनसोलफोरखौ लाफानानै गावसोरनि गोजौ एबा गोजौसिन फरायसालिफोराव NCC दालाइ जागायनो थाखाय थुलुंगा होनो हायो। बेनि गेजेरजों फरायसाफोरनि मिथिंगायारि गुनाखि आरो आगोमा रॉनाय गोहोखौ खामानियाव बाहायनो हागोन जायनि गेजेरजोंनो बिसोरखौ रैखाथि फाइखि हानजायाव जाफुंसार जिउखाराहा दानो हास्थायनायाव मदद होगोन।

6.18. SEDG फरायसाफोरनि थाखाय मोननो हानाय गासै फरायबान्था (स्क'लारसिप) आरो गुबुन खाबु आरो मावबिथांखिफोरा माखासे गोलै राहा जेरै- सोरबा सासे थान्दै आरो माबा मोनसे वेबसाइटनि गेजेरजों जगाजग खालामलायना फोसावजानाय जागोन जाहाथे गासै फरायसाफोरा मिथिनो हायो आरो रोंगौथि थानाय बादियै मोनसे 'सिंगोल उइनड' बिखान्थि'नि मोनसे गोरलै आखुथाइयाव आरजलाइ होनो हानायखौ रोखा खालामनायनि थाखाय।

6.19. गोजौआव मुख'नाय गासै बिखान्थि आरो राहाफोरा गासै SEDG नि थाखाय थारैनो आबुं सरजाबदेरनाय आरो गनायथाव नाथाय थोजासे नडा। बेनि थाखाय फरायसालियाव हारिमु सोलायनायाबो गोनां। फोरोंगिरि, गोरायुं, खुंथाइगिरि, सुबुरुनगिरि आरो फरायसाफोरखौ लाफानानै फरायसालि सोलॉथाइ बिखान्थिनि गासै बाहागो लागिरिफोरा गासै फरायसाफोरनि गोनांथि, सरजाबदेरनाय आरो गनायथाव सानसि, गासै सुबुंनि मान-सनमान आरो गावारिथिनि फारसे नांसारथि/सानदांथि थानांगोन। बेबादि सोलॉथाइयारि हारिमुआ फरायसाफोरनो मोनथाइ गोहोगोनां सुबुं महरै दानायनि साबसिन लामा जागोन जायनि गेजेरजोंनो फरायसाफोरखौ बयनिखुइबो लोरबांसिन हायुंसानि बिबान रुजुनहोना समाज सोलायहोहोगोन। सरजाबदेर आरो गनायथावआ फोरोंगिरि सोलॉथाइनि मोनसे गाहाय बिथि जागोन (फरायसालिफोरनि दैदेनगिरि, खुंथाइगिरि, गुबुन मासिफोरनि फोरोंथाइनि थाखायबो) लोगोसेनो गासै फरायसाफोरनि थाखाय साबसिन बिफावगिरि मडेल खालामनो SEDG निफ्रायनो जौगा-गुनगोनां फोरोंगिरि एबा दैदेनगिरिफोरखौ बांसिनै थिसननो नाजानाय जागोन।

6.20. फरायसाफोरखौ फोरोंगिरि, फोरोंथाइ मोननाय समाजनि मावग्रा, सुबुरुनगिरि आरिफोरा लाबोनाय बे गोदान फरायसालि हारिमुजों लोगोसे फरायसालि फरायफारिखौ मोनसे सरजाबदेरनायाव लाबोनो सोलायनायनि गेजेरजों गोसो नांसार/सानदांथिहोनाय जागोन। फरायसालिनि फरायफारियाव गिबियावनो सुबुडारि बेसेनथि मुवाफोर- जेरै गासै सुबुंनो मान होनाय, समान मोन्दांथि, सहायनाय, सुबुं मोनथाइ, आथोनारि समानथि, अहिंसा, बहुमनां हायुंसा, सरजाबदेर आरो गनायथाव सरजाबदेरगोन। बायदि महरनि फारसे मान आरो गोसो नांसारनाय जौगाहोना थाखाय बेयाव गुबुन गुबुन हारिमु, दोहोरोम, राव, आथोनारि सिनायथि आरिनि सोमोन्दै आबुं गियान फोरमायथिबो थागोन। फरायसालि फरायफारियाव जायखिजाया फारसेखौल' गोसो होनाय आरो गुबुननि गोरोंन्थि साननाय सोलोखौ फोजोबनाय जागोन आरो गासै समाजजों खाबजानाय आरो खाबजाहोथावना बांसिन मुवाफोरखौ सोफादेरनाय जागोन।

7. फरायसालि सोरबेंखन/थुबुरनि गेजेरजों आखा-फाखा फुंखा होनाय आरो गोहोमगोनां सासन खालामनाय

7.1. आथिखालनि जथाइ सोलॉथाइ मावबिथांखिनि सिडाव थानाय सर्ब' शिक्षा अभियान (SSA) आरो गासै हादरसाफोरा गुबुन गोनां नाजानायनि गेजेरजों हादरनि खना-खनला गुदि फरायसालि गायसननाया बयनिबो थाखाय गुदि फरायसालि फरायनो मोननायनि खाथिसिम सहैनायाव मदद खालामदों। अदेबानि बेनि थाखाय फिसा-फिसा फरायसालि

जौगाखांनायबो नुनो मोनदों। सोलॉंथाइनि थाखाय रोखोमसे जिल्ला खारि बिखान्थि (U-DISE) 2016-17 माइथायनि खारि बादियै भारतनि सुबुं गुदि फरायसालिनि 28% (जौखोन्दो) आरो भारतनि जौगा गुदि फरायसालिफोरनि 14.8% (जौखोन्दो) आ सा 30 निखुइबो बाडाइ फरायसाफोरा फरायनाय गोनां। गुदि फरायसालि बिखान्थियाव मोनफ्रोम थाखोनि फरायसाफोरनि गुदि आरो जौगा गुदि फरायसालिनि गर अनजिमाया थाखो 1 निफ्राय थाखो 8 सिम सा 14, बेनि गेजेराव बांसिन फरायासालिफोराव बेनि गर अनजिमाया सा 6 निखुइबो बाडाइसिन। बोसोर 2016-17 माइथायनि गेजेराव सासेल' फोरोंगिरि थानाय फरायसालिनि अनजिमाया 1,08,017 मोन, बेनिनो बांसिनानो (85743) थाखो 1 निफ्राय थाखो 5 सिमनि गुदि फरायसालिमोन।

7.2. बेफोर फिसा-फिसा एबा बाडाइ फरायसा थानाय फरायसालिफोराव फोरोंगिरि सोनायजों (होनायजों) लोगोसे गोनां देहायारि फुंखाफोरखौ मोनहोनायनि बिथिडाव मोजां फरायसालि महरै सोलिलांहोनायाव रांखान्थियारि आरो सालायनायारि जेंना दं। फोरोंगिरिफोरा माब्लाबा गोबां थाखोआव फोरोंनो गोनां जायो आरो मोनबो सिगां गुदि गियान गैयै माखासे आयदाफोरखौ लाफाना गोबां आयदाफोरखौ फोरोंनो गोनां जायो। बेबादि थासारियाव देंखो, आरिमु, गेलेमु आरिखौ फोरोंनाय मोननाय जाया आरो देहायारि फुंखाफोर जेरै- बाहायसालि, गेलेमु आगजु आरो बिजाबबाखिनि बिजाबफोरखौ फरायसालिनाडैनो मोनबांनो थाडा।

7.3. फिसा-फिसा फरायसालिफोरखौ एखुथा एबा आलादा खालामना दोननायावबो सोलॉंथाइ आरो फोरों-सोलों फारिखान्थिनि बिथिडाव गात्रि गोहोम खोख्लैयो। फोरोंगिरिफोरा समाजआव एबा हानजायाव साबसिन हाबा मावो आरो बेबादिनो फरायसाफोराबो मावो। फिसा-फिसा फरायसालिफोराबो सासन खालामनाय आरो सामलाइनायनि थाखाय मोनसे थि-खान्थिगोनां जुजियो। बुहुमखौराडारि फैलाव गोसारथि, जुजिनाय मोननो हानाय थासारि आरो फरायसालिफोरनि जोबोर गोबां अनजिमाफोर बेखौ गासै फरायसालिफोरनिसिम समानै मोनहैहोनाया गोब्राब। फरायसालिफोरनि अनजिमा बांनाय एबा जथाइ सोलॉंथाइ मावबिथांखिनि (समग्र शिक्षा योजना) रोखोमसे दाथाइजों खुंथाइयारि दाथाइखौ सरजाबदेरनाय एबा फोनांजाबनाय जायाखै।

7.4. फरायसालिफोरनि ज' खालामनाय एबा खौसेथि खालामनाया मोनसे राहा जाय गले-गले सावरायजानायब्लाबो बेखौ जोबोर सानै-हयैसो खालामनाय जाथारगोन आरो अब्लाल'नो बेयो रोखा खालामजानाय जागोनदि जेब्ला बेयाव मोननो हानायनि गोहोम गैया। बेबादि राहानि गेजेरजोंब्लाबो एसेल' बिबांनि ज' खालामनो हानायनि फिथाइ मोननो हागोन आरो गोबां बिबांनि फिसा-फिसा फरायसालिफोरनि नुजानाय दाथाइयारि जेंना आरो मोगा-मोगि जानांनाय जेंनाखौ सुस्रानो हानाय नडा।

7.5. बे मोगा-मोगि जानांनाय जेंनाफोरखौ हादरसा/जथाइ हायुं आवथा सोरखारा 2025 माइथायसिमाव फरायसालिफोरखौ हानजा खालामनो एबा बानगोनां महर होनो थाखाय गोदानारि सानखांथि जुनथि आदबनि गेजेरजों सुस्रानो। बे हाबायाव आखाइ होनायनि आन्दोनि थांखिया मोनफ्रोमबो फरायसालियाव ओरैबादि रोखा खालामनायदि: (क) गंफ्रोमबो फरायसालियाव आरिमु, देंखो, बिगियान, गेलेमु, राव, हाबायारि आयदा आरिफोरखौ लाफानानै गासै आयदाफोरखौ फोरोंनो थाखाय थोजासे बिबांनि सुबुरुनगिरि/फोरोंथाइ मोननाय समाजनि मावग्रा आरो फोरोंगिरिफोर (सेयार खालामनाय एबा गुबुन) थायो, (ख) गंफ्रोमबो फरायसालियाव थोजासे फुंखाफोर(सेयार खालामनाय एबा गुबुन) जेरै-गंफा-गंफा बिजाबबाखि, बिगियाननि बाहायसालि, कम्पिउटार बाहायसालि, सोलो बाहायसालि, गेलेमु आगजु आरो खाबुफोर आरि थायो, (ग) फोरोंगिरिफोर, फरायसाफोर आरो फरायसालिनि एखुथा थानायखौ जायखारहोनो थाखाय मोनसे समाजआरि मोन्दांथि/सान्दांथि लाबोनाय जथाइयै जिउराहायारि जौगानाय हाबाफारि, फोरों-सोलों आयदानि होलाय-लालाय खालामनाय एबा सुंजाबलायनाय, जथाइयै आयदा जौगाखांहोनाय, आरिमु आरो बिगियान दिन्थिफुंनाय, गेलेमु फोरबो, सोंजाब आरो बाश्ना-दानथेलायनाय आरो मेला आरि जथाइ हाबाफारि खुंफुंनायनि गेजेरजों, (घ) नोरजिया गथ'साफोरनि सोलॉंथाइनि थाखाय फरायसालिनाडैनो हेफाजाब आरो मदद होलायनाय थागोन, (ङ) फरायसालिफोरनि

मोनफ्रोमबो हानजानि सिडाव गोरायुं, फोरोंगिरि आरो गुबुन बाहागोदारफोरनिसिम गासै मोजां थिरांथा लानाय जौगाहोनानै फरायसालि बिखान्थिनि सासन खुंथाइखौ साबखांहोनाय जागोन आरो मोनसे खौसेथि खाव-उदां-खुंथाइ खोन्दो महरै बिथायारि थाखोनिफ्राय गोजौ (सेकेण्डारि) थाखोसिम बेबादि फरायसालि हानजाखौ बाहायहोनाय जागोन।

7.6. गोजौआव मुख'बोनायखौ आबुं खालामनायनि मोनसे जानो हाथाव राहाया जादों मोनसे हानजा खालामनाय खाथाम, जायखौ फरायसालि सोरबेंखन बुंनाय जायो। बेयाव गंसे गोजौ फरायसालि एबा गोजौसिन फरायसालि थागोन आरो बेनि सोरगिदिं 5 किल'मिटरनिकाय 10 किल'मिटर सिमानि सिडाव थानाय अंगनावादी मिरुफोरखौ लाफानानै खाथि-खाला थानाय गासै गाहाय थाखोनि फरायसालिफोरखौ खाबु होना गासै गुबुन फरायसालिफोर थागोन। बे बोसोनआ गिबिसिन सोलॉथाइ आयोग (1964-66) जौं होजादोंमोन नाथाय बेखौ मावफुंनाय जायाख्रैमोन। जेराव जानो हाथाव बेयाव बे बिखान्थिया फरायसालि सोरबेंखन/थुबुरनि सानस्त्रिखौ गोख्रोडै मदद खालामो। फरायसालि सोरबेंखन/थुबुरनि थांखिया जागोन फुंखाफोराव बांसिन आखा-फाखा लाबोनाय आरो थुबुराव फरायसालिफोरनि बांसिन गोहोमगोनां हाबा मावनाय, हेफाजाब होलायनाय, दैदेननाय, सासन खालामनाय आरो सामलाइनाय।

7.7. फरायसालि सोरबेंखन/थुबुर गायसननाय आरो सोरबेंखननाडैनो फुंखाफोरखौ सेयार खालामनाय एबा बाहागो रानलायनायनि जाउनाव फिथाइ बादियै गोबां अनजिमानि गुबुन मुलामफाफोर दं, जेरै- नोरजिया गथ'साफोरखौ साबसिन मदद होनाय, फरायसालि सोरबेंखननाडैनो गोबां आयदा मिरुआरि क्वाब आरो सोलॉथाइयारि (एकाडेमिक)गेलेमु/आरिमु/दामिनारि बिथा हाबाफारि खुंफुंनाय, थाखो खथायाव आरिमु, देंखो, राव, हाबायारि आयदा, देहायारि सोलॉथाइ आरो गुबुन आयदाफोरखौ साबसिनै सोसनफानाय भारसुवेल क्वास खालामनो ICT आगजु बाहायनायखौ लाफाना फोरोंगिरिफोरा बेफोर आयदाफोराव सुंजाबलायनाय एबा सेयार खालामनायनि गेजेरजों, बांसिन गोख्रों खालामनायनि थाखाय समाजनि मावग्रा, सुबुरुनगिरि आरो फरायसालि सोरबेंखन सामलाइ आफाद (फरायसालि सामलाइ आफादल' नडा) नि गेजेरजों फरायसाफोरनि मुं थिसननाय, नुजाथिनाय, मावदिन्थिफुंनायाव साबसिन मदद होनाय आरो सासन खालामनायखौ जौगाखांहोनाय, जायगानि बाहागोदारफोरनि नोजोर लानाय, गेना-गोरोन्थि नायबिजिरनाय, गोदानारि सानखांथि आरो मावजेनराहा लानायजों। फरायसालिनि दैदेनगिरि, फोरोंगिरि, फरायसा, मदद हानजा, बिमा-बिफा आरो जायगानि हायुंसाफोरनि बेबादि गेदेर फरायसालि समाज दानाया फरायसालि बिखान्थिखौ गोहो आरो मोनथाइ होनानै फुखाफोरखौ आखा-फाखायै बाहायनो हाहोगोन।

7.8. फरायसालि सोरबेंखन/थुबुर राहानि गेजेरजों फरायसालिफोरनि सासन खालामनायावबो जौगाखांनाय आरो बांसिनथार आखाफाखायै मावफुंनो हानाय जागोन। गिबियाव, फरायसालि सोलॉथाइनि बिथोनगिरिख'आ (DSE) फरायसालि सोरबेंखन/थुबुरनि थाखोआव बिगुमायारि थान्दै एबा खुथाइ गोहो जागोन, जाय खाव-उदां-खुंथाइ आफाद महरै हाबा मावगोन। जिल्ला सोलॉथाइ मावख'गोरा (DEO) आरो दख'रा (खोन्दो) सोलॉथाइ मावख'गोराफोरा (BEO) गंफ्रोमबो फरायसालि सोरबेंखन/थुबुरजों मोनसेल'आफाद महरै गाहायै सावरायगोन आरो बेनि हाबाखौ गोरलै खालामना होगोन। फरायसालि सोरबेंखनआनो DSE जौं होजानाय थि खामानिफोरखौ मावफुंगोन आरो बेनि सिडाव थानाय गंफ्रोमबो फरायसालिफोरजों हाबा मावलायगोन। फरायसालि सोरबेंखन/थुबुरआ DSE जौं गोनांथार उदां-खुंथाइ गोहो होजानाय जागोन हायुडारि फरायफारि खाथाम (NCF) आरो हादरसायारि फरायफारि खाथामखौ (SCF) फालिनानै खौसेथि सोलॉथाइ होनायनि बिथिडाव गोदानारि सानखांथि राहा होनो आरो फरायफारि, फोरोंथाइ-आदबखान्थि बायदि बायदिजों बाहायथाइ खालामनो थाखाय। बे आफादनि सिडाव फरायसालिफोरा गोगोम जागोन, बांसिन उदाडै हाबा मावनो हागोन आरो फरायसालि सोरबेंखनखौ बांसिन गोदानारि सानखांथि आरो बिबानगोनां(खेरखेरायग्रा) जाहोनायनि फारसे अब'दान होगोन। बे समाव DSE आ आबुं थाखोनि थांखिफोर जाय गासै सोलॉथाइ बिखान्थियाव गोहोम गोनां मोनफुंनो होनाय, जौगाखांनाय लाबोनायनि गोनांथिनि सायाव नोजोर होनो हानाय जागोन।

7.9. बेफोरबादि सोरबेंखन/थुबुरनि गेजेरजों सुंद' सम आरो गोलाव समनि मोनसे सानथांखिनिसिम मावनाय हारिमुखौ

जौगाखांहोनाय जागोन। फरायसालिफोरा गावसोरनि फरायसालि सामलाइ आफादनि (SMC) बाहागो लानायजों गावसोरनि फरायसालि दावगानाय सानथांखि (SDP) खौ जौगाखांहोगोन। बेफोर सानथांखिफोरा अब्लानो फरायसालि सोरबेंखन/थुबुर दावगानाय सानथांखि (SCDP) सोरजिनायनि थाखाय बिथा जागोन। SCDP आ फरायसालि सोरबेंखनजों सोमोन्दो गोनां गुबुन फसंथानफोर जेरै- हाबायारि सोलंथाइ फसंथानफोरनि सानथांखिखौ बाहागो लाफाहोगोन आरो बेफोरखौ फरायसालि सोरबेंखननि गोरायुं, फोरोंगिरि आरो फरायसालि सोरबेंखन सामलाइ आफादनि मददजों थियारि खालामगोन आरो बेखौ बयनोबो मिथिहोनायबो जागोन। बे सानथांखिफोराव थागोन- सुबुं फुंखा, सोलंथाय फुंखा, देहायारि फुंखा आरो इसिंदाथाइ, जौगाखांनय मावजेनराहा, रांखान्थियारि फुंखा, फरायसालि हारिमु मावजेनराहा, फोरोंगिरि दावगानाय सानथांखि आरो सोलंथाइयारि फिथाइ। बेयाव फरायसालि सोरबेंखननाडै फोरोंगिरि आरो फरायसाफोरनो मोनसे जिउगोनां सांग्रां सोलंथाइ समाज महरै जौगाखांहोनो नाजानायनि मोनसे आबुं फोरमायथिबो थागोन। DSE खौ लाफानानै फरायसालिनि गासै बाहागोदारफोरखौ गोरबलायहोग्रा गुदि जुनथि बिखान्थिया जागोन SDP आरो SCDP। फरायसालिनि सोलिनाय आरो बिथिडारि गोरोंन्थिखौ नोजोर होनो थाखाय SMC आरो SCMC आ SDP आरो SCDP खौ बाहायगोन आरो बेफोर सानथांखिफोरखौ मावफुंनायाव मदद होगोन। DSE आ BEO बादि आरजाथाव मावख'गोरानि गेजेरजों मोनफ्रोमबो फरायसालि सोरबेंखननि SCDP खौ गनायथि होना रोखा खालामगोन। अब्लानो, DSE आ बे सानथांखिफोर (SCDP) खौ जाफुंसारहोनो थाखाय सुंद' समारि (से बोसोर) आरो गोलाव समारिनि (3 बोसोरनिफ्राय 5 बोसोरसिम) थाखाय गोनांथार फुंखाफोर (रांखान्थियारि, सुबुं, मुवायारि बायदि) खौ मोनहोगोन। सोलंथाइयारि फिथाइ मोनफुंनो थाखाय फरायसालि सोरबेंखननो DSE आ गासै गुबुन आरजाथाव मददबो होगोन। DSE आरो SCERT आ गासै फरायसालिफोरजों SDP आरो SCDP जौगानायनि थाखाय थि नर्मस (मान-दान्दा) (जेरै- रांखान्थियारि, गुनगोनां मावफारिया सोलाव लानाय आरो फारिखान्थिनि सोमोन्दै) आरो खाथामफोरखौ बाहागो- रानलायनो (सेयार) हागौ, जायखौ सम सम सोदांनय जागोन।

7.10. सरकारि आरो गावारि फरायसालिफोरखौ लाफानानै गासै फरायसालिफोरनि गेजेराव गावजोंगाव हेफाजाब होलायनाय आरो सोरजिलु गोरबलायनायखौ बांहोलांनो थाखाय हादरनाडै गंसे गावारि आरो गंसे सरकारि फरायसालिखौ गावजोंगाव जावजा खालामनाय/जरा जाहोनाय जागोन जाहाथे जेराव जाथावना जायो बेयाव जावजा खालामनाय एबा जरा जाहोनाय फरायसालिफोरा गावजोंगाव लोगो हमलायनो/सावरायलायनो, गावजोंगाव फोरमायलायना सोलंलायनो आरो फुंखाफोरखौबो सेयार खालामलायनो एबा बाहागो रानलायनो हायो। जेराव मावनो हाथाव जायो बेयाव गावारि फरायसालिनि साबसिन बाहायथाइफोरखौ सरकारि फरायसालियाव खारि खालामनाय, सेयार खालामनाय आरो सरकारि फरायसालिनि फारिखान्थियाव सोफानाय जागोन, बे रोखोमसे बादिनो सरकारि फरायसालिनिखौबो गावारि फरायसालियाव खालामनाय जागोन।

7.11. मोनफ्रोम हादरसाखौ थाखानाय 'बाल भवनफोरखौ' गोख्रों खालामनो एबा गोदानै 'बाल भवन' गायसननो थाखाय थुलुंगा होनाय जागोन, जेराव गासै बैसोनि गथ'साफोरा सप्पायाव खनसे एबा बांसिन (बिदिन्थि महरै- सप्तानि जोबनाय शनिबार एबा रबिबाराव) थानो हायो, जरखा सानारि बर्डि फरायसालि बादियै आरिमु, जिउखां-राहायारि (केरियार) आरो गेलेनाय आरिजों सोमोन्दो गोनां मावफारिफोराव बाहागो लाहैनो थाखाय। जेराव खालामनो हाथाव जायो बेयाव बेबादि 'बाल भवनफोरखौ' फरायसालि सोरबेंखन एबा थुबुरनि बाहागो खालामनो हागौ।

7.12. गासै समाजनि थाखाय फरायसालिया मान आरो फोरबो खुंनयनि बिन्दो जानांगौ। गंसे फसंथान महरै फरायसालिनि मान-सनमानखौ लाबोफिननाय जानांगौ आरो गोनांथार कालार जेरै फरायसालि गायसननाय सानखौ समाजनि सुबुंफोरजों ज'यै फालिनाय जागोन आरो बे सानखालिनो फरायसालिनि मुख'जाथाव बारग' फरायसाफोरनि फारिलाइ दिन्थिफुंनाय आरो मान होनाय जागोन। बेनि अनगायैबो फरायसालि इसिंदाथाइनि बाहायजायै राहाखौ फोरोंनाय गैयै समाव एबा फरायसालिनि समावबो सुबुं-समाज/गौमानि थाखाय समाजआरि, मेलेमजिबियारि आरो गावमावसोम मावफारिफोर जौगाहोनो आरो समाजआरि खौसेथि जौगाहोनो थाखाय 'सामाजिक चेतना केन्द्र' एबा समाजआरि सांग्रांथि मिरु/जौसां महरै बाहायनाय जानो हागौ।

8. फरायसालि सोलोंथाइनि थाखाय मान फज'नाय आरो गनायनाय

8.1. फरायसालि सोलोंथाइनि सामलाइयारि बिखान्थिनि थांखिया सोलोंथाइयारि फिथाइखौ जौगाखांहोबाय थाहोनाय, बेयो फरायसालिफोरखौ बांद्राइ सिमानि सिडाव, गोदानारि सानखांथाइखौ होबथाना दोननाय नडा एबा फोरोंगिरि, गोरायुं आरो फरायसाफोरनि थुलुंगा आरो साहसखौ गोसो बायहोनायबो नडा। सुंद'यै बुडोव्ला सामलाइनाया फरायसालि आरो फोरोंगिरिफोरनो फोथाइथिजों मोनथाइ-गोहो होनायनि थांखि थागोन, जायनि गेजेरजोंनो बिसोरखौ साबसिन-हामसिननि थाखाय हाजासे नाजानो हाहोनाय खालामना गावसोरनि बयनिखुइबो साबसिनाव मावदिन्थिफुनो हाहोनाय आरो गासै रांखान्थियारि, फारिखान्थि (नेमखान्थि) आरो सोलोंथाइयारि फिथाइखौ आबुं स्रा-स्रा नुसारथिहोनायजों लोगोसे बयनोबो आबुं फोरमायनो हाहोनायनि गेजेरजों खौसेथिखौ रोखा खालामनाय।

8.2. आथिखालाव फरायसालि सोलोंथाइ बिखान्थिनि सासन खालामनाय आरो सामलाइनायनि गासै हाबाफोर- फारियै सुबुडारि/सरकारि सोलोंथाइ राहा, सोलोंथाइ फसंथानफोर सामलाइनाय आरो बिखान्थि खालामनायफोरा मोनसेल' आफाद जेरै- फरायसालि सोलोंथाइ बिफान एबा बेनि बाहागोफोरनि गेजेरजों मावफुंजानाय जायो। बेनि जाहोनाव गोहोनि गोसो जानाय आरो बांद्राय मिरुआरि गोसो होथाबनायनि गेजेराव सौग्रावलायनाय फैयो; बेनि गुबुन मोनसे फिथाइया फरायसालि बिखान्थियाव गोहोमगैयै सामलाइनाय महरै नुजायो, सोलोंथाइनि गुनगोनां राहाफोरनि फारसे नाजानाया गुबुन बिफावफोर जरखायै सामलाइनाय जाय फरायसालि सोलोंथाइ बिफानआबो आखाइयाव लानो हानायनि सायाव नोजोर होनायजों गले-गले लोरबां जालांनाय बादियै।

8.3. आथिखालनि सामलाइयारि राहायाबो फारसेथिं मुलामफा आरजिनो गायसननाय गोबां बिबांनि गावारि फरायसालिफोरनि सोलोंथाइयाव फालांगि खालामबाय थानाय आरो बिमा-बिफानि सायाव रांखान्थियारि सोबख'नायखौ दबथायनो हायाखै। गुबुन फारसे बे रोखोमसे समावनो सम सम मिथिस्ताबैयाव सुबुडारि एबा सरकारि-जिउमा गोनां गावारि/गावारि-सरकारि बानजायनाय(दानआरि) फरायसालिफोरखौ गोसो बायग्लिहोयो। सामलाइनायनि नोजोर बिथिनिफ्राय सरकारि आरो गावारि फरायसालिफोरनि गेजेराव गोबांथार गोरोबलायै दं, अब्लाबो मोननैबो रोखोमनि फरायसालिफोरनि थांखिया मोनसेल' जानांगौ गुनगोनां सोलोंथाइ जगायनायनि थाखाय।

8.4. सरकारि एबा सुबुडारि सोलोंथाइ बिखान्थिया मोनसे सांग्रां जिउगोनां सुबुं खुंथाइयारि समाजनि बिथा/गायसंनाय। हायुंनि थाखाय जौसिन थाखोनि सोलोंथाइयारि फिथाइ मोनफुंनो थाखाय बेनि सोलिनाय आदबखौ सोलायहोनाय आरो गोख्रों खालामनायनि जोबोर गोनांथि दं। बेजों लोगोसेनो गावारि/गावारि-सरकारि बानजायनाय(दानआरि) फरायसालिफोरखौबो ओंथिगोनां आरो मुलामफायारि बिफाव लानो थाखाय थुलुंगा होनाय आरो हाहोनाय जाथारगोन।

8.5. हादरसा फरायसालि सोलोंथाइ बिखान्थि, बे बिखान्थिनि सिडावनो थानाय उदां बिबानफोर आरो बेनि सामलाइनायनि नोजोरनि सोमोन्दै बे बिखान्थिनि गाहाय खान्थि आरो गनायसंनायफोरा गाहायाव होनायबादि:

(क) फरायसालि सोलोंथाइ बिफान जाय फरायसालि सोलोंथाइयाव हादरसायारि थाखोनि जौसिन आफादआ सुबुडारि एबा सरकारि सोलोंथाइ बिखान्थिनि सोलिफु जौगानायनि थाखाय गासै बिथिं नोजोर होनाय आरो बिखान्थि दानायनि बिबान लागोन। सरकारि फरायसालिफोरनि जौगानायाव नांगौबादि नोजोर होनाय आरो गोसो जानायनि सौग्रावलायनाय/बेरेखा फोजोबनायखौ रोखा खालामनो थाखाय बे बिफानआ फरायसालिफोरनि राहाफोर आरो मावफुंनायाव एबा फरायसालिनि सामलाइनायाव लोब्बा जानाय नडा।

(ख) गासै हादरसानि सरकारि फरायसालि बिखान्थिनि मावमिन राहा आरो सोलोंथाइयारि मावफुंनायनि बिबाना फरायसालि सोलोंथाइ बिथोनगिरिख' (DEO आरो BEO आरिनि मावख'फोरखौ लाफानानै) नि जागोन। बेयो सोलोंथाइयारि मावफुंनाय आरो राहाफोरनि सोमोन्दै थानाय बिखान्थिफोरखौ बाहायफुंनो थाखाय उदाडै हाबा मावगोन।

(ग) गोनांथार गुनारि मानथाखोगोनां मानिनायखौ रोखा खालामनो थाखाय गावारि, सरकारि आरो गावारि-सरकारि बानजायनाय (दानआरि) गिबि-फरायसालि सोलोथाइखौ लाफानानै सोलोथाइनि गासै थाखोनि थाखाय मोनसे गोहोमगोनां गुनगोनां गावनोगाव-सामलाइनाय एबा गनायथि होनाय बिखान्थि गायसननाय जागोन। गासै फरायसालिफोरा माखासे बाडाइथा जिउराहायारि आरो गुनगोनां मानथाखो फालिनायखौ रोखा खालामनो थाखाय हादरसा/जथाइ हायुं आवथाफोरा हादरसायारि फरायसालि मानथाखो बिगोमा/खुंथाइ-गोहो (SSSA) मुनि मोनसे उदां हादरसायारि आफाद गायसनगोन। SSSA आ माखासे गुदि थाथाइसुमु/सिमा-हांखो (फारियै- रैखाथाइ, रैखाथि लाखिलांनाय, गुदि इसिंदाथाइ, गासै थाखो आरो आयदाफोराव फोरोंगिरिफोरनि अनजिमा, रांखान्थियारि सैथोथि, आरो सासन खालामनायनि आरजाथाव फारिखान्थि) नि सायाव बिथा खालामनानै बाडाइथा मानथाखो खाना होगोन, जायखौ गासै फरायसालिफोरा मानिना सोलिनांगोन। बेफोर थाथाइसुमु/सिमा-हांखोनि थाखाय खाथामखौ SCERT आ माखासे बाहागोदारफोर जर'खायै फोरोंगिरि आरो फरायसालिफोरजों सावरायनानै सोरजिगोन।

SSSA आ खानानै होनाय गासै गुदि सामलाइथाइयारि फोरमायथि/खारिफोरनि स्रा-स्रा सुबुडारि गाव-फोरमायनाया बारायगायै सुबुडारि एबा सरकारि गेना-गोरोन्थि आरो फिन होनो हानायनि थाखाय बाहायजानाय जागोन। जाय फोरमायनाय/खारिनि सायाव थानाय गोसारथाइया गाव फोरमायथिनाय जानांगौ आरो फोरमायथिनायनि साजायलाइनि महरा फरायसालिफोरनि थाखाय मानथाखो खानायनि बुहुमनाडै साबसिन बाहायथाइफोरबादि SSSA जों थिरांथा खालामजानाय जागोन। बे फोरमायथि/खारिफोरा गासै फरायसालिफोरजोंनो मोननो हानाय, आफडेट खालामजानाय आरो थि खालामजानाय जागोन, SSSA जों सामलाइजानाय गोजौआव मुख'बोनाय सुबुडारि/सरकारि वेबसाइट आरो फरायसालिनि वेबसाइटफोरनि सायाव। सुबुडारि फोथाराव फोरमायथि होनायनि सिखांनाय बाहागोदार एबा गुबुन जायखिजाया सुबुंनि जायखिजाया अजद एबा आंखालफोरखौ SSSA आ बायख'नो नाजागोन। सानफ्रोमबोनि गेजेर-सम जिरायथ'नाय समाव बेसेनगोसा सोसननाय (इनपुद) मोननायखौ रोखा खालामनो थाखाय माखासे सायख'जानाय फरायसाफोरनिफ्राय सुफुंफिननाय (फिडबेक) खौ अनलाइन बिनो हानाय जागोन। SSSA नि गासै हाबायाव आखा-फाखा आरो स्रा-स्राखौ रोखा खालामनो थाखाय आरजाथाव बिरोंदामिन बाहायनाय जागोन। बेनि गेजेरजोंनो आथिखालाव फरायसालिफोरा गोनांथार गोबां बिबांनि सामलाइथाइयारि रुजुननांनायखौ गोनांथारै बाडाइ खालामगोन।

(घ) हादरसायाव सोलोथाइयारि मानथाखो आरो फरायफारिखौ लाफानानै सोलोथाइयारि आयदाफोरखौ SCERT आ (NCERT जों आंगोयै सावरायलायनानै आरो जथाइ बानजायनायाव) दैदेनगोन, जाय मोनसे गोख्रों फसंथान महर होनाय जागोन। SCERT आ गासै बाहागोदारफोरजों गुवारै सावरायलायनानै मोनसे फरायसालिनि गुन सुथाइ आरो गनायथि होनाय खाथामखौ (SQAAF) जौगाखांहोगोन। CRC, BRC आरो DIET आरि फसंथानफोरखौ गोदान जिउ होनो थाखाय SCERT आ मोनसे “सोलायनाय सामलाइनाय बिखान्थि”खौबो दैदेनगोन। बेनि गेजेरजों बेफोर फसंथानफोरखौ 3 बोसोरनि गेजेराव हानाय गोहो आरो हाबा हारिमुखौ सोलायहोथारनानै बिसोरखौ साबसिन सांग्रां जिउगोनां फसंथान महरै जौगाखांहोगोन। अदेबानि फरायसालिनि जोबथा थाखोआव फरायसाफोरनि हारोंथाइनि फोरमानलाइ होनायखौ मोनफ्रोमबो हादरसायाव थि खालामग्रा/आन्जादनि बर्डआ मावफुंगोन।

8.6. हारिमु, दाथाइ आरो बिखान्थिफोरा फरायसालि, फसंथान, फोरोंगिरि, मावख'गिरि, समाज आरो गुबुन बाहागोदारफोरनो मोन्थाइ गोहो होयो आरो थोजासे फुंखा जगायो लोगोसे लोब्बागोनां बिबानबो लाहोगोन। सोलोथाइ बिखान्थिनि साफ्रोम बाहागोदार आरो बाहागो लागिरीफोरा जौसिन थाखोनि खौसेथि, आबुं बाथ्रा होनाय आरो मानिजाथाव हाबानि बोसोनखान्थिजों गाव गावनि बिफावखौ मावफुंनो थाखाय बिबान लाहोजानाय जागोन। बिखान्थिनि मोनफ्रोम

बिफावआ मिजिंथिनाय बिफावखौ रोखायै फोरमायनाय जागोन आरो बेफोर मिजिंथिनायफोरनि रुजुनायावनो बिसोरनि मावदिन्थिफुंनायखौ गोगोमै सुथाइ लानाय जागोन। बिबान लाहोनायखौ रोखा खालामनो थि खालामनाय बिखान्थिया थांखि गोनां आरो दावगानायारि फोरमायथिनाय जागोन। बेयाव मावदिन्थिफुंनायनि आबुं नुथाइखौ रोखा खालामनो थाखाय सुफुंफिननाय फिडबेक) आरो थि खालामनाय (सुथाइ) नि माखासे फुंखा थागोन (आरो बिदिन्थि महरै फरायसाफोरनि 'नाम्बार/ दिन्थिसिन'निथाखाय ओरैनो लोब्बा लाखिहोनायल' जानाय नडा)। थि खालामनाय/सुथाइनि गेजेरजों फरायसाफोरनि सोलोंथाइयारि मोनफुंनायाव माखासे आखाइ होनोगोनां सोलायस्लुफोर आरो बायजोआरि गोहोम बादि फिथाइफोरखौ सिनायथिनो हागोन। बेयो जर'खायै फरायसालि थाखोआव सोलोंथाइयाव हानजायारि हाबानि गोनांथिखौबो सिनायथिगोन।गासै सुबुंनि मासि जौगाखांनाय, सिनायथि मोननाय आरो बिबान लाहोनाया बिब्दि मावदिन्थिफुंनाय थि खालामनाय एबा सुथाइनि सायावनो गुदि खालामजानाय जागोन। गासै बिबानगिरिफोरा बिबान लाहोजानाय जागोन, बे दावगानाय, मावदिन्थिफुंनाय आरो बिबान लाहोनाय बिखान्थिया गावसोरनि बेंथाइ/सामलाइनाय फुवारनायनि गेजेराव जौसिन खौसेथियै आरो बिखान्थि बादियैनो थांदों बेखौ रोखा खालामनायनि थाखाय।

8.7. सुबुडारि/सरकारि जिउमा-गोनां गावारि फरायसालिफोरखौ थुलुंगा होनाय आरो जेबो जेंना सोमजियैखौ रोखा खालामनो थाखाय अनलाइन आरो अफलाइन बिजोंजों सुबुडारि फोरमायथिना होनाय आरो स्रां-स्रां नुसारहोनायनि सायाव बांसिन नोजोर होनायै जौसिन-दिन्थि, फारिखान्थिनि रोखोमसे राहाजोंनो सरकारि आरो गावारि फरायसालिफोरखौ (मिरु सोरखारजों सामलाइजानाय/ मदद-होजानाय/दबथायजानाय फरायसालिफोरनि अनगा) थि खालामनाय (सुथाइ लानाय) आरो गनायथि होनाय जागोन। सुबुडारि एबा सरकारि-मोजां आखु सोलोंथाइ मोनहोथारनो गुनगोनां सोलोंथाइनि थाखाय गावारि/सरकारि बानजायनाय नाजानायखौ थुलुंगा होनाय जागोन आरो लोगोसेनो बिमा-बिफा आरो समाजखौबो गोसो बादियै लानाय फोरोंदेर(टिउसन) फिस होनांनायखौ होबथागोन। सरकारि आरो गावारि मोननैबो फरायसालिनि थाखाय फरायसालि आरो SSSA नि वेबसाइटआव होनाय सुबुडारि फोरमायथियाव (एसेल'थारब्लाबो) थाखो-खथाफोर, फरायसा आरो फोरोंगिरिनि अनजिमा, फोरोंनाय आयदाफोर, जायखिजाया फिस आरो NAS आरो SAS बादि मानथाखो-गोनां सुमोनथाइफोराव गासै फरायसाफोरनि जथाइ फिथाइयाबो थाफागोन। मिरु सोरखारजों सामलाइजानाय/मदद-होजानाय/दबथायजानाय फरायसालिफोरनि थाखाय CBSE आ MHRD जों सावरायलायनानै मोनसे खाथाम थियारि खालामगोन। मोनसे 'मुलामफानि थाखाय नडै' सिनायथि महरै गंफ्रोमबो सोलोंथाइ फसंथानफोरा सानजाद (अडिट) आरो सुबुडारि फोरमायथिनायखौ रोखोमसे मानथाखोआव होनांगोन। माबाफोर आग्लायनाय मोनोब्ला बेखौ सोलोंथाइ सेक्टराव खाथाइफिननाय जागोन।

8.8. थांनाय जिथाइयाव सोलोंनाय आरो रंमोनथाइ आरजिनायनि सायाव बिथा खालामनानै फरायसालि सामलाइनाय, गनायथि होनाय आरो सासन खालामनायनि थाखाय मानथाखो खानाय/सामलाइथाइयारि खाथाम आरो बिखान्थि खाबु होनायखौ जौगाखांहोनो थाखाय नायफिननाय जागोन। गासै फरायसाफोर जर'खायै खाबुमोनै आरो गोग्लैसोना थानाय हानजानि फरायसाफोरनो जौगा-गुनगोनां आरो गनायथाव फरायसालि सोलोंथाइखौ आगु गथ'सा जोथोन आरो सोलोंथाइनिफ्राय (3 बोसोरनिफ्राय लानानै) लानानै गोजौसिन गेजेरारि सोलोंथाइसिम (जेरै- हायार सेकेण्डारिसिम एबा थाखो 12 सिम) बेसेन होनाडाजासेयै आरो लाथारनो-गोनां सोलोंथाइ मोनहोथारनायखौ रोखा खालामनो बे नायफिननाया थांखि लागोन। इनपुटनि सायाव बांद्राय गोनांथि होनाय आरो बिसोरनि थिखानायफोर- मुवायारि आरो इसिंदाथाइनि जुनथियारि आखुआ सोलायजानाय जागोन आरो हाबाथिलि/फोथारफोरखौ मोगथां महर होनो थाखाय गोनांथिफोरखौ बांसिन बिबान गोनां खालामनाय जागोन, बिदिन्थि महरै- नोगोर ओनसोलफोराव थानाय हानि एलेखा आरो खथा महरफोर, बाहायथाइयारि गेलेग्रा-फोथारफोरनि सोमोन्दै बायदि बायदि। बेफोर बिथोन मोननायफोरखौ खाबजाहोनाय आरो फुरुंनाय जागोन, रैखाथाइ, रैखाथि लाखिलांनाय आरो मोनसे गोजोन आरो दिहुनथाइयारि सोलोंनायनि जायगाखौ रोखा खालामनो थाखाय गंफ्रोमबो फरायसालिफोरनो जायगानि गोनांथि आरो सिमाथिफोरनि सायाव गुदि खालामना गावनि असे थिरांथा लानो थाखाय आरजाथाव गुरुंथि मोनहोना। सोलोंथाइनि फिथाइ आरो गासै रांखान्थियारि,

सोलॉंथाइयारि आरो मावफुंनाय आयदाफोरनि स्रा-स्रा फोरमायथिनायखौ थि गोनांथि होनाय जागोन आरो फरायसालिफोरनि सुथाइयाव आरजाथावै सोफानाय जागोन। बेनि गेजेरजॉनो गासै गथ'साफोरनि थाखाय बेसेनलायै, गनायथाव आरो गुनगोनां गुदि आरो सेकेण्डारि सोलॉंथाइखौ रोखा खालामनायनि जोरथाइ दावगानायनि थांखि 4 (SDG4) खौ मोनफुंनायनि फारसे भारतनि दावगालांनायखौ जौगाहोसिनगोन।

8.9. सरकारि एबा सुबुडारि सोलॉंथाइ बिखान्थिनि थांखिया जौसिन गुनगोनां सोलॉंथाइ मोनहोनायनि थाखाय जागोन जाहाथे गासै जिउखां राहानिफ्राय थानाय बिमा-बिफाफोरा गावसोरनि गथ'साफोरखौ सोलॉंथाइ लाहोनो थाखाय बांसिन गोसो बोजानाय जायो।

8.10. सम सम बिखान्थिनि सोलिनायखौ आन्जाद नायनो थाखाय फरायसाफोर सोलॉंनाय थाखोफोरनि मोनसे नमुनानि सायाव बिथा खालामनाय हायुडारि मोनफुंनाय जरिबखौ (NAS) गायसनजानो-गोनां गोदान हायुडारि थि खालामग्रा (सुथाइ) मिरु PARAKH आ गुबुन सरकारि आफादफोर जेरै- NCERT नि आरजाथाव मददजों लानाय जागोन, जाय बैयो खारि बिजिरनाय आरो सुथाइ फारिखान्थिजों मदद खालामनाय जानो हागौ। थि खालामनाय (सुथाइ) आ गासै सरकारि फरायसालिजों लोगोसे गावारि फरायसालिफोरनि फरायसाफोरखौबो फोलोमनाय जागोन। हादरसाफोरखौ गावसोरनि गाव-गावनि सुबुंसानखो-बिथा हादरसायारि थि खालामनाय (सुथाइ) जरिब (SAS) मावफुंनो थाखाय थुलुंगा होनाय जागोन, जायनि फिथाइखौ दावगानायनि थांखि, बिसोरनि जथाइ आरो सिनायमोनै फरायसानि फिथाइ मोनफुंनायखौ फरायसालिनि दारै सुबुडारि फोरमायथिनाय आरो फरायसालि सोलॉंथाइ बिखान्थिनि सोलिफु जौगानायनि थाखायल' बाहायजानाय जागोन। गायसनजानो गोनां गोदान थि खालामनाय (सुथाइ) मिरु, PARAKH खौ गायसनसान्दि NCERT आनो हायुडारि फिथाइ मोनफुंनाय जरिब(NAS) खौ खुंफुंलांबाय थानो हागोन।

8.11. जोबनायाव, फरायसालियाव मुं थिसननाय गथ'सा आरो जौमोनफोरखौ बे गासै फारिखान्थियाव बावगारनो नाडा मानोना फरायसालि बिखान्थिखौ बिसोरनि थाखायनो साजायनाय एबा बुमिन होनाय जादों। बिसोरनि रैखाथि आरो मोनथाइनि सायाव जोथोनै नोजोर होथारनांगोन, जर'खायै हिनजावसा गथ'साफोर आरो जौमोनफोरा मोगा-मोगि जानो गोनां माखासे गोब्राब जेंनाफोर जेरै- फेग्रा मुवा बाहायनाय आरो हिंसाखौ लाफानानै गोबां रोखोमनि फारागथि खालामनाय/नासयनाय आरो खस्थ' होनाय आरिनि दारै जेरैबादि गथ'साफोरनि/जौमोनफोरनि मोनथाइ आरो रैखाथिनि बेरेखायै जानाय जायखिजाया इनायनि सायाव रोखा सुस्राना होनाय, रैखाथि होनाय आरो नांगौबादि फोरमायथि होग्रा आरो थि फारिखान्थि गोनां आखा-फाखा जुनथि आदब राहा होनायजों। गासै फरायसाफोरनि थाखाय गोहोमगोनां, समजों गोरबनाय आरो मोजाडै-मिथिहोग्रा बेबादि जुनथि आदब जौगाखांहोनायखौ आगुथि होनाय जागोन।

नैथि बाहागो (खोन्दो II): गौजौसिन सोलॉंथाइ

9. गुनगोनां मुलुगसोलॉंसालि आरो फरायसालिमाफोर: भारतनि गौजौसिन सोलॉंथाइ बिखान्थिनि थाखाय मोनसे गोदान आरोदावगालु नोजोर

9.1. सुबुंजों लोगोसे समाजनि गोजोनखौ जौगाखांहोनायाव गौजौसिन सोलॉंथाइया मोनसे जोबोर गोनांथार बिफाव लायो आरो भारतनि संबिजिराव सानथांखि खालामनाय- मोनसे सुबुं खुंथाइ, थि, समाजआरि सांग्रां, सोद्रोम आरो गासैनि थाखाय उदांसि, समानथि, बिदा-फंबाय सानलायनाय आरो न्याय थानाय सुबुंथि हायुं बादियै भारतखौ जौगाहोनायाव मदद होगोन। गोजौ सोलॉंथाइया हादरनि अरायजोर जिउखाराहा आरो रांखान्थियारि जौगाथिनि फारसे ओंथिगोनाडै बिहोमा होयो। जेसेनो भारतआ मोनसे गियानगोनां रांखान्थि आरो समाजनि फारसे दावगाबोगासिनो, एसेबांनो गोबां भारतारि जौमोनफोरा गोजौ सोलॉंथाइ लानो थाखाय थुलुंगाखांबोदों।

9.1.1. 21थि जौथाइनि गोनांथिफोरखौ होखानाय बादियै, गुनगोनां गौजौसिन सोलॉंथाइया मोजां, सानसुमै, जेरैबो आखा-

फाखा, आरो सोरजिलु सुबुंफोर सोरजिनो थांखि लाथारगोन। बेयो सासे सुबुंखौ मोनसे एबा बेनिखुइ बांसिन गोसोनां जुनिया आयदाफोराव गोथौवै फरायसंनो हानाय खालामथारगोन, आरो लोगोसेनो आखल-आखु, बोसोनारि आरो संबिजिरारि बेसेन, मेलेमजिबियारि हांखुर, बिगियानआरि आखु, सोरजिलु, सिबिलु गोसो, आरो बिगियान, समाज बिगियान, आरिमु, सुबुंथि, राव, लोगोसेनो जिउराहायारि, आरोंदायारि आरो हाबायारि आयदाफोरखौ लाफानानै गासै आयदाफारिफोराव 21थि जौथाइनि हारोंथि जौगासारनायबो लाबोथारगोन। मोनसे गुनगोनां गोजौसिन सोलोंथाइया गावारि जाफुंसारथि आरो सांग्रांथि, सोरजिलु सुबुडारि मुखुबथि, आरो समाजनो फिथाइगोनां बिहोमा होनो हाग्रा खालामथारगोन। बेयो फरायसाफोरखौ बांसिनै ओंथिगोनां आरो सुखुनि जिउ खुंहोनो आरो गावसोरनि हाबाफोरखौ मावनो आरो रांखान्थियारि उदांथि जाहोनो थियारि खालामथारगोन।

9.1.2. आखाफाखा/आबुं गियान गोनां सुबुंफोर जौगाहोनायनि थांखिनि थाखाय, बेयो ओरैबादि गोनांथारदि जाय सोलो आरो बेसेननि मोनसे थि दाथाइया गुदि-फरायसालिनिफ्राय लाना गोजौ सोलोंथाइसिम सोलोंनायनि मोनफ्रोमबो थाखोआवनो सोसनजानाय जागोन।

9.1.3. समाजआरि खोन्दोआव गोजौसिन सोलोंथाइया मोनसे सांग्रांथि, समाजआरियै सांग्रांथि, गियानि, आरो रोंसारथि गोनां हादर जाय गावनि असे जेंनाफोरखौ सिनायनो आरो गोख्रों समाधानफोर खालामनो हाग्रा जानायनि जौगानाय लाबोथारगोन। गोजौसिन सोलोंथाइया गियान सोरजिनाय आरो गोदानथि दाथाइनि थाखाय बिथाखौ दाथारगोन जाहाथे जौगालु हायुडारि रांखान्थियाव बिहोमा होयो। बेखायनो गुनगोनां गोजौसिन सोलोंथाइनि थांखिया सासे सुबुंखौ साखि मावनायनि थाखाय मोजां खाबुफोर सोरजिनानै होनायल' नडा। बेयो बांसिन गोगोम, समाजआरियै मुखुब, हेफाजाबारि समाज आरो खुसि, खौसेथि, सोद्रोम, दिहुनथाइयारि, गोदानथियारि, दावगाथि आरो दावगालु हायुंनि मिरु महरै खामानि मावो।

9.2. भारतआव गोजौसिन सोलोंथाइ बिखान्थिजों आथिखालनि मोगामोगि जानांनाय गाहाय जेंनाफोरा जाबाय:

- (क) गोबारै/जरजुलुमै बोखावजानाय गोजौ सोलोंथायारि बिखान्थि;
- (ख) सानदांथि सोलो आरो सोलोंनाय फिथाइफोरनि जौगाथियाव एसेल' जर-होनाय;
- (ग) फराय आयदाफोरखौ गोरा बाहागोआव राननाय, सिगां सिगाडैनो फरायसाफोरननि जर'खा आरो फराय आयदाखौ गुसेब फरायसं आयदायाव फरायहोनायजों;
- (घ) गुबैयै समाज-रांखान्थियारियै गोलैसोना थानाय ओनसोलफोराव थोब्ले-माब्ले सोलोंथाइ लानो हानाय, जायगायारि रावफोराव फोरोंग्रा एसेल' बिबांनि गोजौ सोलोंथाइयारि फसंथानफोर (HEI) जों;
- (ङ) थोब्ले-माब्ले फोरोंगिरि आरो फसंथानआरि उदां-खुंथाइ;
- (च) गुनगोनां-बिथा जिउखां-राहा सामलाइनाय आरो बिफानगिरि/मावफारिया (फेकाल्थि) आरो फसंथानआरि दैदेनगिरिफोरनि जौगाथिनि थाखाय थोसारै बेबस्था;
- (छ) बांसिन मुलुगसोलोंसालि आरो फरायसालिमाफोराव बिजिरसंनायाव एसेल' बिबांनि गोसो होनाय, आरो गासैबो फराय आयदाफोरनि थाखाय बादायथि गोथौ-नायबिजिरनाय बिजिरसंनि फुनजि होनायनि आंखाल;
- (ज) गोजौसिन सोलोंथाइ फसंथानफोराव (HEI) सासन खालामनाय आरो दैदेनगिरिनि आंखाल;
- (झ) मोनसे गोहोम गैयै सामलाइनाय बिखान्थि; आरो
- (ञ) गोबां बिबांनि गनायथि होग्रा मुलुगसोलोंसालिफोरा सिं-रोंगाजालिया (आन्दारग्रेजुवेट) सोलोंथाइयाव खम मानथाखोनि फिथाइ लाबोनाय।

9.3. बे बिखान्थिया बेफोर जुजिनायफोरखौ फोजोबनो थाखाय गोजौ सोलोंथाइ बिखान्थियाव मोनसे आबुं सोदांथि आरो गोदान-थुलुगाखां लाबोनो थांखि लायो जाहाथे समानै बयनोबो गनायथाव आरो सरजाबनाय गोनां जौगा-गुनगोनां गोजौसिन सोलोंथाइ जगायना होनो हायो। बे बिखान्थिनि थांखियाव आथिखालनि बिखान्थिसिम गाहायाव होनाय गाहाय सोलायथिफोरा सरजाबफायो:

- (क) औरैबादि मोनसे गोजौसिन सोलोंथाइयारि बिखान्थिनि फारसे आवगायलानाय जेराव गेदेर बां-आयदायारि मुलुगसोलोंसालि आरो फरायसालिमाफोर थागोन, जेराव मोनफ्रोमबो जिल्लयाव एबा बिनि खाथि खालायाव खमैब्लाबो मोनसे आरो दुलाराय भारतनाडैनो गोबां गोजौ सोलोंथाइयारि फसंथानफोरजों थागोन, जाय फसंथानफोराफोरा बिजों एबा फरायफारिफोरखौ जायगायारि/भारतारि रावफोराव जगायगोन;
- (ख) बांसिनबाव बां-आयदायारि सिं-रोंगाजालिया(आन्दारग्रेजुवेट) सोलोंथाइ फारसे आवगायलानाय;
- (ग) बिफानगिरि/मावफारिया (फेकाल्थि) आरो फसंथानआरि उदां-खुंथाइ फारसे आवगायलानाय;
- (घ) फरायसाफोरनि रोंमोन्थाइफोरखौ बांहोनो थाखाय फरायफारि, फोरोंथाइ-आदबखान्थि, सुथाइ आरो फरायसाफोरनो मदद होनायाव फोसाबथि लाबोनाय;
- (ङ) फोरोंनाय, बिजिरसंनाय आरो मावमिननि सायाव बिथा खालामना गुनगोनां-साखि-थिसननाय आरो जिउखां-राहा दावगानायनि गेजेरजों बिफानगिरि/मावफारिया आरो फसंथानआरि दैदेनगिरिनि थाथाइनि खौसेथिखौ गोखौंसिन खालामफिननाय;
- (च) साबना हामना गोथौयै-नायबिजिरनाय बिजिरसंथि आरो मुलुगसोलोंसालि आरो फरायसालिमाफोराव सांग्राडे जोलै (गोदानारि जौगाहोनाय) बिजिरसंथिनि थाखाय मोनसे हायुडारि बिजिरसं बिथा गायसननाय;
- (छ) सोलोंथाइयारि आरो खुंथाइयारि उदां-खुंथाइ गोनां रोंगोसार उदां बर्डफोरनि जोहै गोजौ सोलोंथाइयारि फसंथान (HEI) फोरनि सासन खालामनाय;
- (ज) गोजौसिन सोलोंथाइनि थाखाय मोनसेल' सामलाइगिरिजों "गोरलै नाथाय गोख्रों" सामलाइनाय;
- (झ) साबसिन-हामसिन सुबुडारि/सरकारि सोलोंथाइनि साबसिनथार खाबुफोरखौ लाफानानै नांगौबादि राहाफोरनि गेजेरजों गनायथाव आरो सरजाबथिफोर मोननो हानायखौ बांहोनाय; गोर्लैसोनाय आरो खाबु मोनै फरायसाफोरनि थाखाय गावारि/गावारि एबा सरकारि बानजायनाय मुलुगसोलोंसालिफोरनि जोहै फरायबान्थाफोर मोनहोनाय बांहोनाय; अनलाइन सोलोंथाइ आरो उदां जान्थाइ सोलोंनाय (ODL) मोनहोनाय बांहोनाय; आरो नोरजिया सोलोंसा/फरायसाफोरनि थाखाय गासै इसिंदाथाइ आरो सोलोंनाय मुवाफोरखौ अरायसम नांगौबादि मोनहोनाय खालामनाय;

10. फसंथानआरि दाफिननाय आरो फोगोमनाय/जथाइ खालामनाय

10.1. गोजौसिन सोलोंथाइनि सोमोन्दै बे बिखान्थिनि गुबै जरहोनाया जादों गोजौसिन सोलोंथाइ फसंथानफोरखौ गेदेर बां-आयदायारि मुलुगसोलोंसालिफोर, फरायसालिमाफोर आरो गोजौ सोलोंथाइयारि फसंथान थुबुर/गियान मिरुफोराव सोलायहोनाय गोजौ सोलोंथाइनि बोखावथिखौ थुंगेहोनाय, जेराव बेफोर मोनफ्रोमबो फसंथानफोरानो 3,000 एबा बेनि बांसिन फरायसाफोर थिसननो थांखि लागोन। बेयो गासै गोजौसिन सोलोंथाइयाव बिजिरसंगिरि आरो लोगो-फोरोंगिरिनि गोगोम समाज दानायाव, खहागोनां दामोलफोरखौ सिफायनायाव, फरायसाफोरखौ आरिमुनां, सोरजिलु, आरो बिजिरलु आयदाफोरजों लोगोसे गेलेमुफोरखौ सरजाबफानानै गासै आयदाफोराव जेरैबो आखा-फाखा जाहोनायाव, मोनसेनिखुइ बांसिन-आयदायारि नायबिजिरसंथिखौ सरजाबफानानै गासै आयदाफोरावनो सांग्रां बिजिरसं समाजफोर जौगाहोनायाव, आरो मुवायारि आरो सुबुंनि फुंखा मावगोहो/आखा-फाखाथाइखौ बांहोनायाव मदद होगोन।

10.2. बिब्दियैनो गोजौसिन सोलोंथाइनि दाथाइनि बेलायाव गेदेर बां-आयदायारि मुलुगसोलोंसालि आरो गोजौ सोलोंथाइयारि फसंथान थुबुरफोरसिम दावलांनाय एबा महर लालांहोनायानो जादों बे बिखान्थिनि जौसिन गनायसंनाय/थांखिनाय। ताक्षाशिला, नालान्दा, भाल्भी आरो बिक्रमशिला बायदि भारतारि गोजाम मुलुगसोलोंसालिफोरा गोगोम बांआयदायारि आबहावाफोराव फरायनाय भारत आरो बुहुमनिफ्राय रोजा रोजा फरायसाफोर दंमोन जायफोरा बाख्नायथाव जाफुरसारथिखौ दिन्थिफुंसारदोंमोन जायखौ गेदेर बांआयदायारि नाबिजिरसंथि आरो फोरोंनाय मुलुगसोलोंसालिफोराल' मावफुनो/मोनफुंहोनो हायोमोन। भारतआव जेरैबो आखा-फाखा आरो सोरजिलु सुबुंफोर सोरजिनो थाखाय बे गेदेमा भारतारि दोरोंखौ लाबोफिननाया जोबोर गोनांथि दं मानोना बे दोरोडा गुबुन हादरफोरखौ सोलोंथाइयारियै आरो रांखान्थियारियै महरसोलायहोखाबाय/ जौगाखांहोखाबाय।

10.3. गोजौसिन सोलोंथाइनि बे नोजोरा गंसे गोजौसिन सलोंथाइ फसंथान (HEI) एबा गंसे मुलुगसोलोंसालि एबा गंसे फरायसालियाव मा मा थादेरसा थायो बेनि थाखाय मोनसे गोदान गुमुरारि सानदांथि/मोनदांथिनि जर'खा गोनांथि जागोन। गंसे मुलुगसोलोंसालिया गोजौसिन सोलोंथाइनि गंसे बां-आयदायारि फसंथान जानांगोन जाय जौसिन गुनगोनां फोरोंथाइ, बिजिरसंनाय, आरो समाजआरि मुखुबथि गोनांसिं-रोंगाजालिया (आन्दारग्रेजुवेट) आरो रोंगाजालिया (ग्रेजुवेट) हाबाफारि/फरायफारिफोर जगायो। बिब्दिनो जुदि मुलुगसोलोंसालिखौ बुंफुरथिनाय जायो अब्ला बायदि रोखोमनि फसंथानसो जाना फैयो जाय फोरोंनाय आरो नायबिजिरसंनायाव समान बोलो होगोन जेरै-गोथौ-बिजिरसं मुलुगसोलोंसालिफोर, आरो ओरैबादि फसंथान जाय फोरोंनायाव बांसिन बोलो होगोन नाथाय थेवबो ओंथिगोनां बिजिरसं मावफुंगोन जेरै- गोथौ-फोरोंनाय मुलुगसोलोंसालिफोर। गुबुन फारसे, उदां-खुंथाइ दिग्रि होग्रा कलेजआ गोजौ सोलोंथाइनि गंसे गेदेर बांआयदायारि फसंथान जाय सिं-रोंगाजालिया (आन्दारग्रेजुवेट) दिग्रि होयो बेखौ थांखिगोन आरो गाहायै सिं-रोंगाजालिया (आन्दारग्रेजुवेट) फोरोंनायाव गोसो होयो मानोना बेयो बैनिसिम सिमना होजानाय नडा आरो बेयो बैनिसिम सिमना खालामजानायनि गोनांथि गैया आरो सरासनस्रायै बेयो मोनसे नंगुबै मुलुगसोलोंसालिनिखुइ फिसासिन जागोन।

10.4. थाखोमान-होजानाय गनायथिनि मोनसे स्रा-स्रा बिखान्थिनि गेजेरजों फरायसालिमाफोरनो थाखोमान-होजानाय उदां-खुंथाइ होनो थाखाय फारियै राहा एबा जुन्थि आदब गायसननाय जागोन। गनायथिनि मोनफ्रोमबो थाखोनि नांगौ जानाय सरासनस्रा मानथाखोखौ लासैयै मोनफुंहोनो फरायसालिमाफोरखौ साहस, बोसोन, हेफाजाब आरो थुलुंगाखांहोनाय जागोन। मोनसे थि समनि थाखाय, बेखौ सानदांनाय जादोंदि मोनफ्रोमबो फरायसालिमाया मोनसे उदां-खुंथाइ दिग्रि-होग्रा फरायसालिमा एबा मोनसे मुलुगसोलोंसालिनि थादेरसा फरायसालिमा महरै जौगाहैगोन, उनाव बेयो आबुडै मुलुगसोलोंसालिनि मोनसे बाहागो जागोन। जुदि बिसोर लुबैयो, थि गनायथिफोरजों दिग्रि-होग्रा उदां-खुंथाइ फरायसालिमाफोरा गोथौ-बिजिरसं एबा गोथौ फोरोंनाय मुलुगसोलोंसालिफोरसिम जौगाहैनो हायो।

10.5. बेखौ रोखायै फोरमायथिनाया गोनांदि बेफोर मोनथाम रोखोमनि फसंथानफोरा मब्लाबाबो मोनसे थि खाना दोननाय आरो गुबुन गुबुन बाहागो जाया, बबेखानि अरायबो जयै थायो। गोजौसिन सोलोंथाइयारि फसंथानफोरा गावसोरनि मावथांखि, मावफारि आरो गोहोमथिनि सायाव बिथा खालामनानै लासैलासैयै मोनसे बाहागो/थाखोनिफ्राय गुबुन मोनसे बाहागो/ थाखोसिम आवगायलानो उदां-खुंथाइ गोहो आरो उदांसिखौ मोनगोन। बेफोर थाखोनि फसंथानफोरनि थाखाय जोबोर गाहाय सिनायथिया जागोन गावसोरनि थांखि आरो खामानिखौ गोसोहोनाय। गनायथि बिखान्थिया बे रोखोमनि गोजौसिन सोलोंथाइयारि फसंथानफोरनि (HEI) थाखाय गुबुन गुबुन आरो आरजाथाव नेमखान्थिफोरखौ थियै जौगाहोगोन आरो बाहायगोन। थेवब्लाबो, गासैबो रोखोमनि गोजौसिन सोलोंथाइयारि फसंथानफोरनि (HEI) थाखाय जौसिन गुनगोनां सोलोंथाइ, आरो फोरोंनाय-सोलोंनायनि मिजिफोरा समान जागोन।

10.6. फोरोंनाय आरो नायबिजिरसंनायनि अनगायैबो, गोजौ सोलोंथाइयारि फसंथानफोरनाव (HEI) गुबुन गोनांथार बिबानफोरबो थागोन, जायफोरखौ बिसोर थि फुंखा, थुलुंगा, आरो दाथाइफोरनि जोहै मावफुंगोन। बेफोर जादों गुबुन गोजौ सोलोंथाइयारि फसंथानफोरखौ (HEI) जौगाथियाव मदद खालामनाय, समाजआरि लोब्बाथि आरो मावमिनथि,

मावहुदानि बायदिरोखोम फोथाराव बिहोमा, गोजौसिन सोलोंथाइ बिखान्थिनि थाखाय बिफानगिरि/मावफारिया (फेकाल्थि) जौगाथि आरो फरायसालि सोलोंथाइखौ मदद खालामनाय।

10.7. 2040 माइथायसिमाव, गासैबो गोजौसिन सोलोंथाइयारि फसंथानफोरा (HEI) बांआयदायारि फसंथान जाहैनो थांखि लागोन आरो इसिंदाथाइ आरो फुंखाफोरखौ मोजाडै/आसाथिनाय बाहायनो थाखाय, आरो गोगोम बांआयदायारि समाजफोर दानो थाखाय रोजा रोजा फरायसाफोर मुं थिसननो थांखि लागोन। जिहेथु बे बिखान्थिनि थाखाय समनि गोनांथि जागोन, ओंखायनो गासैबो गोजौसिन सोलोंथाइयारि फसंथानफोरा (HEI) गिबियाव 2030 माइथायसिमाव बांआयदायारि जाहैनो बिथांखि लागोन, आरो बेनि उनाव लासै लासैयै फरायसाफोरनि मुं थिसनथिखौ मिजिंथिनाय बिबांसिम बांहोगोन।

10.8. नेवसिजानाय/खाबु-होजायै ओनसोलफोराव आबुडै मोनहैसथि, गनायथिआरो सरजाबथिखौ जाफुंसारहोनो बांसिनबाव गोजौसिन सोलोंथाइयारि फसंथानफोर (HEI) गायसननाय आरो जौगाहोनाय जागोन। 2030 माइथायसिमाव, मोनफ्रोमबो जिल्ला एबा बेनि खाथि-खालायाव खमैब्लाबो मोनसे गिदिर बांआयदायारि गोजौसिन सोलोंथायारि फसंथान (HEI) थाथारगोन। सुबुडारि/सरकारि आरो गावारि मोननैबो रोखोमनि फसंथानफोरखौ जौगा-गुनगोनां गोजौसिन सोलोंथाइयारि फसंथान महरै जौगाहोनो आखाइ-होनाय एबा मावआगानफोरखौ आजावनाय जागोन जायनि फोरोंनाय बिजिडा जायगायारि/भारतारि रावफोराव एबा नैरावआरियाव जागोन। थांखिया जागोन हाबायारि सोलोंथाइखौ लाफानानै गोजौसिन सोलोंथाइयाव गासै मुं थिसननाय रुजुज'खाखौ 2018 माइथायनि 26.3% निफ्राय 2035 माइथायसिमाव 50% सिम बांहोनाय। अदेबानि बेफोर थांखिफोरखौ जाफुंहोनो थाखाय गोबां गोदान गोदान फसंथानफोरखौ जौगाखांहोनो हायो, नाथाय थाखानाय गोजौसिन सोलोंथाइयारि फसंथानफोरखौ (HEI) खौसे खालामनानै, नांगौ जखायाव फुवारदेरना आरोबाव जौगासिनहोबावना हालोमथि सोरजिथिनि मोनसे गिदिर बाहागोखौ मोनफुंसारहोनाय जागोन।

10.9. गोबां बिबांनि साबना-हामना सुबुडारि/सरकारि फसंथानफोर जौगाहोनायनि सायाव गोख्रों बोलो होनायजों सुबुडारि/सरकारि आरो गावारि मोननैबो रोखोमनि फसंथानफोराव जौगाथिया जाफुंगोन। सुबुडारि/सरकारि गोजौसिन सोलोंथाइयारि फसंथानफोरनि (HEI) थाखाय सुबुंआरि/सरकारि फुनजि मददनि थाखोफोरखौ बांहोनो थाखाय मोनसे गोगो आरोस्रा-स्रा बिखान्थि थागोन। बे बिखान्थिया गासै सुबुंआरि/सरकारि फसंथानफोरनि देरनाय आरो जौगाथिनि थाखाय मोनसे गनाथाव खाबु होगोन, आरो बेयो गनायथि बिखान्थिनि गनायथि नेमखान्थिफोर जेरै- रोखा/स्रा-स्रा, आगु-फोसावथि सायख'माननि सायाव बिथा खालामगोन। बे बिखान्थियाव थाखानाय लेखा जौसिन गुननि सोलोंथाइ होग्रा गोजौसिन सोलोंथाइयारि फसंथानफोरखौ (HEI) गावसोरनि हालोमथि बांहोनायाव थुलुंगा होनाय जागोन।

10.10. फसंथानफोरनो गावसोरनि बावथाइ/खाबु होनायफोरखौ जौगाहोनो, मोनहैसथिखौ जौगाहोनो, GER खौ बांहोनो आरो जिउ-जोबजासिम सोलोंनायनि (SDG 4) खाबुफोर जगायनो थाखाय उदां जान्थाइ सोलोंनाय (ODL) आरो अनलाइन हाबाफारिफोर सालायनो खाबु मोनगोन, अदेबानि बिसोरनो बेफोरबादि मावनो थाखाय गनायथि होनाय जायो। गासैबो ODL फराय आयदा आरो जायखिजाया दिप्ल'मा एबा दिग्रि होग्रा बिसोरनि थादेरसाफोरा गोजौसिन सोलोंथाइयारि फसंथानफोरजों गावसोरनि आवथायावनो सालायजानाय जौसिन गुनगोनां फराय आयदानि समान मानदान्दा आरो गुननि जागोन। ODL नि थाखाय गनायथिहोजानाय जौसिन थाखोनि फसंथानफोरा जौसिन-गुनगोनां अनलाइन फराय आयदा/फरायफारिफोर जौगाहोनो थुलुंगा आरो मदद खालामजानाय जागोन। बेफोरबादि गुनगोनां अनलाइन फरायफारिखौ गोजौ सोलोंथाइयारि फसंथानफोरनि (HEIs) सोलोंफारि/आयदाफारियाव आरजाथावै खौसे खालामनाय जागोन आरो गलाइमोन्देर आखुखौ गोनांथि होनाय जागोन।

10.11. गासैबो फोथाराव जौगा-गुनगोनां बांआयदायारि आरो आयदायारि सरासनस्रा-गुमुर फोरोंनाय आरो नायबिजिरसंथिखौ जाफुंहोनो आरो थुलुंगाखांहोनो थाखाय मोनसेल'-बिजोंगोनां गोजौसिन सोलोंथाइयारि फसंथानफोरखौ समजों लोगोसे बोखारनाय जागोनआरो गासैबो गोगोम बांआयदायारि फसंथानफोर एबा गोगोम

बांआयदायारि गोजौसिन सोलोंथाइयारि फसंथान थुबुर फारसे आवगायलांगोन। जुनियायै मोनसेल'-बिजों गोनां गोजौसिन सोलोंथाइयारि फसंथानफोरा गुबुन गुबुन फोथार/आयदाफोराव बिफानफोर दाजाबफागोन जाय बिसोर आथिखालाव सालायबाय थानाय मोनसेल'-बिजोंखौ गोखोंसिन खालामगोन। आरजाथाव गनायथिफोर मोनफुंथिनि गेजेरजों गासैबो गोजौसिन सोलोंथाइयारि फसंथानफोरा लासै लासैयै आबुं सोलोंथाइयारि आरो खुंथाइयारि उदां-खुंथाइ फारसे आवगायलांगोन जाहाथे बेफोरबादि गोगोम हारिमु सोरजिनो हायो। सुबुडारि/सरकारि फसंथानफोरनि उदां-खुंथाइखौ थोजासे सुबुडारि/सरकारि रांखान्थियारि मदद आरो गोजोरथिजों सुंथानाय जागोन। जौगा-गुनगोनां गनायथाव सोलोंथाइनि मोनसे सुबुं-जिउमायारि रादाइ गोनां गावारि फसंथानफोरखौ थुलुंगा होनाय जागोन।

10.12. बे बिखान्थिजों सानथांखिनाय गोदान सामलाइ बिखान्थिया गोदानारि सानखांथि लाबोनो थाखाय ग्रेड एबा थाखो गोनां उदां-खुंथाइ बिखान्थिनि गेजेरजों जिबा बोसोरनि गेजेराव लासैयैनो 'गनायजानाय फरायसालिमाफोर'नि बिखान्थिखौ सोदांफिननाय एबा साबसिन थाखोआव लाबोफिननाय आरो फेरनांनय मडआव सोलिहोनायखौ लाफानानै मोनथाइ गोहो आरो उदां-खुंथाइ गोहो होनाय। मोनफ्रोमबो थाखानाय गनायथिहोग्रा मुलुगसोलोंसालिया गावनि गनायथिनाय फरायसालिमाफोरखौ फोरोंनायनि थाखाय बिबान लांनंगोन जाहाथे बिसोर गावसोरनि हालोमथिखौ जौगाहोनो आरो सोलोंथाइयारि आरो हारिमुआरि बिथिं; फोरोंनाय आरो सुथाइ; सासन खालामनाय फोसाबथि; रांखान्थियारि गोखोंथि; आरो खुंथाइयारि आखा-फाखाथाइयाव सरासनस्रा मानदान्दा मोनफुंसारनो हायो। बावैसो मुलुगसोलोंसालिजों गनायजानाय गासैबो फरायसालिमाफोरा थि खालामजानाय गनायथि मानदान्दाफोरखौ मोननो आरो बेनि उनाव जाथावगौ बादियै उदां-खुंथाइ दिग्रि-होग्रा फरायसालिमा जाहैनो नांगौ जानाय मानदान्दाखौ समजों मोनफुंहैगोन। बेखौ आरजाथाव बोसोन होनाय आरो सरकारियारि मददखौ लाफानानै मोनसे खौसेथि हायुडारि नाजाथिनि जोहै जाफुंसारहोनाय जागोन।

10.13. गासै गोजौ सोलोंथाइ खोन्दोआ जिउराहायारि आरो हाबायारि सोलोंथाइखौ लाफानानै मोनसे खौसे गोजौसिन सोलोंथाइ बिखान्थि जानो थांखि लागोन। बे बिखान्थि आरो बेनि नोजोरा आथिखालनि गासै बोहैथि दाहार (स्ट्रिम) फोरनि थाखाय गासैबो गोजौसिन सोलोंथाइयारि फसंथानफोरनि थाखाय समानैनो बाहायफुंथाव जागोन, जाय जोबनायाव गोजौसिन सोलोंथाइनि मोनसे खैसेथि आबहावायाव मिलायहैगोन।

10.14. बुहुमनाडै मुलुगसोलोंसालिनि ओंथिया जादों गोजौ सोलोंथाइनि गंसे बांआयदायारि फसंथान जाय सिं-रोंगाजालिया, रोंगाजालिया आरो Ph.D हाबाफारिफोर होयो आरो जौगा-गुनगोनां फोरोंथि आरो नायबिजिरसंथियाव मुखुब थायो। हादरआव गोजौ सोलोंथाइयारि फसंथानफोरनि दानि हेब्रे-माब्रे मुंफोर जेरै- 'गनायथिजानाय मुलुगसोलोंसालि', 'गनायथिहोग्रा मुलुगसोलोंसालि', 'गनायथिहोग्रा आरोदायारि मुलुगसोलोंसालि, 'मोनसेल'-आफादआरि (इउनितारि) मुलुगसोलोंसालिखौ नेमबादियै सायख'मानखौ आबुं खालामना 'मुलुगसोलोंसालि' मुंल' होनाय जागोन।

11. मोनसे बांसिन आबुं आरो बांआयदायारि सोलोंथाइनि फारसे

11.1. भारत हादरहा गासै फोथार एबा थिलिनाडै आयदाफोर सरजाबनाय थानाय भारतनि थुनलाइनि बारायगा फोरोंथाइ होबोनाय ताक्षाशिला आरो नालान्दा बादि मुलुगसोलोंसालिफोरनिफ्राय हमनानै आबुं आरो बांआयदायारि सोलोंनायनि मोनसे गोलाव दोरों दं। गोजाम भारतनि थुनलाइयारि सोरजि जेरै- बानभत्तनि काडामबरीया मोनसे मोजां सलोंथाइखौ मोन 64 कला एबा आरिमुनि गियान होनना फोरमायदों, बेफोर मोन 64 कला एबा आरिमुफोरनि गेजेराव मेथाइ खननाय, सावगारि एरखानाय बादि आयदाल' गैयामोन, नाथाय बेयाव बिगियाननि फोथार एबा आयदाफारि जेरै- रासायन बिगियान आरो सानखान्थि, हाबायारि फोथार एबा आयदाफारि जेरै- मिस्त्रि आरो जि-सुनाय (दरजि), जिउराहायारि फोथार जेरै- मुलिफोर आरो सोरदिडारि (इन्जिनारि) लोगोसेनो गुरै सोलोफोर जेरै सुंजाबनाय, सावरायनाय, बाथ्रा दानथेलायनाय आरिबो दंमोन। जोबोर सोलोनि जाय सानखान्थि, बिगियान, हाबायारि आयदाफोर, जिउराहायारि आयदाफोर आरो गुरै

सोलोफोरखौ लाफानानै गासै सुबुंनि सोरजिलु नाजानायनि दालाइफोरखौ आरिमु होनना साननाय सानस्रिया थोजोडै भारतआव जोनोम मोननाय। बे मोनसे 'गोबां आरिमुनि गियान' नि सानथाइ एबा जायखौ गोदान समाव सम सम 'उदाडारि आरिमु' होनाय जायो (जेरै-मोनसे आरिमुनि उदाडारि सानथाइ) बेखौ भारतारिनि सोलॉंथाइयाव लाबोफिनथारनाय जागोन, बेयो थारैनो सोलॉंथाइ रोखोम जाय 21थि जौथाइनि थाखाय गोनां जागोन बादियै।

11.2. सिं-रोंगाजालिया सोलॉंथाइयाव थानाय सोलॉंथाइयारि नोजोर एबा आदबफोरनि सुथाइफोरा बिगियान, बिरोंदामिन, सोरदिडारि आरो सानखान्थि (STEM) आरिजों लोगोसे सुबुंथि आरो आरिमु सोलॉंथाइखौ खौसेथि खालामो अब्लानो सोलॉंनायनि सरासनस्रा नांथाबनाय आरो रंजानाय नांजाबफाना थानायनि अनगायैबो सोरजिलु आरो गोदानारि सानखांथि, बिजिरलु साननाय-हनाय आरो जौसिन-थाखोनि साननो हानाय गोहो, जेना सुस्रानो हानाय, हानजायारि हाबा मावफुंनो हानाय, सुंजाबनाय सोलो, बांसिन गोथौवै सोलॉंनाय आरो गासै आयदाफोरनि फरायफारिखौ हमदानो हानाय, समाजआरि आरो खान्थिस्रानि फारसे सांग्रांथि बांनाय बायदि बायदि बांलांहोनायखौ लाफानानै सोरजिलु सोलॉंनायनि फिथाइ मोननो हानायखौ दिन्थियो। मोनसे आबुं आरो बांआयदायारि सोलॉंथाइ नोजोर एबा आदबनि गेजेरजों बिजिरसंखौबो जौगाखांहोनो आरो बांहोनो हायो।

11.3. मोनसे आबुं गियान आरो बांआयदायारि सोलॉंथाइनि थांखिया सुबुंनि गासै हानाय गोहोफोर-मेलेमारि, फोजोनथाइयारि, समाजआरि, देहायारि, आबेगारि आरो खान्थिस्राडारिखौ खौसेथि एबा ज' खालामनाय महरै जौगाखांहोनाय जागोन। बेबादि सोलॉंथाइया सुबुंनि गासै बिथि-आखा-फाखाथि जेरै- आरिमु, सुबुंथि, राव, बिगियान, समाजआरि बिगियान आरो जिउराहायारि, आरोंदायारि आरो हाबायारि फोथार एबा आयदाफोराव ओंथिगोनां 21थि जौथाइनि हानाय गोहो, समाजआरि नांजाबफानायनि मोनसे बोसोनारि, बाहायारि गुरै सोलोफोर जेरै- सुंजाबनाय, सावरायनाय, बाथ्रा दानथेलायनाय आरो मोनसे सायख'नाय फोथार एबा फोथारफोराव मोजाडै जुनिया रोंगौथि जौगानायाव मदद होगोन। बेबादि मोनसे आबुं सोलॉंथाइया गोलाव समाव जिउराहायारि, आरोंदायारि आरो हाबायारि आयदाफोरखौ लाफानानै गासै सिं-रोंगाजालिया (आन्दारग्रेजुवेट) हाबाफारिनि नोजोर एबा आदब जागोन।

11.4. मोनसे आबुं आरो बांआयदायारि सोलॉंथाइनि सोमोन्दै गोदोनि भारतआव मोजाडै फोरमायनाय दं, थारैनो आथिखाल भारतनि सोलॉंथाइयाव बेनि गोनांथिया 21थि जौथाइयाव आरो ब्रैथि दारिमिनारि जांखिथाइखौ दैदेनलानो थाखायबो दं। IIT बादि सोरदिडारि फसंथानफोरावबो बांसिन आरिमु आरो सुबुंथि गोनां बांसिन आबुं (जथाइ) आरो बांआयदायारि सोलॉंथाइनि फारसे दावगालांगोन। आरिमु आरो सुबुंथिनि फरायसाफोराबो गोबां बिगियान सोलॉंगोन, आरो गासैयावबो बांसिन हाबायारि आयदा आरो बाहायारि गुरै सोलो सरजाबनो नाजानाय जागोन।

11.5. फरायसंनो थाखाय आयदाफोरनि सोरजिलु जथाइनायखौ सानबोलावरि आरो गुरुंथि फरायफारि दाथाइफोरा हानाय खालामगोन, आरो गोबां हाबनाय आरो ओंखारलानाय बिन्दोनि खाबु होगोन। बेबादिनो आथिखालनि गोख्रों खान्थियारि सिमाफोरखौ फोजोबस्राना जिउनाडै एबा अराय जिउ सोलॉंनायनि जानो हाथावनाखौ बांहोगोन। गेदेर बांआयदायारि मुलुगसोलोंसालिफोराव रोंगाजालिया, रोंगोरा आरो डक्ट'रेटनि सोलॉंथाइ होनाय आरो गोख्रों बिजिरसं-बिथा जुनियाथि जगायनायजों लोगोसे सोलॉंथाइयारि, सोरखार आरो दामिनखौ लाफानानै बांआयदायारि हाबा मावनायनि खाबुबो होगोन।

11.6. गेदेर बांआयदायारि मुलुगसोलोंसालि आरो फरायसालिमाफोरा जौगा-गुनगोनां आबुं आरो बांआयदायारि सोलॉंथाइनि फारसे दावगालानो खाबु होगोन। मोनसे आयदा एबा आयदाफोराव गोख्रों जुनियाथि लाहोनायनि अनगायैबो फरायसाफोरनो फरायफारियाव गुरुंथि, गोदान (गुबै) आरो गोसो नांहाबनाय कर्स लानो हानायनि खाबु होनाय जागोन। फरायफारिखौ साजायनायाव बांसिन बिफानगिरि/मावफारिया (फेकाल्थि) आरो फसंथानआरि उदां-खुंथाइ होनाय बेखौ थुलुंगा होनाय जागोन। फोरोंथाइ-आदबखान्थियाव सुंजाब, सावरायनाय, बाथ्रा-दान्थेलायनाय, बिजिरसं आरो आयदायारि सरासनस्रा-गुमुर आरो आयदा-इसिडारि साननाय-हनायनि खाबुफोराव बांसिन गोनांथि होनाय जागोन।

11.7. गासै गोजौसिन सोलोंथाइ फसंथान (HEI) फोराव राव, थुनलाइ, देंखो, सानथौ बिगियान, भारत बिगियान (इन्द'लजि), आरिमु, मोसानाय, थियेटार, सोलोंथाइ, सानखान्थि, सानसरथुम (स्टेटिस्टिक्स), गुबै आरो बाहायथियारि बिगियान, समाज-बिगियान, रांखान्थि, गेलेमु, रावसोलायनाय आरो बुंस्लायनाय आरो बांआयदाफोरनि थाखाय गोनां जानाय गुबुन बैबादि आयदाफोर, भारतारि सोलोंथाइ थुलुंगाखांहोग्रा आरो आबहावायाव बिफानफोरखौ गायसननाय आरो फोगोमनाय एबा गोख्रौंसिन खालामनाय जागोन। क्रेडिटआ बेफोर आयदाफोरनि थाखाय गासै सिं-रोंगाजालिया (आन्दारग्रेजुवेट) डिग्रि हाबाफारिफोराव होजानाय जागोन जुदि बेफोरो बेबादि बिफानफोरनिफ्राय एबा ODL मडनि गेजेरजों होजानाय जायो नाथाय गोजौसिन सोलोंथाइ फसंथानफोरनि थाखो खथायाव बेफोरनि खाबु होनाय जायाखै।

11.8. बेबादि मोनसे आबुं आरो बांआयदायारि सोलोंथाइनि फारसे दावगालांनो गासै गोजौसिन सोलोंथाइ फसंथानफोरनि गुरुंथि आरो गोदानारि सानखांथि फरायफारियाव क्रेडिट-बिथा कर्स, आरो समाजजों नांजाबफानाय आरो मावमिन बिथिडाव थानाय मावथांखि, आबहावायारि सोलोंथाइ आरो बेसेनथि-बिथा सोलोंथाइ सरजाबदेरगोन। आबहावा सोलोंथाइयाव बारहावा सोलायनाय, आबहावा गुबुंनाय, दाखोर-दाला सामलाइनाय, साखोन-सिखोन खालामनाय, जिउआरि बायदिमैया महरनि सरैखा, जिउआरि फुंखाफोरखौ सामलाइनाय आरो जिउआरि बायदि रोखोमथि, हाग्रामा आरो हाग्रानि जिब-जुनार सरैखा आरो जोरथाइ दावगानाय आरो थांना थानायनि थिलि एबा फोथारफोरा थागोन। बेसेनथि-बिथा सोलोंथाइयाव थागोन- सुबुडारि जौगाथाइ, खान्थिसां, संबिजिरारि आरो अराय सुबुडारि बेसेनथि जेरै-सैथो (सत्य), दोहोरोमारि/मोजां आखु (दोहोरोम), गोजोन (शान्ति), अननाय (प्रेम), अहिंसा, बिगियानारि सान्दांथि, हायुंसायारि बेसेनथि आरो जिउ सोलो। मावमिन एबा सिबिथाइ हाबानि फरा आरो समाजआरि मावमिन हाबाफारियाव बाहागो लानायखौ मोनसे आबुं सोलोंथाइनि मोनसे एंगार हायै बाहागो महरै लानाय जागोन। बुहुमाव गावजोंगाव सोनारलायनाय फोनांजाबनाय बांबोनायखौ नोजोर होना नै बुहुमनां हायुंसा सोलोंथाइ (GCED), आथिखाल समनि बुहुमनां फेर नांनायसिम बिबान लानाया फरायसाफोरनो एबा सोलोंगिरिफोरनो बुहुमनां आयदाफोरखौ बुजिनो आरो सांग्रां जाहोनो आरो बांसिन गोजोन थासारि, सहायनाय, सजाबदेर, रैखाथि आरो जोरथाइ समाजनि साग्रां मददगिरि जाहोनो होनाय जागोन। जोबथारनायाव, मोनसे आबुं सोलोंथाइनि बाहागो बादियै गोजौसिन सोलोंथाइ फसंथानफोराव थानाय फरायसाफोरा गावसोरनि फसंथानआव एबा गुबुन गोजौसिन सोलोंथाइ/बिजिरसं फसंथानफोराव बिफानगिरि/मावफारिया (फेकाल्थि) आरो नायबिजिरसंगिरिजों नायबिजिरसं थाग्रा-गदाय-सोलोंसाथि (इटार्नसिप) लोगोसे जायगानि दारिमिन, फालांगि, आरिमुगिरिफोर, दामिनगिरि बायदि बायदिजों इटार्नसिपनि थाखाय खाबु होजानाय जागोन जाहाथे फरायसाफोरा गावसोरनि सोलोंनायनि बाहायथाइयारि फारसे नांथाबनायजों लोगोसे गावसोरनि हाबा मोननायनि खाबुफोरखौ दिहुनना लानो हायो।

11.9. डिग्रि हाबाफारिनि दाथाइ आरो समा होखानाय बादियैनो सोलायसोल'थि खालामजानाय जागोन। सिं-रोंगाजालिया डिग्रिया 3 एबा 4 बोसोर समनि जागोन, आरजाथाव फोरमानलाइ होनाय बिदिन्थि महरै-जिउराहायारि आरो हाबायारि थिलि एबा फोथारखौ लाफानानै जायखिजाया आयदा एबा फोथाराव 1 बोसोर आबुं खालामना ओंखारलांब्ला गांसे फोरमानलाइ, 2 बोसोर आबुं खालामना ओंखारलांब्ला डिप्ल'मा आरो 3 बोसोरारि हाबाफारिनि उनाव रोंगाजालिया डिग्रि होनायजों लोगोसे बे समनि गेजेराव ओंखारलांनयनि गोबां सोलायमिन/सायख'राहा थागोन। 4 बोसोरारि बांआयदायारि बेचेलर हाबाफारि सोलोंथाइखौ सोलायमिन/सायख'राहा महरै होनाय जागोन मानोना बे समाव फरायसाफोरा गावसोरनि गोसो जानाय बादि मेजर एबा माइनर सायख'ना लानायनि सायाव गोनांथि होनायनि अनगायैबो आबुं आरो बांआयदायारि सोलोंथाइनि आबुं थाखोरखौ रेंमोन्दांथिनाय लानो खाबु होजानाय जागोन। गनायथि गोनां माखासे गोजौसिन सोलोंथाइ फसंथानफोरनिफ्राय सोलोंथाइयारि मुलाम्फा (क्रेडिट) आरजिनो हानायखौ डिजिटेलयै दोनथुमनो थाखाय गंसे सोलोंथाइयारि क्रेडिट बैंक (ABC) गायसननाय जागोन जाहाथे गंसे गोजौसिन सोलोंथाइ फसंथानफोरा डिग्रिखौ होनायाव बे मोननो हानाय क्रेडिटफोरखौ नोजोर लाखिनानै एकाउन्टआव होनो हायो। जुदि फरायसाफोरा गोजौसिन सोलोंथाइ फसंथानफोरनि थिखाना होनाय फरायसंनायाव गावसोरनि मेजर थिलि एबा फोथाराव मोनसे गोख्रौं बिजिरसं मावथांखिजों

आबुं खालामोब्ला बिसोरनो 4 बोसोरारि हाबाफारियाव बिजिरसंजों लोगोसे डिग्रिबो होनो हानाय जागोन।

11.10. गोजौसिन सोलॉथाइ फसंथान (HEI) फोरा गुबुन गुबुन बुमिननि रोंगोरा (माष्टार डिग्रि) हाबाफारि होनायाव गुरुंथि होगोन: (क) जायफोर फरायसाफोरा 3 बोसोरारि रोंगाजालिया (बेचेलर) हाबाफारि खालामखांबाय बिसोरनि थाखाय आबुडै बिजिरसंनो नैथि बोसोर बावसोमनाय गोनां 2 बोसोरारि हाबाफारि होनो हागौ। (ख) बिजिरसंजों लोगोसे 4 बोसोरारि रोंगाजालिया(बेचेलर) हाबाफारि खालामखांनय फरायसाफोरनि थाखाय 1 बोसोरारि रोंगोरा हाबाफारि खालामनो हानाय जागोन आरो (ग) मोनसे ख्रौसेथि 5 बोसोरारि रोंगाजालिया/रोंगोरा हाबाफारिबो जानो हागौ। Ph.D. लानायनि थाखाय बिजिरसंजों लोगोसे 4-बोसोरारि रोंगाजालिया हाबाफारि नडाब्ला रोंगोरा हाबाफारि लाखांनय जाथारनांगोन। M.Phil. हाबाफारिख्रौ बन्द' खालामना होनाय जागोन।

11.11. आबुं आरो बांआयदायारि सोलॉथाइनि थाखाय IIT, IIM अरिफोरजों समान थाखोनि MERU (बांआयदायारि सोलॉथाइ आरो बिजिरसं मुलुगसोलोंसालि) मुंनि मडेल सुबडारि मुलुगसोलोंसालि गायसननाय जागोन। बे मुलुगसोलोंसालिफोरनि थांखिया गुनगोनां सोलॉथाइयाव जौसिन बुहुमनां मानथाखोख्रौ मोनफुंनो नाजानाय जानांगोन। बेफोरो हादरनाडैनो बांआयदायारि सोलॉथाइनि थाखाय जौसिन मानथाखो खाना होनायावबो मदद खालामगोन।

11.12. गोजौसिन सोलॉथाइ फसंथानफोरा स्टार्ट-आप बिदै गहोग्रा मिरु, बिरोंदामिन जौगाखां मिरु, बिजिरसंनि मोनसे फोथार/आयदाफारिनि सिमाथि मिरु, बांसिन दारिमिनआरि-सोलॉथाइयारि फोनांजाबनाय आरो सुबुंथि आरो समाज बिगियाननि बिजिरसंख्रौ लाफानानै आयदा-गेजेरारि बिजिरसं गायसन्नानै बिजिरसं आरो गोदानारि सानखांथियाव नोजोर होगोन। मारखि (सनदेरग्रा) बेराम आरो बुहुमनां बारदेरग्रा बेरामनि फोसावथि गोसारहोनाया ओरैबादि गिथावनाथारदि बेखायनो गोजौसिन सोलॉथाइ फसंथानफोरा सनदेरग्रा बेरामनि फोथारफोर जेरै मारखि बेराम बिगियान, भाइरास बिगियान, बेराम सिनायनाय बिगियान, जुन्थियारि, भेकसिन बिगियान आरो गुबुन सोमोन्दो गोनां फोथाराव बिजिरसंनो लानायाव दैदेनगोन। फरायसा समाजनि गेजेराव गोदानारि सानखांथिख्रौ जौगाखांहोनो थाखाय गोजौसिन सोलॉथाइ फसंथानफोरा जर'खा आखाइजों हमनाय जुनथि आदब आरो बादायलायनाय जौगाखांहोगोन। NRF आ गासै गोजौसिन सोलॉथाइ फसंथानफोरनि बिजिरसं बाहायसालिफोर आरो गुबुन बिजिरसं आफादफोराव बेबादि मोनसे साग्रां जिउगोनां बिजिरसं आरो गोदानारि सानखांथि हारिमु मावफुंनो हानाय आरो मदद खालामनायाव हेफाजाब होनो थाखाय हाबा मावगोन।

12. सोलॉनायनि साबसिन आबहावा आरो फरायसानि मदद

12.1. गोहोमगोनां सोलॉनायनि थाखाय आबुं (साग्लोबसार) नोजोरनि गोनांथि जायो जेराव गनायथाव फरायफारि, गोसो फज'नो हानाय फोरोंथाइ-आदबखान्थि, सोलिफु सोरजिलु सुथाइ आरो फरायसाफोरनो थोजासे मदद होनाय आरिफोरबो दं। गोदानसिन गियाननि गोनांथिफोरजों गोरोबहोनो आरो थि खालामनाय सोलॉथाइनि फिथाइ मोनहोनो थाखाय फरायफारिया गोसो फज'नो हानाय आरो खाबजानाय आरो गोदान गोदान खारि सोदेरना होबाय थानाय जाथारगोन। बेबादिनो जौगा-गुनगोनां फोरोंथाइ-आदबखान्थिया फरायसाफोरनो जाफुंसारै फरायफारि मुवा होनो थाखाय गोनांथार। फोरोंथाइ-आदबखान्थियारि बाहायथिया फरायसाफोरनो सोलॉनाय रोंमोन्दांथि थि खालामना होयो, बेखायनो थोजोडै सोलॉथाइनि फिथाइयाव गोहोम खोख्लैयो। सुथाइनि आदबा बिगियानारि, गियाननि बाहायथिख्रौ आन्जाद लानाय आरो सोलॉनायख्रौ सोलिफु जौगाखांहोनो बुमिन खालामनाय जाथारगोन। जोबथानाय नाथाय खमथाराव नडैयै, हानाय-गोहोफोर जौगानाय जाय फरायसाफोरनि मोजांथि जेरै- गोख्रौंथि (फिटनेस), मोजां सावसि, गसोआरि-समाजआरि मोजां आरो मोजां खान्थिसंनं बेसेनथि बिथा आरिफोरख्रौ जौगाहोयो बेबो जौगा-गुनगोनां सोलॉनायनि थाखाय गोनांथार।

बेनिखायनो गुनगोनां सोलॉनायनि थाखाय फरायफारि, फोरोंथाइ-आदबखान्थि, सोलिफु सुथाइ आरो फरायसानि मदद होनायफोरानो गुदि बिथा। बेफोर गुदि बिथाफोरख्रौ रोखा खालामनो थाखाय आरजाथाव फुंखाफोर आरो इसिंदाथाइ जेरै-गुनगोनां बिजाब बाख्रिफोर, थाखो-ख'था, बाहायसालि, बिरोंदामिन, गेलेमु, रंजा-बाजानि जायगा, फरायसाफोरनि

सावरायग्रा जायगा, जानाय-लॉनायनि जायगा आरिफोर जगायना होनायजों लोगोसेनो बेफोर आयदाफोराव माखासे मवजेनराहा लानायनि गोनांथि दं, जायनि गेजेरजों सोलॉनायनि आबहावाखौ गोसो बोगथाबनो हानाय, गोसो फज'नो हानाय आरो मदद गोनां खालामनो हायो आरो गासै फरायसाफोरखौ जाफुंसारहोनो हानाय जायो।

12.2. गिबियावनो, गोजौसिन सोलंथाइनि गुवार खाथामआव सोरजिलुखौ रोखा खालामनो फसंथान आरो बिफानगिरि/मावफारिया (फेकाल्थि) फोरा फरायफारि, फोरंथाइ-आदबखान्थि आरो सुथाइ आरिफोराव गोदानारि सानखांथि लाबोनायनि उदांथि थागोन, जायखौ गासै फसंथान आरो हाबाफारि/फरायफारिनाडै आरो गासै उदां आरो जानथाइ सोलॉनाय (ODL), अनलाइन आरो दोरोडारि थाखो खथा सोलॉनायाव समान महराव रोखा खालामना होनाय जागोन। बेबादियैनो फरायफारि आरो फोरंथाइ-आदबखान्थिया गासै फरायसाफोरनो मोनसे थुलुंगा गोनां आरो नांथाबना सोलॉनाय रंमोन्दांथि रोखा खालामनो थाखाय फसंथान आरो थुलुंगा मोननाय बिफानगिरि/ मावफारिया (फेकाल्थि) फोरजों रनसायजागोन आरो मोनफ्रोमबो हाबाफारिखौ बिसोरनि थांखिसिम सहैहोनो थाखाय सोलिफु सोरजिलु सुथाइखौ बाहायनाय जागोन। गोजौसिन सोलंथाइ फसंथानफोरा गासै सुथाइ बिखान्थिखौबो थिरांथा लागोन। बेयाव जोबथा फोरमानलाइ होनायबो दं। गोदानारि सानखांथि आरो गुरुंथि लाबोनो थाखाय सोलायमिन (सायख') बिथा क्रेडिट बिखान्थिखौ (CBCS) नायफिननाय जागोन। गोजौसिन सोलंथाइ फसंथानफोरा मोनसे सायख'मान-बिथा ग्रेडि बिखान्थिबो गायसनगोन, जायनि गेजेरजों मोनफ्रोमबो हाबाफारिनि थाखाय सोलॉनायनि थांखिफोरनि सायाव सोनारनानै फरायसाफोरनि मोनफुंनाय सुथाइ लानाय जागोन बिखान्थिखौ साबसिन आरो फिथाइया रोखायै नुजानाय बानायना। गोजौसिन सोलंथाइ फसंथानफोरा गोजौ खान्थियारि खुन्थागोनां आन्जाद लानायखौ बोखारना बांसिन सोलिफु आरो साग्लोबसार/आबुं सुमोनथाइनि फारसे दावगालांगोन।

12.3. नैथियाव, मोनफ्रोमबो फसंथानआ गावनि सोलंथाइयारि (एकाडेमिक) सानथांखिफोरखौ फरायफारि जौगाखांहोनायनिफ्राय लानानै थाखो खथानि गुनगोनां फोरंनाय सोलॉनायसिम खौसेथि खालामगोन- गावनि गेदेर फसंथानआरि दावगानाय सानथांखियाव (IDP)। मोनफ्रोमबो फसंथानफोरा फरायसाफोरनि आबुं गियान दावगानायनि थाखाय रादाय होनाय जागोन, बेनि थाखाय ओरैबादि मोनसे गोखौ बिखान्थि खालामनाय जागोन, जायनि गेजेरजों गुबुन गुबुन फरायसा हानजाफोरखौ थाखो खथायाव सिडारि आरो बायजोनि खान्थियारि सोलंथाइयारि रायज्जलायहोनाय मोननै सोलंथाइयारि आरो समाजआरि फोथाराव मदद होगोन। बिदिन्थि महरै- गासै गोजौसिन सोलंथाइ फसंथानफोराव गोनांथि बादियै बिफानगिरि/मावफारिया (फेकाल्थि) आरो गुबुन रंग'साफोरनि मददजों फरायसाफोरा खुंफुंनाय आयदा-बिथा क्लब आरो मावफारिफोर- जेरै- बिगियान, सानखान्थि, खन्थाइ, राव, थुनलाइ, बाभ्रा-दान्थेलायनाय, देंखो गेलेमु आरिनि थाखाय बावसोमनाय क्लब आरो हाबाफारि खुंफुंनो थाखाय जुनथि आदब आरो राडारि मदद होनायनि खाबुफोर थागोन। समजों लोगोसे जेब्ला बेफोर मावफारिफोरखौ फरायसाफोरनिफ्राय दाबिनाय (डिमान्द) फैयो आरो बिफानगिरि/मावफारिया (फेकाल्थि) फोराबो आरजाथाव रंसारनाय फैयो अब्ला बेफोरखौ फरायफारियाव सोसनफानो हागौ। बिफानगिरि/ मावफारिया (फेकाल्थि) फोरा फरायसाफोरखौ फोरोंगिरि महरैल' नोजोर होआजासे बिसोरनि बोसोनगिरि आरो लामा-दिन्थिगिरि महरैबो नोजोर होनो हानायनि गोहो आरो फोरंथाइ थागोन।

12.4. थामथियाव, समाजआरि-रंखान्थियारि बिथिडाव गोम्लैसोनाय हालामनि फरायसाफोरखौ गोजौसिन सोलंथिसिम जाफुंसारै सहैहोनो एबा फरायहोनो थाखाय थुलुंगा आरो मदद होनायनि गोनांथि दं। बेनि थाखायनो मुलुगसोलोंसालि आरो फरायसालिमाफोरा जौगा-गुनगोनां मदद मिरु गायसननांगोन आरो आबुं गोहोमगोनां खालामनो थोजासे फुनजि एबा राडारि मदद आरो सोलंथाइयारि फुंखाफोर होनाय जागोन। गासै फरायसाफोरनि थाखाय जिउराहायारि सोलंथाइयारि आरो जिउखाडारि सुबुरुन होनाय जागोन, लोगोसेनो देहायारि, गोसो-बिगियानारि आरो आबेगारि अनसायखौ रोखा खालामनो थाखायबो सुबुरुनगिरिफोर थागोन।

12.5. ब्रैथियाव, ODL आरो अनलाइन सोलंथाइया गुनगोनां गोजौसिन सोलंथाइसिम सहैनायखौ बांहोनो थाखाय मोनसे

मिथिगायारि लामा होयो। बेनि आबुं हानाय गोहोखौ मुलामफा लानो थाखाय ODL खौ गोसारहोनायनि जथाइ फोरमान-बिथा नाजानायनि गेजेरजों सोदानाय जागोन, लोगोसेनो बेनि थाखाय रोखा थिखानाय गुनगोनां मानथाखो मानिनायखौ रोखा खालामनाय जागोन। ODL हाबाफारिखौ जौगा गुनगोनां थाखो-खथायारि हाबाफारिजों समान खालामनायनि थांखि लानाय जागोन। ODL नि बिखान्थियारि जौगानाय, सामलाइनाय आरो गनायथिनि थाखाय नमर्स, मानथाखो आरो दिन्थिलामाफोरा थियारि खालामजानाय जागोन आरो बेनि (ODL) गुनगोनांनि मोनसे खाथाम जाय बेखौ गासै गोजौसिन सोलॉथाइ फसंथानफोरनि थाखाय गनायसंहोना जौगाहोनाय जागोन।

12.6. जोबनायाव, थाखो खथायारि, अनलाइन, ODL मडखौ लाफानानै गासै हाबाफारि, कर्स, फरायफारि आरो आयदानाडै फोरेंथाइ-आदबखान्थिफोरजों लोगोसे फरायसानि मददआरि थांखिया बुहुमनां मानथाखोनि गुनगोनांखौ मोननो नाजानाय जानांगोन।

हायुंगेजेरारि खालामनाय

12.7. गोजौआव मुख'नाय गुबुन गुबुन मावजेनराहाफोरा भारतआव गोबां बिबांनि हायुंगेजेरारि फरायसाफोर फरायफैनायाव हेफाजाब होगोन आरो बे भारतआव थानाय जायफोर फरायसाफोरा गुबुन हादरनि फसंथानफोराव गिदिंहेनो, फरायहेनो, दैथायहरनाय मुलामफा लानो आरो बिजिरसंहैनो गोसो बिसोरनो बेबादि खाबुफोरखौ होनाय जागोन आरो गुबुन हादरनि फसंथानफोरनि फरायसाफोराबो बेबादि खाबुफोरखौ लाफैनो हागोन। बुहुमनां गुनगोनां मानथाखोनि बे थांखिखौ मोनफुंनो, हायुंगेजेरारि फरायसाफोरखौ बांसिन बिबाडव गोसो बोगथाबहोना आरो हादरआवनो हायुंगेजेरारि थांखिखौ मोनफुंनो थाखाय भारत बिगियान, भारतारि रावफोर, AYUSH मुलिनि बिखान्थि, य'गा, आरिमु, देंखो, जारिमिन, हारिमु आरो गोदान भारत आरि आयदाफोरनि हाबाफारि आरो कर्स, बिगियान, समाज बिगियान आरो गुबुन गुबुननि हायुंगेजेरारि सोमोन्दो गोनां फरायफारि, समाजआरि नांजाबफानाय गुनगोनां खाबुफोर, गुनगोनां थाग्रा खाबुफोर आरो आवथा एबा केम्पासआव थानाय-सोलॉनाय मदद आरिखौ जौगाखांहोनाय जागोन।

12.8. भारतखौ बाडाइ खरसार्जोनो साबसिन सोलॉथाइ मोननो हानाय बुहुमनां फरासंनायनि दावबायथावनि महरै जौगाखांहोनाय जागोन, जायनि गेजेरजों भारतनि बिफावखौ विश्व' गुरु महरै लाबोफिननायाव मदद खालामगोन। गुबुन हादरनिफ्राय फैनो गोनां फरायसाफोरखौ बरायनाय आरो मदद खालामनायजों सोमोन्दो गोनां गासै आयदाफोरखौ लोब्बा लाखिनो एबा फोनांजाबलायनो थाखाय गुबुन हादरनि फरायसाफोरखौ फरायहोग्रा गंफ्रोमबो गोजौसिन सोलॉथाइ फसंथानफोराव मोनफा मोनफा हायुंगेजेरारि फरायसा मावख' गायसननाय जागोन। जौगा-गुनगोनां गुबुन हादरनि फसंथानफोरजों बिजिरसं/फोरोंनाय जथाइ बानजायनाय आरो बिफानगिरि (फेकाल्थि)फरायसाफोर होलायनाय-लालायनाय खाबुफोरखौ होनाय जागोन लोगोसेनो गुबुन हादरफोरजों खाबजानाय गावजोंगाव मुलामफा गोनां MOU आव (बुजिल्लायनायनि गोसोखांलाइ) सागन (सहि) होनाय जागोन। जौगा दिन्थिफुंनो हानाय भारतारि मुलुगसोलॉसालिफोरखौ गुबुन हादरआव आवथा (सोरबेंखन) गायसननो थुलुंगा होनाय जागोन आरो बे रोखोमनिनो सायख'जानाय मुलुगसोलॉसालिफोर बिदिन्थि महरै बुहुमनि मादाव बयनिखुइबो साबसिन गं 100 मुलुगसोलॉसालिफोरखौ भारतआव मावफुंनो खाबु/गनायथि होनाय जागोन। बेबादि खाबुफोरखौ रोखा खालामनो थाखाय मोनसे आयेनख'आरि खाथाम लाबोनाय जागोन आरो बेफोरबादि मुलुगसोलॉसालिफोरनि थाखाय भारतनि गुबुन उदां-खुथाइ फसंथानफोरनि रुजुनायाव सामलाइनाय, सासन खालामनाय आरो आयदानि नर्मस आरि थाखोआव माखासे जर'खा उदांथि होनाय जागोन। बेबादिनो जर'खा नाजानायनि गेजेरजों भारतारि फसंथानफोर आरो बुहुमनां फसंथानफोरनि गेजेराव जथाइ बिजिरसं बानजायलायनाय आरो फरायसाफोरनि गेजेराव सोलायसोल' होलायनाय-लालायनायखौ जौगाखांहोनाय जागोन। गुबुन हादरनि मुलुगसोलॉसालिफोराव आरजिनाय क्रेडिटखौ बेयाव गनायथि होनाय जागोन, मोनफ्रोमबो गोजौसिन सोलॉथाइ फसंथानफोरनि गोनांथि बादि आरजाथाव जायोव्ला बेखौ डिग्रि होनो थाखायबो गनायथि होनाय जागोन।

फरायसा मावफारि आरो बाहागो लानाय

12.9. सोलोंथाइ बिखान्थियाव फरायसाफोरानो गाहाइ बाहागोदार। जौगा-गुनगोनां फोरों-सोलों फारिखान्थिनि थाखाय साग्रां जिउगोनां आवथाया जोबोर गोनांथार। बे थांखिनि फारसे दावगालांहोनो थाखाय फरायसाफोरनो गेलेमु, हारिमु/आरिमु क्वाब, आबहावा क्वाब, मावफारि क्वाब, समाजआरि मावमिन मावथांखि आरिफोरव बाहागो लानो थाखाय थोजासे खाबु होनाय जागोन। गंफ्रोमबो सोलोंथाइ फसंथानआव मेलेमारि नारसिनथाइ आरो आबेगारि खाबजाहोनायखौ सामलाइनो थाखाय मोनसे सुबुरुन होनायनि बिखान्थि थागोन। बेनि अनगायैबो गामियारि हालामनि फरायसाफोरनो गोनांथि बादियै हस्टेलनि खाबुफोर बांहोनायखौ लाफानानै नांगोबादि मदद खालामनो थाखाय मोनसे बिखान्थियारि सामलाइनाय राहा सोरजिनाय जागोन। गासै गोजौसिन सोलोंथाइ फसंथानफोरा गासै फरायसाफोरनि थाखाय गावसोरनि फसंथानफोराव गुनगोनां सावफाहामारि खाबुफोर मोनहोनायखौ रोखा खालामगोन।

फरायसाफोरनि थाखाय राडारि मदद

12.10. बायदि बायदि राहानि गेजेरजों फरायसाफोरनो राडारि मदद होनाय जागोन। SC, ST, OBC, आरो गुबुन SEDG फरायसाफोरनि मोननो गोनां राहाफोरखौ होनो नाजानाय जागोन। हायुडारि फरायबान्था (स्क'लारसिप) फर्टेलआ फरायसाफोरनि फरायबान्था मोननायनि दावगानायखौ मदद होनो, बांहोनो आरो मोनहोनो फेहेरसिनजानाय जागोन। गावारि गोजौसिन सोलोंथाइ फसंथानफोरा गावसोरनि फरायसाफोरनो गोबां बिबांनि बेसेन लायै फरायहोनाय आरो फरायबान्थानि खाबु होनो थुलुंगाखांहोजानाय जागोन।

13. गोसो गुदुं, राफोद आरो हारोंथाइयारि गियान

13.1. गोजौसिन सोलोंथाइ फसंथानफोर जाफुंसारनायनि बयनिखुइबो गोनांसिन जाहोना जादों- बेयाव हाबा मावनाय सोद्रोमाफोरा गुनगोनां आरो नांथाबना थानाय। गोजौसिन सोलोंथाइनि थांखिफोरखौ मोनफुंनो थाखाय बिफानगिरि/मावफारिया (फेकाल्टि) सोद्रोमाफोरनि गोनांथार बिफावखौ नोजोर लाखिनानै थांनाय माखासे बोसोरनिफ्राय हाबायाव थिसननाय आरो माव समाव जिउखाडारि सिगां फारसे दावगालांहोनायखौ खान्थियारि खालामनो आरो बिफानगिरि/मावफारिया दाहार लाथ'नायाव गुबुन गुबुन हानजाफोरनिफ्राय गनायथाव थान्दै मोननायखौ रोखा खालामनो माखासे मावजेनराहाफोर लाबोदोंमोन। सुबुडारि एबा सरकारि फसंथानफोरनि अरायथा बिफानगिरि/मावफारिया सोद्रोमाफोरनि मावबान्था/ख्रहासुफुं आरिखौबो गोबां बांहोनाय जागोन। जिउराहायारि दावगानाय खाबुफोर गोनां बिफानगिरि/मावफारिया सोद्रोमाफोर रोखा खालामनायनि फारसेबो माखासे मावजेनराहाफोर लानाय जादों। अदेबानि सोलोंथाइयारि (एकाडेमिक) जिउराहायारि थामानआव बेफोर बायदि बायदि जौगाखांनाय जासेयावबो गोजौसिन सोलोंथाइ फसंथानफोराव फोरोंनायनि ओंथियाव थुलुंगा गोनां बिफानगिरि/मावफारिया, बिजिरसं आरो मावमिनफोरा हास्थायनाय थाखोनिखुइ जोबोर गाहायाव दं। बिफानगिरि/मावफारिया सोद्रोमाफोरनि थुलुंगाया बाडाइ जानायजों लोब्बा गोनां बायदि बायदि जाहोनफोरखौ फोरमायना होनांगोन जाहाथे साफ्रोम बिफानगिरि/मावफारिया सोद्रोमाफोरा गावनि फरायसा, फसंथान आरो जिउराहाफोरखौ सिगां फारसे आवगायलांहोनायनि दारै सुखु गोजोन, गोसो दुंखांनाय, नांथाबनाय आरो थुलुंगा गोनां जानो हायो। गोजौसिन सोलोंथाइ फसंथानफोराव साबसिन, थुलुंगा गोनां आरो मावनो हानाय बिफानगिरि/मावफारिया सोद्रोमाफोरखौ रोखा खालामनो थाखाय बे बिखान्थिया गाहायाव होनाय मावजेनराहाफोरखौ गनायसंनाय होयो।

13.2. बयनिखुइबो गुदि राहा महरै गासै गोजौसिन सोलोंथाइ फसंथानफोराव गोग्गो लोंग्रा दै, साखोन-सिखोन बाहायजानाय खिखरसालि, ब्लेकबर्ड, मावख', फोरोंग्रा मुवाफोर, बिजाबबाख्रि, बाहायसालि (लेब) आरो गोजोन थाखो खथा आबहावा आरो आवथाफोरखौ लाफाना गुदि इसिंदाथाइ आरो खाबुफोर थि खालामनाय थागोन। मोनफ्रोम थाखो खथायाव गोदानसिन सोलोंथाइयारि बिरोंदामिन मोनहोनो हानाय जागोन, जायनि गेजेरजोंनो सोलोंनायनि साबसिन रोंमोन्थाइखौ मोननो हायो।

13.3. फोरॉनायफोरनि बिबानफोरा बांद्राय जानाय नडा आरो फोरॉगिरि-फरायसाफोरनि रुजुज'खाया बाराद्राय जानाय नडा जाहाथे फोरॉनाय मावफारिखौ गोजोनै लाखिनो हायो आरो फरायसाफोरजों सावरायलायनो, बिजिरसं आरो मुलुगसोलोंसालिनि गुबुन मावफारिफोरखौ सामलाइनो थोजासे सम मोनो। बिफानगिरि/मावफारियाआ मोनसेल' फसंथानआव थिसनजानाय जागोन आरो सरासनसायै फसंथाननाडै दैथायहरनाय जानाय नडा जाहाथे बिसोरो गावसोरनि फसंथान आरो समाजनिस्सिम थारैनो सम खाथायनाय, नांथाबना थानाय आरो रादाय होजानाय मोनो।

13.4. बिफानमा सोद्रोमाफोरनो गनायजानाय खाथामनि सिडाव फराय-बिजाब, फरायनाय मुवा सायख'नाय, बिबान-होनाय (एसाइनमेन्ट) आरो सुथाइ आरिखौ लाफानानै गावसोरनि असे फरायफारि आरो फोरॉथाइ-आदबखान्थियारि नोजोरफोरखौ बुमिन खालामनायनि उदांस्त्रि होनाय जागोन। बिफानगिरि/मावफारिया सोद्रोमाफोरा गावसोर साबसिन मोननाय बादियै गोदानारि सानखांथिजों फोरॉनाय, बिजिरसं आरो मावमिन सामलाइनो मोनथाइ होनाया बिसोरखौ थारैनो जोबोर मोजां, सोरजिलु हाबा मावहोनायनि मोनसे गाहाय थुलुंगा आरो हाहोग्रा जागोन।

13.5. साबसिन हाबाफोरखौ आरजाथाव बान्था, मासि जौगाखांहोनाय, मान होनाय आरो दारिमिनारि/फसंथानआरि दैदेननायाव आवगायलांहोनाय आरिनि गेजेरजों आलादायै अनथोब थुलुंगा होनाय जागोन। जेब्ला बिफानगिरि/मावफारियाफोरा गुदि नर्मस बादियै हाबा मावाखै अब्ला थि बादियै बिबान लाहोजानाय जागोन।

13.6. जोबोर मोजांखौ सालायलांनो उदां-खुंथाइ फसंथानफोरनि मोन्थाइ होनायनि थांखिखौ नोजोर लाखिनानै गोजौसिन सोलॉथाइ फसंथानफोरा बिफानगिरि/मावफारिया थिसननायनि थाखाय रोखायै बुंफोरनाय, उदांथि, स्रां-स्रां नुसारनाय फारिखान्थि आरो सायख'मान राहा थागोन। फारसेथिं आथिखालनि थिसनथाइ फारिखान्थिखौ लाखिनानैबो जोबोर मोजांखौ रोखा खालामलांनो थाखाय मोनसे 'मावसम-ट्रेक' बिखान्थि जेरै- आरजाथाव मावथ'नाय समखौ सोफानाय जागोन। जौगा बिजिरसं गोहोम आरो अब'दानखौ मान होनो थाखाय गोख्रै राहालामायारि (फाष्ट-ट्रेक) मासि-जौगाहोनाय बिखान्थि थागोन। आरजाथाव दिन्थिफुंनाय सुथाइ, 'हाबा मावसम' जेरै- मावथ'नायनि उनाव अरायथा खालामनाय, मासि जौगाखांहोनाय, मावबान्था बांहोनाय, मान होनाय आरि लोगोसे बिजिरगिरि आरो फरायसाफोरनि गेजेरजों नायफिननाय, फोरॉनाय आरो फोरॉथाइ-आदबखान्थियाव गोदानारि सानखांथि लाबोनाय, गुनगोनां आरो गोहोमगोनां बिजिरसं, जिउराहायारि दावगानाय मावफारिफोर आरो फसंथान आरो समाजनि थाखाय गुबुन गुबुन महरनि मावमिन आरिफोरनि थांखिनि थाखाय गोबां बिथिं (फारामिटार) नि मोनसे बिखान्थिया मोनफ्रोम गोजौसिन सोलॉथाइ फसंथानफोरजों जौगाखांहोजागोन आरो बेफोरखौ गाव गावनि फसंथानआरि दावगानाय सानथांखि (IDP) आव रोखायै मुख'नाय जागोन।

13.7. साबसिन-हामसिन आरो गोदानारि सानखांथिखौ सोरजिनो थाखाय जोबोर माजां आरो गोसो गुदुं फसंथानआरि दैदेनगिरिफोरनि गोनांथिया दिनैनि समनि हांखायनाय। गंसे फसंथान आरो बेनि बिफानगिरि/मावफारिया सोद्रोमाफोरनि जाफुंसारनायनि थाखाय साबसिनथार आरो गोहोमगोनां फसंथानआरि दैदेनगिरिया जोबोर गोनांथार। जौगा सोलॉथाइयारि आरो मावमिन सिनायथिलाइजों लोगोसे दैदेनगिरि आरो सामलाइनाय सोलोगोरों साबसिन फोरॉगिरि/बिफानगिरिखौ थाबैनो सिनायथिना दैदेनगिरि थाखोनि मोनसे फिरिनि गेजेरजों/दारै फोरॉथाइ होनाय जागोन। फसंथानफोराव दैदेननायजों सोमोन्दो गोनां दैदेनगिरि मासिफोरा लांदां जाना थानाय नडा, नाथाय अदेबानि दैदेनगिरियाव सोलायनाय समाव मोनसे जाबदेरनाय सम खोन्दोआ खान्थिगोनां खालामजागोन जाहाथे फसंथानफोरखौ मोजाडै सोलिलांहोनो हायो। फसंथानआरि दैदेनगिरिफोरा मोनसे साबसिन-हामसिन हारिमु सोरजिनायनि थांखि लागोन, जायनि थांखिया बिफानगिरि सोद्रोमाफोर आरो गासै गोजौसिन सोलॉथाइ फसंथानफोरनि दैदेनगिरिफोरनिफ्राय जोबोर मोजां आरो गोदानारि फोरॉनाय, बिजिरसं, फसंथानआरि आरो समाजआरि हाबाफोर मोनफुंनो थुलुंगा आरो अनथोब थुलुंगा होनाय।

14. गोजौसिन सोलोंथाइयाव गनायथाव खालामनाय आरो सरजाबदेरनाय

14.1. गुनगोनां गोजौसिन सोलोंथाइयाव हाबनाया जाथावनानि ओरैबादि फैलाव थाखो साजायनायखौ खेवनानै होयो जाय सुबुंजो लोकोसे समाजखौबो जेना-जेगोना बेंखननिफ्राय उदां खालामना होनो हायो। बे जाहोननि थाखायनो गासै सुबुंफोरनो गुनगोनां गोजौसिन सोलोंथाइ मोननो हानाय खालामनाया जोनि बयनिखुइबो आगुथिफोरनि गेजेराव मोनसे जाथारनांगोन। बे सोलोंथाइ बिखान्थिया SEDG हानजानि सायाव बांसिन गोनांथि होनानै गासै फरायसाफोरनो गुनगोनां सोलोंथाइ गनायथाव मोननो हानाय लामाखौ रोखा खालामगोन।

14.2. गासै फरायसालि आरो गोजौसिन सोलोंथाइ फसंथाननाडै SEDG हानजानि फरायसाफोरखौ खारसुमै आरो गोबां जाहोनफोरनि थाखाय सोलोंथाइ बिखान्थनि बायजोआव थानांनायखौ सरासनस्रायै नुनो मोनो। बेनिखायनो गासै फरायसालि आरो गोजौसिन सोलोंथाइनाडै गनायथाव खालामनाय आरो सरजाबदेरनाय नोजोरा सरासनस्रा समान जाथारनांगोन। बेजो लोकोसे जोरथाइ फोसाबथाइखौ रोखा खालामनो थाखाय बेजो सोमोन्दो गोनां थाखोनाडै सोलिफु थानांगोन। बिब्दिनो बे सोलोंथाइ बिखान्थिया गोजौसिन सोलोंथाइयाव गनायथाव खालामनाय आरो सरजाबदेरनाय थांखिखौ आबुं खालामनो थाखाय गोनां मावजेनराहाफोरखौ फरायसालि सोलोंथाइनि थाखायबो दाजाबदेरनानै नायनो हायो।

14.3. SEDG हानजाफोरा सोलोंथाइ बिखान्थिनि बायजोआव थानांनायजो सोमोन्दो गोनां माखासे जाहोन दं, जायफोरखौ गोजौसिन सोलोंथाइ फसंथानफोरव जर'खायै नुनो मोनो एबा बांसिन बिबाडाव थानांनायखौ नुनो मोनो। बेफोरखौ गोजौसिन सोलोंथाइयाव मुख'थारनांगोन आरो बेफोरनि सिडाव गोजौसिन सोलोंथाइनि खाबुफोरनि सोमोन्दै मिथियै, गोजौसिन सोलोंथाइ लानाय रां थानायनि राडारि खाबुनि सोमोन्दै मिथियै, राडारि जेना, मुं थिसननाय फारिखान्थिफोर, राव आरो बुहुमखौराडारि हेंथा, गोबां गोजौसिन सोलोंथाइ हाबाफारिफोराव सिमागोनां थिसननो हानाय गोहो आरो फरायसाफोरनो मदद होनायनि आरजाथाव जुनथि आदबनि आंखाल आरिखौ सरजाबदेरनांगोन।

14.4. बे थांखिनि थाखाय, गासै सोरखारफोर आरो गोजौसिन सोलोंथाइ फसंथानफोरा आजावनो गोनां जर'खायै गोजौसिन सोलोंथाइनि थाखाय उफेरा मावनायफोरा ओरैबादि-

14.4.1. सोरखारा लानो गोनां राहाफोर

- (क) SEDG हानजानि सोलोंथाइनि थाखाय आरजाथाव सरकारी फुनजि एबा थुबिल थि खालामनाय।
- (ख) SEDG हानाजानि थाखाय गोजौसिन गासै मुं थिसननाय रुजुज'खानि (GER) थाखाय रोखा थांखि होनाय।
- (ग) गोजौसिन सोलोंथाइ फसंथानफोरनि मुं थिसननायाव आथोनारि समानथिखौ बांहोनाय।
- (घ) SEDG हानजानि सुबुं मैखोम थानाय हास्थायनाय जिल्ला आरो आरो जर'खा सोलोंथाइ बियाब (ज'न) फोराव बांसिन जौगा-गुनगोनां गोजौसिन सोलोंथाइ फसंथानफोर गायसन्नानै सोलोंथाइ मोननायनि लामाखौ बांहोनाय।
- (ङ) जायगानि/भारतारि रावफोरजो एबा नैरावआरि फोरोंनाय जौगा-गुनगोनां गोजौसिन सोलोंथाइ फसंथानफोरखौ दावगाहोनाय आरो मदद होनाय।
- (च) सोरखारि आरो गावारि मोननैबो गोजौसिन सोलोंथाइ फसंथानफोराव SEDG फोरनो बांसिन राडारि मदद आरो फरायबान्था (स्कलारसिप) होनाय।
- (छ) SEDG फोरनि गेजेराव गोजौसिन सोलोंथाइनि खाबुफोर आरो फरायबान्थानि सोमोन्दै फोसावनाय
- (ज) साबसिन बाहागो लानाय आरो सोलोंनायनि फिथाइनि थाखाय बिरोंदामिनआरि टुल जौगाखांहोनाय आरो मदद खालामनाय।

14.4.2. गासै गोजौसिन सोलॉंथाइ फसंथानफोरा लानो गोनां राहाफोर

- (क) गोजौसिन सोलॉंथाइ लानायनि थाखाय खाबुगोनांआरि खरसा आरो फिस लानायफोरखौ खम खालामनाय।
- (ख) समाजआरि-रांखान्थियारि बिथिडाव गोग्लैसोनाय फरायसाफोरनो बांसिन राडारि मदद आरो फरायबान्था होनाय।
- (ग) गोजौसिन सोलॉंथाइनि खाबुफोर आरो फरायबान्थाफोरनि सोमोन्दै फोसावनाय।
- (घ) मुं थिसननाय फारिखान्थिखौ बांसिन सरजाबदेर खालामनाय।
- (ङ) फरायफारिखौ बांसिन सरजाबदेर खालामनाय।
- (च) गोजौसिन सोलॉंथाइ हाबाफारिफोरनि थिसननो हानाय गोहोखौ बांहोनाय।
- (छ) भारतारि रावफोरजों आरो नेरावआरिजों फोरोंनाय बांसिन दिग्रि कर्सफोर जौगाहोनाय।
- (ज) गासै दानाय आरो गुदि खाबुफोर जेरै- साखायारि-मासि(हुइल सेयार) मोननो हानाय आरो नोरजिया गथ'साफोरनि बानजायारि राहा थानायखौ रोखा खालामनाय।
- (झ) गोग्लैसोनाय सोलॉंथाइयारि हालामनिफ्राय फैनाय फरायसाफोरनि थाखाय मुलुगसोलोंसालि-थियारि (ब्रिदज) कर्स जौगाखांहोनाय।
- (ञ) बेबादि गासै फरायसाफोरनो आरजाथाव बोसोन आरो सुबुरुन होनाय हाबाफारिनि गेजेरजों समाजआरि-आबेगारि आरो सोलॉंथाइयारि मदद आरो बोसोन होनाय।
- (ट) फरायफारिखौ लाफानानै गोजौसिन सोलॉंथाइ फसंथानफोरनि गासै बिथिडाव आथोनारि सिनायथि आयदा आरो बेनि सरजाबदेरनायनि फारसे बिफानगिरि/मावफारिया, सुबुरुनगिरि आरो फरायसाफोरखौ गोसो नांहोनाय रोखा खालामनाय।
- (ठ) गासै फारागथि खालामनाय गैयै आरो नेवसिनाय होबथानि नेमफोरखौ गोखोडै मानिहोनाय।
- (ड) SEDG हानजानिफ्राय बाहागो लानाय बांहोनायनि सायाव मावनो थाखाय जर'खा सानथांखि गोनां फसंथानारि दावगानाय सानथांखि जौगाखांहोनाय, जेराव गोजौआव मुख'नाय गासैबो हाबफायो नाथाय बेयाव सिमाथि थानाय नडा।

15. फोरोंगिरि सोलॉंथाइ

15.1. उननि आथाल/जोलैखौ महर होग्रा फोरोंगिरिफोरनि मोनसे हानजा/बाथोन सोरजिनायाव फोरोंगिरि सोलॉंथाइनि बिफावआ जोबोर गोनांथार। फोरोंगिरि थियारि खालामनाया ओरैबादि मोनसे मावफारिनि फारिखान्थि जायनि थाखाय बांआयदायारि नोजोर आरो गियाननि गोनांथिजों लोगोसे साबसिन बोसोनगिरिफोरनि बिथोनाव आखल-आखु आरो बेसेनथि दानाय आरो बाहायथाइखौ जौगाहोनायनिबो गोनांथि दं। फोरोंगिरिफोरा सोलॉंथाइ आरो फोरोंथाइ-आदबखान्थियाव गोदानसिन दावगानायाव आखा-फाखा जानायजों लोगोसे भारतारि बेसेनथि, राव, गियान, सानथौ आरो ट्राइबेल दोरोंखौ लाफानानै दोरोंआरिफोरनि फारसे सांग्रंथि थानायखौ रोखा खालामनांगोन।

15.2. 2012 माइथायाव गोजौसिन बिजिरसालिया दानानै होनाय बिजिरगिरि जे. एस. बार्मा आयोगनि बादिब्ला 10,000 अनजिमानिबो बांसिन बांथाइ एखुथा फोरोंगिरि सोलॉंथाइ फसंथान (TEI) फोरा गोब्राब फोरोंगिरि सोलॉंथाइनि थाखायबो नाजाबोआखै नाथाय गोनांथारै रांनि थाखाय डिग्रि फानबोगासिनो दं। सामलाइनायजों सोमोन्दो गोनां नाजानायफोरा बिखान्थि बादियैनो सामलाइनो हादों ना गुनगोनां गुदि मानथाखौनो जर होनो हादों अदेबानि बेफोराव साबसिन आरो गोदानारि सानखांथि दावगानायनि होबथानायनिसो गाज्जि गोहोम खोख्लैदों। बेनिखायनो बे फोथार आरो बेनि सामलाइनाय बिखान्थियाव बिथायारि सोलायनाय मावफारिनि गेजेरजों बोखांफिनांगौआ गोनांथार जाना फैदों, जायनि गेजेरजों फोरोंगिरि सोलॉंथाइ बिखान्थियाव गुनगोनां जौगा मानखौ थि खालामनो हायो आरो खौसेथि, फोथाइथि, फिथाइगोनां आरो जौगा गुनखौ हमथाना लाखिनो हायो।

15.3. फोरोंगिरि जिउराहानि मानबिमुंखौ लाखिनो थाखाय खौसेथि आरो फोथाइथिनि थाखोआव जौगाखांहोनो आरो सहैनो थाखाय सामलाइयारि बिखान्थिया खाव-मानथाखोनि आरो मावफुंनो हायै फोरोंगिरि सोलोंथाइ फसंथानफोर (TEI) जाय सोलोंथाइनि गुदि गोनांथिखौ सुफुंनो हायैनि बेरेखायै गोख्रों राहा लानो मोन्थाइ होजानाय जागोन बेफोर फसंथाननो से बोसोरनि गेजेराव गोनांथिखौ सुफुंनो खाबु होनायनि उनाव। 2030 माइथायाव गोमो सोलोंथाइयारि, बांआयदायारि आरो खौसेथि फोरोंगिरि सोलोंथाइ हाबाफारिफोराल' सोलिनो होजानाय जागोन।

15.4. फोरोंगिरि सोलोंथाइनि थाखाय बांआयदायारि सोसननायजों (इनपुट) लोगोसे जौगा-गुनगोनां आयदा मुवा आरो फोरोंथाइ-आदबखान्थिनि गोनां जानायलाय गासै फोरोंगिरि सोलोंथाइ हाबाफारिफोरा जथाइ बांआयदायारि फसंथानफोरनि सिडावसो खुंफुंजानाय जाथारगोन। बेनि थाखाय गासै बांआयदायारि मुलुगसोलोंसालि आरो फरायसालिमाफोरनि थांखिया सोलोंथाइ बिफान गायसन्नानै सोलोंथाइनि गुबुन गुबुन बिथिडाव जोबोर जौगा थाखोनि बिजिरसं खालामनायनि अनगायैबो गोसो-बिगियान, सानथौ-बिगियान, समाजआरि बिगियान, निउर' बिगियान, भारतारि रावफोर, आरिमु, देंखो, जारिमिन, थुनलाइ, देहायारि सोलोंथाइ, बिगियान आरो सानखान्थि बादि बिफानफोरजों जथाइ बानजायनायाव B.Ed. हाबाफारि मावफुंनायबो जागोन। अदेबानि 2030 माइथायसिमाव गासै एखुथा थानाय फोरोंगिरि सोलोंथाइ फसंथान (TEI) फोरा बांआयदायारि फसंथानसिम सोलायथारनांगोन मानोना बे फसंथानफोरा 4 बोसोरारि खौसेथि फोरोंगिरि थियारि खालामनाय हाबाफारि होनांगोन।

15.5. 2030 माइथायसिमाव बांआयदायारि गोजौसिन सोलोंथाइ फसंथानफोरजों होजानाय बे 4 बोसोरारि खौसेथि B.Ed. हाबाफारिया फरायसालि फोरोंगिरिफोरनि थाखाय बाडाइथा डिग्रिनि रोंगौथि जागोन। बे 4 बोसोरारि खौसेथि B.Ed. हाबाफारिया सोलोंथाइजों लोगोसे जुनिया आयदाफोर जेरै- राव, जारिमिन, देंखो, सानखान्थि, कम्पिउटार बिगियान, रासायन-बिगियान, रांखान्थि, आरिमु, देहायारि सोलोंथाइ आरिफोराव मोनसे मोननै-मेजर आबुं रोंगाजालिया डिग्रिनि हाबाफारि जागोन। जोबोर जौगा फोरोंथाइ-आदबखान्थि फोरोंनायनि अनगायैबो फोरोंगिरि सोलोंथाइयाव समाजआरि बिगियान, जारिमिन, बिगियान, गोसो-बिगियान, आगु गथ'सा जोथोन आरो सोलोंथाइ, बिथायारि फरायनो-लिरनो हानाय आरो सानगोरों खालामनाय, भारतनि गियान आरो बेनि बेसेनथि/सान्थौ/आरिमुदोरों आरो गोबां गियान होनाय थागोन। जुनिया आयदाफोराव रोंगाजालिया डिग्रि मोनखानाय फरायसाफोरनि थाखाय 4 बोसोरारि खौसेथि B.Ed. होग्रा गोजौसिन सोलोंथाइ होग्रा फसंथानफोरा मोनसे 2 बोसोरारि B.Ed. हाबाफारिबो होनो हागोन। मोनसे जुनिया आयदायाव 4 बोसोरारि सिं-रोंगाजालिया डिग्रि लाखांनाय फरायसा/बिनाइसानि थाखाय मोनसे 1 बोसोरारि B.Ed. हाबाफारिबो होनाय जागोन। जोबोर मोजां फरायसा/बिनाइसाफोरखौ 4 बोसोरारि, 2 बोसोरारि आरो 1 बोसोरारि B.Ed. हाबाफारिनिसिम गोसो बोहोनायनि थांखिजों गोरों फरायसाफोरनि थाखाय फराय-बान्थानि राहाबो खालामनाय जागोन।

15.6. फोरोंगिरि सोलोंथाइ हाबाफारि होग्रा गोजौसिन सोलोंथाइ फसंथानफोरा सोलोंथाइ आरो बेजों सोमोन्दो गोनां आयदाफोरजों लोगोसे जुनिया आयदाफोराव रोंग'सा मोननो हानायखौ रोखा खालामगोन। गंफ्रोमबो गोजौसिन सोलोंथाइ फसंथानफोरा खाथि सोमोन्दो लालायनानै मावलायनो थाखाय सरकारि आरो गावारि फरायसालिफोरनि मोननैनिबो फोनांजाब-जे एबा नेटवर्क थागोन, जेराव फोरोंगिरि जानो हानाय गुनाखि गोनां फोरोंगिरिफोरा गुबुन मावफारिफोर जेरै-समाजआरि मावमिन (सिबिथाइ), बैसोगोरा आरो हाबायारि सोलोंथाइ आरियाव बाहागो लानायजों लोगोसे फरायसा-फोरोंनाय हाबा मावफुंनो।

15.7. फोरोंगिरि सोलोंथाइनि थाखाय रोखोमसे मानथाखो लाखिनो थाखाय आगु मावमिन फोरोंगिरि थियारि खालामनाय हाबाफारियाव मुं थिसननाया हायुडारि आन्जाद लाग्रा एजेन्सिया खुंफुंनाय आरजाथाव आयदा आरो रोंथाइ आन्जादनि गेजेरजों जागोन आरो हादरनि रावबिगियान आरो हारिमुआरि बायदि महरथिखौ नोजोर लाखिनानै मानथाखो खानाय/फज'नाय जागोन।

15.8. सोलोंथाइ बिफानआव बिफानगिरि/मावफारिया सोद्रोमाफोरनि सुंद'खेंफोरथिखौ (प्रफाइलखौ) बायदि महरनि

जाहोनाया थारैनो थांखि जागोन नाथाय फोरॅंनाय/फोथाराव हाबा मावनाय/बिजिरसं आरिफोरनि रॅंगौथि/रॅंमोन्दांथिफोरखौ जौगा बेसेनथि होनाय जागोन। फरायसालि सोलॅंथाइजॅं थोजोडै सोमोन्दो गोनां समाज बिगियाननि फोथार एबा थिलिफोर बिदिन्थि महरै गोसो बिगियान, गथ'सा दावगानाय, राव बिगियान, समाजआरि बिगियान, सानथौ बिगियान, रांखान्थि आरो राजखान्थि बिगियानजॅं लोगोसे बिगियान सोलॅंथाइ, सानखान्थि सोलॅंथाइ, समाज बिगियान सोलॅंथाइ आरो राव सोलॅंथाइ हाबाफारिफोराव फोरॅंथाइ मोननाय बिफानगिरि/मावफारिया सोद्रोमाफोरखौ फोरॅंगिरि सोलॅंथाइ फसंथानफोराव गोसो बोगथाबहोना लाखिनाय जागोन बांआयदायारि फोरॅंगिरि सोलॅंथाइ आरो बेनि सानदांथाइयारि जौगानायखौ गोख्रॅंसिन खालामनो थाखाय।

15.9. जायखिजाया आयदानि गासै गोदान Ph.D. खालामनो लानाय बिजिरसंगिरिफोरागावसोरनि डक्ट'रेल फोरॅंथाइ लानाय समाव गावसोरनि सायख'ना लानाय Ph.D. नि आयदाजॅं सोमोन्दो गोनां फोरॅंनाय/सोलॅंथाइ/ फोरॅंथाइ-आदबखान्थि/लिरनायाव क्रेडिट बिथा कर्स लानांगोन। बिसोरनो Ph.D. नि फोरॅंथाइ लानाय समाव फोरॅंथाइ-आदबखान्थियारि बाहायथाइ, फरायफारि सामलाइनाय, फोथायजाथाव सुमोनथाइ बिखान्थि, सुंजाबनाय आरिनि रॅंगौथिखौ होनाय जागोन मानोना गोबां बिजिरसंगिरिफोरानो गावसोरनि सायख'नाय आयदायाव बिफानगिरि/मावफारिया सोद्रोमा एबा सरकारि थान्दै/सुंजाबगिरि जागोन। Ph.D. बिजिरसंगिरिफोरनि थाखाय मदद होगिरि फोरॅंनाय आरो गुबुन राहानि गेजेरजॅं थार एबा गुबै फोरॅंनायनि रॅंगौथि/रॅंमोन्थाइआरजिनायनिबाडाइथा घन्टाबो थि खालामनाय जागोन।बे थांखिनि थाखाय गासै हादरआव थानाय मुलुगसोलॅंसालिफोरनि Ph.D. हाबाफारिखौ गोदानै रॅंसोदांनाय जागोन।

15.10. फरायसालिमा आरो मुलुगसोलॅंसालिफोरनि फोरॅंगिरिफोरनि थाखाय मावमिन समारि सोलिफु जिउराहायारि दावगानाय फोरॅंथाइया आथिखालनि फसंथानआरि राहा आरो सोलिबाय थानाय मावजेनराहाफोरनि गेजेरजॅं सोलिबाय थागोन अदेबानि गुनगोनां सोलॅंथाइनि थाखाय जौगाखां फोरॅं-सोलॅं फारिखान्थिफोर दावगाहोनायनि गोनांथिखौ सुफुनो थाखाय बेफोरखौ फोगोमनाय/गोख्रॅंसिन खालामनाय आरो फेहेरनाय जागोन। फोरॅंगिरिफोरनि अनलाइन फोरॅंनायनि थाखायस्वयम (SWAYAM)/ दीक्षा (DIKSHA) आरि बिरॅंदामिनआरि फ्लेटफर्म बाहायनायखौ थुलुंगा होनाय जागोन, जाहाथे बाडाइ समनि गेजेराव गोबां अनजिमानि फोरॅंगिरिफोरखौ मानथाखो गोनां फोरॅंथाइ हाबाफारि मोनहोनो हानाय जायो।

15.11. फरायसालिमा आरो मुलुगसोलॅंसालिनि फोरॅंगिरिफोरनि थाखाय सुंद'समारि आरो गोलाव समनि बोसोनारि/जिउराहायारि मदद होनो गोसो गुदुं भारतारि रावाव फोरॅंनो हानाय बिफानगिरि/मावफारिया (फेकाल्थि) सोद्रोमाफोरखौ लाफानानै गोबां अनजिमानि जोबोर मोजां गागि/आजिरा मोननाय बिफानगिरि सोद्रोमाफोर गोनां बोसोननि थाखाय मोनसे हायुडारि मिसन गायसननाय जागोन।

16. हाबायारि सोलॅंथाइनि गोदान सानबोलावरि

16.1. 12थि बा बोसोरारि सानथांखिनि (2012-2017) हमना लानाय बादियै 19-24 बोसोर बैसोनि गेजेराव थानाय भारतारि खामानि मावबोलोनि जोबोर बाडाइ जौखोन्दो (5% नि बाडाइ) सुबुंफोराल' खान्थियारि हाबायारि सोलॅंथाइ मोनो फारसेथि बेनि अनजिमाया जथाइ हादर आमेरिकायाव 52%, जार्मानीयाव 75% आरो खोला करियायाव बेयो बांसिनथार बादियै 96%। बे खारि अनजिमाया भारतआव हाबायारि सोलॅंथाइखौ गोसारहोनायाव गोख्रॅंथि लाबोथारनांगौनि गोनांथिखौ रोखा बेरखांहोयो।

16.2. हाबायारि सोलॅंथाइ मोननाय फरायसाफोरनि अनजिमाया जोबोर बाडाइ जानायनि मोनसे गाहाय जाहोना जादॅं-आगोलाव हाबायारि सोलॅंथाइखौ गाहायै थाखो 11-12 आवसो बांसिनै नोजोर होनाय जायोमोन आरो गुबुन फारसे फरायसाफोरा थाखो 8 आरो बेनि उननिफ्राय फरायसालि नागारोमोन। बेनि अनगायैबो, हाबायारि आयदाफोर लानानै थाखो 11, थाखो 12 उथ्रिनाय फरायसाफोरा बांसिन समावनो गोजौसिन सोलॅंथाइयाव गावसोर सायख'नाय हाबायारि

फोथाराव आवगायलानो रोखा होखानाय लामा नागिरना मोना। सरासनस्रा गोजौसिन सोलॉथाइनि थाखाय मुं थिसननायनि सायख'मानआबो हाबायारि सोलॉथाइयाव रोंगौथि थानाय फरायसाफोरनि थाखाय खाबुफोर मोननायखौ रोखा खालामनो साजायनाय जायाखैमोन, बेनि जाहोनाव बिसोर हादरनि गुबुन फरायसाफोरजों आगान सुरफानो 'गुबै दाहार' एबा 'सोलॉथाइयारि' (एकादेमिक) नि सोलॉथाइ मोननायाव उनफिनना थालांदोंमोन। बेनि थाखाय हाबायारि सोलॉथाइ आयदानि फरायासाफोरा सोलॉथाइयाव थोजोडै दावगालानायनि लामाया होबथाना दोनजादोंमोन आरो बे आयदाखौ लानानै बावैसो बोसोर 2013 माइथायाव हायुडारि सोलो रोंगौथि खाथाम (NSQF) फोसावथाइनि गेजेरजों फोरमायनो नाजानाय जादों।

16.3. हाबायारि सोलॉथाइखौ गुबै दाहारनि सोलॉथाइनिखुइ गाहायसिन (दुइसिन) माननि होनना सानबोनाय जादों आरो उनाव बांसिनै गुबै दाहारजों गोरबफानो हायै फरायसाफोरनिसो होनना सानो। बेबादि सानदांथिया फरायसाफोर सायख'नायाव गोहोम खोखलैदों। बे मोनसे जोबोर साननो गोनां बाथ्रा आरो बेखौ सुस्रानो थाखाय बे खारिफोरखौ मोनसे आबुं गोदान सानबोलावरिजों इयुनाव फरायसाफोरनो होनो गोनां हाबायारि सोलॉथाइखौ गोदान महर होनायनि गोनांथि दं।

16.4. बे सोलॉथाइ बिखान्थिनि थांखिया हाबायारि सोलॉथाइजों लोब्बा गोनां समाजआरि थाखो खालामनाय थामोनथाखौ फोजोबनो नाजानाय आरो बेनि थाखाय खोन्दो फारियै गासै सोलॉथाइयारि फसंथानफोराव हाबायारि सोलॉथाइखौ गुबै दाहारनि सोलॉथाइजों खौसेथि खालामनाय। गेजेर आरो गोजौ फरायासालियाव गिबि मुगानि हाबायारि सोलॉथाइ होनाय गोनां जागायनाय गुनगोनां हाबायारि सोलॉथाइया गोजौसिन सोलॉथाइसिम मोजाडै खौसेथि खालामजागोन। बे रोखोमनि हाबायारि सोलॉथाइखौ खौसेथि खालामनाया बेखौ रोखा खालामगोनदि साफ्रोम गथ'साफोरा बाडाइथायैब्लाबो मोनसे हाबायारि सोलॉथाइनि सोलो सोलोडो आरो गुबुन माखासे हाबायारि सोलॉथाइनि सोमोन्दै गियान मोनो। बेनो दांथाइनि मान आरो भारतारि आरिमु, आखाइ दामिनजों लोगोसे गुबुन गुबुन हाबायारि सोलॉथाइनि गोनांथिखौ जर होहोसिननाय खालामगोन।

16.5. 2025 माइथायसिमाव फरायसालि आरो गोजौसिन सोलॉथाइ बिखान्थिनि गेजेरजों बाडाइथायैब्लाबो 50% फरायसाफोरनो हाबायारि सोलॉथाइनि मोन्दांथि होनाय जागोन आरो बेनि थाखाय थांखि आरो सम सिमार्जों रोखा मावनाय सानथांखि जौगाहोनाय जागोन। बेयो जोरथाइ दावगानाय थांखि 4.4 जों सोमोन्दो लाखिनायाव दं आरो भारतनि सुबुं अनजिमानि महर दाथाइजों सोमोन्दो गोनां मुलाम्फा बाहागोनि आबुं गोहोखौ मोनदांथिनो मदद होगोन। गासै मुं थिसननाय रुजुज'खानि थांखिखौ मोननाय समाव हाबायारि सोलॉथाइनि फरायसाफोरनि अनजिमाखौ नोजोर होनाय जागोन। हाबायारि हानाय गोहोनि जौगानाया सोलॉथाइयारि एबा गुबुन हानाय गोहो जौगानायजों लोगोसेनो जाफागोन। फैगौ मोनसे जिथाइनि गेजेराव खोन्दो फारियै सोलॉथाइ होग्रा गासै गोजौ फरायसालिफोरनि सोलॉथाइयारि आयदाफोराव हाबायारि सोलॉथाइखौ खौसेथि खालामनाय जागोन। बेनि थाखाय गोजौसिन फरायसालिफोरा ITI, पलिटैकनिग आरो जायगानि दामिन आरिफोरजों जथाइ बानजायलायगोन एबा सोमोन्दो लाखिलायनानै जथाइयै हाबा मावगोन। फरायसालिफोराव उथुमाइ मिरु आरो रानसार्रा फिसा मिरु (स्प'क मडेल) महरै सोलो बाहायसालिबो गायसननाय आरो सोरजिनाय जागोन, जेराव गुबुन गुबुन फरायसालिफोराबो बे खाबुखौ बाहायनो हागोन। गोजौसिन सोलॉथाइ फसंथानफोरा गावसोरनि फसंथानआव एबा दामिन आरो सरकारि-नडै ग'थुमफोरजों जथाइ बानजायनायाव हाबायारि सोलॉथाइ होगोन। 2013 माइथायाव जागायनाय डिग्रि बि. भकेसनेलआ सिगानि बादिनो थागोन, नाथाय 4 बोसोरारि बांआयदायारि रोंगाजालिया हाबाफारिखौ लाफानानै गुबुन गासै रोंगाजालिया डिग्रिनि हाबाफारियाव मुं थिसननाय फरायसाफोरनि थाखायबो हाबायारि कर्सआ मोननो हानाय जागोन। गोजौसिन सोलॉथाइ फसंथानफोरा गुरै सोलोफोरखौ (सप्ट स्किल) लाफानानै गुबुन गुबुन सोलोफोराव सुंद' समनि फोरमानलाइ कर्स होनोबो गनायथि होजानाय जागोन। 'ल'क बिद्धा' थामहिनबा भारतआव जौगाखानाय गोनांथार हाबायारि गियानखौ हाबायारि सोलॉथाइ कर्सफोराव खौसेथि खालामनायनि गेजेरजों फरायसाफोरनो गोलेयै मोनहोनो हानाय खालामनाय जागोन। जेराव जानोहाथाव बेयाव ODL मडनि गेजेरजोंबो हाबायारि कर्सफोरखौ होनो हानायनि राहा नागिरनाय जागोन।

16.6. फैगौ जिथाइयाव हाबायारि सोलोंथाइखौ खोन्दो फारियै गासै फरायसालि आरो गोजौसिन सोलोंथाइ फसंथानफोराव खौसेथि खालामनाय जागोन। हाबायारि सोलोंथाइनि थाखाय नोजोर होनो गोनां थिलि एबा फोथारखौ सोलोफोरनि उन जालांनाय बिजिरनाय आरो जायगानि खाबुफोरखौ नोजोर बोनायनि सायाव गुदि खालामनानै सायख'नाय जागोन। सुबुं फुंखा जौगाथाइ मन्थि-बिफानआ बे नाजानायखौ नोजोर होनो थाखाय दामिनफोरनि लोब्बायाव हाबायारि सोलोंथाइनि रोंग'साफोर आरो गासै मन्थि-बिफानफोरनि थान्दै लानानै मोनसे हाबायारि सोलोंथाइ खौसेथिनि थाखाय हायुडारि आफाद (NCIVE) दानाय जागोन।

16.7. हाबायारि सोलोंथाइनि मोनहैनाय गोसारनाय मदद खालामनो थाखाय बयनिखुइबो सिगां हाबायारि फारिखान्थि जगायग्रा गावारि फसंथानफोरा गोदानारि सानखांथिजों लोगोसे मोनसे जाफुंसार हाबा मावनाय मडेल आरो बाहायथि सोरजिना NCIVE आ गायसननाय जुनथि आदबनि गेजेरजों गुबुन गुबुन फसंथानफोरनो सेयार खालामनांगोन एबा बाहागो राननांगोन। गोजौसिन सोलोंथाइ फसंथानफोरा हाबायारि सोलोंथाइनि गुबुन गुबुन मडेल आरो सोलोंजेन्थाइखौबो आन्जाद खालामना नायगोन। गोजौसिन सोलोंथाइ बिफानफोरा दामिनफोरजों लोगोनांनानै इनकुबेसन (गोदानारि सान्दांथि आरो दाथाइ) मिरुबो गायसनगोन।

16.8. मोनफ्रोम आयदा हाबायारि आरो जिउराहायारिनि थाखाय हायुडारि सोलोफोरनि रोंगौथि खाथामखौ बांसिन आबुं खालामलांबाय थानाय जागोन। बेनि अनगायैबो भारतारि मानथाखोखौ हायुंगेजेरारि दांथाइ आफादआ थि खालामनाय जिउराहानि बाहागो खालामनाय हायुंगेजेरारि मानथाखोजों गोरोबहोनाय जागोन। बे खाथामआ सिगां सोलोंनायनि मान होनाय (RPL) नि थाखाय बिथा होगोन। बेनि गेजेरजोंनो फरायसालि नागारनाय फरायसाफोरा गावसोरनि बाहायथाइयारि रोंगौथिखौ खाथामनि सोमोन्दो गोनां थाखोजों फोनांजाबनानै फिन खान्थियारि बिखान्थिजों खौसेथि खालामफिनजानाय जागोन। क्रेडिट-बिथा खाथामखौ गासै 'सरासनस्रा' आरो हाबायारि सोलोंथाइयावनो मोननो हानाय खाबु खालामना होगोन।

17. गोदान हायुडारि बिजिरसं गायसंनायनि गेजेरजों गासै फोथारावनो गुनगोनां सोलोंथाइयारि बिजिरसंखौ गोख्रैहोनाय

17.1. मोनसे गेदेर आरो जिउगोनां रांखान्थिखौ जौगाखांहोनाय आरो गोजोरै लाखिनाय, समाज जौगाखांहोनाय आरो जौगायै हादरखौ आरोबाव गोजौ थाखोसिम जौगाहोना थुलुंगा होनायाव गियान सोरजिनाय आरो बिजिरसडा जोबोर गोनांथार बिफाव थायो। थारैनो गासै जारिमिनावनो माखासे बयनिखुयबो जौगा सोदोमस्रि (जेरै- भारत, मेस'पटेमिया, मिसर (इजिप्ट), आरो ग्रीसफोरनिफ्राय) लाननै गोदान सोदोमस्रि (जेरै-जथाइ हादर आमेरिका, जार्मानी, इसराइल, खोला करिया आरो जापानफोरा) ओरैबादि गोरों समाज जायफोरा बिगियानजों लोगोसे आरिमु, राव आरो हारिमुनि बेलायाव थानाय गोदान गियानाव गावसोरनि मोजां गुननि थाखाय मुंदांखा जानानै गुदि बिहोमानि जोहै गेदेर बाहागोआव गावसोरनि सोलो आरो बेसादारि धोनखौ मोननो हादों जायनि थाखाय बिसोर गावसोरनि सोदोमस्रिखौल' जौगाखांहोआखै नाथाय बुहुमनाडैन्नो थानाय गुबुन गुबुन सोदोमस्रिफोरखौबो दावगाहोफादों आरो जौगाखांहोफादों।

17.2. आथिखालाव बुहुमाव जोबोर गोख्रै सोलायनायजों लोगोसे जानोहागौ बिजिरसंनि गोख्रै सोरबिथि बिखान्थिया सिगांनिखुय बांसिन गोनांथि जानानै फैबाय, बिदिन्थि महरै-आबहावा सोलायनाय, सुबुं अनजिमनि खारथाइ आरो सामलाइनाय, जिउबिरोंदामिन, डिजिटेल हाथाइनि गोसारथाइ, जुन्थि सोलोंनाय(मेसिन लारनिं), आर्टिफिचियेल इन्टेलिजेन्स आरिनि बेलायाव। भारत हादरआ बेफोर रोखोमसे नडि फोथाराव दैदेनगिरि जानोब्ला आरो आरोबाव फैबाय थानाय बोसोरफोर आरो जिथाइफोराव दैदेनाया मोनसे समाज जानायनि थाखाय थारैनो गावनि फैलाव गियान बुंफबनाय गोहो मोननोब्ला हादरा गासै आयदायावनो गावनि बिजिरसंनि हानाय आरो फिथाइ मोनफुंनायनि मोनसे गोनांथार गोसारहोनायानि गोनांथि जागोन। आथिखालाव बबेबा मोनसे हादरनि रांखान्थियारि, सोलोआरि, समाजआरि,

आबहावायारि आरो बिरोंदामिनारि सावस्रि जौगाखांनायनि थाखाय बिजिरसंनि गोनांथिया सिगांनिखुय गोनांसिनथार जानानै फैबाय।

17.3. बे बादि बिजिरसंनि एसेबां गोनांथि जासेयावबो, आथिखालाव भारतआव बिजिरसं आरो गोदानारि सानखांथिफोराव रां बाहायनाया आमेरिका जथाइ हादरनि 2.8%, इजराइलनि 4.3%, आरो खोला करियानि 4.2% नि रुजुनायाव गासै नखरारि दिहुनथाइनि (GDP) 0.59% ल'।

17.4. आथिखालाव भारतनि समाजआरि मोगा-मोगि जानांनाय जेंनाफोरखौ सुस्रानायनि गोनांथि दंसै जेरै- गासै हायुडारिफोरनि थाखाय गोगो आरो साखोन-सिखोन लोंग्रा दै ज'गायनाय, गुनगोनां सोलोंथाइ आरो सावस्रि जोथोन, साबसिन हान्था-मेला/रोगानाय राहा, गोगो बार, मोब्लिब आरो इसिंदाथाइ आरिफोर मोनफुंहोनो, बेनि थाखाय मावनो आरो सुस्रानो नाजानाय गोसोनि गोनांथि दं, जायफोरा गोजौ थाखोनि बिगियान आरो बिरोंदामिननि सायाव' गियान गोनां नडा नाथाय सुबुं हारिनि सायावबो एबा हादरनि गुबुन गुबुन सामाजआरि-हारिमुयारि आरो आबहावायारि फोथारावबो गोथौ गियान थानाय जानांगोन। बेफोर जेंनाफोरजों मोगा-मोगि जानो आरो बेफोरनि मावफुंथाइ नागिरनो थाखाय गुबुन गुबुन फोथाराव आयदा-गेजेरारि (इन्टारदिसिफ्लिनारि) बिजिरसंफोरनि गोनांथि दं जायफोर गावनि हादरावनो मावफुंजानाय जाथारनांगोन आरो गुबुननिफ्राय औरैनो लाबोनायल' जानो मोननाय नडा, गावनि बिजिरसंखौ गावनि हादरावनो मावफुंनो हानाय गोहोआ बबेबा दरसे हादरखौ जोबोर गोरलैयैनो गुबुन हादरनिफ्राय बिजिरसंखौ लाबोनो आरो बेफोरनिफ्राय जौनि थाखाय साबजाथाव बिजिरसंफोरखौ आजावना लानो हाहोयो।

17.5. आरोबाव, समाजआरि जेंनाफोरखौ सुस्रानायनि गेजेरजों गुनगोनां जानायजों लोगोसे दरसे हादरनि सिनायथि, दावगानाय, दोहोरमारि, सोलोआरि गोजोननाय आरो सोरजिलुखौ बेनि जारिमिन, आरिमु, राव आरो हारिमुनि गेजेरजों मोननो हायो।बेखायनो बिगियान आरो समाजआरि बिगियाननि बेलायव गोदानारि सानखांथिजों लोगोसे आरिमु आरो सुबुडारि फोथाराव बिजिरसंनाया बबेबा हादरनि जौगानाय आरो रोंग'थि आखुनि थाखाय जोबोर गोनांथार।

17.6. भारतनि सोलोंथाइ फसंथानफोराव, जुनियायै जायफोरा गोजौसिन सोलोंथाइजों नाथाबना दं, बिसोरनि थाखाय बिजिरसं आरो गोदानारि सानखांथिफोरा जोबोर गोनां। जारिमिननाडैनो बुहुमनि बयनिखुइबो साबसिन मुलुगसोलोंसालिफोरनिफ्राय मोननाय फोरमानफोरा दिन्थियोदि गोजौसिन थाखोनि सोलोंथाइफोराव साबसिन-हामसिन फोरोंनाय आरो सोलोंनाय बिखान्थिफोरा जायो जेराव बिजिरसं आरो गियान सोरजिनायनि गोख्रों हारिमुनि आबहावा थायो, लोगोसे बुहुमनि साबसिन-हामसिनथार बिजिरसंफोरा बांआयदायारि मुलुगसोलोंसालिफोराव जाबोदोंमोन होनना फोरमान दं।

17.7. भारतआव बिगियान आरो सानखान्थिनिफ्राय लानानै आरिमु आरो थुनलाइसिम, रिसारथि बिगियान आरो राव-फाहामथाइ आरो आबाद मावनाय आयदासिमहालागै बिजिरसं आरो गियान सोरजिनायनि मोनसे गोलाव जारिमिनारि दोरों दं। मोनसे गोख्रों गुनि-गियानि समाज आरो बुहुमनि थामथि बयनिखुइबो देरसिन रांखान्थि महरै 21 थि जौथाइयाव बिजिरसं आरो गोदानारि सानखांथि आरियाव भारतखौ दैदेनगिरि महरै गायसननो थाखाय बेखौ गोख्रोंसिन खालामनांगौ जानानै फैबाय।

17.8. बेफोर बादिनो बे सोलोंथाइ खान्थिया भारत हादरआव बिजिरसंनि गुन आरो बेनि नजिमाखौ बांहोनो एबा सोलायहोनो गुवारै नाजानाय। बे सोलोंथाइ खान्थियाव फरायसालि सोलोंथाइनि थि सोलायनाय दं, जेरै- बिगियानारि आदब आरो गोथौ साननायनि सायाव बोलो होनायजों लोगोसे बांसिन गेलेनाय आरो दिहुनथाइयारि आदबजों सोलोंनाय एबा दिहुनथाइनि सायाव बिथा खालामना सोलोंनायनि थाखाय आदब। फरायसाफोरनि गोसो जानाय आरो गोरों फरायसाफोरखौ नागिरना दिहुननो थाखाय फरायसालिफोराव जिउखाराहा सुबुरुन होनाय, मुलुगसोलोंसालिफोराव बिजिरसंनि खाबुखौ बांहोनाय, गासै गोजौसिन सोलोंथाइ फसंथानफोराव बांआयदायारि आरो आबुं सोलोंथाइनि सायाव बोलो होनाय, सिं-रोंगाजालिया फरायफारियाव बिजिरसं आरो इन्टार्नसीप सोसननाय, बिफानमा जिउखाराहा

सामलाइनाय बिखान्थि जाय बिजिरसंनि सायाव बांसिन बोलो होयो, खुंथाइ आरो सामलाइनायाव सोलायनाय जाय बिजिरसं आरो गोदानारि सानखांथिनि आबहावाखौ थुलुंगा होयो, बेफोर गासैबो बिथिफोरा बे सोलॉथाइ खान्थियाव दंजोबो। गोजौआव मुख'नाय बेफोर गासैबो बिथिफोरा हादरआव मोनसे बिजिरसडारि गोसो जौगाखांहोनायनि थाखाय जोबोर गोनां।

17.9. बेफोर गुबुन गुबुन हाबाफोरखौ गोसो गुदुंसिन आखुयै मावफुनो आरो बेनि उनाव हादरआव बिजिरसंनि गुनखौ रोखायै बांहोनो आरो बेनि खामानिफोरखौ गोखैहोनो थाखाय बे सोलॉथाइ बिखान्थिनि थांखिया हायुडारि बिजिरसं गायसंनाय/बिथानि (NRF) गायसननाय। जौनि मुलुगसोलॉसालिफोरनि गेजेरजों बिजिरसंनि हारिमुखौ गोसारहोनायानो जादों NRF नि जोबोर गोनां थांखि। गुबैयै NRF आ फोथायथाव गोरोंनि सायाव बिथा खालामना नाथाय गनायथाव गोथौ नायबिजिरनाय बिजिरसंनि दारै रां मदद होनाय, जाय साबसिनथार बिजिरसंनि थाखाय गोरोबथाव बान्था होनायनि गेजेरजों हादरआव बिजिरसंनि हारिमु जौगाखांहोनायाव मदद होनाय, आरो हादरसायारि मुलुगसोलॉसालिफोर आरो गुबुन गुबुन सुबुं फसंथानफोर जेराव आथिखालाव बिजिरसंनि हाथिफोरा खम बैफोराव माखासे गाहाय हाबाफारिफोर आजावनायनि गेजेरजों बिजिरसंनि हाबाफोरखौ जागायजेननाय आरो बेखौ फेहेरनाय। NRF आ गासै आयदाफोराव बिजिरसंनि थाखाय बादायारि रां मदद होगोन। जाफुंसार बिजिरसंफोरा गनायथि होजानाय जागोन आरो बेफोर जेराव लोब्बा दं एबा खालामनाय जादों बेयाव मोनफुंजानाय जागोन, खाथिथारै लोब्बा गोनां सरकारि थान्दैफोरनि गेजेरजों लोगोसे दारिमिन आरो गावारि/सरकारि बानजायनाय आफादफोरजों।

17.10. फसंथानफोर जाय आथिखालाव माखासे थाखोआव बिजिरसंनि थाखाय राडारि मदद होयो, जेरै- बिगियान आरो बिरोंदामिन बिफान (DST), गुन्द्रासायारि गोहो बिफान (DAE), जिउ-बिरोंदामिन बिफान (DBT), भारतारि आबाद बिजिरसं आफाद (ICAR), भारतारि फाहामथाइ बिजिरसं आफाद (ICHR), मुलुगसोलॉसालि गनायथि आफाद (UGC) फोरजों लोगोसे गुबुन गुबुन गावारि आरो गावारि-सरकारि बानजानाय आफादफोरा गावसोरनि आगुथि आरो गोनांथि बादियै बिजिरसंनि थाखाय उदाडै रां मदद होलांबाय थागोन। जेरैखिजायामानो, NRF आ गुबुन गुबुन फुनजि होग्रा एजेन्सिफोरजों साग्राडै सोमोन्दो लाखिलांबाय थागोन आरो बिगियान, सोरदिडारि (इन्जिनियारि) आरो गुबुन गुबुन एकादेमिफोरजों थांखिफोरनि गोरोबलायनाय आरो नकल खालामनाय होबथानायखौ रोखा खालामनो खामानि मावगोन। NRF आ मोनसे सोलायस्लु सरकारि खुंगिरि हानजाजों सोरखारनि उदांथियाव सामलाइ जागोन जेराव गासै आयदानाडैनो साबसिन बिजिरसंगिरिफोर आरो गोदानारि सानखांथिगिरिफोर थागोन।

17.11. NRF नि गुदि मावफारि/खामानिफोरा जाबाय:

- (क) गासै रोखोमनि गुबुन गुबुन आयदाफोराव बादायथि आरो गोथौ-नायबिजिरनाय अनसुंथाइ थांखि होनायफोरनि थाखाय फुनजि होनाय।
- (ख) सोलॉथाइयारि फसंथानफोराव, गुबैयै मुलुगसोलॉसालि आरो फरायसालिमाफोराव जायफोराव बिजिरसंनाया दासो जागायजेनहांदों, बेफोर फसंथानफोरखौ सुबुरुन होनायै बिजिरसंनि खामानिफोरखौ जागायजेननाय, दावगाहोनाय आरो बेनि थाखाय खाबु होनाय।
- (ग) बिजिरसंगिरिफोर आरो सोरखारजों सोमोन्दो गोनां दालाइफोरजों लोगोसे दारिमिनफोरनि गेजेराव सोमोन्दो दानाय एबा फोनांजाबग्रा महरै खामानि मावनाय जाहाथे बिजिरसंगिरिफोरा अरायबो जोबोर गोनांथार हादरआरि बिजिरसं आयदाफोर एबा जेनाफोरनि सोमोन्दै सांग्रां जाना थानो हायो एबा मिथिनो हायो आरो जाहाथे खान्थि दाग्राफोरा गोदानथार बिजिरसं जाफुंसारनायनि फारसे अरायबो सांग्रां जाना थानो हायो; बेफोर बादिनो बे जाफुंसारनायखौ साबसिन-हामसिनै खान्थिसिम आरो/एबा मावफुंनायसिम महर होनोहायो। आरो
- (घ) साबसिनथार बिजिरसं आरो बेनि जौगाखांनायखौ सिनायथिनाय।

18. गोजौसिन सोलोंथाइ सामलाइ बिखान्थिखौ सोलायनाय

18.1. जि बोसोरसो सिगांनिफ्रायनो गोजौसिन सोलोंथाइखौ सामलाइनाया जोबोर गोब्राब हाबा जाबोगासिनो दं, जायखौ जोबोर खम गोहोमजौ सामलाइनो नाजानाय जादोमोन। सामलाइखान्थिनि हाबा मावनायाव गोरोबलायनाय गैथि आरो बिबान होलायलायै आखुवा गुदि जेंनाफोर गोनां गोबां गोहोम गोम्लैदोमोन, जेरै- मोननैसो बिफाननि गेजेरावल' गोहोफोरखौ गोबाडै होसोना होनाय, बेफोर बिफानफोरनि गेजेराव साननाय-हनाय एबा गोसो गोरोबलायै आरो बेनि फिथाइ महरै उदाडै फोरमायलायै एबा सानख'थाइ होलायैखौ नुनो मोनो। गोजौसिन सोलोंथाइ फोथाइखौ फिन साग्रां खालामनो आरो बेखौ देरहासार जाहोनो थाखाय सामलाइखान्थिखौ आबुडै सोलायनायनि गोनांथि दं।

18.2. गोजौआव मख'नाय बेफोर जेंनाफोरखौ सुस्रानो एबा मावफुंनो थाखाय गोजौसिन सोलोंथाइ सामलाइखान्थिया सामलाइनाय, गनायथि होनाय, रां फुनजि होनाय आरो सोलोंथाइयारि मानफोरखौ दानाय एबा थि खालामनायनि गुबुन गुबुन खामानिफोरा मानगोनां, उदां आरो गोहोगोनां एबा रंग'सा बिफानफोरजौं मावफुंजानायखौ रोखा खालामगोन। बे बिखान्थियाव चेकस एन्ड बेलेन्स खालामनाय, गावजौं-गावनि गेजेराव साननाय-हनायाव गोरोबायैखौ खम खालामनाय, आरो मोननैसोल' बिफानफोरनोल' बांद्राय गोहो होसोना होनाय बायदि हाबाफोरखौ फोजोबनाया गोनांथार होनना साननाय जादो। बेफोरखौ थि खालामनो थाखाय मोनब्रै फसंथानारि दाथाइफोरा जायफोरा बेफोर मोनब्रै गोनांथार हाबाफोर थानायखौ उदाडै एखे समावनो मावो। बेफोर मोनब्रै दाथाइफोरखौ भारतारि गोजौसिन सोलोंथाइ आयोग (HECI) मोनसे गाहाय फसंथाननि सिडावनो मोनब्रै उदां खुन्थिया महरै गायसननाय जागोन।

18.3. HECI नि गिबि खुन्थिया (अंग) आ जागोन हायुडारि गोजौसिन सोलोंथाइ सामलाइ आफाद (NHERC)। बे फसंथानआ फोरोंगिरि सोलोंथाइखौ लाफानानै नाथाय फाहामथाइयारि आरो आयेन सोलोंथाइखौ गारनानै गोजौसिन सोलोंथाइ सेक्टरनि रोखोमसे आरो मोनसे बिन्दोआरि सामलाइग्रा महरै खामानि मावलांगोन, बेफोरबादिनो आथिखालाव थाखानाय गोबां सामलाइयारि फसंथानफोरजौं सामलाइयारि नाजानायफोरनि नखल खालामनाय आरो खामानि होयैखौ फोजोबनाय। बे मोनसे सामलाइथाइखौ गोख्रों खालामनो थाखाय थाखानाय खान्थिफोरखौ नायफामफिननो आरो सोलायनो आरो बायदि बायदि थाखानाय सामलाइ आफादफोरखौ दाफामफिननो गोनांथि जागोन। NHERC खौ "गोलै नाथाय गोख्रों" आरो मदद गोनां आखुथाइजौं गायसननाय जागोन, बेनि ओंथिया बेनोदि माखासे गोनांथार आयदाफोर गुबैयै रांखान्थियारि सैथोथि, गाहाम खुथाइ आरो गासै रांखान्थि, सानजाद, फारिखान्थिफोर, इसिंदाथाइ, बिफानगिरि/मावथि हानजा, कर्स आरो सोलोंथाइयारि फिथाइफोरनि आबुं अनलाइन आरो अफलाइन सुबुडारि गाव-फोरमायनाया जोबोर गाहामै सामलाइनाय जागोन। बे फोसावथाइफोरा NHERC जौं सामलाइजानाय सुबुं वेवसाइट आरो फसंथानफोरनि वेवसाइटफोरनि सायाव गासै गोजौसिन सोलोंथाइ फसंथानफोरजौं मोननो हानाय खालामजानाय जागोन आरो गोरोन्थि गैयाजासे आफडेट खालामजानाय जागोन। रायजो-राजाफोरनि थाखाय फोसावजानाय फोसावथाइफोरनि सायाव बाहागोदारफोर आरो गुबुन गुबुन सुबुंफोरनि जायखिजाया अजद दैखानाय एबा दुखु फोरमायनायफोरा NHERC जौं बिजिरजानाय जागोन। मोनफ्रोमबो गोजौसिन फसंथानफोराव बेनि उनाव बे (रेन्डम खान्थिजौं) सायख'जानाय फसंथानफोरजौं लोगोसे सावस्रियारि हेंथागोनां फरायसाफोरनिफ्राय लानाय फिडबेकफोरखौ अनलाइन होनो हानाय खालामनाय जागोन, मोनसे थि समनि उन-उन इनपुट लानायखौ रोखा खालामनाय जागोन।

18.4. बेफोरबादि सामलाइथाइफोरखौ गोख्रों खालामनो थाखाय गुदि जुन्थि आदब गनायथि होनाय जागोन। बेनिखायनो HECI नि नैथि बाहागो (अंग) आ जागोन मोनसे 'मेटा एक्स्टेडिटि बडि' जायखौ हायुडारि गनायथि आफाद (NAC) मुडै मिथिनाय जायो। फसंथानफोरखौ गनायथि होनाय हाबाया गुबैयै माखासे गुदि नेम-खान्थि, सुबुं गाव फोरमायनाय, गाहाम खुंथाइ आरो फिथाइफोरनि सायाव सोनारगोन आरो बे हाबाखौ NAC जौं नायगिदिंजानाय आरो नोजोर होजानाय गनायथि होग्रा फसंथानफोरनि मोनसे उदां सोरबिथि (इकसिस्टेम) आव मावफुंनाय जागोन। मोनसे मोनथाइ गोनां गनायथि होग्रा महरै मावनांगौ हाबाया NAC जौं मोनसे थि अनजिमनि फसंथानफोरनिसिम होजानाय जागोन। खम समनि

गेजेरावनो, थाखो गोनां गनायथिनायनि मोनसे गोख्रों बिखान्थि गायसननाय जागोन, जाय गासैं गोजौसिन सोलोंथाइ फसंथानफोरा गुन, गाव-खुंथाइ, आरो गावनि खुंथाइ गोहो बायदि थिनानै होखानाय मानफोरखौं मोननो थाखाय थाखो-गोनां मानथाखोखौं थि खालामगोन। बेनि फिथाइ महरै, गासैं गोजौसिन सोलोंथाइ फसंथानफोरा गावबागावनि फसंथानारि दावगानाय सानथांखि (IDP) फोरनि गेजेरजों फैबाय थानाय 15 बोसोर समफोरनि गेजेराव बयनिखुइबो जौसिन थाखोनि गनायथिखौं मोननो थांखि थि खालामगोन आरो बेफोर बादिनो बेफोर फसंथानफोरा गंफा-गंफा गाव सामलाइनाय डिग्रि होग्रा फसंथानफोर/थुबुरफोरबादि जानो थाखाय थांखि लागोन। इयुनाव, बे गनायतिनाय फारिखान्थाया बुहुमनाडैनो बाहायजानायनि जोहै मोनसे नै-अनजिमायारि बिखान्थि जाहैगोन।

18.5. HECI नि थामथि बाहागो एबा अंगआ जागोन गोजौसिन सोलोंथाइ गनायथि (अनसुंथाइ) आफाद (HEGC), जाय फसंथानफोरा थियारि खालामनाय IDP आरो बिसोरनि हाबाफोर मावफुंनायनि जोहै मोननो हानाय दावगाथाइजों लोगोसे गोगो मानथाखोनि सायाव बिथा खालामना गोजौसिन सोलोंथाइनि फुनजि/रां मदद होनायनि हाबा मावगोन। HEGCआ गोदान-गोदान गोनां फोथारफोरखौं जागायजेननो आरो आरो गासैं आयदा आरो फसंथानफोरनाडैं गोजौसिन सोलोंथाइ फसंथानफोराव गुनगोनां हाबाफारि खाबु होनायफोरखौं गुवारसिन खालामनो थाखाय फरायबान्था (स्ल'लारसिप) आरो जौगाथाइयारि फुनजिफोरखौं रात्रानै होनो बिबान होजानाय जागोन।

18.6. HECI नि थामथि बाहागो एबा अंगआ जागोन सरासनस्रा सोलोंथाइ आफाद (GEC), जाय गोजौसिन सोलोंथाइ हाबाफारिफोरनि थाखाय मिजिंथिनाय सोलोंनाय फिथाइफोरखौं थि खालामगोन, जायखौं रोंगाजालिया (ग्रेजुयेट) फिथाइ मुडै मिथिनो मोननाय जागोन। GEC नि मददजों गंसे हायुडारि गोजौसिन सोलोंथाइ रोंगौथि खाथाम (NHEQF) दाफुंनाय जागोन आरो हायुडारि सोलो रोंगौथि खालाम (NSFQ) जों फोनांजाबनाय जागोन जाहाथे हाबायारि सोलोंथाइखौं गोजौसिन सोलोंथाइयाव सोफादेरनाय/खौंसेथि खालामनाय हाबाया गोरलै जायो। बेफोरबादि सोलोंनाय फिथाइफोरनि बेलायाव गोजौसिन सोलोंथाइ रोंगौथि फसंथानफोरा होनाय डिग्रि/ डिप्ल'मा/फोरमानलाइफोरा NHEQF जों फोरमायजागोन। बेनि अनगायैबो GEC आ आयदाफोर जेरै-क्रेडिट दैथाइहरनाय, समानथि आरो बायदि बायदिनि थाखाय मददगोनां नेमखान्थि (नर्मस) थि खालामगोन NHEQF नि गेजेरजों । GEC आ थि सोलोफोरखौं सिनायथिगोन जाय फरायसाफोरा गावसोरनि सोलोंथाइ लाबाय थानाय समफोरावनो 21 थि जौथाइनि सोलोजों लोगोसे आबुडै दावगानाय फरायसाफोर थियारि खालामनाय थांखिखौं मोननो नाजाथारनांगोन।

18.7. जिउराहायारि आफादफोर, जेरै- भारतारि आबाद बिजिरसं आफाद (ICAR), भारतनि मि-फाहामथाइ आफाद (VCI), हायुडारि फोरोंगिरि सोलोंथाइ आफाद (NCTE), बुमिनसारनि आफाद (CoA), हाबायारि सोलोंथाइ आरो फोरोंथाइनि थाखाय हायुडारि आफाद (NCVET), बायदिफोरा जिउराहायारि मानथाखो थि खालामग्रा आफाद (PSSB) फोरनि महरै हाबा मावगोन। बैफोर आफादफोरा गोजौसिन सोलोंथाइ बिखान्थियाव गाहाय बिफावजों हाबा मावलांगोन आरो बेसोरखौं GEC नि सोद्रोमा जानो थाखाय खावलायनाय जागोन। बेफोर आफादफोरा PSSB महरै दाफिन जानायनि उनाव GEC नि सोद्रोमा महरै फरायफारि दानाय, सोलोंथाइयारि मानथाखो थिरां खालामनाय आरो गावसोरनि फोथार/आयदाफोरनि फोरोंनाय, बिजिरसं आरो फेहेरनायनि गेजेराव फोनांजाबनाय/लोब्बा लाखिनाय हाबाखौं मावलांबाय थागोन। GEC नि सोद्रोमा महरै बिसोर फरायफारि खाथामखौं थि खालामनायाव मदद होगोन आरो बेनि सायाव बिथा खालामना गोजौसिन सोलोंथाइ फसंथानफोरा गावसोरनि फरायफारिखौं थियारि खालामनो हागोन। बेफोरबादिनो, PSSB आबो जेबो सामलाइथायारि बिफाव गैयाजासे सोलोंनाय आरो सर' खालामनायनि थि आयदाफोराव मानथाखो एबा हास्थायनायफोरखौं थिरां खालामगोन। गासैं गोजौसिन सोलोंथाइ फसंथानफोरा बेखौंनो थि खालामगोनदि, बेसोरनि सोलोंथाइयारि आयदाफोरा गुबुन गुबुन साननाय हनायफोरनि गेजेराव थिखानाय मानथाखोनि सायाव माबायदि फिनजाथाइ दिन्थिबोगासिनो दं आरो गोनांथि जायोब्ला बेफोर PSSB एबा थाखोमान थि खालामग्रा बिफानफोरनिफ्राय हेफाजाबबो लानो हागोन।

18.8. बेफोरबायदि मोनसे बिखान्थि बुमिनसारआ गुबुन गुबुन बिफावफोरनि गेजेरनि गावजों-गावनि गेजेराव सौग्रावलायनायखौ फोजोबस्रानानै हाबाफारि आलादा खालामनायनि सानथौखौ थिरां खालामगोन। बेनि थांखिया जाबाय माखासे गुदि गोनांथार आयदाफोरनि सायाव जोबोर मोजाडै गोसो होनायजों लोगोसे गोजौसिन सोलोंथाइ फसंथानफोरखौ गोख्रों खालामनाय। बेफोरजों सोमोन्दो गोनां बिबान आरो फिनहोनो हानायफोरा गोजौसिन सोलोंथाइ फसंथानफोरनि सोलोयनाय लाबोगोन। सुबुडारि आरो गावारि गोजौसिन सोलोंथाइ फसंथानफोरनि गेजेराव बेफोरबादि मिजिंथिनायनि बेलायाव जेबो फारागथि लाबोनाय जानाय नडा।

18.9. बेफोरबायदि सोलायनायनि थाखाय थाखानाय दाथाइ आरो फसंथानफोरनि गावखौनो सोरजिफिनो आरो बायदि रोख्रोमनि फारि जौगालांहोनो थाखाय गोनांथि जागोन। खामानिफोरनि आलादा खालामनायनि ओंथिया जागोनदि, HECI नि सिडाव थानाय मोनफ्रोमबो बाहागोखौ मोनसे गोदान मोनसेल' बिफाव जाय गोदान सामलाइथाइ मावफारियाव मुख'जाथाव एबा लोब्बा गोनां, ओंथि गोनां आरो गोनांथार फारसे लानानै थानाय जागोन।

18.10. सामलाइथाइ (NHERC), गनायथिनाय (NAC), फुनजि होनाय (HEGC), सोलोंथाइयारि मानथाखो थि खालामनाय (GEC) नि थाखाय गासै उदां बाहागोफोरनि हाबा मावफुंनाय आरो मोनसे गेदेर उदां खुंथाइ गोहोआरि/आबुं बिफान (HECI) आ गोमो सुबुं फोरमायथि खान्थिनि सायाव बिथा खालामनाय जागोन, आरो गावसोरनि खामानिफोराव हाबायारि उदायथि आरो स्रं-स्रं/रोखाथिखौ रोखा खालामनो थाखाय सुबुडारि सिमनाखौ खम खालामनो बिरोंदामिनखौ बांसिननिफ्राय बांसिन बाहायगोन। बिरोंदामिन बाहायनानै जेंना गैयै आरो स्रं-स्रं/गोमो सामलाइथाइ आखाइ होनाय एबा खालामनायानो मुख'जानाय खान्थिनि गुदि जागोन। जमा होथारनो गोनां खारिफोरखौ गोरोंथियै फोरमायथिनायनि थाखाय साजा होनायजों लोगोसे गोख्रों मावफारि गोनां गोख्रों राहा लानाय जागोन जाहाथे गोजौसिन सोलोंथाइ फसंथानफोरखौ गुदि खमसिन नेमखान्थि(नर्मस) आरो मानथाखोनि दाफुंनो हायो। HECI आ गावनि मोनब्रै बाहागो (अंग) फोरनि गेजेराव थानाय जायखिजाया बेरेखा-बेरेखिफोरखौ गावनो सुस्रंगोन एबा मावफुंगोन। HECIनि सिडाव थानाय मोनफ्रोम बाहागो (अंग) आ मोनसे उदां बिफान जागोन, जायफोरा खौसेथि, खोथा लाखिग्रा आरो सुबुं सिबिनाय बायदि बेलायाव बाहागो लाबोनायनि मुख'जाथाव मुं मोननायजों लोगोसे मुख'जाथाव आयदाफोराव गोजौ थाखोनि रंग'सा सुबुंफोर गोनां। HECI आ गावनो गोजौसिन सोलोंथाइयाव थानाय मुंदांखा सुबुं-जिउमा गोनां आखा-फाखा सोद्रोमाफोरनि मोनसे फिसा आरो उदां बिफान जागोन, जाय HECI नि खौसेथि आरो गोहोम गोनां हाबा मावनायखौ सामलाइगोन आरो नोजोर होगोन। बेनि खामा-दामानिखौ मावफुंनो थाखाय नायबिजिरनायखौ लाफाना आरजाथाव जुन्थि-आदब एबा मावथाइ-राहाया HECI नि सिडावनो दाजानाय/ सोरजिजानाय जागोन।

18.11. सामलाइथाइयारि खुंथाइनि दारै गोदान गुनगोनां गोजौसिन सोलोंथाइ फसंथानफोर गायसननायाबो जोबोर गोरलै जानानै फैगोन, लोगोसे गोख्रों गोहोमगोनां रोखा खालामनाय जाय सुबुं सिबिनाय गोसोजों गोलाव सम गोजोरथिनि थाखाय रांखान्थियारि हेफाजाबजों गायसनजागोन। साबसिन-हामसिन दिन्थिनो हानाय गोजौसिन फसंथानफोरा गावसोरनि फसंथानफोरखौ फुवारनो थाखाय मिरु आरो हादरसा सोरखारफोरजों मदद होजागोन आरो बेनि दारैनो गोबां अनजिमानि फरायसाफोर आरो फोरोंगिरिफोरजों लोगोसे आयदाफोर आरो हाबाफारिफोरा बांसिन जानो हागोन। गोजौसिन सोलोंथाइ फसंथानफोरनि थाखाय सुबुं/सरकारि बानजायारि बाहागो लानाय मडेलफोरखौबो जौगा-गुनगोनां गोजौसिन सोलोंथाइसिम फरायनो मोनहोनाय जौगालांहोनाय थांखिजों जागायजेननो हायो।

सोलोंथाइनि फालांगि खालामनायखौ होबथानाय

18.12. सामलाइनाय आरो समानथाइ (चेकस एन्ड बेलेन्सस) आदबजों दाजानाय बां-मावफुं बिखान्थि एबा जुन्थि आदबनि हेफाजाबै गोजौसिन सोलोंथाइनि फालांगि खालामनायनि हेंथायै जुजिनो आरो बेखौ होबथानो हागोन। बेयो सामलाइ बिखान्थिनि आगु साबि एबा गाहाय जागोन। गासै सोलोंथाइ फसंथानफोरा "मुलाम्फा नडै फसंथान" महरै सानजाद/सानख'थाइ आरो रोखा फोरमायनायनि रोख्रोमसे मानथाखोनि राहाफोरखौ मानिना सोलिगोन। जुदि रां बांद्राय

जायोब्ला बेखौ सोलौंथाइयारि सेक्टर/फोथारावनो फिन बाहायफिननाय जागोन। बेफोर गासै रांखान्थियारि आयदाफोरनि सायाव स्रा-स्रा सुबुं फोरमायनाय जागोन, जेराव सरासनस्रा सुबुंफोरनि थाखाय दुखु-सामलाइ खान्थिनि हेफाजाब लानाय जागोन। NAC जौं दाजानाय गनायथि बिखान्थिया बे बिखान्थिनि सायाव आबुं नायबिजिरथाइ होगोन, आरो NHERC आ बेखौ गावनि सामलाइथाइयारि थांखिनि मोनसे गुदि आखान्थि महरै गनायना लागोन।

18.13. सुबुं /सरकारि आरो गावारि गासैबो गोजौसिन सोलौंथाइ फसंथानफोरखौ बे सामलाइथाइ बिखान्थियाव समानै गनायनाय जागोन। बे सामलाइथाइ खान्थिया सोलौंथाइयाव गावारि बानजायनाय नाजानाय थुलुंगा होगोन। गासै हादरसायारि/आयेनख' आयेनफोरनि थाखाय सरासनस्रा हादरआरि बिथोनफोर होनाय जागोन जायनि दारै गोजौसिन सोलौंथाइ फसंथानफोर गायसननो हागोन। बे सरासनस्रा खमसिन बिथोनफोरा बेफोरबायदि गासै आयेनफोरनो गोहो होगोन।गावारि गोजौसिन सोलौंथाइ फसंथानफोरखौ गायसननो आरो बेफोरबायदि गावारि सुबुं/सरकारि गोजौसिन सोलौंथाइ फसंथानफोरनि मानथाखो दानायाव मदद खालामगोन। गाहाम खुंथाइ, रांखान्थियारि दिदोमथि आरो रैखाथि, सोलौंथाइनि फिथाइ आरो स्रा-स्रा फोरमायनायफोरा बेफोर सरासनस्रा बिथोनफोरनि आवथायाव थाफाजोबगोन।

18.14. बानजायारि आरो सुबुं जिउमायारि थांखि गोनां गावारि गोजौसिन सोलौंथाइ फसंथानफोरखौ मासुल (फिस) थि खालामनायनि दावगालु खुंथाइ खान्थिनि गेजेरजौं थुलुंगा होनाय जागोन। गुबुन गुबुन रोखोमनि फसंथानफोरनि थाखाय बेसोरनि गनायथि मोननायनि सायाव सोनारना मासुलखौ मोनसे जौसिन सिमासिम थि खालामनो थाखाय मोनसे रोखा मावफुं बिखान्थि दानाय जागोन जाहाथे गावारि फसंथानफोरनि सायाव जेबो गाजि गोहोम गोग्लैया। फरायसाफोरनिफ्राय मासुल लानाय खामानिया थिखानानै होनाय नेमखान्थि आरो गुवार बाहायजाथाव सामलाइथायारि खान्थिनि सिडाव थायोब्लाबो बेयो गावारि गोजौसिन सोलौंथाइ फसंथानफोरखौ गावसोरनि हाबाफारिनि मासुल (फिस) फोरखौ उदाडै थि खालामनो गोहो होगोन। गावसोरनि गोनां अनजिमानि फरायसाफोरनो बेसेन नाडै फरायहोनाय आरो फरायबान्था होनो थाखाय गावारि गोजौसिन सोलौंथाइ फसंथानफोरखौ गोसो गुदुं खालामगोन। गावारि गोजौसिन सोलौंथाइ फसंथानफोरनि दारै थि खालामजानाय गासै मासुल (फिस) आरो बेसेन फोनांनाय (सार्ज) फोरखौ रोखा-रोखायै आरो आबुडै फोरमायथिनाय जागोन, आरो फरायसाफोरनि मुं थिसननाय समाव बेफोर मासुल (फिस) बेसेन फोनांनाय (सार्ज) फोरखौ गावनि गोसो बायदियै मोननाय नडा। बे मासुलखौ थि खालामग्रा मावखान्थि राहाया गोजौसिन सोलौंथाइ फसंथानफोरखौ गावसोरनि समाजआरि बिबानफोर मावलांनाय रोखा खालामनायजौं लोगोसे बाहायनाय/बेसेन थानाय रांखौ जुक्ति गोनां मोनफिननायखौ रोखा खालामगोन।

19. गोजौसिन सोलौंथाइ फसंथानफोरनि थाखाय गोहोमगोनां खुंथाइ आरो गाहाम दैदेनगिरि

19.1. गोहोमगोनां खुंथाइ आरो गाहाम दैदेनगिरिया गोजौसिन सोलौंथाइ फसंथानफोराव साबसिन-हामसिनथार आरो गोदानारि सानखांथिनि मोनसे हारिमु सोरजिनाय हाबाखौ गोख्रौं खालामो। भारत हादरजौं लोगोसे मुलुगनाडैनो थानाय मुलुगनां-मानथाखोनि फसंथानफोरनि सरासनस्रा आखुथाइफोरा थारैनो गोख्रौं गाव-खुंथाइ आरो फसंथानारि दैदेनगिरिफोरखौ साबसिनथार गोरौंनि सायाव बिथा खालामना थिसनथाइ होनायनि सायाव जाफुंदो एबा जोरनानै दं।

19.2. थाखो-गोनां गनायथिनाय आरो गाव-खुंथाइनि मोनसे आरजाथाव बिखान्थिनि गेजेरजौं आरो 15 बोसोर समनि गेजेराव थानाय मोनसे थाखोनि आखुथाइयाव, भारतनि गासै गोजौसिन सोलौंथाइ फसंथानफोरा गोदानारि सानखांथिनो आरो साबसिन-हामसिनथार जानो नाजाग्रा उदां गाव-खुंथाइ फसंथान जानो थांखि लागोन। जौसिन गुनगोनां दैदेनगिरिखौ रोखा खालामनो आरो साबसिन-हामसिनथार मोनसे फसंथानारि हारिमुखौ जौगाखांहोनो थाखाय गासैबो गोजौसिन सोलौंथाइ फसंथानफोरा राहा लानाय जागोन। बेफोरबायदि खामानियाव आगान सुरनो थियारि जानाय फसंथानफोरा थि थाखोनि गनायथि मोननायनि सायाव जौसिन रोंगौंथि गोनां, हारोंथाइ आरो बावसोमनाय सुबुंफोर जायफोरनाव फोरमानथि हानाय-गोहो आरो फसंथानफोरनि रदाइ खानायनि मोनसे गोख्रौं मोन्दांथि दं, बेबायदि सुबुंफोरखौ लानानै सासन-

खालामग्रा/खुंथाइ बर्ड (BoG) दानाय जागोन। मोनसे फसंथाननि सासन-खालामग्रा/खुंथाइ बर्ड (BoG) नि सायाव मोनबो बायजोआरि आखाइ होनाय गैयाजासे फसंथानफोरखौ सामलाइनो थाखाय मोन्थाइ गोहो होनाय जागोन, फसंथाननि गाहायजों लोगोसे गासै थिसनथाइनि खामानि मावनो आरो सामलाइनायजों सोमोन्दो गोनां थांखि एबा थिरांथा लानो थाखाय गोहो होनाय जागोन। बेयाव ओरेबायदि मोनसे गुवार आयेन थागोन जाय सिगांनि आयेनाव थानाय आयेन बेरेखा खाबुफोरखौ सोलायहोगोन आरो आरो बेयाव सासन-खालामग्रा/खुंथाइ बर्ड (BoG) नि दानाय, थिसनथाइ, खामानिफोरनि रोखोमथाइ, नेमखान्थि, सामलाइखान्थिफोर आरो बिफाव आरो मावनां बिबानफोराबो थाफागोन। बर्डनि गोदान सोद्रोमाफोरनि सिनायथिनाय खामानिया बर्डजोंनो थिसनजानाय मोनसे रोंग'सा आफादनि जोहै मावफुंजागोन। सोद्रोमाफोरखौ सायख'नाय समाव सामनथि/गनायथि सानथाइनि सायावबो नोजोर लाखिनाय जागोन। बेवहाय बिथांखि लानाय जादोंदि, बे फारिखान्थिनि समफोराव गंप्रोमबो गोजौसिन सोलोंथाइ फसंथानफोरखौ थुलुंगा, हेफाजाब आरो बोसोन होनाय जागोन आरो बेनि थांखिया जादों 2035 माइथायनि गेजेराव उदां-खुंथाइ गोहोआरि जानाय आरो बेफोरबायदि गोहोगोनां सासन खालामग्रा /खुंथाइ बर्ड (BoG) मोननो हानाय।

19.3. सासन खालामग्रा /खुंथाइ बर्ड (BoG) आ गासै लोब्बा गोनां फोरमायथिफोरनि स्रा-स्रा गाव-फोरमायथिनि गेजेरजों बाहागोदारफोरनिसिम बिबान लानो हानाय आरो फिन होनो हानाय जागोन। बेयो हायुडारि गोजौसिन सोलोंथाइ सामलाइ आफाद (NHERC) नि गेजेरजों HECI नि दारै थिनानै होनाय मावथारनो गोनां गासै सामलाइथायारि बिथोनफोरखौ मावफुंजायनि बिबान लागोन।

19.4. फसंथानफोरनि गासै दैदेनगिरि आरो गाहायफोरनि मासिफोरखौ गोजौ सोलोंथाइयारि गुनगोनां आरो मावफुंजायनि दिन्थिफुंनो हानाय खुंगिरि आरो दैदेनगिरिनि हाथि गोहो गोनां आरो लोगोसे गोब्राब थासारिखौ सामलाइनो हाग्रा सुबुंफोरनोसो होनाय जागोन। गंसे गोजौसिन सोलोंथाइ फसंथाननि दैदेनगिरिफोरा संबिजिरारि बेसेनजों गोख्रोडै आगान सुरफानाय आरो फसंथाननि गासै थांखिजों लोगोसे गोख्रों समाजआरि रादाइ, हानजा मावथाइनि सायाव फोथाइनाय, बां सानथौ गोनां, गुबुन गुबुन सुबुंफोरजों खामानि मावनो हानाय आरो मोजां नोजोर थानाया गोनां। सासन खालामग्रा /खुंथाइ बर्ड (BoG) जों दाजानाय मोनसे मुंदांखा रोंग'सा आफाद (EEC) जों दैदेनजानाय मोनसे गोख्रों, गनायथाव, गुनबिथा आरो मावथाइ गोहोनि सायाव सोनारनाय फारिखान्थिनि गेजेरजों सायख'जानाय हाबाया बर्डनि दारै मावफुंजागोन। मोनसे आरजाथाव हारिमुनि जौगाखांनायखौ रोखा खालामनो थाखाय बिबाननि समा दिदोम जानाया गोनांथारब्ला, लोगोसेनो दैदेनगिरि उनमोनथाइनि थाखाय जोथोन गोनां बानायनाय जागोन जाहाथे गंसे फसंथाननि फारिखान्थिफोरनि मोजां हाबाफोरा दैदेनगिरि सोलायनायनि जाहोनाव जोबसांलाडा, दैदेनगिरि सोलायनायखौ नांगौबादि बिथिजों खालामनाय जागोन आरो मोजां सोलायनायखौ रोखा खालामनो थाखाय मासिखौ लांदां लाखिनाय जानाय नडा। साबसिन-हामसिनथार दैदेनगिरिफोरखौ नागिरना दिहुननांगोन आरो बिसोरखौ थाबैनो थियारि खालामनाय जागोन, दैदेनगिरिनि बिबानखौ लानानै गावसोरनि मावनाय राहाजों मावना दावगालांनो हागोन।

19.5. मोनसे थाखोनि आखुथाइयाव थोजासे फुनजि होनाय, आयेनारि गोख्रोंथि, आरो उदां-खुंथाइ होजानायब्ला गासै गोजौसिन सोलोंथाइ फसंथानफोरा फिन फिथाइ होनानै फसंथानारि साबसिन-हामसिनथार, गावनि ओनसोलनि सुबुंफोरजों सोमोन्दो लाखिनाय आरो रांखान्थियारि सैथोथि आरो फिन होनो हानायनि जौसिनथार माननि फारसे खोथा लाखिनाय दिन्थिगोन। गंप्रोमबो फसंथानफोरा मोनफा मोनफा सोलोआरि फसंथानारि जौगालु बिथांखि दागोन जायनि सायाव सोनारना फसंथानफोरा गाव-गावनि मावजेननो लानायफोरखौ जौगाहोगोन, गाव-गावनि असे दावगानायखौ नायबिजिरगोन आरो बेफोरनि थाखाय थि खालामनाय थांखिफोराव सौहैगोन, आरो अब्लानो बेफोर इयुनाव सुबुडारि फुनजि होनायनि थाखाय बिथा जानो हायो। फसंथानारि दावगानाय सानथांखि (IDP) खौ बर्डनि सोद्रोमा, फसंथानारि दैदेनगिरि, फोरोंगिरि, फरायसा आरो बिफानगिरिफोरनि जथाइ बाहागो लानायजों थियारि खालामनाय जागोन।

थामथि बाहागो (खोन्दो-III): गुबुन गुबै नोजोरथिनि आयदाफोर

20. जिउराहायारि सोलोंथाइ

20.1. जिउराहायारि थियारि खालामनाया बोसोनखान्थि आरो सुबुडारि थांखिनि गोनांथियाव मोनसे सोलोंथाइ, आब्रुथि गोनाडाव मोनसे सोलोंथाइ आरो बाहायथाइयारिनि थाखाय मोनसे सोलोंथाइखौ लोब्बा लाखिनाय जाथारगोन। बेयो मिरुयै सोरजिलु आरो आयदा-गेजेरारि गोनां साननाय, सावरायनाय, बाध्रा दान्थेलायनाय, बिजिरसं आरो गोदानारि सानखांथिखौ लोब्बा लाखिनाय जाथारगोन। बेखौ मोनफुनो थाखाय जिउराहायारि सोलोंथाइया मोनसे जर'खा आयदानि सायाव एखुथा खालामनाय जानाडा।

20.2. बेबादिनो जिउराहायारि सोलोंथाइया गासै गोजौसिन सोलोंथाइ बिखान्थिनि मोनसे एंगारहायै बाहागो जाना फैगोन। हारसिडै एबा एखुथायै सोलिना थानाय आबाद मुलुगसोलोंसालि, आयेन मुलुगसोलोंसालि, सावस्रि/देहा बिगियान मुलुगसोलोंसालि, आरोंदायारि मुलुगसोलोंसालि आरो गुबुन फोथारफोराव थानाय एखुथा सोलिना थानाय मुलुगसोलोंसालिफोरा आबुं/जथाइ आरो बांआयदायारि सोलोंथाइ होग्रा बांआयदायारि फसंथानफोर जानो थांखि लागोन। जिउराहायारि एबा सरासनस्रा सोलोंथाइ होग्रा गासै फसंथानफोरा 2030 माइथायसिमाव मोननै फारागथि गैयै आरो मोनसे खौसेथि आखुथाइयाव सोलोंथाइ होग्रा फसंथानफोर/थुबुराव गुबैयै जौगाखांहोनायनि थांखि लागोन।

20.3. लोब्बायारि आयदाफोर गोनांआबाद सोलोंथाइखौ फोथांफिननाय जागोन। हादरनि गासै मुलुगसोलोंसालिफोरनि 9% आनो आबाद मुलुगसोलोंसालिब्लाबो आबाद आरो सोमोन्दो गोनां बिगियान आयदाफोराव मुं थिसननाया गोजौसिन सोलोंथाइयाव गासैमुंथिसननायनि 1% निबो खम। साबसिन सोलोगोनां रेंगाजालिया आरो आरोंदागिरि, गोदानारि सानखांथि बिजिरसं आरो बिरोंदामिन फोनांजाबनाय आरो बाहायथाइखौ हाथाइ-बिथा गोसारहोनाय आरिनि गेजेरजों आबादारि दिहुनथाइखौ बांहोनो थाखाय आबाद आरो सोमोन्दो गोनां आयदाफोराव हानाय-गोहो आरो गुनगोनां मोननैखौबो जौगाखांहोथारगोन। सरासनस्रा सोलोंथाइजों खौसेथि खालामनाय हाबाफारिनि गेजेरजों आबाद आरो मि-फाहामनाय बिगियानआव जिउराहायारि थियारि खालामनायखौ गोखै बांहोनाय जागोन। जौनि सुबुं अनजिमा बांबोनाय आरिनि थाखाय गोनां बायदि आयदाफोर जेरै- हानि दिहुनथाइ खम जाबोनाय, बोथोर सोलायनाय, आदार थोसारनाय आरिनि फारसे नोजोर लाखिनाय आबाद सोलोंथाइनि महरखौ जायगानि गियान, दोरोडारि गियान आरो जौगाखांबोनाय बिरोंदामिन बुजिनो आरो बाहायनो हानायजों जिउराहायारि जौगानाय फारसे लांनाय जागोन। आबाद सोलोंथाइ होग्रा फसंथानफोरा जायगानि समाज एबा माहारिखौ थोंजोडै मुलामफा मोनहोथारगोन; बेनि मोनसे नोजोरा एबा राहाया बिरोंदामिन थाखो (इनकिउबेनसन) जौखांहोनो आरो जोरथाइ आदबफोरखौ गोसारहोनो आरो जौगाखांहोनो थाखाय आबाद बिरोंदामिन पार्क गायसननो हायो।

20.4. न्यायखौ गुवारै मोनहोनो आरो सम बादियै होनो थाखाय गोदान बिरोंदामिनखौ गोबानानै आरो साबसिन बाहायथाइफोरखौ आजावनानै आयेनारि सोलोंथाइया बुहुमनां बादायनाय जाथारनांगोन। बेजों लोगोसेनो बेयो समाजआरि, रांखान्थियारि आरो राजखान्थियारि न्यायनि संबिजिरारि बेसेनथि गोनां फोरमायनाय आरो बेखेवना होनाय जाथारगोन आरो सुबुं खुंथाइ, आयेन खान्थि आरो सुबुं मोनथाइ बिथिनिगेजेरजों हायुडारि दाफिननाय फारसे दैदेनलांगोन। आयेनारि फरायसंनायनि थाखाय फरायफारिया समाजआरि-हारिमुआरि आयदा जानायजों लोगोसे फोरमान-बिथा आखुथाइ, आयेनारि साननायनि जारिमिन, न्यायनि खान्थि, न्याय बिखान्थि बाहायथाइ आरो गुबुन सोमोन्दो गोनां आयदाफोरनि आरजाथाव आरो थोजासे बेरखांनाय जाथारगोन। हादरसानि आयेनारि सोलोंथाइ होग्रा फसंथानफोरा इयुननि उकिल आरो बिजिरगिरिफोरनि थाखाय इंराजी आरो हादरसानि राव मोननैजोंबो सोलोंथाइ होनायनि सोमोन्दै साननाय जाथारगोन।

20.5. सावस्रि-जोथोन सोलोंथाइखौ गोदानै सानफिननायनि गोनांथि दं जाहाथे सोलोंथाइयारि हाबाफारिनि गोनांथिनि

सम, दाथाइ आरो बुमिनआ बिफाव गोनांथि जानाय जाय रोंगाजालियाफोरा बिफाव लागोनखौ गोरोबहोनो हायो। फरायसाफोरखौ थि समनि उन उन गुदि जोथोन आरो नैथि फाहामसालि/जोथोनआव मावनायनि थाखाय गुबैयैगोनां जानाय रोखा-फोरमायथि मानथाखोजों फरायसाफोरखौ सुथाइ लानाय जागोन। जोंनि सुबुंफोरा सावस्रि-जोथोननि बेलायाव बांबासिख'नो हानाय खाबु बाहायनायखौ नोजोर होनानै जोंनि देहा-जोथोन सोलोंथाइ बिखान्थियाव खौसेथि थानाय जाथारनांगोन जायनि ओंथिया ओरैबादिदि एल'पेटिक फाहामथाइ (सिकित्सा) सोलोंथाइनि गासै फरायसाफोरा आयुबेडिक, य'गा आरो मिथिंगायारि सिकित्सा, उनानी, सिद्धा आरो हमिउपेटिक (AYUSH) नि गुदि गियान मिथिनांगोन आरो गुबुन आयदाफोराबो बे बादिनो जागोन। गासै रोखोमनि सावस्रि-जोथोन सोलोंथाइयाव रैखाथि सावस्रि जोथोन आरो माहारियारि फाहामथाइनि सायाव बांसिन गोनांथि होनाय जागोन।

20.6. आरोदायारि सोलोंथाइयाव भारतनि गासै दावगानायनि थाखाय ओंथिगोनां सोरदिडारि, बिरोंदामिन, सामलाइनाय, बुमिनसार, सहर सानथांखि, मुलैख' (पार्मासि), हटेल सामलाइनाय, जानाय-लौनाय जगायग्रा बिरोंदामिन आरिनि डिग्रि आरो डिप्ल'मा हाबाफारि थागोन। बेफोर फोथाराव गाहाम रोंगौथि गोनां सुबुं-गोहोनि थाखाय हांख्नायनायल' जानाय नडा, बेफोर फोथाराव गोदानारि सानखांथि आरो बिजिरसनो थाखाय दारिमिन आरो गोजौसिन सोलोंथाइ फसंथानफोरनि गेजेराव खाथि सोमोन्दो लालायनानै जथाइ बानजायनायनि गोनांथि जागोन। बेनि अनगायैबो, गासै सुबुडारि नाजानायाव बिरोंदामिननि गोहोमआव आरोदायारि सोलोंथाइ आरो गुबुन आयदाफोरनि गेजेराव थानाय फारागथिफोरखौ फोजोबनायनि मिजिं एबा आसाथिनाय दं। बेबादिनो, आरोदायारि सोलोंथाइखौबो बांआयदायारि सोलोंथाइ फसंथानफोर आरो हाबाफारिफोरनि सिडाव होनो थांखि लागोन आरो गुबुन आयदाफोरजों गोथौवै फोनांजाबनायनि खाबुफोरनि सायाव गोदानै नोजोर होनाय जागोन। भारत हादरआ सावस्रि, आबहावा आरो जोरथाइ सावस्रि जिउखांनायाव गोनांथार बाहायथिफोर जाय जौमोनफोरनि थाखाय साक्रि एबा हाबा मोननो हाथावनाखौ बांहोनो थाखाय सिं-रोंगाजालिया (आन्दारग्रेजुयेट) हाबाफारियाव बाहागो खालामजानाय जागोनजों जेन'मिक फरायसंनाय, जिउआरि बिरोंदामिन, नेन' बिरोंदामिन, निउर' बिगियानजों लोगोसे गोदानथार फोथारफोर जाय गोखे मुंदांखा जाबोनाय जेरै-आर्टिपिचियेल इन्टेलिजेन्स (AI), 3-D जुन्थियारि (मेसिनिं), गेदेर खारिथि बिजिरनाय आरो मेसिन लार्नि आरि फोथाराव जिउराहायारि सोरजिनो एबा थियारि खालामनो थाखायबो दैदेनबोनो आवगायबोगोन।

21. बैसोगोरा सोलोंथाइ आरो अराय-जिउ सोलोंनाय

21.1. साप्रोमबो हायुंसानि गुदि मोनथाइ महरै बिथायारि फरायनो-लिरनो हानाय, सानगोरों जानो मोननाय, सोलोंथाइ मोननाय आरो जिउखांनो मोननाय खाबुखौ नायनाय जाथारगोन। फरायनो-लिरनो हानाय आरो सानगोरों जानाय आरो गुदि सोलोंथाइया गावारि सुबुनि थाखाय गावारि नोगोरारि, रांखान्थियारि, आरो अराय-जिउ सोलोंनाय खाबुफोरनि मोनसे गोदान मुलुग खेवनानै होयो, जायनि गेजेरजों सुबुडा गावारि आरो जिउराहायारि महरै दावगालानो हायो। समाज आरो हायुडारि थाखोआव फरायनो-लिरनो हानाय आरो सानगोरों जानाय आरो गुदि सोलोंथाइया गासै गुबुनजौगाथाइयारि नाजानायखौ जाफुंसारै गोबां गुन बाहोग्रा मोनसे गोहो महरै हाबा मावो। हायुनि सायाव थानाय बुहुमनां खारिथियाफरायनो-लिरनो हानाय आरो सानगोरों जानाय आरो साप्रोम सुबुडारि GDPनि गेजेराव जोबोर जौगा सोमोन्दो लाखिलायनायखौ दिन्थियो।

21.2. गुबुन फारसे लेखा रोडै एबा फरायनो-लिरनो हायै आरो साननो रोडैनै थाखाय माखासे खाबुफोरखौ लानायाव जेंना सोमजियो, बेफोरनि गेजेराव दं- गुदि राडारि बायनाय-फाननाय खालामनो हायै, लानाय बेसेनजों मुवा-बेसादनि गुन/बिबांखौ रुजुनाय, साक्रि, ल'न, मावमिन आरिनि थाखाय आरजलाइ सुफुंनाय, रादाब बिजोंनि सुबुडारि फोसावनाय आरो लिरबिदांखौ बुजिनाय, फालांगियारि सुंजाबनो आरो सामलाइनो थाखाय दोरोडारि आरोमोब्लिबारि मडेल (मैल) बाहायनाय, गावनि जिउ आरो जिउराहाखौ जौगाखांहोनो थाखाय इन्टारनेट एबा गुबुन बिरोंदामिन बाहायनाय,

मुलि,लामायारिफोरनि दिन्थिनाय आरो रैखाथिनि बिथोनखौ बुजिनाय, गथ'साफोरखौ बिसोरनि सोलंथाइयाव मदद होनाय, भारतनि हायुंसा महरै बेनि गुदि मोनथाइ आरो बिबानफोरनि फारसे साग्रां जानाय, थुनलाइयारि सोरजिफोरखौ बाखनायनाय आरो फरायनो-लिरनो आरो सानगोरोंनि गोनांथि जानाय जेरै- गेजेर एबा जौगा दिहुथाइहोग्रा फोथाराव सोलंथाइमोननायाव जेना जानाय आरिफोर। बेयाव फारिलाइ खालामनाय हारंथाइफोरा बैसोगोरा सोलंथाइनि थाखाय आजावनाय गोदानारि सानखांथि राहाफोरनि गेजेरजों मोनफुंनो गोनां फिथाइनि मोनसे फारिलाइखौ दिन्थियो।

21.3. भारत आरो बुहुमनाडैनो बारायगा थिलि फरायसंनाय आरो बिजिरसंनायाव बे रोखा जादोंदि गावमावसोमनाय आरो समाजनि सुबुंफोरा बाहागो लानाय आरो हानजा जथाइनाया राजखान्थियारि फारसेनिफ्राय मावनो गोसो जानाय, आफादारि दाथाइ, आरजाथाव सानथांखि, थोजासे रांखान्थियारि मदद आरो फोरोंगिरि आरो गावमावसोमफोरनि जौगा-गुनगोनां हानाय गोहो दानायनि लोब्बायाव बैसोगोरा सोलंथाइ (लेखा रंथाइ) हाबाफारि जाफुंसारनाय जाहोननि मोनसे साबि। जाफुंसार लेखा रंथाइ हाबाफारिया बैसोगोराफोरनि गेजेरावल' लेखा रंथाइखौ बारायहोआ नाथायबे सुबुंसमाजनि गासै गथ'साफोरनि थाखाय सोलंथाइ बिनाइ/नांगौथिखौ बांहोयो लोगोसेनो सोरजिलु समाज महरै सोलायनायाव सुबुंसमाजनो बांसिन अबदान होयो। 1988 माइथायाव जेब्ला हायुडारि लेखा रंथाइ मिसना (हायुडारि फरायनो-लिरनो हानाय आरो सानगोरों खालामनाय मिसना) जागायदोंमोन अब्ला बे गुबैयै सुबुंफोरनि गावमावसोमै बाहागो लानाय आरो मददनि सायाव बिथा खालामजानायमोन, जायनि फिथाइ महरै हादरआव 1991-2011 नि जिथाइयाव आइजोफोरनि गेजेराव लेखा रंथाइखौ लाफानानै आबुं फरायनो-लिरनो हानाय आरो सानगोरों जानाय मोननायाव मुख'जाथावै बांदोंमोन आरो बै समनि आरजानाय समाजआरि सावराय आयदाफोराव रायज्जलायनाय आरो सावरायज्जलायनाय मोन्दोंमोन।

21.4. जर'खायै समाजआरि बाहागो लानाय आरो मोजाडै सोलिनाय आरो मुलाम्फागोनाडै बिरोंदामिनखौ खौसेथि खालामनाय खाबु होनो थाखाय बैसोगोरा सोलंथाइनि थाखाय गोख्रों आरो गोदानारि सानखांथिजों सोरखारा मावजेनराहा लानायफोरा 100% फरायनो-लिरनो हानाय आरो सानगोरों जानाय मोनफुंनायनि गासै गोनां थांखिफोरखौ गोख्रै मावफुंनायाव मदद खालामगोन।

21.5. गिबियावनो, मोनसे जोबोर मोजां बैसोगोरा सोलंथाइनि फरायफारि खाथामआ NCERT नि मोनसे गोदान आरो मोजाडै मदद होजानाय संबिजरारि आफाद जाय बैसोगोरा सोलंथाइनि थाखाय बावसोमग्राजों जौगाखांहोजागोन जाहाथे फरायनो-लिरनो हानाय, सानगोरों खालामनाय, गुदि सोलंथाइ, हाबायारि सोलोफोर आरिनि थाखाय जोबोर मोजां फरायफारि थियारि खालामनायाव NCERT नि थाखानाय रोंगौथिनि रोखोमसे जौगाखांहोनो आरो दानो हायो। बैसोगोरा सोलंथाइनि थाखाय फरायफारि खाथामआव मोनफ्रोमआवबो रोखा होखानाय फिथाइफोरजों बाडाइयैब्लाबो मोनबा रोखोमनि हाबाफारि थागोन, बेफोर जादों: (क) बिथायारि फरायनो-लिरनो हानाय आरो सानगोरों खालामनाय (ख) ओंथिगोनां जिउनि सोलोफोर (जेरै- राडारिनि सोमोन्दै रंनाय, डिजिटेलनि गियानरंनाय, फालांगियारि सोलोफोर, सावस्रि जोथोन आरो साग्रांथि, गथ'सा जोथोन आरो सोलंथाइ आरो नखर अनसाय लाफाना); (ग) हाबायारि सोलोफोर दावगानाय (जायगायावनो साक्रि एबा हाबा मोनहोनायनि फारसे मोनसेनोजोरजों); (घ) गुदि सोलंथाइ (थियारि, गेजेर, गोजौ एबा गोजौसिन थाखोनि समानखौ लाफानानै); (ङ) सोलिफु सोलंथाइ (जेरै- आरिमु, बिगियान, बिरोंदामिन, हारिमु, गेलेमु आरो रंजानाय-बाजानाय आरिनि अनगायैबो जायागनि फरायसाफोर बाहायनाय एबा गोसो जानाय गुबुन आयदाफोर जेरै- ओंथिगोनां जिउ सोलोफोरनि सायाव गोबांजौगा मुवाफोराव थानाय आबुं/जथाइ बैसोगोरा सोलंथाइ फरायफारियाव नांथाबहोनायखौ लाफानानै)। फरायफारि खाथामआ बे बाथ्राखौ गोसोआव लानांगोनदि गोबां बिथिडाव थानाय बैसोगोराफोरा गथ'साफोरनि थाखाय साजायनाय फरायफारिनिखुइ गुबुन गुबुनफोरों-सोलों आदब आरो मुवाफोरनि गोनांथि जायो।

21.6. नैथियाव, आरजाथाव इंसिंदाथाइखौ रोखा खालामनाय जागोन जाहाथे गासै गोसो जानाय बैसोगोराफोरा

बैसोगोरानि सोलोंथाइ आरो अराय-जिउ सोलोंनाय मोननो हानाय जागोन। बे बिथिडाव थानाय गाहाय मावजेनराहाफोरा जागोन बैसोगोरा सोलोंथाइ कर्सनि थाखाय फरायसालि/फरायसालि सोरबेंखनखौ फरायसालि गखानायनि उनाव, जोबथा बन्द' बाराइयाव आरो सुबुं/सरकारि बिजाबबाख्रि उदांथि होनायाव बाहायनो थाखाय, जेराव खाबु थायो आरो हाथाव जायो बेयाव ICT-बिथिडारि बाहायनाय थागोन आरो गुबुन समाजनि सुबुंफोर बाहागो लानाय आरो मावफारिखौ जौगाखांहोनायनि थाखाय जागोन। फरायसालि सोलोंथाइ, गोजौसिन सोलोंथाइ, बैसोगोरा सोलोंथाइ आरो हाबायारि सोलोंथाइनि थाखाय आरो गुबुन समाजनि सुबुं आरो गावमावसोम मावफारिनि थाखाय इसिंदाथाइखौ सेयार खालामनाय एबा बाहागो राननाया देहायारि आरो सुबुं मोननैबो फुंखाफोरखौ मोजाडै बाहायनायखौ रोखा खालामनायजों लोगोसे बेफोर मोनबा रोखोमनि सोलोंथाइ आरो गुबुनफोरनि गेजेराव सोमोन्दो लाखिनाय एबा रोखोमसे सोरजिनायनि थाखाय गोनांथार जागोन। बेफोर जाहोनफोरनि थाखाय, बैसोगोरा सोलोंथाइ मिरु (AEC) आ गुबुन सुबुडारि/सरकारि फसंथानफोर जेरै-गोजौसिन सोलोंथाइ फसंथानफोर, हाबायारि फोरोंथाइ फसंथान मिरु आरिनि सिडावनो सोफादेरजानाय हायो।

21.7. थामथियाव, बैसोगोरा सोलोंथाइ फरायफारि खाथामआव बेखेवनाय बादियै गासै मोनबा रोखोमनि बैसोगोरा सोलोंथाइनि थाखाय राग'नाय फरायसाफोरनो बुजिहोनो बिथोनगिरिफोर/फोरोंगिरिफोरा फरायफारि खाथामनि सायाव बिबुंथि होगोन। बे बिथोनगिरिफोरखौ बैसोगोरा सोलोंथाइ मिरुआव सोलोंनाय मावफारिफोरखौ खुंफुंनाय आरो दैदेननायजों लोगोसे गावमावसोम बिथोनगिरिफोरजों सोमोन्दो खालामनो थाखाय हायुडारि, हादरसायारि आरो जिह्ला थाखोआव फुंखा मदद खालामग्रा फसंथानफोरा मदद होगोन। मोनफ्रोमबो गोजौसिन सोलोंथाइ फसंथानफोरनि मिसननि बाहागो बादियै गोजौसिन सोलोंथाइ फसंथानफोरनिफ्राय लाफानानै रोंगौथि गोनां समाजनि सोद्रोमाफोरखौ गावसोरनि जायगानि समाजनि सुबुंफोरजों नांजाबफानो थाखाय थुलुंगा होनाय जागोन आरो बैसोगोरा लेखा रॉनाय बिथोनगिरि बादियै सुंद' फोरोंथाइ कर्स लानो आरो गावमावसोम खालामनो थाखाय एबा साफा-साफा फरायसानि सायाव गावमावसोम फोरोंदेस्रा बादियै मावनो बरायजानाय जागोन आरो हादरआव गावसोरनि गोनांथार मावनायनि थाखाय मान होजानाय जागोन। फरायनो-लिरनो हानाय आरो सानगोरों खालामनाय आरो बैसोगोरा सोलोंथाइनि फारसे नाजानायखौ जौगाखांहोनो थाखाय हादरसाफोरा सरकारि नडै आफाद (जेरै-NGO) आरो गुबुन समाजआरि आफादफोरजों हाबा मावगोन।

21.8. ब्रैथियाव, बैसोगोरा सोलोंथाइयाव समाजनि सुबुंफोरा बाहागो लानायखौ रोखा खालामनो थाखाय गासै रोखोमनि नाजानाय जागोन। समाजनि मावग्रा/सुबुरुनगिरिफोरा गावसोरनि समाजआव थानानै मुं-थिसनै फरायसा आरो फरायसालि नागारनाय फरायसाफोरनि सोमोन्दै सुलाद लाहैनो आरो बिसोरनि बाहागो लानायखौ रोखा खालामनो थाखाय खावलायजानाय जागोन आरो बिसोरो गावसोरनि दावबायथिंनाय समाव बिमा-बिफा, जौमोन आरो गुबुनफोर जेरै-मोननैसोलोंग्राफोर आरो फोरोंगिरि/फोरोंदेस्रा महरै बैसोगोरा सोलोंथाइनि खाबुफोरनि सोमोन्दै गोसो गुदुंनि खारि लागोन एबा बुथुमगोन। समाजनि मावग्रा/सुबुरुनगिरिफोरा अब्लानो जायगानि बैसोगोरा सोलोंथाइ मिरुजों (AEC) बिसोरखौ सोमोन्दो खालामना होगोन। जासिथाइ आरो फोसावथाइनि गेजेरजों आरो सरकारि-नडै आफाद आरो जायगानि गुबुन गुबुन आफादफोरनि हाबाफारि आरो मावजेनराहाफोरनि गेजेरजोंबो बैसोगोरा सोलोंथाइनि खाबुफोरखौ गुवारै फोसावनाय जागोन।

21.9. बाथियाव, जौनि समाज आरो सोलोंथाइ फसंथानफोराव फरायनाय हुदा सोरजिनो थाखाय बिजाबफोरखौ मोननो हानाय आरो मोननो गोरलै खालामनाया गोनांथार। बे सोलोंथाइ बिखान्थिया ओरैबादि गनायसंनाय होयोदि गासै समाज आरो सोलोंथाइयारि फसंथानफोर जेरै-फरायसालि, फरायसालिमा, मुलुगसोलोंसालि आरो सुबुडारि/सरकारि बिजाबबाख्रिफोरखौ फोगोमनाय आरो गोदानथि महर होनाय जागोन थोजासे बिबांनि बिजाब मोननायखौ रोखा खालामनो थाखाय मानोना बेयो जर'खा गोनांथि जानाय (नोरजिया) सुबुं आरो गुबुन जर'खायै हानाय सुबुंफोरखौ लाफानानै गासै फरायसाफोरनि गोनांथि आरो गोसो जानायखौ सुफुंनो हायो। मिरु आरो हादरसा सोरखारफोरा समाजआरि-रांखान्थियारि बिथिडाव गोरलैसोनाय ओनसोल लोगोसे गामियारि आरोगोजान थांस'हायै जायगाफोरखौ लाफानानै हादरआव थानाय

गासै जायगायाव बिजाबफोरखौ गोरलैयै मोननो हानाय आरो बाडाइ बेसेनावनो बायनो हानायखौ रोखा खालामनो थाखाय राहा लागोन। सुबुडारि/सरकारि आरो गावारि सेक्टर एजेन्सि/फसंथानफोर मोननैबो गासै भारतारि रावफोराव सेबखानाय गुनगोनां आरोगोसो बोनो हनाय बिजाबफोरखौ जौगाखांहोनो थाखाय आदबखान्थि जथाइगोन। बिजाबबाख्रिनि बिजाबफोरखौ गोरलैयै अनलाइनजो मोननो हाहोनाय आरो डिजिटेल बिजाबबाख्रिफोरखौ बांसिन सुबुंफोरा बाहायनायखौ बांहोनो थाखाय राहा लानाय जागोन। समाजनि सुबुंफोरनो आरो सोलोथाइ फसंथानफोराव साग्रां-जिउगोनां बिजाबबाख्रि बाहायनो मोननायखौ रोखा खालामनो थाखाय थोजासे अनजिमानि बिजाबबाख्रि मावफारिया थानायजो लोकोसे बिसोरनि आरजाथाव जिउखां लामा आरो अराय (सोलिफु) जिउराहायारि दावगानाय (CPD) होनायनि गोनांथि दं। गुबुन लानो गोनां राहाफोरनि गेजेराव दं-थाखानाय बिजाबबाख्रिफोरखौ फोगोमनाय/गोख्रोंसिन खालामनाय, गोम्लैसोनाय एबा खाबुमोनै ओनसोलफोराव गामियारि बिजाबबाख्रि आरो फरायग्रा खथा गायसननाय, भारतारि रावफोराव गोबां फरायग्रा मुवाफोरखौ गुवारै मोनहोनाय, गथ'सा बिजाबबाख्रि आरो गिदिंबायग्रा बिजाबबाख्रि उदाडै मोनहोनाय, गासै भारत हादर आरो आयदाफोराव समाजआरि बिजाब क्लब गायसननाय आरो बिजाबबाख्रि आरो सोलोथाइ फसंथानफोरनि गेजेराव बांसिन जथाइ बानजायलायनाय जौगाखांहोनाय।

21.10. जोबथारनायाव गोजौआव मुख'बोनाय गासै मावजेनराहाफोरखौ गोख्रों खालामनो आरो मावफुंनो थाखाय बिरेंदामिननि मदद लानाय जागोन। सरकारि आरो सरकारि/गावारि-बानजायनाय मावजेनराहाफोरजो लोकोसे क्राउड सरसिं आरो बादायलानायनि गेजेरजो बैसोगोरा सोलोथाइनि थाखाय गोनांथार बिरेंदामिनआरि-बिथा खाबु-राहा जेरै-एप्स, अनलाइन कर्स/आखाइ बिजाबसा, ग्रह'सायारि (चेटेलाइट) बिथा टेलिभिजन चनेल, अनलाइन बिजाब आरो ICT-बिथिडारि बिजाबबाख्रि आरो बैसोगोरा सोलोथाइ मिरु आरिफोर जौगाखांहोनाय जागोन। माखासे बिथिडाव गुनगोनां बैसोगोरा सोलोथाइनि मावफुंनायखौ मोनसे अनलाइन एबा गलाइ मडजो मावफुंनाय जागोन।

22. भारतारि रावफोर, आरिमु आरो हारिमु जौगाखांहोनाय

22.1. थानाय रोजा बोसोराव आरिमु, थुनलाइयारि सोरजि, आसारखान्थि, दोरों, रावबिगियानारि फोरमायथि, महर-सोरजि, जारिमिनारि एबा हारिमुआरि दोरों आरो गोबां नुथाइफोराव बेरखानाय महरजो भारत हादरआ मोनसे दोहोनि हारिमुनि बाख्रि। भारतआव दावबायनो, भारतारि आलासि महरै सिबिजानो, भारतनि समायना आखाइ दामिन आरो आखाइजो दानाय-लुनाय जि-जोमफोरखौ बायनो, भारतनि गोजाम थुनलाइयारि सोरजिफोरखौ फरायनो, य'गा एबा ध्यान उनसोलोनो/बानायनो, भारतारि सानथौ बिगियानजो थुलुंगाखांनो, भारतनि आगोमा एबा रुजुजायै फोरबोफोराव बाहागो लानो, भारतनि बायदिमैया देंखो आरो आरिमुखौ बाखनायनो आरो गोबां गुबुन गुबुन बिथिफोराव थानाय भारतारि सावथुनफोर नायनो थाखाय बुहुमनि कौटि-कौटि दावबायारिफोरा भारतआव दावबायफैना नै सानफ्रोमबोयै बे हारिमुआरि दोहोनिनिफ्राय गोजोननाय लायो आरो मुलामफा लायो। बेफोर हारिमुआरि आरो मिथिगायारि फुंखा/दोहोनफोरानो भारतनि दावबाय बिफाननि स्ल'गान'रुजुजायै भारत'खौ थारैनो फोरमान खालामो। भारतनि बे हारिमुआरि फुंखाफोरखौ संरैखा खालामनाय आरो जौगाहोनाया थारैनो हादरनि मोनसे गाहाय आगुथि सानजानाय जागोन, मानोना बेयो हायुंनि सिनायथि आरो रांखान्थिनि थाखाय थारैनो गोनांथार।

22.2. भारतारि आरिमु आरो हारिमुखौ जौगाखांहोनाया हायुंनि थाखायल' गोनांथार नडा बेयो गावारि सुबुंनि थाखायबो गोनां। गाहाय हारेंथाइफोरनि मादाव हारिमुआरि सांग्रांथि आरो फोरमायनो हानाय गोहो थानायखौ गथ'साफोरनियाव जौगाहोनांगोन जाहाथे बिसोरो गावसोरखौनो सिनायथिनो, मोन्दांनो हायो आरो गुबुन हारिमुफोरखौ बाखनायनाय आरो सिनायनाय सोरजिनो हायो। गथ'साफोरनि गेजेराव बिसोरनि आंगो हारिमुआरि जारिमिन, आरिमु, राव आरो दोरोंफोरनि गोख्रों मोनदांथि आरो गियान जौगाहोनायनि गेजेरजोनों सोरजिलु हारिमुआरि सिनायथि आरो गावखौ मान होनाय सानस्रि दाना होनो हायो। बेनिखायनो हारिमुआरि सांग्रांथि आरो फोरमायथिनो हानाया गावारि सुबुं आरो समाज अनसाय मोननैयावबो अब'दान होनो थाखाय गोनांथार।

22.3. हारिमु फोसावनायनि मोनसे गाहाय बिजोंआ जादों आरिमु। आरिमुआ हारिमुआरि सिनायथि, साग्रांथिखौ फोगोमनाय आरो समाजखौ जौगाहोनायनि अनगायैबो गावारि सुबुंनि सानदांथाइयारि आरो सोरजिलु हानाय गोहोखौ बांहोनो आरो गावारि सुखु-गोजोनखौ बांहोनो थाखाय मिथिजानाय जायो। गावारि सुबुंनि सुखु-गोजोन, सानदांथाइयारि जौगानाय आरो हारिमुआरि सिनायथिया गोनांथार जाहोनफोरदि बेनिखायनो जाय गासै रोखोमनि भारतारि आरिमुफोरखौ आगुगथ'सा जोथोन आरो सोलॉथाइ थाखोनिफ्राय जागायनानैगासै थाखोनि सोलॉथाइयाव फरायसाफोरनो लाहोनाय एबा होनाय जाथारगोन।

22.4. रावा थारैनो गोखौं महरै आरिमु आरो हारिमुजों सरजाबनानै थायो। गुबुन गुबुन राव रायज्जलायग्रा सुबुंफोरा बुहुमखौ गुबुन नोजोरजों नायो आरो बेनिखायनो मोनसे रावनि दाथाइया सासे गामियारि राव रायज्जलायग्रा सुबुंफोरनि रॉमोन्दांथियारि बुजिमोनखानाय गोहोखौ थि खालामो। जर'खायै मोनसे हारिमुनि सुबुंफोरा गुबुनफोर जेरै- नखरनि सोद्रोमा, बिगुमा एबा मावख'गिरि, लोगो-दिगि आरो गुबुन सिनायमोनै सुबुंफोरजों राज्जलायनायाव रावफोरा गोहोम गोग्लैयो आरो रायज्जलायनि आदब एबा रिसारआवबो गोहोम गोग्लैयो। मोनसे सरासनस्रा रावजों रायज्जलायगिरिफोरनि गेजेराव बाथ्रा सावरायनायाव थानाय रिसार, रॉमोन्दांथिनि बुजिमोनखानाय गोहो आरो 'आपनापन'/आंगो-आंगो मोन्दांथिया हारिमुनि मोनसे लिरथुमलाइ आरो रिफिखानाय। बेनिखायनो जौनि रावफोरखौ हारिमुआ खोबनानै दोनो। राव गैयाब्ला थुनलाइ, फावथाइ, देंखो, सावथुन आरिफोरनि महराव थानाय आरिमुखौ आबुडै बाखनायनो हाया। हारिमुखौ जौगाखांहोनो आरो संरैखा खालामनो थाखाय मोनसे हारिमुनि रावफोरखौ जौगाखांहोथारनांगोन आरो संरैखा खालामथारनांगोन।

22.5. दुखुनाथावै, भारतारि रावफोरा गावसोरनि जेरैबादि नोजोर आरो जोथोन मोननांगौमोन बेबादिखौ मोननो हायाखै जायनि थाखाय थानाय 50 बोसोरल'आवनो मोन 220 नि बारा रावफोरा गोमालांबाय। UNESCO आ मोन 197 भारतारि रावफोरखौ गोमोरलांहां/थैहां राव महरै फोसावबाय। जर'खायै माखासे हांखो गैजायै रावफोरा जोबस्रांलानायनि खैफोद लामायाव दं। जेब्ला मोनसे हारि एबा समाजनि राव राज्जलायग्रा गागि सोद्रोमाफोरा थैलाडो अब्लानो बै रावफोराबो गोमालांफायो आरो बेफोरबादि दोहोनि राव/हारिमुफोरखौ संरैखा एबा रेकर्ट खालामना दोननायनि मोनबो मावफारि एबा राहा लानाय जायाखै।

22.6. बेनि अनगायैबो, माखासे भारतारि रावफोरबो दं जायफोरखौ मावख'आरि महरै गोमोरलांहां रावनि फारिलाइयाव सोफानाय जायाखै जेरै- भारत संबिजिरनि दाइनथि फारियाव सोसनजानाय मोन 22 रावफोरा गोबां बिथिडाव गोब्राब जेंनाजों मोगा-मोगि जानांदों। भारतारि रावफोरनि फोरोंनाय आरो सोलॉनायखौ मोनफ्रोमबो थाखोआव थानाय फरायसालि आरो गोजौसिन सोलॉथाइजों खौसेथि एबा ज' खालामनायनि गोनांथि दं। रावफोरखौ आरजाथाव आरो साग्रां जिउगोनां महरै फोथाना लाखिनो थाखाय बेफोर रावफोराव थानाय फरायबिजाब, हाबा बिजाब, बिडिअ', फावथाइ, खन्थाइ, सल'मा, लाइसिआरिफोरखौ लाफानानै जौगा-गुनगोनां सोलॉनाय आरो सेबखानाय मुवाफोरा मोनसे दिदोम बोहैथि दाहार जाथारनांगोन। रावफोरा गुवारै गोसारनाय गावसोरनि सोदोबबाखि आरो सोदोब बिहुंफोरनि जेब्लाबो मावख'आरि महरै आपडेट होबाय थानायबो थाथारनांगन जाहाथे बेफोर रावफोराव गोदान गोदान आयदा आरो सानदांथि/गुमुफोरखौ गोहोम गोनाडै सावरायनो हानाय जायो। बेफोरबादि सोलॉनाय मुवा, सेबखानाय मुवा आरो बुहुमनि रावफोरनिफ्राय गोनांथार मुवा/लिरबिदांफोर रावसोलायनायखौ मोननो हानाय खालामनाय आरो जेब्लाबो सोदोबबाखि आपडेट होबाय थानायखौ माखासे रावफोर जेरै- इंराजी, फ्रान्स, जार्मान, हिब्रु, करियान आरो जापानीस आरि रावफोराव बुहुमआव थानाय माखासे हादरफोरजों लाबोजानाय एबा मावफुंजानायखौ नुनो मोनो। अदेबानि भारतआ गावसोरनि रावफोरखौ खौसेथि गोनां मोजाडै साग्रां जिउगोनां आरो बाहायफुंनाय लाखिनायखौ मदद होनो थाखाय माखासे मुवाफोर जेरै- सोलॉनाय आरो सेबखानाय मुवाफोर, सोदोब बिहुं आरिफोर दिहुननायाव जोबोर लासैसो दावगादों।

22.7. बेनि अनगायैबो, माखासे राहा लासेयावबो भारतआव सोलोगोनां राव फोरोंग्रा फोरोंगिरिफोरनि जोबोर आंखाल नुनो मोनो। राव फोरोंनायखौबो रावनि थुनलाइ, सोदोबबाखि, रावखान्थियारिनि सायावल' फोरोडाब्लानो रावनि बांसिन

बाहायथाइयारि आरोबाभ्रा रायज्जायनाय आरो बाहागो लानो हानाय-गोहोनि सायाव नोजोर होनायखौ जौगाखांहोनांगोन। रावफोरा बाभ्रा सावरायनाय आरो फोरों-सोलोंनि थाखाय बांसिन गोहोम गोम्लैनायै बाहायजानाय जागोन।

22.8. फरायसालिनि गथ'साफोरनि राव, आरिमु आरो हारिमुखौ थुलुंगा होना जौगाखांनो थाखाय लानाय मावजेनराहाफोरखौ आयदा 4 आव सावरायनाय जाबाय, जेराव दं गासै फरायसालि थाखोआव देखो, आरिमु आरो दामिननि सायाव बांसिन गोनांथि/जर होनाय, बांरावारि बादखौ जौगाखांहोना थाखाय थाम-रावारि फरमुलाखौ गोख्रै बाहायफुंनाय, जेराव मावनो हाथाव बेयाव नखरनि/जायगानि रावजों फोरोंनाय, बांसिन बाहायथाइयारि राव सोलोंनाय खुंफुंनाय, जायगानि साबसिन-हामसिन आरिमुगिरि, लिरगिरि, आखाइनि दामिनगिरि आरो गुबुन रंग'साफोरखौ जायगानि सोलोफोर थानाय माखासे आयदाफोराव फोरोंगिरि बिथोनगिरि महरै हांखायनाय, ट्राइबेल माहारि गियान आरो जायगानि गुबुन गियानफोरखौ लाफानानै दोरोडारि भारतारि गियानखौ गासै फरायफारि, गासै सुबुंथि, बिगियान, आरिमु, आखाइनि दामिन आरो गेलेमु आरिफोराव थि सोसनदेरफानाय, जेब्ला आरजाथाव जायो अब्ला, आरो जर'खायै गोजौ फरायसालि आरो गोजौसिन सोलोंथाइयाव फरायफारिफोराव बांसिन गुरुंथि खालामनायबो दं जाहाथे फरायसाफोरा गावसोरनि थाखाय मोनसे आदर्श समानथि लाखिनानै कर्सफोरनि मादाव सायख'ना लानो हायो गावसोरनि असे सोरजिलु, आरिमुआरि, हारिमुआरि आरो सोलोंथाइयारि राहालामाखौ जौगाखांहोना थाखाय।

22.9. गोजौसिन सोलोंथाइ थाखोआरो गुबुनाव सोलोंथाइजों उन-सिगां गोरबनानै आगान सुरफानो उनाव मुख'नाय गुबै मावजेनराहाफोरखौ मावफुंनो हानाय खालामनो आरोबाव माखासे मावहाबाफारि लानाय जागोन। गिबियावनो, गोजौआव मुख'नाय गोबां रोखोमनि कर्सफोरखौ जौगाखांहोना आरो बेफोरखौ फोरोंनो थाखाय मोनसे जोबोर मोजां मोनसे फोरोंगिरि आरो बिफानगिरि हानजा जौगाखांहोनाय जागोन। भारतारि रावफोर, रुजुथाइ थुनलाइ, सोरजिलु लिरनाय, आरिमु, देखो, सानथौ बिगियान आरिफोरनि मोनसे गोख्रों बिफान आरो हाबाफारिखौ हादरनाडैनो जागायनाय आरो जौगाखांहोनाय जागोन आरो 4 बोसोरारि B.Ed. मोननै डिग्रिखौ लाफानानै बेफोर आयदाफोराव डिग्रि कर्स जौगाखांहोनाय जागोन। बेफोर बिफान आरो हाबाफारिफोरा जर'खायै बे बिखान्थिखौ मावफुंनायाव गासै हादरआव गोनांथि जानाय जौगा गुनगोनां राव फोरोंगिरि लोगोसेनो आरिमु, देखो, सानथौ बिगियान आरो सोरजिलु लिरनायनि फोरोंगिरिफोरनि मोनसे गेदेर केदार जौगाखांहोनायाव मदद होगोन। NRF आ बे गासै फोथाराव गुनगोनां बिजिरसंनि थाखाय राडारि मदद होगोन। जायगानि बयनिखुयबो साबसिन आरिमुगिरि आरो आखाइनि दामिनगिरिफोरखौ आलासि फोरोंगिरि एबा बिफानगिरि महरै हांखायनाय जागोन जायगानि देखो, आरिमु, राव आरो आखाइनि दामिनखौ जौगाखांहोना थाखाय आरो फरायसाफोरा गावसोर फरायनाय जायगानि हारिमु आरो गियाननि फारसेसांग्रां जानायखौ रोखा खालामनो थाखाय। गंफ्रोम गोजौसिन सोलोंथाइ फसंथानफोर आरो गंफ्रोमबो फरायसालि एबा फरायसालि सोरबेंखनफोराबो फसंथानफोराव आरिमुगिरिफोर लाखिनो नाजागोन फरायसाफोरनो आरिमु, सोरजिलु लिरनाय आरो ओनसोल/हादरनि दोहोनि फुंखा बाख्निनि सोमोन्दै मिथिहोना थाखाय।

22.10. बांसिन गोजौसिन सोलोंथाइ फसंथानफोराव आरो गोजौसिन सोलोंथाइनि बांसिन हाबाफारिफोराव बिमा राव/जायगानि रावखौ सोलोंथाइनि बिजों महरै बाहायनाय जागोन आरो गासै भारतारि रावफोराव फरायनो मोननो हानाय आरो गासै मुं थिसननाय रुजुज'खा (GER) आरो गोख्रोंथि, बाहाइथि आरो साग्रां जिउ गोनांथिखौ बांहोना थाखाय हाबाफारियाव नैरावजों (मोननै रावजों) फोरोंनाय जागोन। गावारि गोजौसिन सोलोंथाइ फसंथानफोरखौबो बिमानि रावखौ फराय बिजों बाहायनाय आरो हाबाफारि समाव मोननै राव बाहायनायनि थुलुंगा आरो अन्थोबारि-थुलुंगा होनाय जागोन। 4 बोसोरारि B.Ed. मोननै डिग्रि हाबाफारिखौ मोननै रावजों खालामनायावबो मदद जागोन, बिदिन्थि महरै- गासै हादरनाडै फरायसालिफोराव मोननै रावजों बिगियान आरो सानखान्थि फोरोंनो थाखाय बिगियान आरो सानखान्थि फोरोंगिरिफोरनि फोरोंथाइ केदारआव दं।

22.11. गोजौसिन सोलोंथाइ बिखान्थिनि सिडाव रावसोलायनाय आरो बुंस्लायनाय, आरिमु आरो रैखाथुमसालि

(मिउजियाम) खुंथाइ, गोदोमिन, महर-सोरजि संरैखा, ग्राफिक बुमिन आरो वेब बुमिन आरिनि जौगा-गुनगोनां हाबाफारि आरो डिग्रिबो सोरजिनाय जागोन। गावनि आरिमु आरो हारिमुखौ संरैखा खालामनो आरो जौगाखांहोनो थाखाय गुबुन गुबुन भारतारि रावफोराव जौगा-गुगोनां मुवा जौगाखांहोनाय, महर-सोरजि संरैखा खालामनाय, रैखाथुमसालि आरो जारिमिनारि मोनथाइ एबा दावबायथिलिफोरखौ नोजोर होनो आरो सामलाइनो थाखाय जौगा रंगौथि गोनां सुबुंफोरखौ जौगाखांहोनाय, जायनि गेजेरजों दावबाय दारिमिनाबो गुवारै गोख्रोंथि मोननो हागोन।

22.12. भारतनि बायदिमैया दोहोनि गियानखौ सोलोंगिरिफोरा थोंजोडै मोनलोंनांगोन एबा मोननांगोन होनना बे बिखान्थिया सिनायथि एबा गनायथि होयो। बेनि ओंथिया फरायसाफोरखौ हादरनि गुबुन गुबुन ओनसोलाव/जायगायाव दावबायहोनाय बादि गोरलै मावफारिफोरनि गेजेरजों जाय दावबायथिलिखौ जौगाखांहोनायल' नडा नाथाय बेनि गेजेरजों भारतनि गुबुन गुबुन बाहागोनि बायदिमैया, हारिमु, दोरों आरो गियानफोरखौ मिथिनाय आरो बाखनायनायनिबो खाबु मोनगोन।बे बिथिडाव “गंसे भारत साबसिन भारत” गेजेरजों हादरनि मोन 100 दावबाय थावनिफोरखौ सिनायथिनाय जागोन, जेराव गोजौसिन सोलोंथाइ फसंथानफोरा गावसोरनि फरायसाफोरखौ बेफोर दावबाय थावनिफोरनि सोमोन्दै गियान बांहोनो थाखाय बेफोर दावबाय थावनि आरो बेफोरनि जारिमिन, बिगियानारि अब'दान, दोरों, हादरआरि थुनलाइ आरो गियान आरिखौ फरायसंनो थाखाय थिनहरनाय/दैथायहरनाय जागोन।

22.13. गोजौसिन सोलोंथाइयाव आरिमु, राव आरो सुबुंथिनि फोथाराव बेबादि हाबाफारि आरो दिग्रि सोरजिनायनि गेजेरजों साक्रि एबा हाबा थिसननायनि जौगा-गुनगोनां खाबुफोरा नुजाबोगोन आरो बेफोर रंगौथिफोरखौ गोहोम गोनाडै हाबायाव बाहायनो हागोन। बेयाव जौ एकाडेमि, रैखाथुमसालि, आरिमु गेलारि आरो जारिमिनारि मोनथाइ थावनिफोर दंखायो गाव गावनि मोजां/गोहोमगोनां हाबा मावनायनि थाखाय रंगौथि गोनां सुबुंफोरनि गिनो गोनां बादियै। बेफोर मासिफोरा आरजाथाव रंगौथि गोनां सुबुंफोरजों सुफुंजानाय आरो महर-सोरजिफोरा जोथोन लाजानाय आरो संरैखा खालामजालांबाय थानाय बादियै आबुं गनायजानाय नडै (भारसुवेल) रैखाथुमसालि/इ-रैखाथुमसालि, गेलारिफोरखौ लाफानानै उफ्रा रैखाथुमसालिया भारतनि दावबाय दारिमिनजों लोगोसे जौनि जारिमिनारि मोनथाइ थावनिफोरखौ संरैखा खालामनायाव मदद होनो खाबु गोनां राहा जागोन।

22.14. गुबुन गुबुन भारतारि आरो गुबुन हादरनि रावफोराव जौगा-गुनगोनां सोलोंनाय मुवाफोर आरो गुबुन गोनांथार लिरनाय आरो बुंनाय मुवाफोर सुबुंफोरनो मोनहोनो थाखाय भारतआव गोख्रैनो बेनि रावसोलायनाय आरो बुंस्लायनाय नाजानायफोरखौ बांहोगोन। बेनि थाखाय मोनसे भारतारि रावसोलायनाय आरो बुंस्लायनाय फसंथान (ITI) गायसननाय जागोन। गासै भारतारि रावफोरखौ जौगानायाव मदद खालामनो थाखाय बे रोखोमनि फसंथानआ हादरनि थाखाय थारैनो गोनांथार मावमिन होनायजों लोगोसे गोबां बांरावारि राव आरो आयदा रंग'सा आरो रावसोलायगिरि आरो बुंस्लायगिरि रंग'साफोरखौ थिसनथाइ होगोन। ITI आ गावनि रावसोलायनाय आरो बुंस्लायनाय नाजानायनि थाखाय बिरोंदामिनखौ गोहोम गोनाडै बाहायगोन। ITI आ समजों गोरबनानै सरासनस्रायै जौगाखांबोगोन आरो बिनाइ आरो रंगौथि बिनाइसानि आनजिमा बांबोनाय लोगो लोगो गोजौसिन सोलोंथाइ फसंथानफोरखौ लाफानानै गोबां जायगायाव दारिमिन महरै मावख' खुलिगोन, जाहाथे बिजिरसं बिफानजों जथाइ बानजायनायाव मदद मोननो हायो।

22.15. संस्कृत रावनि फैलाव फोथार आरो ओंथिगोनां अब'दान आरो गासै बाहागो आरो आयदाफोराव थानाय थुनलाइ, हारिमुआरि ओंथिगोनां आरो बेनि बिगियानारि आरिखुनि थाखाय फोरोंनायामोनसेल'-बोहैथि दाहार संस्कृत पाठशाला आरो मुलुगसोलोंसालिफोराव सिमा गोनां जानायनि अनगायैबो संस्कृत रावआ थाम-रावारि फरमुलानि गेजेरजों मोनसे सायख'ना लानो हानाय राव महरै खाबु होनायखौ लाफानानै फरायासालियाव गोख्रों खाबु होनायजों गुबै-बोहैथि दाहारनि लाबोजानाय जागोन आरो गोजौसिन सोलोंथाइयावबो लानो हानाय जागोन। बेखौ एखुथायै फोरोडाब्लानो गोसो बोनो हानाय आरो गोदानारि सानखांथि राहाजों आरो गुबुन आथिखालनि आरो आरजाथाव आयदाफोर जेरै- सानखान्थि, जौलारि बिगियान, सानथौ बिगियान, राव बिगियान, फावथाइ, य'गा आरिजों फोनांजाबनायाव फोरोंनाय जागोन। बिब्दिनो

बिखान्थिनि आद्रा बाहागोजों सोमोन्दो लाखिनानै संस्कृत मुलुगसोलोंसालिफोराबो गोजौसिन सोलोंथाइनि गेदेर बांआयदायारि फसंथान महरै जौगाखांनायनि फारसे दावगालांगोन। जायफोर संस्कृत बिफानफोरा संस्कृत आरो संस्कृत गियान बिखान्थियाव फोरेंनाय आरो जोबोर मोजां बिजिरसं खुंफुंबोदों बेफोरखौ गोदान बांआयदायारि गोजौसिन सोलोंथाइ बिखान्थिनि सिडाव गायसननाय/फोगोमनाय जागोन। फरायसाफोरा सायख'ना लायोब्ला संस्कृतआ गोजौसिन सोलोंथाइनि जथाइ/आबुं बांआयदायारिनि मोनसे सरासनस्रा बाहागो जागोन। सोलोंथाइ आरो संस्कृत आयदायाव 4 बोसोरारि खौसेथि बांआयदायारि B.Ed. मोननै डिग्रिनि खाबु होनायनि गेजेरजों मिसन मडआव गासै हादरनाडैनो गोबां अनजिमानि संस्कृत फोरोंगिरिफोरखौ जिउराहायारि सोलोंथाइ होनाय जागोन।

22.16. भारत हादरआ बेबादिनो गावनि गासै क्वाचिकेल राव आरो थुनलाइफोर फरायसंनाय फसंथान आरो मुलुगसोलोंसालिफोरखौ फेहेरगोन बेफोरनि रोजा रोजा दिनैसिमबो नोजोर होजाबोयै फानन्दुलिपिफोरखौ बुथुमनो, सरैखा खालामनो, राव सोलायनो आरो फरायसंनो गोखों नाजानायजों। हादरनाडैनो संस्कृत आरो गासै भारतारि रावनि फसंथान आरो बिफानफोरखौ मुख'जाथावै फोगोमनाय जागोन, फरायसाफोरनि गेदेर गोदान आथाल/दोलो (बेट्स) नो फरायसंनो जरखायाव गोबां बिबाडाव फानन्दुलिपि आरो गुबुन आयदाफोरजों बिसोरनि सोमोन्दो थानायखौ फरायसंनो होनायजों थोजासे फोरोंथाइ होनायजों। क्वाचिकेल रावनि फसंथानफोरा गावसोरनि उदां-खुंथाइखौ लाखिनानै मुलुगसोलोंसालिफोरजों सरजाबफालांनो थांखि लागोन जाहाथे गोखों आरो गोरथि बांआयदायारि हाबाफारिनि मोनसे बाहागो महरै बिफानगिरि (फेकाल्टि) आ हाबा मावनो हायो आरो फरायसाफोराबो फोरोंथाइ मोननो हायो। रोखोमसे थांखिरखौनो मोनफुंनो थाखाय रावफोरनि फारसे बावसोमनाय मुलुगसोलोंसालिफोराबो बांआयदायारि जागोन; अब्ला नोजेराव जाथाव जायो बेयाव बेफोरो बै रावआव जोबोर मोजां रावफोरोंगिरि जौगाखांनो थाखाय मोनसे राव आरो सोलोंथाइयाव मोननै B.Ed. डिग्रिबो होनो हागोन। बेनि अनगायैबो, बेखौबो थांखि लानाय जायोदि रावफोरनि थाखाय मोनसे गोदान फसंथान गायसननाय जागोन। गंसे मुलुगसोलोंसालि सोरबंखन सिडाव मोनसे पाली, फार्सी आरो प्राकृत रावनि थाखाय मोनसे गोदान हायुडारि फसंथान गायसननाय जागोन। जाय फसंथान आरो मुलुगसोलोंसालिफोराव भारतारि आरिमु, आरिमु जारिमिन आरो भारत बिगियान फरायसंहोनाय जायो बेयावनो बे रोखोमनि मावजेनराहाफोरखौ लानाय जागोन। बेफोर गासै फोथार एबा थिलियाव जोबोर मोजां हाबानि सायाव बिजिरसंनो NRF आ मदद खालामगोन।

22.17. क्वाचिकेल, ट्राइबेल आरो गोमोरलांहां/थैलांहां रावफोरखौ लाफानानै गासै भारतारि रावफोरखौ सरैखा खालामनो आरो जौगाखांनो गोदान थुलुंगाजों नाजानाय जागोन। सुबुंफोरनि बारायगा/गोहोमगोनां बाहागो लानायजों बिरोंदामिन आरो क्राउडसरसिडा बेफोर नाजायाव मोनसे गोनांथार बिफाव लागोन।

22.18. भारत संबिजिरनि दाइनथि फारियाव मुख'नाय मोनफ्रोमबो रावनि थाखाय माखासे गेदेमा गोरों आरो हादरआरि राव रायज्जायग्रा सुबुंफोरखौ लानानै एकाडेमी गायसननाय जागोन, बेयाव गोदानसिन सानदांथिनि थाखाय गोरलै नाथाय गेबें सोदोबबाख्रिखौ थि खालामनो आरो अरायथा महराव गोदानसिन सोदोब बिहुं दिहुननो थाखाय (बुहुमनाडैनो गुबुन माखासे रावफोराव जाफुंसार नाजायनि रोखोमसेयै)। जेब्लानो जाथावगौ अब्लानो सरासनस्रा सोदोब बाहायनो मोननाय नाजाना बेफोर सोदोबबिहुंखौ सुजुनो थाखाय एकाडेमीया हानायमानि गावजों-गाव सावरायलायगोन आरो माखासे बिथिडाव सरासनस्रा सुबुंनिबो साबसिन बोसोनखौ नाजावनाय जागोन। बेफोर सोदोब बिहुंफोरखौ सोलोंथाइयाव, खौरां एबा रादाब बिजोडाव, लिस्नायाव, बुंनायाव आरो गुबुनाव बाहायनो थाखाय गुवारै फोसावनाय जागोन आरो वेबसाइटआव मोननो हानाय खालामनायजों लोगोसे बिजाबनि महरबो होनाय जागोन। संबिजिरनि दाइनथि फारियाव सोसनजानाय रावफोरनि थाखाय एकाडेमीफोरआ मिरु सोरखारा हादरसा सोरखारफोरजों सावरायलायनानै एबा बिसोरनि जथाइ बानजायनायाव गायसनजागोन। गुबुनगोबां बिबाडाव रायज्जायजानाय भारतारि रावफोरनि थाखाय एकाडेमीया बेबादियैनो मिरु एबा हादरसा सोरखारजों गायसनजागोन।

22.19. मोनसे वेब-बिथा फ्लैटफर्म/पर्टेल/उइकिपिडियानि गेजेरजों गासै भारतारि रावफोर आरो गोमोरलांहां/थैलांहां रावफोर

आरो बिसोरनि लोब्बायारि जायगानि दोहोनि आरिमु आरो हारिमुखौ संरैखा खालामनो थाखाय गासै भारतारि रावफोर आरो बिसोरनि सोमोन्दो गोनां आरिमु आरो हारिमुखौ दलिल खालामनाय जागोन। बे फ्लेटफर्मआव भिडिअ', सोदोब बिहुं, रेकर्डि आरो गोबां गुबुन मुवाफोर जेरै- सुबुंफोर रायज्जलायनाय राव (जर'खायैगेदेरफोर रायज्जलायनाय), सल' खिन्थानाय, खन्थाइ आवरायनाय, फावथाइ, खुगा मेथाइ एबा मोसानाय दिन्थिफुंनाय थागोन। बेफोर फ्लेटफर्म/पर्टेल/ उइकिपिडियाफोराव आरजाथाव मुवाफोर सरजाबफानायनि दारै हादरनाडैनिफ्राय सुबुंफोरखौ बेफोर नाजानायवाव अब'दान होनो हांखायनाय जागोन। बेफोरबादि फ्लेटफर्मखौ जौगाखांहोनायनि फारसे मुगुलसोलोंसालिफोर आरो बिसोरनि बिजिरसं हानजाफोरा गावजों-गाव आरो हादरनाडैनो थानाय समाजनि सुबुंफोरजों लोगोसेयै हाबा मावगोन। बेफोर संरैखानि नाजानाय आरो सोमोन्दो गोनां बिजिरसं मावथांखिफोरा, बिदिन्थि महरै- जारिमिन, गोदोमिन आरो राव बिगियान आरिफोराव NRF जों राडारि मदद/फुनजि होजानाय जागोन।

22.20. जायगानि फोरोंगिरिजों आरो/एबा गोजौसिन सोलोंथाइ बिखान्थिनि सिडव भारतारि रावफोर, आरिमु आरो हारिमु फरायसंनो थाखाय गासै बैसोनि सुबुंफोरनि थाखाय फरायबान्था (स्क'लारसिप) गायसननाय जागोन। भारतारि रावफोरनि जौगाखांनाया अब्लासो जाफुंसारगोन जेब्ला बे रावफोरखौ अरायथायै आरो फोरोंनाय-सोलोंनायनि थाखाय बाहायनाय जायो। भारतारि रावफोरनि गुबुन गुबुन बाहागोफोराव जोबोर मोजां खन्थाइ आरो राइथायफोरनि थाखाय थुलुंगा अनथोब जेरै- बान्था होनाय राहा लानाय जागोन जाहाथे गासै भारतारि रावफोराव सांग्रां जिउगोनां खन्थाइ, सल'मा, राइथाय बिजाब, फरायबिजाब, रादाब बिजोंनि बिजाब आरो गुबुन सोरजि हाबाफोर मोनफुंनायखौ रोखा खालामनो हायो। साक्रिनि खाबुफोराव गोनांथि जानाय रोंगौथिनि मोनसे एंगारहायै बाहागो महरै भारतारि राव रोंनायखौ सरजाबदेरनाय जागोन।

23. बिरोंदामिन बाहायनाय आरो खौसेथि खालामनाय

23.1. भारत हादरआ खारि आरो सुंजाब बिरोंदामिन आरो अख्रामा बादि जोबोर गोदानथि फोथाराव बुहुमनां थाखोआव दैदेनबोदों। डिजिटेल इन्डिया फोसावथाइया गासै हादरनाडै मोनसे डिजिटेल गोहोगोनां समाज आरो गियान बिथा रांखान्थिसिम सोलायहोनायाव मदद खालामदों। बे सोलायनायाव सोलोंथाइजों लोगोसे बिरोंदामिनआबो सोलोंथाइयारि फारिखान्थि आरो फिथाइफोरखौ जौगाखांहोनायाव गोनांथार बिफाव लायो। बेबादिनो गासै थाखोआव बिरोंदामिन आरो सोलोंथाइनि गेजेराव नै बिथोनारि सोमोन्दो दं।

23.2. बिरोंदामिनखौ मिथिनाय आरो बाहायनो गोरों फोरोंगिरि, गोहो मावसंथान, फरायसा गोहो मावसंथानखौ लाफानानै आबुंधार सोरजिजों बिरोंदामिन जौगानायनि गोख्रै बेरफ्रावनायखौ नोजोर होनानै बेखौ रोखा जानो हायोदि बिरोंदामिनआ सोलोंथाइयाव गोबां राहायै गोहोम खोख्लैनो हायो, जायफोरनि मोननैसोनि सोमोन्दैल'जों आथिखालाव नुनो मोननायनिफ्राय सानना लानो हायो। गोदान बिरोंदामिननि फोथार जेरै- आर्टिपिचियेल इन्टेलिजेन्स, मेसिन लारनिं, ब्लक सेइन्, स्मार्ट बर्ड, आखाइजों मावनो हानय कम्पिउटिं जुनथि आदब, फरायसाफोरनि जौगानायनि थाखाय एडाबटिभ पम्पिउटार टैष्टिं, आरो गुबुन रोखोमनि सप्टवेर आरो हार्डवेरफोरनि गेजेरजों थाखो खथायाव फरायसाफोरा मा सोलोंदों बेयावल' सोलायनाय फैयाब्लानो बिसोर माबोरै सोलोंदों बेयावबो सोलायनाय फैगोन। बेबादि बेफोर फोथाराव आरो बेनि बांसिनाव इयुनावबो बिरोंदामिनआरि आरो सोलोंथाइयारि मोननैबो नोजोरजों बारायगा बिजिरसं खालामनांगौनि गोनांथि जागोन।

23.3. सोलोंथाइनि गोबां बिथिंफोरखौ जौगाखांहोनो बिरोंदामिन बाहायनाय आरो खौसेथि खालामनायखौ आजावनाय आरो मदद खालामनाय जागोन। अदेबानि बेखौ गुवारै बाहायफुंनायनि सिगां सोमोन्दो गोनां आयदाफोराव स्रां-स्रां नुसारनाय राहाजों सुमोनथाइ खालामनाय जागोन होनना रादाय होनांगोन। फरायसालि आरो गोजौसिन सोलोंथाइ मोननैनिबो थाखाय सोलोंनाय, सुथाइ, सानथांखि, खुंथाइ आरिफोराव जौगाखांनाय लाबोनो बिरोंदामिन बाहायनायनि सायाव सानस्रिफोरखौ उदाडै सेयार खालामनायनि मोनसे फ्लेटफर्म होनो थाखाय मोनसे उदां-खुंथाइ आफाद महरै

हायुडारि सोलोंथाइयारि बिरोंदामिन फराम (NETF) सोरजिनाय जागोन। NETF नि थांखिया जौगाखांहोनाय थिसननायाव थिरांथा लानो खाबु खालामना होनाय, बिरोंदामिन बाहायनानै सोलोंथाइ फंथानफोरखौ दैदेननाय, राज्यो आरो मिरु सोरखार आरो गुबुन बाहागोदारफोरनो गोदानसिन गियान होनाय आरो बिजिरसंनो आरो सावरायलायनो खाबजाहोनाय आरो साबसिन बाहायथाइफोरखौ सेयार खालामनाय। NETF हा गाहायाव होनाय हाबाफोर थागोन:

- (क) बिरोंदामिन बिथा आखाइ होनायाव मिरु आरो हादरसा एजेन्सिफोरनो उदां फोरमान बिथा बोसोन होनाय।
- (ख) सोलोंथाइयारि बिरोंदामिनआव मेलेमारि आरो फसंथानआरि हानाय गोहो सोरजिगोन।
- (ग) बे फोथाराव सोलोआदब महरै जोबोर गोहोमगोनां हाबानि सानथांखि आरो
- (घ) बिजिरसं आरो गोदानारि सानखांथिनि थाखाय गोदान दिगखौ रोखा खालामनाय।

23.4. सोलोंथाइयारि बिरोंदामिन फोथारनि गोख्रै सोलायनायजों खाबजाहोनो थाखाय NETF आ सोलोंथाइयारि बिरोंदामिननि गोदानारि सानखांथिगिरि आरो बाहायथाइगिरिफोरखौ लाफानानै गोबां सुलुंफोरनिफ्राय मोननाय थार खारिफोरखौ लाखिलांबाय थागोन आरो गुबुन गुबुन थाखोनि बिजिरसंगिरिफोर थिसनना बे खारिफोरखौ बिजिरना नायगोन। गियाननि मोनसे सांग्रां जिउगोनां आफाद आरो बाहायथाइ जौगाखांहोनायाव मदद खालामनो थाखाय NETF आ हायुडारि, हायुंजेरारि सोलोंथाइ बिरोंदामिनगिरि, बिजिरसंगिरि, गोहो मावसंथानगिरि आरो बिरोंदामिन बाहायगिरिफोरनिफ्राय मोननाय खारिफोरखौ सोसन्नानै मुलामफा लानो थाखाय गोबां ओनसोलारि, हायुडारि आरो हायुंजेरारि जथुम्मा, मावफुं-सावरायमेल आरि खुंफुंगोन।

23.5. बिरोंदामिनआरि आखाइ होनायनि फोथाइजाथाव थांखिया फोरोंनाय-सोलोंनाय आरो सुमोनथाइ फारिखान्थिखौ जौगाखांहोनाय, फोरोंगिरि थियारि खालामनाय, जिउराहायारि दावगानायखौ मदद खालामनाय, सोलोंथाइ मोननायनि लामाखौ फेहेरनाय, सोलोंथाइयारि सानथांखि, सामलाइनाय आरो खुंथाइखौ गोरलै एबा मोजाडै सोलिहोनाय, जेराव मुंथिसननाय, नुजाथिनाय, सुथाइ आरिजों सोमोन्दो गोनां फारिखान्थियाबो दंफायो।

23.6. गोजौआव मुख'नाय गासै थांखिफोरखौ मोनफुंनो थाखाय गासै थाखोआव फोरोंगिरि आरो फरायसाफोरनि थाखाय रोखोमसे जौगासप्टवेर जौगाखांहोनाय जागोन आरो बेफोरखौ मोननो हानाय खालामनाय जागोन। बे बादि सप्टवेरफोरखौ गासै गाहाय भारतारि रावफोराव मोननो हानाय जागोन आरो गोग्लैसोनाय ओनसोलनि फरायसा आरो जुनिया गोनांथि जानाय फरायसाफोरखौ (बेंगुरा-बेंगुरि) लाफानानै गासै रोखोमनि बाहायगिरिफोरनि थाखाय मोननायनि राहा खालामनाय जागोन। गासै राज्यो आरो NCERT, CIET, CBSE, NIOS आरो गुबुन आफाद/फसंथानफोरा गुबुन गुबुन ओनसोलारि रावाव जौगाखां होनाय फोरोंनाय-सोलोंनायजों सोमोन्दो गोनां इ-आयदामुवाफोरखौ दीक्षा फ्लेटफर्म आपलड खालामनाय जागोन। बे फ्लेटफर्मखौ इ-आयदामुवा एबा कन्टेइनि गेजेरजों फोरोंगिरिफोरनि जिउराहायारि दावगानायनि थाखायबो बाहायनो हायो। दीक्षाजों लोगोसे गुबुन सोलोंथाइ बिरोंदामिन मावजेनराहाफोरखौ जौगाखांहोनो आरो CIET खौ फोगोमनाय जागोन। फरायसालियाव फोरोंगिरिफोरनि थाखाय आरजाथाव आगजु आरि होनाय जागोन जाहाथे फोरोंगिरिफोरा गावसोरनि फोरोंनाय-सोलोंनाय बाहायथिफोराव इ-मुवाफोरखौ आरजाथाव महराव सोफानो हानाय जायो। बिरोंदामिन बिथा सोलोंथाइ फ्लेटफर्मफोर जेरै- दीक्षा (DIKSHA)/स्वयम (SWAYAM) आरिखौ गासै फरायसालि आरो गोजौसिन सोलोंथाइआव मोजाडै खौसेथि खालामनाय जागोन आरो बेयाव बाहायगिरिफोरा होनाय रेकर्डि/ नायफिननाय थागोन, जाहाथे आयदामुवा (कन्टेइनि) जौगाखांहोग्राफोरा गुनगोनां आरो बाहायगिरि बानजायारि आयदामुवा सोरजिनो हानाय जायो।

23.7. सोलोंथाइ बिखान्थिखौ नांगौबादि महर सोलायहोनायाव गोख्रै जौगाखांबोनाय गोदानारि सोलायहोनो हानाय बिरोंदामिननि सायावबो जर'खा गोनांथि होनाय जागोन। जेब्ला 1986/1992 माइथायाव हायुडारि सोलोंथाइ बिखान्थिखौ खालामनाय जादोंमोन अब्ला आथिखालाव इन्टारनेट जांखिथाइया लाबोना होफैनाय गोदानारि गोहोमनि सोमोन्दै सानखां

हरना इयुन बुंथि होनाया गोब्राबमोन। जॉनि आथिखाल सोलॉथाइ बिखान्थिया बेफोर गोख्रै आरो गोदान जांख्रिथाइयारि सोलायनायजों बादायारि बुहुमआव गोरोबफानो हायाख्रै, जायनि जाहोनाव जों गावारि सुबुं आरो मोनसे हायुं महरै ख्रैफोदगोनां आरो खहागोनां थासारि फारसे दावगादों। बिदिन्थि महरै दिनै कम्पिउटारा मोगथाडारि आरो फारिखान्थियारि गियान आयदायाव सुबुंख्रौ बारलांनो हमबायब्लाबो जॉनि सोलॉथाइया गोजौसिन थाखोनि हानाय गोहो जौगानायनि थाखोआव फरायसाफोरनि सायाव सोलॉथाइनि गासै थाखोआव बे बादि गियाननि सायाव बांसिन बजा होबोदों।

23.8. बे सोलॉथाइ बिखान्थिख्रौ ओरैबादि मोनसे समाव खालामनाय जादों जाय सामाव जेबो गोनो-गोथो गैयाजासे आर्टिपिचियेल इन्टेलिजेन्स, 3D/7D बादि भारसुवेल रियेलिटि गोदान जांख्रिथाइयारि बिरोंदामिनफोरा जौगाखांबोदों। आर्टिपिचियेल इन्टेलिजेन्स बिथा इयुन बुंथि होनायनि बेसेना जेब्ला बाडाइ जायो अब्ला आर्टिपिचियेल इन्टेलिजेन्स सोलो गोनां गासै जिउराहायारिजों गासैबो गोरोबफानो हागोन आरो बेनि सिगां फारसेबो दावगालांगोन आरो फाहामगिरि (डाक्टर) आरि गुबुन जिउराहायारिनि थाखाय इयुन बुंथि होनाय हाबायाव बेसेनगोसा मदद जागोन। AI आ गोदान जांख्रिथाइयारि सोलायनाय लाबोनो हानायनि गुनाख्रिया रोखा, जेराव गासै बिजाथाइ फोरमायनो थाखाय सोलॉथाइ बिखान्थिया साग्रां जानांगोन। NETF नि अरायथा हाबाफोरनि गेजेराव मोनसेया जौगाखांबोनाय बिरोंदामिनफोरख्रौ बेफोरनि हानाय गोहो आरो गोदान जांख्रिथाइयारि सोलायनाय लाबोनायनि हमना लानाय सम सिमानि सायाव बिथा खालामनानै बाहागो खालामनाय आरो सम सम बेफोर बिजिरथाइख्रौ सुबुं फुंखा जौगाथाइ मन्थि-बिफाननो हानांगोन। बेफोर खारिफोरनि सायाव बिथा खालामनानै सुबुं फुंखा जौगाथाइ मन्थि-बिफानआ खान्थियारि महरै सोलॉथाइ बिखान्थिनिफ्राय बिनाइ/गोनांथि थानाय जाखांबोनाय बिरोंदामिनफोरख्रौ सिनायथिगोन।

23.9. सुबुं फुंखा जौगाथाइ मन्थि-बिफानआ खान्थियारि महरै गोदान जांख्रिथाइयारि सोलायनाय लाबोग्रा बिरोंदामिनख्रौ गनायनायनि फिनथाइ महरै हायुडारि बिजिरसं बिथाया बिरोंदामिननि फोथाराव बिजिरसं जागायगोन एबा गोसोरहोगोन। आर्टिपिचियेल इन्टेलिजेन्सनि सोमोन्दै NRF आ मोनथाम मावथांखि नोजोर लानो हागौ (क) आर्टिपिचियेल इन्टेलिजेन्स बिजिरसंख्रौ दावगाहोनाय (ख) बाहायनाय बिथा बिजिरसंख्रौ जौगाहोनाय आरो हाबायाव थिसननाय (ग) सावस्रि जोथोन, आबाद आरो बारहावा सोलायनाय बादि बुहुमनां जेंनाफोरजों फेरनांनो थाखाय आर्टिपिचियेल इन्टेलिजेन्स बाहायनानै हायुंगेजेरारि बिजिरसं नाजानायख्रौ दावगाहोनाय।

23.10. गोजौसिन सोलॉथाइ फसंथानफोरा गोदान जांख्रिथाइ लाबोनाय बिरोंदामिननि सायाव बिजिरसंनायाव साग्रां बिफावल' लानाय नडा अदेबानि जोबोर गोदान फोथाराव गिबि बिथोनारि मुवा आरो कर्सफोरबो (अनलाइन कर्सख्रौ लाफानानै) थियारि खालामनायजों लोगोसे जिउराहायारि सोलॉथाइ बादि जर'खा फोथाराव बेनि गोहोमनि सुथाइबो लागोन। जेब्ला बिरोंदामिनआ मोनसे थाखोनि जौगासारनाय एबा राग'नाय बिन्दो मोनहैयो अब्ला रोजा रोजा फरायसाफोरजों गोजौसिन सोलॉथाइ फसंथानफोरा बेफोर रोखोमनि फोरोंनाय आरो सोलोफोर सोरजिनाय हाबायाव दावगालांनयनि थाखाय आदर्श थासारि जाहैगोन, बेयाव थिसननायनि थाखाय साखाफरा खालामनायनि थाखाय थांखिनाय नाजानायाबो थाफागोन। गोदान जांख्रिथाइयारि सोलायहोनाय बिरोंदामिनआ माखासे साख्रि एबा हाबाफोर उसिफावहोगोन, बेखायनो साक्रि एबा खामानि सोरजिनाय आरो बेख्रौ हमथानानै लाखिनो थाखाय सोलोगोरों आरो सोलोरोडै जानाय मोननैनिबो फारसे गोहोमगोनां आरो गुनगोनां नोजोरा ओंथिगोनां जागोन। फसंथानफोरा बेबादि फोरोंथाइहोग्रा फसंथानआरि आरो फसंथानआरि नडै बाहागोदारफोरख्रौ गनायथि होनायनि उदां-खुंथाइ थागोन, जायख्रौ सोलोफोरजों आरो गोजौसिन सोलॉथाइ खाथामजों ख्रौसेथि खालामनाय जागोन।

23.11. मुलुगसोलॉसालिफोरा Ph.D. आरो मेसिन लारनिंजों लोगोसे बांआयदायारि "AI +X" आरो जिउराहायारि सावस्रि जोथोन, आबाद, आयेन बादि फोथाराव रोंगोरा (माष्टार डिग्रि) हाबाफारि होनायनि थांखि लागोन। बिसोर बे गुबै फोथाराव 'स्वयम' बादि जौसांनि गेजेरजों कर्सफोर जौगाखांहोगोन आरो लानो होगोन। गोख्रै आजावनो थाखाय गोजौसिन सोलॉथाइ फसंथानफोरा बेफोर अनलाइन कर्सफोरख्रौ दोरोडारि फोरोंनायजों जालिया थाखो आरो हाबायारि

हाबाफारियाव ज'खालामना होनो हागौ। गोजौसिन सोलॉथाइ फसंथानफोरा आर्टिपिचियेल इन्टेलिजेन्सखौ मदद खालामनो थाखाय बाडाइ जर'खाथि गोनां जानाय हाबा एबा खामानिफोर जेरै- डाटा एन'टेसन (खारि बिजिरनाय), इमेज क्लासिफिकेसन आरो राव बिजिरनायाव फोरेंथाइ होनो हागौ। फरायसालिनि फरायसाफोरनो राव फोरेंनो नाजानायखौ भारतनि बायदि बायदि रावफोरनि थाखाय सरासनस्रा रावफारि खान्थि खालामनायजों (नेसारेल लेंगुयेस प्रसेसिजों) जौगाखांहोनो नाजानायजों सरजाबफानाय जागोन।

23.12. गोदान जांख्रिथाइयारि सोलायनाय लाबोग्रा बिरेंदामिनफोरा जौगाखांबोनाय लोगो लोगो, फरायसालि आरो सोलिफु सोलॉथाइया बेनि जोबोर गोहोगोरा गोहोमनि सोमोन्दै सरासनस्रा सुबुंफोरनि साग्रांथिखौ बांहोनायाव मदद खालामगोन आरो बेजों लोगोसेनो सोमोन्दो गोनां आयदाफोरनि राहाबो फोरमायगोन। बेफोर बिरेंदामिनफोरजों सोमोन्दोगोनां आयदाफोराव मिथिखानाय सुबुडारि गनायथि लाबोनो थाखाय बे साग्रांथिया गोनां। फरायसालि थाखोआव कारेन्ट एफियारस (आथिखाल हाबा गियान) आरो खान्थिस्रां आयदानि सोमोन्दै फरायसंनायाव NETF आरो MHRD-आ सिनायथि होनाय गोदान जांख्रिथाइ सोलायहोनो हाग्रा बिरेंदामिनफोरखौ सोफानाय जागोन। सोलिफु सोलॉथाइनि थाखाय आरजाथाव बिथोनारि आरो सावरायनाय मुवाफोरखौ थियारि खालामनाय जागोन।

23.13. आर्टिपिचियेल इन्टेलिजेन्स (AI) बिथा बिरेंदामिनफोरनि थाखाय खारियानो मोनसे गुबै खामगोहोनि समान आरो आन्दोथि (स्रोद) लाखिनायनि आयदाफोराव खारि लाखिनाय, खारि सरेंखा खालामनाय आरिजों सोमोन्दो गोनां रेंखाथि, आयेन आरो मानथाखोनि फारसे साग्रांथि बांहोनाया जोबोर गोनांथार। बेजों लोगोसे AI बिथा बिरेंदामिनफोरनि जौगानाय आरो बाहायनायजों सोमोन्दो गोनां खान्थिस्रां आयदाफोरखौ दिन्थिना होनाया गोनांथार। सोलॉथाइया बेफोर साग्रांथि बाहोनो नाजानायव मोनसे गाहाय बिफाव लागोन। गुबुन गोदान जांख्रिथाइयारि सोलायहोनो हाग्रा बिरेंदामिनफोरा साखोन-सिखोन आरो फोदाननो हानाय खामगोहो, दै सरेंखा, जोरथाइ आबाद मावनाय, आबहावा सरेंखा आरो गुबुन सोमखोर राहाफोर(ग्रिन इनिंसियेटिभ), मिजिंथिनाय राहाफोर जेरै- जौनि थानाय थानायनि सोलयोनो, फरायसाफोरनो सोलॉथाइ होनायखौ सोलायनो हानाय आरिबो दं, बेफोरखौबो सोलॉथाइआव आगुथि होनाय जागोन।

24. अनलाइन आरो डिजिटेल सोलॉथाइ: बिरेंदामिननि गनायथाव बाहायनायखौ रोखा खालामनाय

24.1. गोदान थासारि आरो मोगथाडारि महरनि थाखाय गोदान मावजेनराहाफोरनि गोनांथि जायो। बावैसो नुजाखांनाय सनदेरग्रा बेराम आरो बुहुमनां सनदेरग्रा बेरामनि गिलु-बालु बांबोनायखौ नोजोर होनानै बे गोनां जानाफैदोंदि जेब्ला आरो जेराव दोरोडारि आरो सुबुडारि आदबनि सोलॉथाइया जाथावना नडा अब्ला जों बेयाव गुनगोनां सोलॉथाइनि सोलायथा राहाजों थियारि जानांगोन। बे बिथिडाव, जेब्ला बेनि हानाय गोहो खैफोद एबा खहा आरो गिथावनाखौ मोनदाडो अब्ला हायुडारि सोलॉथाइ बिखान्थि 2020 आ बिरेंदामिननिफ्राय मोननो गोनां मुलामफानि सायाव नोजोर होगोन। बेयोजेब्ला खैफोदखौ फोरमायथिनाय एबा मोनदांनो हानाय जायो अब्ला अनलाइन आरो डिजिटेल सोलॉथाइया मुलाम्फा होनो हानाय जानो हायोनि मुलाम्फाफोरखौ माब्रै मोननो बेनि थाखाय जोथोनै महर होनाय आरो आरजाथावै थि खालामनाय मावथांखिसा/बिजिरसं (फाइलट) फरायसंखौ लाबोगोन। लोगोसेनो थाखानाय डिजिटेल फ्लैटफर्म आरो सोलिबाय थानाय खारि (फोरमायथि) आरोसुंजाब बिरेंदामिन (ICT) बिथा सोलॉथाइयारि मावजेनराहाफोरा गासैनोबो गुनगोनां सोलॉथाइ जगायनायाव आथिखाल/सोलिफु आरो इयुननि मोगा-मोगि जानो हानायखौ मोननोथाखाय आबुं मावफुंनाय आरो गोसारहोनाय जाथारगोन।

24.2. अदेबानि, अनलाइन/डिजिटेल सोलॉथाइनि मुलामफाफोरखौ अब्लासिम मोननो हानाय नडा जेब्लासिम डिजिटेल इन्डिया फोसावनाय (अभियान) आरो बाडाइ बेसेनाव एबा बायनो हानाय बादियै कम्पिउटिंग जुनथि राहाफोरखौ मोननो हानाय आरि गोख्रों नाजानायनि गेजेरजों डिजिटेल फारागथिखौ फोजोबनो हानाय जाया। बे जोबोर गोनांथारदि अनलाइन आरो डिजिटेल सोलॉथाइनि थाखाय बिरेंदामिननि बाहायथिया साबसिनथार/गनायथावसिन बिथिंखौ थोजासेयै लाबोयो।

24.3. गोहोमगोनां अनलाइन फोरोंग्रा फोरोंगिरि जानो थाखाय फोरोंगिरिफोरनो आरजाथाव फोरोंथाइ आरो दावागानाय नांगौ। दोरोडारि थाखो ख'थानि सासे मोजां फोरोंगिरिखौ अनलाइन फोरोंनायनिबो सासे मोजां फोरोंगिरि जागोन होनना सानना लानो हाया। फोरोंथाइ-आदबखान्थियाव सोलायनायनि गोनां जानायनि अनगायैबो अनलाइन सुथाइनि थाखाय मोनसे आलादा नोजोरनिबो गोनांथि जायो। मोनसेथि बिथिडाव अनलाइन आन्जाद खुंफुंनायाव माखासे जेंनाफोरजों फेरनांनो गोनां जायो, बेफोरनि गेजेराव अनलाइन थासारियाव होनो हानाय सोंथिनि रोखोम सोमोन्दै सिमा गोनां, नेटवार्क आरो मोब्लिबारि जेंनाफोर सामलाइनाय आरो खान्थि बेरेखा बाहायथि होबथानाय आरिबो दं। माखासे रोखोमनि कर्स/आयदाफोर जेरै- दिन्थिफुंनाय आरिमु आरो बिगियाननि बाहायथाइ आरिफोराव अनलाइन एबाडिजिटेल सोलॉथाइ राहाया सिमागोनां, बेफोरखौ गोदानारि सानखांथि राहानि गेजेरजों खावस्लियैब्लाबो जानगार होनो हायो। बेनि अनगायैबो, जेब्लासिम अनलाइन सोलॉथाइखौ बाहायथाइयारि आरो मावफारि बिथा सोलॉनायजों गलाइमोन्देर खालामनाय जाया अब्लासिम बेयो सोलॉनायनि सामाजारि, आबेगारि (एफेक्टिभ) आरो गोसोआरि दावगानाय बिथिडाव सिमागोनां नोजोरजोंमोनसे स्क्रिन बिथा सोलॉथाइ एबा सोलॉनायल' जाना थागोन।

24.4. फरायासालिनिफ्राय लानानै गोजौसिन सोलॉथाइसिम गासै थाखोआव फोरोंनाय-सोलॉनायनि थाखाय डिजिटेल बिरोंदामिनफोर जौगाखांबोनाय आरो गोनांथार मुलाम्फा होग्रा बिरोंदामिन जौगाखांबोगासिनो थानायखौ नोजोर होनानै बे सोलॉथाइ बिखान्थिया गाहायाव होनाय गुबै मावजेनराहाफोरखौ गनायसंनाय होयो:

(क) **अनलाइन सोलॉथाइनि थाखाय मावथांखिसा/बिजिरसं (पाइल'ट) फरायसंनाय:** अनलाइन सोलॉथाइनि खहा गोनां बिथिफोरखौ बाडाइ खालामनानै बेखौ सोलॉथाइजों खौसेथि एबा ज' खालामनायनि मुलामफाफोरखौ सुमोनथाइ लानो थाखाय आरो फरायसाफोरनि जुनथि आदबफोरखौ बाहायनो मोजां मोननाय, इ-आयदामुवानि (कन्टेइन्ट) बयनिखुइबो नागिरजानाय/अनसायजानाय फरमेट आरिजों सोमोन्दो गोनां आयदाफोरखौ फरायसंनो थाखायबो सरासनस्रायाव मावथांखिसा/बिजिरसं (पाइल'ट) फरायसंनायनि मोनसे खोन्दोफारि खुंफुंनो हायुडारि सोलॉथाइयारि बिरोंदामिन फराम (NETF), सोलॉथाइयारि बिरोंदामिननि मिरु फसंथान (CIET), हायुडारिउदां फरायसालि फसंथान (NIOS), इन्दिरा गान्धी हायुडारि उदां मुलुगसोलॉसालि (IGNOU), भारतारि बिरोंदामिन फसंथान (IIT), हायुडारि बिरोंदामिन फसंथान (NIT) आरि आरजाथाव एजेन्सिफोरखौ सिनायथिगोन। बे मावथांखिसा (पाइल'ट) फरायसंनायफोरनि फिथाइफोरखौ सुबुडारि महराव फोरमायनाय आरो सोदांलांबाय थानो थाखाय बेखौ बाहायनाय जागोन।

(ख) **डिजिटेल इंसिंदाथाइ:** भारतनि थाखो, बायदि बायदि महर, बेले-बेजे आरो जुनथि सोनायखौ सुस्रानो थाखाय सोलॉथाइनि फोथार/सेक्टरआवउदां/गेवलां, बाहायलायजानाय, जौगाहोनाय, सुबुडारि डिजिटेल इंसिंदाथाइ सोरजिनायनि गोनांथि दं, जाय गोबां फ्लेटफर्मफोर आरो बिन्दो/मिरु सुस्रानायफोरजों बाहायजानाय जानो हायो। बेखौ ओरैबादि रोखा खालामनाय जागोनदि बिरोंदामिन बिथा सुस्रानाया बिरोंदामिनआवगोख्रै दावगानायजों गोजाम जालांनाय नडा।

(ग) **अनलाइन फोरोंनाय फ्लेटफर्म आरो टुलफोर:** आरजाथाव थाखानाय इ-लारनि फ्लेटफर्मफोर जेरै-SWAYAM, DIKSHA आ सोलॉगिरि एबा फरायसाफोरनि जौगानायखौ नोजोर होनो थाखाय मददआरि आगजुनि मोनसे दाथाइगोनां, आंगोआरि बाहायग्रा, जौगा थुबुरजोंफोरोंगिरिफोर जगायजानाय जागोन। आथिखालनि बुहुमनां सनदेरग्रा बेरामा रोखा दिन्थिना होदोंदि अनलाइन क्लास खालामनो थाखाय फारनैथिबो भिडिअ' (नुसावगारि) आरो फारनैथिबो अडिअ' (खोनानाय) इन्टारफेस (सिं-फोनांजाबारि) बादि टुलफोरनि थारैनो गोनांथि दं।

(घ) **आयदामुवा सोरजिनाय, डिजिटेल बाखि आरो गोसारहोनाय:** कर्सवार्क, सोलॉनायगेलेमु आरो दिन्थिफ्रानाय

(सिमुलेसन), थारखौ फेदेरखानाय, मोगथाडारि गुबैमा-नडै (भारसुयेल रियेलिटि) आरि सोरजिनायखौ लाफानानै आयदामुवाफोरनि मोनसे डिजिटेल बाख्रि जौगाखांहोनाय जागोन, जेराव गोहोम आरो गुननि सायाव बाहायगिरिफोरनि गेजेरजों बेसेन थि खालामनाय (रेटिं) नि थाखाय मोनसे रोखा सुबुडारि बिखान्थि थागोन। फरायसाफोरनि रंजानाय बिथा सोलॉनायनि थाखायआरजाथाव टुलफोर जेरै- एप्प, रोखा मावफुंनाय बिथोनजों गोबां रावाव भारतारि आरिमु आरो हारिमु ज'खालामनाय गेलेमु (गेमिफिकेसन) आरिबो सोरजिनाय जागोन।फरायसाफोरनो इ-आयदामुवा गोसारहोनो थाखाय फोथाइजाथाव जुनथि आदब होनाय जागोन।

- (ड) **डिजिटेल फारागथिखौ फोरमायथिनाय:** थारथिखौ रोखा खालामनाय जादोंदि, आथिखालसिमबो गासै सुबुं सानखोनि मोनसे गोनांथार बाहागोनिसिम डिजिटेल मोननो हानाय राहा दं जायनि डिजिटेल मोननो हानाया जोबोर खम, थाखानाय सुबुं फोनांजाब बिजों जेरै-टिभि, रेडिअ', आरो समाजआरि रेडिअ'फोरखौ टेलिकास्ट आरो फोसावनाय (ब्रडकास्ट) नि थाखाय गोहोमगोनाडै बाहायनाय जागोन। बे रोखोमनि सोलॉथाइयारि हाबाफारिफोरखौ फरायसाफोरनि बायदि बायदि गोनांथिफोरखौ सुफुंनो थाखाय गुबुन गुबुन रावाव 24/7 मोननो हानाय खालामनाय जागोन।गासै भारतारि रावफोराव थानायआयदा मुवानि सायाव जर'खा नोजोर आरो गोनांथि होनाय जागोन; डिजिटेल आयदामुवाखौ जेराव जाथावगौ बेयाव फरायसा आरो फोरोंगिरिफोरनो बिसोरनि फराय बिजोंजों मोनहोनांगोन।
- (च) **भारसुवेल लेब:** गुबैमा-नडै बाहायसालि सोरजिनो थाखाय DIKSHA, SWAYAM आरो SWAYAMPURABHA बादि थाखानाय इ-सोलॉनायनि फ्लेटफर्मफोरखौ बाहायनाय जागोन जाहाथे गासै फरायसाफोरनो समानै गुनगोनां माव-बाहायथियारि आरो थोंजोंबाहायथाइयारि-बिथा सोलॉनायनि रोंगौथि मोननो हायो। SEDG नि फरायसा आरो फोरोंगिरिफोरनो सिगाडावनो सोना दोनखानाय टेबलेट बादि आरजाथाव डिजिटेल दिवाइसनि गेजेरजों थोजासे बिबाडाव होनो हाथावनानि सायाव सानना नायनाय जागोन आरो बेफोरखौ जौगाखांहोनाय जागोन।
- (छ) **फोरोंगिरिफोरनि थाखाय फोरोंथाइ आरो अनथोब थुलुंगा:** फोरोंगिरिफोरनो सोलॉगिरि बिथा फोरोंथाइ-आदबखान्थियाव गोखों फोरोंथाइ होनाय जागोन आरो अनलाइन फोरोंनाय फ्लेटफर्म आरो टुलफोर बाहायनानै माबोरै जौगा-गुनगोनां अनलाइन आयदामुवा सोरजिनो हायो बेखौबो फोरोंनाय जागोन। सांग्रां फरायसाफोरखौ आयदामुवाफोरजों लोगोसे गावजों-गाव बाहागो लाहोनायाव फोरोंगिरिफोरनि बिफावनि सायाव गोनांथि होनाय जागोन।
- (ज) **अनलाइन सुथाइ आरो आन्जादफोर:** आरजाथाव आफादफोर, जेरै- थांखिजानाय हायुडारि सुथाइ मिरु एबा PARAKH, फरायसालि बर्डफोर, हायुडारि आन्जाद लाग्रा एजेन्सि (NTA) आरो गुबुन गनायथि मोननाय आफादफोरा सुथाइनि खाथामफोरखौ साजायगोन आरो मावफुंगोन, जेराव हानाय गोहो, पर्तपलिअ', रुब्रिक्स सुमोनथाइ बिखान्थि, मानथाखो गोनां सुथाइ आरो सुथाइ बिखान्थिनि डिजाइन थागोन। 21थि जौथाइनि सोलोफोरनि सायाव नोजोर होनानै सोलॉथाइ बिरोंदामिनफोर बाहायनानै सुथाइनि गोदान राहाफोरखौ मावथांखिसा/बिजिरसं (पाइल'ट) खालामनो थाखाय फरायसंनाय जागोन।
- (झ) **सोलॉनायनि गलाइ मडेलफोर:** डिजिटेल सोलॉथाइ आरो सोलॉनायखौ जौगाखांहोनायजों लोगोसे दोरोडारि गावजों-गाव मोखांजों-मोखां सोलॉलायनायनि गोनांथिखौबो आबुडै गनायनांगोन। बेबादिनो, सोलॉनायनि गुबुन गुबुन गलाइ गोहोमगोनां मडेलफोरखौ गुबुन गुबुन आयदाफोरनि थाखाय आरजाथावै बेरखांहोनो/साजायफिननो थाखाय सिनायथिनाय जागोन।
- (ञ) **मानथाखोफोरखौ आबुं खालामनाय:** अनलाइन/डिजिटेल सोलॉथाइनि सायाव बिजिरसंनाय जाखांबोनाय

लोगो-लोगो हायडारि सोलोंथाइयारि बिरोंदामिन फराम (NETF) आरो गुबुन आरजाथाव आफादफोरा अनलाइन/डिजिटेल फोरोंनाय-सोलोंनायनि थाखाय आयदामुवा, बिरोंदामिन आरो फोरोंथाइ-आदबखान्थिनि मानथाखो थि खालामना होगोन। बेफोर मानथाखोफोरा हादरसा, बर्ड, फरायसालि आरो फरायसालि सोरबेखन, गोजौसिन सोलोंथाइ फसंथान आरिफोरखौ इ-लारनिनि थाखाय दिन्थिलामा खालामनायाव मदद खालामगोन।

24.5. बुहुमनां थाखोनि डिजिटेल इसिंदाथाइ, सोलोंथाइयारि डिजिटेल आयदामुवा आरो हानाय-गोहो दानो थाखाय मोनसे बावसोमनाय दालाइ आफाद (इउनिट) सोरजिनाय:

सोलोंथाइयाव बिरोंदामिनआ सिमा गैयै मोनसे दावबायनाय आरो बिखान्थिनि थांखिफोरखौ मावफुंनो थाखाय बायदि बायदि आबहावा/सोरबिथि बिखान्थिनि गेलेगिरिफोरखौ थियारि खालामनो थाखाय हानाय गोहोनि गोनांथि जागोन। फरायसालि आरो गोजौसिन सोलोंथाइ मोननैयावबो इ-सोलोंथाइनि गोनांथिफोरनि सायाव नोजोर होनो थाखाय मन्थि-बिफानआव डिजिटेल इसिंदाथाइ, डिजिटेल आयदामुवा दानाय आरो हानाय गोहो सोरजिनाय/दानाय राहा लानाय थांखिनि थाखाय मोनसे बावसोमनाय दालाइ आफाद (इउनिट) गायसननाय जागोन। बिरोंदामिनआ गोख्रै जौगाखांबोनायलाय आरो जौगा गुनगोनां इ-लारनिं जौगाखांहोनो थाखाय जर'खा रोग'साफोरनि गोनांथि दं, बेनिखायनो मोनसे सांग्रां आबहावा बिखान्थिखौ औरैबादि मोनसे सुस्रांथाइ सरजिनो थुलुंगा होनांगोन जाय भारतनि थाखो, बायदि महरथि आरो साबसिनथारनि फेरनांनायखौल' सुस्राडा, अदेबानि बिरोंदामिन जायनि माखासे बाहागोआ मोनफ्रोम बोसोर बारलानायजों गोजाम जालाडो बेनि गोख्रै सोलायनायखौबो नोजोर लाखिनानै जौगाखांहोनाय जायो। बे मिरुआव खुंथाइ, सोलोंथाइ, सोलोंथाइयारि बिरोंदामिन, डिजिटेल फोरोंथाइ-आदबखान्थि आरो सुथाइ, इ-सासन खालामनाय आरिफोरजों सोमोन्दो गोनां रेंग'साफोर थागोन।

ब्रैथि बाहागो(खोन्दो-IV): मावफुंनायनि आदबखान्थि

25. सोलोंथाइनि मिरु बोसोन होग्रा बर्डखौ गोख्रों खालामनाय

25.1. बे बिखान्थिनि जाफुंसारै मावफुंनायखौ मोनफुंना मोनसे गोलाव समारि जाननुनोजोर (भिजन), मोनसे जोरथाइ बिथानि सायाव रेंग'सा मोननो हानाय आरो गासै लोब्बा गोनां बेखनना थानाय हायडारि, हादरसायारि, फसंथानआरि आरो गावारि थाखोनिफ्राय गोख्रों मावनायखौ दाबियो एबा हांखायो। बे बिथिडाव, बे बिखान्थिया मिरु सोलोंथाइ बोसोनगिरि बर्ड (CABE) खौ गोख्रोंसिन खालामनाय आरो मोन्थाइ गोहो होनायनि थाखाय गनायसंनाय होयो, जाय बर्डहा सोलोंथाइयारि आरो हारिमुआरि जौगानायजों सोमोन्दो गोनां आयदाफोराव गुवारै सावरायनाय आरो आन्जाद खालामनायनि थाखाय मोनसे फरामल' नडाब्लानो बांसिन बिथोन एबा रादाय थागोन। गोदानै महरहोजानाय आरो फोथांफिनजानाय CABE आबो सुबुं फुंखा जौगाथाइ मन्थि-बिफान आरो हादरसानि सोमोन्दो गोनां गोजौसिन गथुमजों जथाइ बानजायनायाव मोनसे सोलिफु बिथानि सायाव हादरआव सोलोंथाइनि नोजोरखौ जौगाखांहोनाय, फोरमायनाय, सुमोनथाइ खालामनाय आरो गोदानै नायफिननायनि थाखाय बिबान होजानाय जागोन। बे नोजोरखौ मोनहैनायाव मदद खालामनो थाखाय फसंथानआरि खाथामखौबो सोरजिना बेखौ नायबिजिरना नायबाय थानायबो जागोन।

25.2. सोलोंनाय आरो सोलोंथाइनि सायाव फिन खेबसे बांसिन नोजोर होनो थाखाय बेयो हास्थायजाथावदि सुबुं फुंखा जौगाथाइ मन्थि-बिफानखौ सोलोंथाइ मन्थि-बिफान (MoE) महराव गोदानै मुं होनाय एबा दाफिननाय जाथों।

26. राडारि सुंथाथि: साफ्रोमबोनि थाखाय खरसा खालामनो हानाय आरो गुनगोनां सोलोंथाइ

26.1. बे बिखान्थिया सोलोंथाइयारि रां-खाथाइनायाव मुख'जाथावै बांहोनो थाखाय रादाय होयो, मानोना जौनि जौमोन सुबुंफोरनि जौगा-गुनगोनां सोलोंथाइनिखुइ साबसिन मोनसे समाजनि इयुननि थाखाय मोनबो रां-खाथाइनाय गैया। दुखुनांथावै, भारतनि सोलोंथाइयाव सुबुडारि एबा सरकारि खरसा खालामनाया 1968 माइथायनि बिखान्थिनि सानथांखियाव गनायसंनाय गासै नखरारि दिहुनथाइ (GDP) नि 6%, जायखौ फिन 1986 माइथायनि सोलोंथाइ बिखान्थि आरो 1992 माइथायनि बिखान्थि नायबिजिरनायावबो होबावनाय जादोंमोन बेनि खाथिसिम माब्लाबाबो मोनफेराखै। भारतनि सोलोंथाइयाव आथिखालनि सुबुडारि खरसाया (मिरु आरो हादरसा सोरखारा बाहायनाय) GDP (2017-18 माइथायनि बाजेट खरसानि बिजिरथि बादियै) नि 4.43% खाथिफ्राम आरो गासै सरकारि बाहायनायनि 10% सोल' सोलोंथाइनि सायाव बाहायनाय जायो (2017-18 माइथाय रांखान्थि जरिब)। बेफोर अनजिमाफोरा बांसिन जौगानाय आरो जौगालु हादरफोरनि रुजुनायाव जोबोर बाडाइ।

26.2. बे हायुं आरो बेनि रांखान्थि बिथिडाव साबसिनथार आरो गोहोमगोनां गोबां मुलामफा गोनां सोलोंथाइनि थांखिखौ मोनफुंनो थाखाय बे बिखान्थिया मिरु आरो हादरसा सोरखारफोरा सोलोंथाइयाव सुबुडारि/सरकारि रां-खाथाइनायखौ मुख'जाथावै थोजासे बिबांनि बांहोनायखौ थियै गनायो आरो थांखि खालामो। मिरु आरो हादरसा सोरखारफोरा गासै नखरारि दिहुनथाइ (GDP) नि 6%सिम हानायमानि गोख्रै मोनहैनो थाखाय सोलोंथाइ सेक्टरआव सुबुडारि/सरकारि रां-खाथाइनायखौ बांहोनो जयै हाबा मावगोन। जौगा-गुनगोनां आरो गनायथाव सुबुडारि/सरकारि सोलोंथाइ बिखान्थिखौ मोनफुंनयनि थाखाय बेखौ जोबोर गोनांथार सानना लानाय जादों जाय बेयो थारैनो भारतनि इयुननि रांखान्थि, समाज, हारिमुआरि, मेलेमजिबियारि आरो बिरोंदामिनआरि दावगानाय आरो जौगानायनि थाखाय गोनांथि जाना थानाय।

26.3. जर'खायै, सोलोंथाइनि माखासे गोनां थादेरसा आरो थाफादेर मुवाफोरनि थाखाय राडारि मदद होनाय जागोन, जेरै-बयनिबो थाखाय सोलोंथाइ मोननो हानाय रोखा खालामनाय, सोलोंनायनि फुंखाफोर, सावगोनाय आदारफोरनि मदद, फरायसाफोरनि रैखाथि आरो मोजां थांना-थानायनि आयदा मुवाफोर, थोजासे अनजिमानि फोरोंगिरि आरो बिफानगिरि/मावफारिया, फोरोंगिरिफोरनि दावगानाय आरो समाजआरि-रांखान्थियारि बिथिडाव गोग्लैसोनाय आरो खाबुमोनै हानजाफोरनि थाखाय गनायथाव जौगा-गुनगोनां सोलोंथाइ होनो थाखाय गासै मावजेनराहाफोरनि थाखाय मदद।

26.4. गाहायै इसिंदाथाइ आरो फुंखाफोरजों सोमोन्दो गोनां खाबुफोराव खेबसे रां खरसा खालामनायनि अनगायैबो बे बिखान्थिया मोनसे सोलोंथाइ बिखान्थि सोरजिनो थाखाय राडारि अनसुंथाइ होनो गाहायाव होनाय गोलाव समारि गुबै फोथाइजाथाव फोथारफोरखौ सिनायथिदों: (क) गुनगोनां आगु गथ'सा जोथोन सोलोंथाइ बयनिबो थाखाय मोनहोनायनि राहा (ख) बिथायारि फरायनो-लिरनो हानाय आरो सानगोरों जानायखौ रोखा खालामनाय (ग) फरायसालि सोरबेखन/थुबुर आरिनि थाखाय थोजासे आरो आरजाथाव फुंखाफोर होनाय (घ) आदार आरो सावगोनाय आदार होनाय (फुंनि आरो सानजौफु जानाय आदार) (ङ) फोरोंगिरि सोलोंथाइ आरो फोरोंगिरिफोरनि सोलिफु जिउराहायारि दावगानाय रां-खाथाइनाय (च) साबसिन-हामसिनखौ थुलुंगा होनो थाखाय फरायसालिमा आरो मुलुगसोलोंसालिफोरखौ सोदांनाय (छ) बिजिरसं सोरजिनाय आरो (ज) बिरोंदामिन आरो अनलाइन सोलोंथाइखौ बारायगा बाहायनाय।

26.5. भारतआव सोलोंथाइनि थाखाय एसेल' बिबाडाव फुनजि होदोंब्लाबो बांसिन समावनो जिल्ला/फसंथान थाखोआव सम बादि बाहायनाय जाया, बेनि थाखाय बेफोर फुनजिफोरनि थांखिनाय थांखिफोरखौ मोनफुंनयाव गोब्राब जाना फैयो। बेखायनो आरजाथाव बिखान्थि सोलायनायजों मोननो हानाय बाजेटनि बाहायथियाव आखा-फाखा बांहोनायनि गोनांथि दं। राडारि सासन खालामनाय आरो सामलाइनायाव बे बाश्राखौ नोजोर होनाय जागोनदि फुनजिखौ गोरलैयै, समाव आरो आरजाथाव बिबाडाव मोननो हानाय जायो आरो बेफोरनि बाहायथिफोरखौ सैथोयै खालामनाय जायो; खुंथाइयारि फारिखान्थिफोरखौ आरजाथावै सोदांनाय आरो गुबै दाहार एबा मोजां राहायाव लाबोनाय जागोन जाहाथे रानसारनाय

जुनथि आदबनि थाखाय गोबां बिबांनि बाहायजायै आद्रा थालाडा। सरकारि फुंखाफोरखौ सोलोगोरोडै बाहायनो आरो फुनजिनि पार्किखौ एंगारनो थाखाय सरासनस्रा राडारि नेम (GFR), सुबुडारि राडारि सामलाइनाय बिखान्थि (PFMS) आरो 'थि समाव रां' होनायजों सोमोन्दो गोनां राहाफोरखौ बाहायनो गोनां मावफुं एजेन्सिफोरनि थाखाय होनाय जागोन। हादरसा/गोजौसिन सोलोंथाइ फसंथानफोरनो दिन्थिफुंनाय बिथा फुनजि होनाय जुनथि आदबबो थियारि खालामनाय जानो हागौ। बेबादिनो समाजआरि-रांखान्थियारि बिथिडाव गोग्लैसोनाय हानजा (SEDG) फोरनि थाखाय थिखानाय फुनजिनि साबसिन रानना होनाय आरो बाहायथिनि थाखाय आखा-फाखा सोलोनि जुनथि आदबखौ रोखा खालामनाय जागोन। बिफावफोरखौ रोखा आलादा खालामनाय आरो स्रा-स्रा गावारि फोरमायथि, फसंथानफोरनो मोनथाइ-गोहो होनाय आरो उदां-खुंथाइ गोहो होनाय आरो दैदेनगिरि मासियाव साबसिन आरो रोंगौथि थानाय रोंग'साफोरखौ थिसनथाइ होनाय आरिफोर गोनां गोदानै बोसोन होनाय सामलाइयारि बिखान्थिया फुनजिखौ बांसिनथार गोरलैयै, गोख्रैयै आरो स्रा-स्रा नुसारनाय बोहैहोनायाव मदद होगोन।

26.6. बे बिखान्थिया सोलोंथाइ फोथार/सेक्टराव गावारि बानजायारि मावफारिखौ फोथांफिननाय, साग्राडै जौगाहोनाय आरो मदद खालामनायखौ गनायसंनाय होयो। जर'खायै, सुबुडारि/सरकारि बाजेटआरि मददखौ बेनि सायाव एबा बांसिनाव बे नडाब्ला बे बिसोरखौ होनो होजानाय जागौमोन बेनिखायनो जायखिजाया सरकारि फसंथानफोरा सोलोंथाइयारि रोंगौथिफोरखौ बांहोनो थाखाय गावारि बानजायारि फुनजि बांहोनायनि फारसे मावजेनराहा लानो हायो।

26.7. बे सोलोंथाइ बिखान्थियाव सोलोंथाइखौ फालांगियारि खालामनाय आयदायाव माखासे लोब्बा गोनां बिथिनि गेजेरजोंमोगा-मोगि जानो नाजायो- जेराव 'गोरलै नाथाय गोख्रों' सामलाइयारि नोजोर जाय राडारि, फारिखान्थिफोर, कर्स आरो हाबाफारिफोर होनाय, सोलोंथाइयारि फिथाइफोरनि आबुं सुबुडारि गाव-फोरमायथिनो एबा स्रा-स्रा फोरमायथिनो रादाय होयो; सरकारि सोलोंथाइयाव गोबां बिबांनि रां-खाथाइनाय आरो सरकारि आरो गावारि गासैफसंथानफोरखौ मोजाडै सासन खालामनो थाखाय जुनथि आदब। बेबादिनो, गोनांथि गोनां एबा खाबु मोननो हाथाव थाखोनि सुबुंफोरखौ जेबो गोहोम खोख्लैयाजासे बांद्राय खरसा जानायखौ बोखांफिननायनि खाबुफोरखौबो संनाय जागोन।

27. मावफुंनाय

27.1. जायखिजाया बिखान्थिनि गोहोमगोनां महरा बेनि (बिखान्थि) मावफुंनायनि सायाव सोनारो। बेबादि मावफुंनो थाखाय गोबां मावजेनराहा आरो मावथाइनि गोनां जागोन जायखौ माखासे आफादफोरा ज' लोगोनांनानै आरो बिखान्थियारि राहाजों लानाय जागोन। बेनिखायनो बे बिखान्थिनि मावफुंनायखौ माखासे आफादफोर जेरै- सुबुं फुंखा जौगाथाइ मन्थि-बिफान (MHRD), मिरु सोलोंथाइ बोसोनगिरि बर्ड (CABE), मिरु आरो हादरसा सोरखारफोर, सोलोंथाइजों सोमोन्दो गोनां मन्थि-बिफानफोर, हादरसानि सोलोंथाइ बिफान, बर्डफोर, हायुडारि आन्जाद लाग्रा एजेन्सि (NTA), फरायसालि आरो गोजौसिन सोलोंथाइनि सामलाइयारि आफादफोर, हायुडारि सोलोंथाइयारि बिजिरसं आरो फोरोंथाइ आफाद (NCERT), हादरसायारि सोलोंथाइयारि बिजिरसं आरो फोरोंथाइ आफाद (SCERT), फरायसालि आरो नायबिजिरनायनि थाखाय समफारि आरो मोनसे सानथांखि गोनांजों लोगोसे गोजौसिन सोलोंथाइ फसंथान (HEI) फोरजों दैदेनजानाय जागोन जाहाथे सोलोंथाइजों सोमोन्दो गोनां गासै आफादफोर नाडै सानथांखि लानायाव गावजों-गाव सोमोन्दो फोनांजाबना आरो गोरबलायनायनि गेजेरजों बिखान्थिया गावनि जिउमा आरो हास्थायनाय बादि मावफुंनायखौ रोखा खालामनो हायो।

27.2. मावफुंनाया गाहायाव होनाय खान्थिफोरजों दिन्थिलामा होजानाय जागोन। सेथि, बिखान्थिनि जिउमा आरो हास्थायनायखौ मावफुंनायानो बयनिखुइबो गोनांसिन आयदा। नैथि, बिखान्थिनि मावजेनराहाफोरखौ मोनसे थाखोनि आखुथाइयाव एबा खोन्दोफारियै मावफुंनाया जोबोर गोनांथार, बिखान्थिनि मोनफ्रोमबो आयदा बिन्दोहा गोबां आगान

फारि थानायलाय, जायफोरनि मोनफ्रोमबोआनो जाफुंसारै मावफुंनायनि थाखाय सिगांनि आगान फारिनि गोनांथि दं। थामथियाव, आगुथि होनाया बिखान्थिनि आयदा बिन्दोफोरखौ नांगौबादि ज'खोन्दोफारि साजायनायखौ रोखा खालामनो गोनांथार जागोन, आरो बांसिन गोनां आरो गोख्रैनां मावथाइफोरा सिगां मावग्रोनाय जाहाथे मोनसे गोख्रौं बिथा मोननो हायो। ब्रैथियाव, मावफुंनायनि आबुंथि एबा साग्लोबसारथिया गुबै मावनां जागोन, बे बिखान्थिनि नोजोरा जथाइ दावगानाय आरो गावजों-गाव सोमोन्दो गोनां बादियै बिखान्थि गैयै खोन्दो-खोन्दो मावनायनि सोलाय आबुडै मावफुंनायखौ रोखा खालामगोन जाय बैनोहास्थायनाय थांखिफोरखौ मोनफुंनो हानाय।बाथियाव, सोलोथाइया मोनसेआजावनाय आयदा जानायलाय बेयो मिरु आरो हादरसाफोरनि गेजेराव सांग्राडै सानथांखि खालामनाय, ज'यै नोजोर लाखिनाय आरो बानजायलायना मावफुंनायनि गोनांथि जागोन। द'थियाव, मिरु आरो हादरसा थाखोआव सुबुडारि, इसिंदाथाइ आरो राडारि गोनांथिफुखाफोरखौ समाव बिना लानाया बे बिखान्थिनि गोजोनथाव मावफुंनायनि थाखाय गोनांथि जागोन। जोबथारनायाव, गोबां स्रें-स्रें मावफुंनाय आगान फारिफोरनि गेजेराव फोनांजाबनायनिसांग्राडै बिजिरनाय आरो नायबिजिरनायागासै मावजेनराहाफोरनि गोरुबलायनाय गोहोमगोनां मावफुंनायखौ रोखा खालामनो थाखाय गोनांथार जागोन। बेयाव माखासे जर'खा मावथाइफोराव (जेरै- आगु गथ'सा जोथोन आरो सोलोथाइनि इसिंदाथाइ गाइसननायाव) सिगांग्रो रां-खाथाइनायबो दंफायो, जाय गासै उननि हाबाफारि आरो मावथाइफोरनि थाखाय मोनसे गोख्रौं बिथा आरो हेंथा गैयाजासे एबा मोजाडै दावगालांनायखौ रोखा खालामनायनि थाखाय गोनांथार जागोन।

27.3. गुबुन सोमोन्दो गोनां मन्थि-बिफानफोरनि हेफाजाबाव आरो सावरायनायाव मिरु आरो हादरसा सोरखार मोननैबो थाखोआव आयदा-लायै आयदा मावफुंनरा रोंग'साफोरनि आफाद दानानै होनाय जागोन जाय बे बिखान्थिनि थांखिफोरखौ खोन्दोफारियै आरो रोखा महराव मोनफुंनो थाखाय गोजौआव मुख'नाय खान्थि बादियै बे बिखान्थिनि मोनफ्रोमबो बिथिफोरनि थाखाय मोनसे आबुं मावफुंनाय सानथांखि खालामगोन। सुबुं फुंखा जौगाथाइ मन्थि-बिफान आरो हादरसाफोरा थिसननाय हानजाफोरनि गेजेरजों मोनफ्रोमबो मावथाइनि थाखाय थांखि खानाय थांखि बादियै बिखान्थिनि मावफुंनायनि दावगानायखौ बोसोरफ्रोमबो ज'यै नायफिननाय जागोन आरो नायफिननायफोरा मिरु सोलोथाइ बोसोनगिरि बर्डजों(CABE) बाहागो रानजानाय एबा सेयार खालामजानाय जागोन। 2030-40 माइथायनि जिथाइसिमआव गासै बिखान्थिया मावफुंनो हानाय महराव फैगोन, बेनि उनाव आरोबाव खेबसे आबुं नायफिननाय जागोन।

सुंथाब महर

ABC	सोलोंथाइयारि क्रेडिटबैंक
AC	उदां-खुंथाइ डिग्रि होग्रा फरायसालिमा (कलेज)
AEC	बैसोगोरा सोलोंथाइ मिरु
AI	आर्टिपिचियेल इन्टेलिजेन्स
API	एप्लिकेसन प्रग्रामिं इन्टारपेस
AYUSH	आयुर्बेदिक, य'गा आरो मिथिंगायारिफाहामथाइ, उन्नानि, सिद्धा आरोहमिउपेटिक
B.Ed.	बेचेलर अब इदुकेसन
B.Voc	हाबायारि सोलोंथाइनि रोंगाजालिया
BEO	दख'रा (खोन्दो) सोलोंथाइ मावख'गोरा
BITE	फोरोंगिरि सोलोंथाइनि दखरा फसंथान
BoA	थि खालामग्रा (सुथाइ) बर्ड
BoG	सासन खालामग्रा/खुंथाइ बर्ड
BRC	खोन्दो फुंखा मिरु
CABE	मिरु सोलोंथाइ बोसोनगिरि बर्ड
CBCS	सोलायमिन(सायख') बिथा क्रेडिट बिखान्थि
CBSE	मिरु सोलोंथाइ बोसोनगिरि बर्ड
CIET	सोलोंथाइयारि बिरोंदामिननि मिरु फसंथान
CMP	जिउखांथाइ सामलाइनाय आरो दावगानाय
CoA	बुमिनसारनि आफाद
CPD	अराय(सोलिफु) जिउराहायारि दावगानाय
CRC	थुबुर फुंखा मिरु
CWSN	जर'खा गोनां जानाय गथ'साफोर
DAE	गुन्द्रासायारि गोहो बिफान
DBT	जिव-बिरोंदामिन बिफान
DEO	जिल्ला सोलोंथाइ मावख'गोरा
DIET	जिल्ला सोलोंथाइ आरो फोरोंथाइ फसंथान
DIKSHA	गियान होलाय-लालाय खालामलायग्रा डिजिटेल इंसिंदाथाइ
DSE	फरायासालि सोलोंथाइनि बिथोनगिरिख'
DST	बिगियान आरो बिरोंदामिन बिफान
ECCE	आगु गथ'सा जोथोन आरो सोलोंथाइ
EEC	मुंदांखा रोंग'सा आफाद
GCED	बुहुमनां हायुंसा सोलोंथाइ
GDP	गासै नखरारि दिहुनथाइ
GEC	सरासनस्रा सोलोंथाइ आफाद
GER	गासै मुंथिसननाय रुजुज'खा
GFR	सरासनस्रा राडारि नेम
HECI	भारतारि गोजौसिन सोलोंथाइ आयोग

HEGC	गोजौसिन सोलोंथाइ गनायथि(अनसुंथाइ) आफाद
HEI	गोजौसिन सोलोंथाइ फसंथान
ICAR	भारतारि आबाद बिजिरसं आफाद
ICHR	भारतारि जारिमिनारि बिजिरसं आफाद
ICMR	भारतारि फाहामथाइ बिजिरसं आफाद
ICT	खारि(फोरमायथि) आरो सुंजाब बिरोंदामिन
IDP	फसंथानआरि दावगानाय सानथांखि
IGNOU	इन्दिरा गान्धी हायुडारि उदां मुलुगसोलोंसालि
IIM	भारतारि सामलाइ फसंथान
IIT	भारतारि बिरोंदामिन फसंथान
IITI	भारतारि रावसोलायनाय आरो बुंस्लायनाय फसंथान
ISL	भारतारि इसारा राव
ITI	दारिमिनआरि फोरोंथाइ फसंथान
M.Ed.	माष्टार अब इडुकेसन
M.Phil	माष्टार अब फिल'सफि
MBBS	मुलि आरो सावहाखावनि रोंगाजालिया (बेचेलर)
MERU	बांआयदायारि सोलोंथाइ आरो बिजिरसं मुलुगसोलोंसालि
MHFW	सावस्त्रि आरो नखर अनसाय मन्थ्रि-बिफान
MHRD	सुबुं फुंखा जौगाथाइ मन्थ्रि-बिफान
MoE	सोलोंथाइ मन्थ्रि-बिफान
MOOC	हानजा उदां अनलाइन कर्स
MOU	बुजिल्लायनायनि गोसोखांलाइ
MWCD	आइजो आरो गथ'सा दावगानाय मन्थ्रि-बिफान
NAC	हायुडारि गनायथि आफाद
NAS	हायुडारि मोनफुंनाय जरिब
NCC	हायुडारि केडेट सान्थ्रि-हानजा
NCERT	हायुडारि सोलोंथाइयारि बिजिरसं आरो फोरोंथाइ आफाद
NCF	हायुडारि फरायफारि खाथाम
NCFSE	फरायसालि सोलोंथाइनि थाखाय हायुडारि फरायफारि खाथाम
NCFTE	फोरोंगिरि सोलोंथाइनि थाखाय हायुडारि फरायफारि खाथाम
NCIVE	हाबायारि सोलोंथाइ खौसेथिनि थाखाय हायुडारि आफाद
NCPFECCE	आगु गथ'सा जोथोन आरो सोलोंथाइनि हायुडारि फरायफारिआरो फोरोंथाइ- आदबरखान्थियारि खाथाम
NCTE	हायुडारि फोरोंगिरि सोलोंथाइ आफाद
NCVET	हाबायारि सोलोंथाइ आरो फोरोंथाइनि थाखाय हायुडारि आफाद
NETF	हायुडारि सोलोंथाइयारि बिरोंदामिन फराम
NGO	सरकारि-नडै आफाद
NHEQF	हायुडारि गोजौसिन सोलोंथाइ रोंगौथि खाथाम
NHERC	हायुडारि गोजौसिन सोलोंथाइ सामलाइ आफाद

NIOS	हायुडारि उदां फरायसालि फसंथान
NIT	हायुडारि बिरॅदामिन फसंथान
NITI	भारत महर सोलायहोग्रा हायुडारि फसंथान
NPE	सोलॅथाइनि हायुडारि बिखान्थि
NPST	फोरॅगिरिफोरनि थाखाय हायुडारिजिउराहायारि मानथाखो
NRF	हायुडारि बिजिरसं गायसंनाय/बिथा
NSQF	हायुडारि सोलो रॅगौथि खाथाम
NSSO	हायुडारि नमुना जरिब मावरख'
NTA	हायुडारि आन्जाद लाग्रा एजेन्सि
OBC	गुबुन गोल्लैसोनाय हारिफोर
ODL	उदां आरो जानथाइ सोलॅनाय
PARAKH	आबुं दावगानायनि थाखाय गियाननिदिन्थिफुंनाय थि खालामनाय (सुथाइ), नायफिननाय,बिजिरनाय
PCI	भारतनिपामार्सि आफाद
PFMS	सुबुडारि रंडारि सामलाइनाय बिखान्थि
Ph.D	डक्त'र अब फिल'सफि
PSSB	जिउराहायारि मानथाखो खाना होग्रा आफाद
PTR	फरायसा फोरॅगिरि रुजुज'खा
R&I	बिजिरसं आरो गोदानारि सानखांथि
RCI	भारतनि गायसनफिननाय आफाद
RPWD	नोरजिया गथ'सानि मोनथाइ
SAS	हादरसायारि मोनफुंनाय जरिब
SC	बोनजानाय हारि (SC)
SCDP	फरायासालि सोरबॅखन/थुबुर दावगानाय सानथांखि
SCERT	हादरसायारि सोलॅथाइयारि बिजिरसं आरो फोरॅथाइ आफाद
SCF	हादरसायारि फरायफारि खाथाम
SCMC	फरायसालि सोरबॅखन सामलाइ आफाद
SDG	जोरथाइ दावगानाय थांखि
SDP	फरायसालि दावगानाय सानथांखि
SEDG	समाजआरि-रंखान्थियारि बिथिडाव गोल्लैसोनाय हानजा
SEZ	जर'खा सोलॅथाइ ज'न
SIOS	हादरसायारि उदां फरायसालि फसंथान
SMC	फरायसालि सामलाइ आफाद
SQAAP	फरायसालिनि गुन सुथाइ आरो गनायथि होनाय खाथाम
SSA	सर्ब' शिक्षा अभियान
SSS	गोरलै मानथाखोनि संस्कृत
SSSA	हादरसायारि फरायसालि मानथाखो बिगोमा/खुंथाइ-गोहो
ST	बोनजानाय हारिसा (ST)
STEM	बिगियान, बिरॅदामिन, सोरदिडारि आरो सानखान्थि

STS	संस्कृतनि गेजेरजों संस्कृत
SWAYAM	हास्थायग्रा गोसो गोनां जौमोननि थाखाय सांग्रां सोलोंनायनि फरायसं वेब
TEI	फोरोंगिरि सोलोंथाइ फसंथान
TET	फोरोंगिरि उदायथि आन्जाद
U-DISE	सोलोंथाइनि थाखाय रोखोमसे जिल्ला खारि बिखान्थि
UGC	मुलुगसोलोंसालि गनायथि आफाद
UNESCO	सोलोंथाइयारि, बिगियानारि आरो हारिमुआरि जथाइ हायुं आफाद
UT	जथाइ हायुं आवथा
VCI	भारतनि मि-फाहामथाइ आफाद
